

Excerpta De
Ecclesiasticum Officium
Secundum
**Ordinem Fratrum
Predicatorum**

In Hoc Volumine
Per Quatuordecim Libros
Distinctum Hoc Ordine Continetur

Humberti de Romanis

1259

Index	
Index	ii
Foreword	viii
Introduction	viii
Ordinarium	1
Incipit Ordinarium	1
De Pulsationibus	1
De Quo Officium Sit Agendum	1
De Prostrationibus Dimittendis	1
De Responsorio in Primis Vesperis Dominice	1
De Oratione Dominicali	1
De Matutinis Dominice	2
De Divisione Hystorie Dominicalis per Ebdomadam	3
Ubi Adventus Domini Celebrandus Sit	3
Adventus Domini usque ad Epiphanie Domini	3
Epiphanie Domini usque ad Septuagesimam	3
Commune Sanctorum	5
De Festis in Communi	5
De Concomitantia Festivitatem	6
De Translatione Festivatum	7
De Festo Trium Lectionum	8
De Festo Simplici	9
De Festo Semiduplici	9
De Festo Duplici	9
De Festo Toto Duplici	10
De Octavis Sanctorum	11
De Memoriis Faciendis	12
De Ordine Memoriarum	13
De Festivitatibus Extraordinariis	14
De Matutinis In Sero Post Completorium Dicendis	14
De Orationibus et Vigiliis Sanctorum	14
Que Requirenda Sint in Communi Sanctorum	15
De Officio Defunctorum	16
De Antiphona Cantanda Post Completorium Ad Re- commendandum Ordinem Et Fratres Beate Virginis	19
De Disciplinis Recipiendis Post Completorio	20
De Oratione Pro Capitulo Generali Et Per Pergentibus Ad Illud	21
De Pretiosa	21
Martyrologium	23
Anniversaria et Obitus	23
Kalendarium in Quo Solum Anniversaria et Obitus Re- citandi Per Annum Continentur	23
Rubrice	24

De Officio Legende De Kalendario et Luna et Martyro- logyo et Aliis His Annexis	24
--	----

Collectarium 25

Kalendarium Sanctorum	25
Januarius	25
Februarius	26
Martius	27
Aprilis	28
Maius	29
Iunius	30
Iulius	31
Augustus	32
Septembris	33
Octobris	34
Novembris	35
Decembris	36

Rubrice	37
De Varietatibus Terminationum in Orationibus	37
De Confiteor Quomodo Sit Dicenda	37
De Modo Dicendi Preces	38
Quomodo Terminande Sunt Hore a Sacerdote	39
Benedictiones Lectionum in Matutinis	39
Benedictiones in Festis Beate Virginis	39
De Disciplinis Post Completorium	40
De Preciosa	40
De Collatione	42
Ante Completorium	42

Psalterium 43

Dominica ad Matutinum	43
Feria II ad Matutinum	59
Feria III ad Matutinum	70
Feria IV ad Matutinum	80
Feria V ad Matutinum	89
Feria VI ad Matutinum	101
Sabbato ad Matutinum	113
Dominica ad Vesperas	124
Feria II ad Vesperas	127
Ad Primam	129
Ad Tertiam	130
Ad Sextam	132
Ad Nonam	134
Feria III ad Vesperas	137
Feria IV ad Vesperas	138

Feria V ad Vesperas	140
Feria VI ad Vesperas	143
Sabbato ad Vesperas	146
Canticis	150
De Officio Beate Virginis	164
De Officio Beate Virginis Cotidiano	164
Ad Vesperas	164
Ad Completorium	165
Ad Matutinas	166
In Laudibus	168
Ad Primam	168
Ad Tertiam	169
Ad Sextam	169
Ad Nonam	169
Breviarium	171
Rubrice Temporum	171
De Quo Officium Sit Agendum	171
De Responsorio in Primis Vesperis Dominice	171
De Oratione Dominicali	171
De Omelia Dominicali Quando Legenda vel Transfe- renda vel Officio Dimittenda Sit	172
De Divisione Hystorie Dominicalis per Ferias	172
Ubi Adventus Domini Celebrandus Sit	173
Proprium de Tempore	173
Dominica Prima in Adventu Domini Sabbato Precedenti	173
Dominica Secunda Sabbato Precedenti	179
Dominica Tercia Sabbato Precedenti	182
Dominica Quarta Sabbato Precedenti	189
Antiphone Dicende In Laudibus Per Sex Ferias Ante Vigiliam Natalis Domini Secundum Ordinem Feriarum	192
O Antiphone	193
In Vigilia Natalis Domini	194
In Natali Domini Ad Matutinas	197
In Circumcisione Domini	207
In Epiphania Ad Matutinas	212
Per Octavas Epiphanie	218
In Octava Epyphanie	221
Dominica Prima Post Octavas Epyphanie Sabbato Pre- cedenti	224
Ad Completorium	225
Feria Secunda	235
Feria Tercia	236

Feria Quarta	237
Feria Quinta	238
Feria Sexta	239
Sabbato	240
Dominica Secunda Post Octavas Epyphanie	241
Dominica Tertia Post Octavas Epyphanie	243
Dominica Quarta Post Octavas Epyphanie	245
Dominica Quinta Post Octavas Epyphanie	246
Dominica in Septuagesima Sabbato Precedenti	248
Dominica in Sexagesima Sabbato Precedenti	251
Dominica in Quinquagesima Sabbato Precedenti	254
Feria Quarta In Capite Ieiunii	258
Dominica Prima in Quadragesima Sabbato Precedenti	259
Dominica Secunda in Quadragesima Sabbato Precedenti	267
Dominica Tertia in Quadragesima Sabbato Precedenti	271
Dominica Quarta in Quadragesima Sabbato Precedenti	276
Dominica in Passione Sabbato Precedenti	281
Dominica in Ramis Palmarum Sabbato Precedenti	288
Feria Quinta in Cena Domini	293
Feria Sexta in Parascheve	299
In Sabbato Sancto Pasche	303
In Die Pasche	307
Dominica in Octavis Pasche Sabbato Precedenti	318
Dominica Prima post Octavas Pasche Sabbato Precedenti	326
Dominica Secunda post Octavas Pasche Sabbato Precedenti	328
Dominica Tercia post Octavas Pasche Sabbato Precedenti	330
Dominica Quarta post Octavas Pasche Sabbato Precedenti	332
In Vigilia Ascensionis	335
In Die Ascensionis Domini	337
Dominica Infra Octavis	341
In Octava Ascensionis	343
In Vigilia Pentecostes	344
In Die Pentecostes	346
In Festo Sancte Trinitatis	355
Dominica Prima post Festum Trinitatis	360
Dominica Secunda	363
Dominica Tercia	364
Dominica Quarta	365
Dominica Quinta	366
Dominica Sexta	367
Dominica Septima	368

Dominica Octava	369
Dominica Nona	370
Dominica Decima	371
Sabbato ante Primam Dominicam Augusti	372
Sabbato ante Primam Dominicam Septembris	374
Sabbato ante Terciam Dominicam Septembris	377
Sabbato ante Primam Dominicam Octobris	381
Dominica Secunda	383
Dominica Tercia	384
Dominica Quarta	385
Dominica Quinta	385
Sabbato ante Primam Dominicam Novembris	387
Dominica Secunda	389
Dominica Tercia	390
Dominica Quarta	391
Dominica Quinta	392
Serie Evangeliorum Cum Orationibus	393
In Dedicatione Ecclesie	415
In Dedicatione Ecclesie et in Anniversario Eiusdem	416
Rubrice Sanctorum	422
De Festis in Communi	422
De Concomitantia Festivitatem	423
De Translatione Festivatum	424
De Festo Trium Lectionum	425
De Festo Simplici	426
De Festo Semiduplici	426
De Festo Duplici	426
De Festo Toto Duplici	427
De Octavis Sanctorum	427
De Memoriis Faciendis	428
De Ordine Memoriarum	430
De Festivitatibus Extraordinariis	430
De Matutinis In Sero Post Completorium Dicendis	430
De Orationibus et Vigiliis Sanctorum	430
Que Requirenda Sint in Communi Sanctorum	431
Proprium Sanctorum	431
In Vigilia Sancti Andree	431
Sancti Nicholai Episcopi	434
Sancti Damasi Pape	437
Sancte Lucie Virginis et Martiris	437
Sancti Thome Apostoli	437
Sancti Stephani Prothomartiris	438
Sancti Iohannis Evangeliste	441
Sanctorum Innocentum	444

Sancti Thome Episcopi et Martiris	.448
Sancti Silvestri Pape	.449
Sancti Pauli Heremite	.450
Sanctorum Hylarii et Remigii Episcoporum	.450
Sancti Felicis Presbiteri et Confessoris	.450
Sancti Mauri Abbatis	.450
Sancti Marcelli Pepe et Martiris	.450
Sancti Antoni Abbatis	.450
Sancte Prisce Virginis et Martyris	.450
Sanctorum Fabiani et Sabastiani Martirum	.451
Sancte Agnetis Virginis et Martyris	.451
Sancti Vincentii Martyris	.453
Sancte Emerentiane Virginis et Martyris	.455
In Conversione Sancti Pauli	.455
Sancti Iuliani Episcopi et Confessoris	.458
Sancte Agnetis Secundo	.458
Sancti Ignatii Episcopi et Martyris	.459
In Festo Purificationis Beate Marie	.459

Incipit Ordinarium

De Pulsationibus

QUANDO fratres debent ad Divinum Officium convenire, duo fiant. Cum autem una hora immediate post aliam est dicenda, ad secundam horam non fiat signum, preterquam ad Vesperas in quadragesima, ad quas semper faciendum est signum sive post Nonam immediate, sive Missa mediante dicantur. Ad Laudes vero post matutinas, et ad gratias post comestionem, nullo tempore pulsetur. Ad Missam vero semper est faciendum signum, similiter et ad horam que dicitur immediate post Missam, nisi quando dicta Missa post Primam, Tercia continuatur Misse. Tunc enim non est signum pro Tercia faciendum.

De Quo Officium Sit Agendum

NOTANDUM quod per totum annum Officium tam diei quam noctis ad Horas, faciendum est de Tempore, nisi in festis Sanctorum, et per Octavas et in Octavis eorum, et nisi in Sabbatis quando de Beata Virgine agitur in conventu. Quando igitur de Tempore fuerit faciendum, omnibus Dominicis extra Tempus Paschale, faciente sunt novem lectiones in Matutinis. In profestis autem diebus per totum annum

fiant tantum tres, nisi in Triduo ante Pascha. Tempus autem Paschale vocatur Missa de vigilia Pasche, et deinceps usque ad primas Vesperas Trinitatis exclusive.

De Prostrationibus Dimittendis

IN omni Sabbato ante Dominicam prostrationes dimittantur in Nona, preterquam in Quadragesima. In Vesperis vero Sabbati et deinceps usque ad Completorium Dominice inclusive, per totum annum nulle fiunt prostrationes ad Horas. Sic autem de Dominica est agendum.

De Responsorio in Primis Vesperis Dominice

OMNI tempore quando hyistoria dominicalis in sua prima Dominica inchoatur, responsum dicendum est in primis Vesperis, et ab uno. Quando vero propter aliquod impedimentum Dominica non habet primas Vesperas, vel hyistoria dominicalis non cantatur in Dominica in qua primo debuit inchoari: responsum in Vesperis de cetero non dicatur.

De Oratione Dominicali

NOTANDUM est quod oratio Dominicalis semper dicenda est in Sabbato precedenti ad Vesperas, et in ipsa Dominica ad omnes Horas tam diei

quam noctis quando de Dominica agitur, preterquam in Prima et in Completorio. Et hoc sciendum quod ubicumque in Ordinario vel in Collectario dicitur *lex oratio dicitur talis vel talis, hec vel illa oratio dicatur ad Horas*, nunquam intelligitur de Prima neque de Completorio nisi specialiter exprimatur. Dicenda est etiam oratio Dominicalis per ferias sequentis ebdomade usque ad Vesperas Sabbati exclusive, ad omnes Horas tam diei quam noctis quando de Tempore agitur, nisi in ieiuniis Quatuor Temporum Adventus, et in quarta feria Cinerum et deinceps usque ad Dominicam in Albis exclusive, et nisi in tribus diebus Rogationum, et nisi in ebdomada Pentecostes, et nisi due aut plures orationes Dominicales infra ebdomadam sint dicende. Quando vero due vel plures orationes infra unam ebdomadam dicende fuerint, postquam una infra ebdomadam fuerint, postquam una infra ebdomadam fuerit incepta, dicitur quando de Tempore agitur usque dum alia inchoetur: et sic deinceps si plures dicende fuerint. Ille autem orationes que infra ebdomadam inchoantur, semper sunt in Laudibus inchoande. Hoc etiam sciendum quod oratio que dicitur ad Laudes, semper dicenda est ad Tertiam et Sextam et Nonam, nisi in ieiuniis

Quatuor Temporum Adventus, et in duobus diebus Rogationum. Dicitur etiam ad Vesperas quando agitur de eodem de quo in Laudibus, nisi per ferias in Quadragesima, et in duobus diebus Rogationum.

De Matutinis Dominice

OMNIBUS Dominicis quando de simplici Dominica agitur, invitatorium a duobus cantetur, singula responsoria a singulis fratribus in matutinis dicantur. In omni autem Dominica nisi festum vel Octava dies festi habentis Octavam impediat tres ultime lectiones de expositione Evangelium Dominicali legantur, preterquam in vigilia Natali Domini quando in Dominica evenerit. Tunc enim omelia dominicalis omittitur illo anno. Et nisi quando aliquam vigilia habens propriam omeliam in Dominica evenerit. Tunc enim tres ultime lectiones erunt de omelia vigilie, et omelia Dominicali in aliquam feriam transferetur, preterquam in vigilia Sancti Andree quando in Dominica evenerit. Tunc enim omelia domicalis legenda est, et omelia de vigilia illo anno penitus dimittenda. Quando vero propter aliquod impedimentum Dominicalis omelia non legitur in Dominica, semper infra ebdomadam suam in aliqua feria est legenda, nisi quando festum sancti Silvestri

in Dominica evenerit, et quando festum Beati Petrus Martyris, vel Apostolorum Philippi et Iacobi, vel Sancte Crucis, vel Corone Domini, in Dominica ante Ascensionem evenerint. Tunc enim omelia dominicalis dimittitur illo anno. Dimittuntur etiam due ultime omelie dominicales que sunt post Domine ne in ira, quando inter octavas Epyphanie et Septuagesimam non sunt ferie vacantes in quibus possint legi. Similiter et omelia Evangelii *Loquente Ihesu* dimittitur quando tantum viginti due septimane fuerint inter Deus omnium et Adventum, si in vicesima secunda septimana non fuerint tot ferie vacantes, quod omnia Evangelia legi possint. *Te Deum* dicatur omnibus Dominicis preterquam in Adventu, et in Septuagesima et deinceps usque ad Pascha exclusive, nisi quando festum Purificationis in Septuagesima vel Sexagesima vel Quinquagesima evenerit. Psalmi *Dominus regnavit decorum, Iubilate, Deus deus canticum Benedicite*, et psalmi *Laudate dominum de celis*, dicantur in Laudibus omnibus diebus Dominicis preterquam in Septuagesima et deinceps usque ad Pascha exclusive, nisi festum Purificationis in Septuagesima vel Sexagesima vel Quinquagesima evenerit.

De Divisione Hystorie Dominicalis per Ebdomadam

SCIENDUM quod per totum annum responsoria de hystoria dominicali per ebdomadam quando de Tempore agitur, hoc ordine sunt dicenda. Videlicet in secunda et quinta feria tria prima, in tertia et sexta feria tria media, in quarta feria et Sabbato tria ultima. Et hoc observandum est nisi aliter sint signata. Quando autem festum aliquod infra ebdomadam celebratur, nichilominus ordo predictus in reliquis feriis observetur.

Ubi Adventus Domini Celebrandus Sit

ADVENTUS Domini semper celebrari debet in Dominica que vicinior est diei Sancti Andree sive precedat sive sequatur, vel in ipso die Sancti Andree quando in Dominica evenerit. Omnia que ad Horas tam diei quam noctis per totum Adventum dicenda sunt, que in Ordinario vel in Antiphonario non sunt notata, dicenda sunt secundum quod in Dominica Domine ne in ira et in eius feriis sunt signata.

NOTANDUM quod hystoria Domine ne in ira, debet cantari in diebus Dominicis usque ad Septuagesimam exclusive, responsoria vero ferialia in festivitates impediunt omnibus diebus infra ebdomadam sunt cantanda usque ad

Septuagesimam, preterquam in Sabbatis in quibus de Beata Virgine est agendum. Providendum tamen quod quando primum Sabbatum quod est post Octavam Epyphanie, fuerit omnino vacans ita quod non sit in eo festum trium lectionum vel maius, tunc in ipso Sabbato fiat Officium feriale, et cantentur responsoria que pro Sabbato sunt signata. Hoc autem contingit quandocumque Octava Epyphanie est in Dominica, nisi Septuagesima fuerit in proxima Dominica immediate, videlicet in festo Fabiani et Sebastiani, quia tunc festum predictorum martyrum est in Sabbato celebrandum. Alias vero nunquam contingit. Considerandum est autem diligenter utrum inter Octavam Epyphanie et Septuagesimam tot sint dies Dominici quod sunt Dominicalia Officia et orationes, ut in ipsis dicantur. Si vero non sint tot dies Dominici, dicantur per ferias, tali quidem die si fieri potest in quo nulla sit festivitas. Quod si necessitas coegerit ut in illa die dicatur Officium Dominicale in qua festum trium lectionum occurrerit, memoria tantum fiat de festo. Ad Matutinum autem omelia, et antiphona ad *Benedictus* et ad *Magnificat* et Missa in die, de Dominica erunt. Quando vero inter Octavam Epyphanie et Sep-

tuagesimam nulla est Dominica vacans in qua possit cantari hystoria Domine ne in ira tunc responsoria de Psalmis que per ferias notata sunt, vel etiam Officium de festis trium lectionum, sunt intermittenda, et hystoria Domine ne in ira per ferias cantetur. Propter orationes autem et Evangelia que post duo officia posita sunt, non debet intermitteri festum trium lectionum, nec in Sabbato Officium de Beata Virgine. Sciendum igitur quod si Septuagesima evenerit decimo quinto kalendas Februarii scilicet in festo Prisce, tunc in quarta feria precedenti que est immediate post Octavam Epyphanie, hoc est in die Felicis, legendum est omelia de nuptiis, et cantanda sunt tria ultima responsoria de hystoria Dominicali, et sequenti die, scilicet in festo Mauri quod erit quinta feria legende sunt tres prime lectiones de Paulo ad Romanos, et cantanda tria prima responsoria hystorie Dominicalis. In sexta vero feria, scilicet in die Marcelli legenda est omelia *Cum descendisset* et cantanda sunt tria media responsoria hystorie predicte. In Sabbato autem hoc est in die Antonii, fiet de Beata Virgine. Quando vero Septuagesima evenerit decimo quarto kalendas Februarii, tunc in tertia feria precedenti que erit im-

mediate post Octavam Epiphanie, hoc est in die Felicis, legantur tres prime lectiones de Paulo, et cantentur tria media responsoria hystorie Dominicalis. In quarta autem feria sequenti hoc est in die Mauri, legatur omelia de nuptiis, et cantentur tria ultima responsoria hystorie Dominicalis. In quinta vero feria hoc est in die Marcelli, legatur omelia *Cum descendisset* et cantentur tria prima responsoria hystorie predicte. In sexta feria fiat festum Antonii. In Sabbato vero fiat de Beata Virgine. Quando autem Septuagesima evenerit decimo tertio kalendas Februarii, tunc in secunda feria precedenti que erit immediate post Octavam Epyphanie, legantur prime tres lectiones de epistola Pauli ad Romanos, et cantentur tria prima responsoria hystorie Dominicalis. In tertia feria fiat festum Mauri. In quarta feria hoc est in die Marcelli, legatur omelia de nuptiis, et cantentur tria ultima responsoria hystorie Dominicalis. In quinta feria fiat festum Antonii. In sexta vero feria hoc est in die Prisce, legatur omelia *Cum descendisset* et cantentur tria media responsoria hystorie predicte. In Sabbato fiet festum Fabiani et Sebastiani.

De Festis in Comuni

IN quacumque die festum simplex vel maius occur-

rerit, in ea celebrabitur, preterquam in Dominicis Adventus, et preterquam in Septuagesima et Dominics sequentibus usque ad Ramos inclusive, et preterquam in die Cinerum, et preterquam in feria secunda post Ramos et deinceps usque ad Dominicam in Albis inclusive, et preterquam in die Ascensionis et in Octava eius, et in vigilia Pentecostes et deinceps usque ad festum Trinitatis inclusive. Excipitur festum Purificationis quod nunquam transfertur, et festum Annuntiationis, de quo fiat sicut infra in rubrica *De Translatione Festivitatum* notatum est. Festum etiam trium lectionum fiat in quacumque die occurrerit, nisi in Dominica, vel nisi festum simplex vel maius in eo fuerit celebrandum, et nisi quando hystoria Domine ne in ira propter brevitatem temporis inter Octavas Epiphanie et Septuagesima, in festo trium lectionum fuerit cantanda, et nisi in quarta feria Cinerum et deinceps usque ad Octavas Pasche inclusive, et nisi in prima die Rogationum, et deinceps usque ad Octavas Ascensionis inclusive, et in vigilia Pentecostes et deinceps usque ad Deus omnium inclusive, et nisi in Sabbatis quando de Beata Virgine agitur in conventu, et in ieiuniis Quatuor Temporum Septembris.

De Concomitantia Festivitatem

SI festum simplex vel maius post festum totum duplex immediate evenierit, primum festum scilicet totum duplex, in suo die habebit totas Vesperas, et de festo sequenti memoria tantum fiat. Excipitur festum Beati Patri Martyris, et festum Translationis Beati Dominici, quando aliquod eorum in vigilia Ascensionis occurrerit, quia tunc secundas Vesperas non habebit. Si vero festum totum duplex in crastino festi simplicis vel semiduplexis aut duplicis occurrerit celebrandum, festum totum duplex in primis Vesperis a principio inchoabitur, et de festo illius diei memoria tantum fiet. Si autem festum semiduplex occurrerit post festum semiduplex vel simplex, in die primi festi in Vesperis psalmi de ipso primo festo erunt, antiphona vero super psalmos, et capitulum et que sequuntur erunt de festo sequenti, et de festo illius diei fiet memoria. Quando vero festum simplex post festum semiduplex evenierit, festum semiduplex habebit in die suo totas Vesperas, et de festo simplici sequenti memoria tantum fiet. Quando autem unum festum simplex post aliud simplex evenierit, primum festum in die suo habebit in Vesperis antiphonam et psalmos. Ca-

pitulum vero et que sequuntur de sequenti festo erunt, et memoria fiet de primo festo. Quod de festo simplici et semiduplici supradictum est: intelligendum est quando primum festum habuit primas Vesperas. Si enim propter aliquod impedimentum festum semiduplex vel simplex non habuisset primas Vesperas, habere debet secundas, nisi festum duplex vel totum duplex sequatur. Si festum simplex vel maius in quocumque Sabbato fuerit celebrandum, habebit festum in ipso Sabbato totas Vesperas, etiam si Dominica secundas Vesperas non habeat, nisi in Sabbatis Adventus, et in Sabbato ante Septuagesimam et deinceps in Sabbatis usque ad Pascha, in quibus festum simplex vel semiduplex, in Vesperis habebit psalmos et antiphonam, a capitulo vero inchoabitur de Dominica, et memoria postea de festo fiet. Festum vero duplex vel totum duplex omni tempore habebit totas Vesperas, et de Dominica sequenti memoria tantum fiet. Quando autem festum simplex post Dominicam occurrerit, psalmi et antiphone de Dominica erunt, capitulum et que sequuntur de festo. Si vero semiduplex vel duplex fuerit, psalmi de Dominica erunt, antiphona vero super psalmos et capitulum

et que sequuntur, de festo sequenti erunt. Festum vero totum duplex a principio inchoabitur, et habebit totas Vesperas, et de Dominica fiet memoria. Sciendum autem quod Dominica infra octavas in omnibus censetur sicut festum simplex, nisi quantum ad primas vespas, quando festum aliquod simplex infra octavas in Sabbato evenierit.

De Translatione Festivitatum

SI festum simplex vel maius in aliqua Dominica Adventus evenierit, vel in Dominica Septuagesime et deinceps in aliqua Dominica usque ad Ramos exclusive, in secundam feriam transferatur, excepto festo Purificationis quod non transfertur, et festo Sanctorum Fabiani et Sebastiani, quod in precedenti Sabbato celebrandum est, et festo Sancte Agnetis, quod in crastinum Sancti Vincentii transferatur, si aliquod ipsorum in Dominica Septuagesime evenierit. Quodcumque autem festum simplex vel maius in die Cinerum occurrerit, in precedenti tertia feria celebretur. Quando vero festum simplex vel supra in Dominica de Ramis Palmarum vel deinceps usque ad octavas Pasche inclusive evenierit, si simplex fuerit, illo anno nichil de eo fiat nisi memoria in Dominica et in secunda et tertia feria in utrisque Vesperis et

in Laudibus, et in quarta feria in Laudibus. Semiduplex autem et maius in ebdomadam post octavas Pasche transferatur, preter festum Annuntiationis, quod si certo die generaliter ab omnibus fuerit in Patria celebrandum: celebretur etiam a fratribus ipso die, alioquin sicut dictum est de aliis transferatur. Festivitates vero que in predictam ebdomadam transferentur, celebrentur per ferias vacantes ipsius septimane, eo ordine quo fuerint intermissee. Ita tamen quod si festum aliquod nisi trium fuerit lectionum, aliqua die predictae ebdomade occurrerit, in sua die celebretur, nec propter aliud festum extra suam diem transferatur. Quodlibet autem festum quod in secunda feria et deinceps per hanc ebdomadam fuerit celebrandum habebit primas Vesperas, et in secundis fiet de eo memoria, si aliud immediate fuerit celebrandum, nisi sit totum duplex, quod habebit etiam secundas Vesperas, in quibus fiet tantum memoria de festo celebrando post ipsum immediate. Festum vero sequens post totum duplex habebit secundas Vesperas, et sic deinceps si plura successive et immediate occurrerint celebranda. Quod si festum simplex vel maius in die Ascensionis vel in Octava eius evenierit in sequentem sextam feriam transferatur. Si

vero in vigilia Pentecostes: in precedenti sexta feria celebratur. Si autem in die Pentecostes vel deinceps usque ad festum Trinitatis inclusive festum semiduplex vel maius occurrerit, transferatur in sequentem feriam post festum Trinitatis. Quod si simplex fuerit, illo anno nichil de eo fiat.

De Festo Trium Lectionum

SCIENDUM quod de festo trium lectionum nichil fit in Cena Domini et deinceps usque ad Dominicam in Albis inclusive, et in die Pentecostes et deinceps usque ad diem Trinitatis inclusive. Item quando-cumque festum totum duplex in die festi trium lectionum fuerit celebrandum. Omnibus autem diebus Dominicis, et quando tempus ita breve fuerit inter Octavas Epyphanie et Septuagesimam quod in feriis intervenientibus oportet cantari hystoriam Domine ne in ira et in quarta feria Cinerum et deinceps usque ad quartam feriam post Ramos inclusive, et in tribus diebus Rogationum, et infra octavas Ascensionis et in Octava, et in vigilia Pentecostes, et infra octavas Trinitatis, et infra octavas dedicationis et in octava die, tantum fit memoria de festo trium lectionum in Vesperas et in Laudibus, nisi quando in predictis temporibus festum totum duplex in die festi trium lectionum fuerit

celebrandum. Fit etiam tantum memoria de festo trium lectionum in Sabbatis quando de Beata Virgine agitur in conventu, et in ieiuniis quatuor temporum Septembris, et quando festum semiduplex propter translationem in die ipsius fuerit celebrandum. Quando vero festum trium lectionum in crastino Dominice vel festi simplicis aut semiduplicis debuerit celebrari, in primis Vesperis fiet tantum de ipso memoria, et sequenti de Officium de ipso erit in Matutinis et Laudibus et Horis diei, ad Nonam autem semper terminatur. Si autem in crastino totius duplicis celebrari debuerit, in precedenti die nichil fiet de eo, sed sequenti die Officium de ipso agatur ut predictum est. Quando vero in crastino ferie vacantis occurrerit, in Vesperis precedentibus ad capitulum inchoetur. Sic autem fiat, ad Matutinum invitorium sicut est notatum ab uno dicatur. Antiphona una super novem psalmos de festo. Versiculus ante lectiones et tria responsoria dicantur secundum feriam de hystoria que cantaretur si festum haberet novem lectionem extra tempus Paschale, excepto festo Praxedis, in quo semper dicantur tria ultima responsoria. Tempore vero Paschali dicantur tantum tres psalmi cum antiphona de festo Pa-

schalis temporis. Versiculus vero secundum ordinem nocturni. Tria responsoria sicut in festo simplici Paschalis temporis. Oratio sicut est notata. Cetera fiant sicut in festo simplici excepto quod non dicatur *Te Deum*, et prima antiphona Laudum sola dicitur in Laudibus super psalmos. Prostrationes autem non fiant quamdiu de eo agitur, similiter nec post gratiarum actiones quando in diebus ieiuniorum evenerit, et nunquam transferatur.

De Festo Simplici

FESTUM simplex subscripto modo celebretur, nisi maius festum precedens impediat. In primis Vesperis antiphone et psalmi secundam feriam qui dicerentur si de feria ageretur, vel psalmi de festo si precesserit, vel de Octavis quando infra Octavas evenerit, cum antiphona de festo precedenti vel de Octavis. Capitulum vero et que sequuntur de festo erunt. Responsorium in Vesperis non cantetur. Invitatorium a duobus dicatur. Novem lectiones fiant extra tempus Paschale. In tempore vero Paschali, tantum tres. Singula responsoria in Matutinis a singulis fratribus cantentur. Responsoria Horarum ab uno dicantur. *Te Deum* cantetur nisi a Septuagesima usque ad Pascha, et nisi in festo Innocentium, quando extra Domi-

nicam fuerit. In Laudibus dicantur hi psalmi scilicet *Domini regnavit decorem, Iubilate II, Deus deus* canticum *Benedicite*, psalmis *Laudate Dominum de celis* cum quinque antiphonis. Que eciam dicantur ad Horas diei suo ordine quarta pretermissa. Et hoc generaliter observetur scilicet quod quodcumque antiphone Laudum ad Horas dicauntur, quarta intermittatur, sive de tempore sive de sanctis agatur. Prima vero earum in festo simplici dicatur in secundis Vesperis super psalmos, preterquam in festis que a Natali Domini usque ad Octavas Epyphanie occurrerint.

De Festo Semiduplici

IN festo semiduplici in primis Vesperis, una tantum antiphona dicatur de ipso festo super psalmos, psalmi feriales, vel de festo si precesserit, vel de Octavis si infra Octavas evenerit. Responsorium in primis Vesperis, et Tertium et Sextum et Nonum in Matutinis, a duobus cantentur. Cetera omnia fiant sicut in festo simplici super notatum est.

De Festo Duplici

IN festis duplicibus et totus duplicibus, Prior faciat Officium. Et sciendum quod quodcumque in ordinario dicitur Prior faciat hoc vel illud, vel Priori fiat hoc vel illud, intelligendum est solum quando ipse

facit Officium. Quod si aliud facit Officium loco eius, quicquid de Priore dicitur, de illo qui facit Officium intelligatur, preterquam in absolutione fratris qui fuerit inungendus. In omni festo duplici in primis Vesperis, una tantum antiphona de ipso festo super psalmos dicatur, et psalmi sicut in semiduplicibus, nisi in festo Circumcisionis. Officium in utrisque Vesperis, et in Matutinis et in Laudibus et in Missa, in dextro choro inchoetur, in quibus Horis cantor et succentor in medio chori stare debent, et chorum pariter regere. Omnis psalmos in predictis Horis et canticum *Benedicite* singulariter unusquisque in suo choro incipiat, ymnos vero et canticum *Magnificat* et *Te Deum* et canticum *Benedictus* ambo simul incipiant. Quando thurificandi sunt, stent in medio chori similiter. In predictis etiam Horis, antiphone a superioribus post Prelatum quando ipse facit Officium, inchoentur. Responsorium in primis Vesperis cantetur a quatuor quibus iniunctum fuerit a cantore, Cantor Priori antiphonam super *Magnificat* et super *Benedictus* ante canticum deferat et postea referat. Quicumque vero facit Officium in Horis predictis stet in dextro choro in suo ordine quousque vadit ad induendum capam sericam.

In aliis autem Horis non transferatur chorus. Incepta antiphona ad *Magnificat* in utrisque Vesperis et ad *Benedictus* in Laudibus thurificetur altrare secundum modum qui in rubrica *De Thurificatione* notatur est. Versiculi et responsoria Horarum a duobus dicantur. In Matutinis invitatorium quatuor incipiant, et duo illorum qui primi in tabula notati fuerint soli totum primum versum psalmi *Venite* dicant, et alii secundum, videlicet *Quoniam Deus* et sic deinceps usque in finem. Finito *Gloria Patri* et dicto *seculorum amen* a duobus tantum, et dicta reumptione a conventu, reincipiatur invitatorium a quatuor. Singula responsoria in Matutinis a duobus cantentur preter ultimum quod a quatuor dici debet. Quando ille qui facit Officium lecturus est ultimam lectionem, de benedictionem qui primus est in dextro choro. In secundis Vesperis dicantur psalmi sub una antiphona nisi in festo Circumcisionis. Cetera fiant sicut in festo simplici est notatum, excepto quod in Completorio et in Prima preces non dicantur, sed in Completorio dicta antiphona post *Nunc dimittis* et in Prima dicto *Confiteor*, statim subiungatur *Dominus vobiscum* et Oratio.

De Festo Toto Duplici

FESTUM totum duplex fiat in die Pasche et duobus se-

quentibus: In Ascensione Domini, In die Pentecostes et duobus sequentibus, In festo Trinitatis, In die Consecrationis Ecclesie et in Anniversario eiusdem, In festo Patroni Ecclesie Nostre, et in ceteris que in Calendario sunt notata. In omnibus autem festivitatis totis duplicibus ad primas Vesperas dicantur hi psalmi scilicet *Laudate Pueri, Laudate Dominum Omnes Gentes, Lauda anima, Laudate Dominum Quoniam Bonus, Lauda Iherusalem*, nisi in festo sancti Stephani et sancti Iohannis et Epyphanie et nisi in festo Pasche et duobus diebus sequentibus, et nisi in festo Pentecostes et duobus diebus sequentibus, et nisi in festo Translationis Beati Dominici quando post Ascensionem immediate celebratur. Quando responsorium cantatur in Vesperis, cantetur a quatuor, antiphona ad *Magnificat* et ad *Benedictus* tota cantetur ante cantici inceptionem. *Te Deum* in Matutinis omni tempore dicatur. Responsoria horarum cum *Alleluya* dicantur, nisi in Completorio Sabbati ante Septuagesimam et deinceps usque ad Pascha. Versiculi vero nunquam dicantur cum *Alleluya*, nisi in tempore Paschali. Cetera omnia fiant sicut supra in festo duplici est notatum, preterquam in die Natali et sancti

Stephani et sancti Iohannis et Epyphanie in quibus in secundis Vesperis dicuntur quinque antiphone super psalmos, et preterquam in festo Annuntiationis in quo quando in Quadragesima evenerit responsorium *In Pace* dicetur ab uno, et quod feria secunda et tertia post Pascha et Pentecosten, una tantum antiphona dicitur in Laudibus super psalmos.

De Octavis Sanctorum

FESTIVITATES sanctorum habentium Octavas, sunt he: Sancti Andree, Sancti Stephani, Sancti Iohannis Evangeliste, Sanctorum Innocentium, Sancti Iohannis Baptistae, Apostolorum Petri et Pauli, Beati Dominici, Sancti Laurentii, Assumptionis Beate Virginis, Sancti Augustini, Nativitatis Beate Marie, Sancti Martini. Preter istas Octavas nulle alie Octave sanctorum fiant, sive patronorum ecclesie, sive aliorum quorumcumque. Sic autem fiat Officium per Octavas sanctorum. Per omnes ferias infra Octavas sanctorum quando de Octavis agitur, ad matutinas Invitorium sicut in suis locis notatum est, Ymnus sicut in die. Una tantum antiphona de festo super novem psalmos. Prima die post festum dicatur prima antiphona de primo nocturno, secunda die secunda, et sic deinceps quot fuerint necessarie. Versiculus et tria responso-

ria de festo secundum feriam. Est autem dividenda hystoria per ferias eo modo quo supra de dominicali hystoria est notatum. *Te Deum* cotidie dicatur. Versiculus ante Laudes sicut in die. In Laudibus super psalmos prima antiphona Laudum. Capitulum, Ymnus, Versus, de die. Ad *Benedictus* antiphona, sicut est notata. Oratio sicut in die. Ad horas diei, antiphona, Capitula, responsoria, versiculus, Oratio, de festo: excepto quod si festum fuit totum duplex, responsoria tamen non dicuntur cum Alleluya, infra Octavas. Ad Vesperas antiphona, psalmi, Capitulum, hymnus, versiculus de festo. Ad *Magnificat* antiphona, sicut est notata. Oratio de festo. Cantus hymnorum sicut est notatus. Excipiuntur de predictis Octave Apostolorum Petri et Pauli et sancti Andree. In Octava autem die ad Vesperas precedentes psalmi de Octava, super psalmos prima antiphona Laudum de festo. Cetera fiant sicut in festo, servato modo festi simplicis. Excipiuntur Octava sancti Laurentii propter versus antiphonarum qui non dicuntur, et Octava Apostolorum Petri et Pauli, et Octava sancti Andree, sancti Stephani, sancti Johannis et sanctorum Innocentum. Octava eciam sancti Johannis Baptiste in secundis Vesperis habet propriam antiphonam

ad *Magnificat*. Dominica vero infra Octavas fiat sicut de Octava die notatum est, nisi quod antiphone ad *Benedictus* et ad *Magnificat* de die festi non dicantur, si alie per Octavas notate sint. Excipitur Dominica infra Octavas Beati Augustini quando in Kalendis Septembris evenerit. Quando autem omelia Dominicali legitur in aliqua feria infra Octavas, fiat totum aliud Officium de Octavis.

De Memoriis Faciendis

PER totum annum quando propter festum vel Octavas, de Dominica non fit plenum Officium, semper facienda est de ipsa memoria Sabbato precedenti in Vesperis, et in ipsa die in Laudibus et in Vesperis, preterquam in vigilia Natalis Domini in Vesperis, et in die Natalis et Circumcisionis et deinceps quodcumque Dominica fuerit usque in crastinum Epyphanie exclusive. Excipitur Dominica infra Octavas Natalis Domini, de qua nichil faciendum est nisi in crastino sancti Thome, vel in die sancti Silvestri, et Dominice infra Octavas Epyphanie et Ascensionis, de quibus in Sabbato precedenti nulla est memoria facienda. Fiat eciam memoria de tempore per omnes ferias Adventus et Quadragesime et tribus diebus Rogationum quando festum simplex vel maius

in predictis temporibus occurrerit celebrandum, aliis autem temporibus per totum annum, de tempore per ferias nulla fiat memoria quando festum infra ebdomadam contigerit celebrari. Item de omnibus festis simplicibus et supra si non habuerint integre primas Vesperas vel secundis, memoria in utrisque Vesperis semper fiat. Excipitur festum commemorationis Beati Pauli, de quo in primis Vesperis nichil sit specialiter. Item de festo trium lectionum quando non habet plenum Officium, facienda est memoria sicut supra in rubrica de ipso notatum est. Facienda est etiam memoria de sanctis de quibus in Kalendario est signatum, nisi quando de festo trium lectionum nichil fieret si eveniret. Quando autem infra quascumque Octavas non fit Officium de Octavas, facienda est de ipsis memoria, nisi in utrisque Vesperis et in Laudibus Assumptionis Beate Marie. Omnibus vero Sabbatis per totum annum fiat memoria de Beata Virgine, preterquam in Sabbato infra Octavas Natalis Domini, et in Sabbato Sancto Pasche et sequenti, et Sabbato ante festum Trinitatis, et preterquam in festis duplicibus et totis duplicibus, et in die animarum, cum in Sabbato evenierint, et preterquam in Sabbatis in quibus de ipsa agitur

in conventu, quando agitur de Octavis. Fiat etiam de ipsa memoria in Octava sancti Stephani in Laudibus et deinceps tam in Vesperis quam in Laudibus usque ad Vesperas Octavarum Epyphanie inclusive, nisi in vigilia et in festo Epyphanie. De Cruce vero facienda est memoria cotidie per ebdomadam Pasche in Vesperis, et Sabbato in Albis, ad Vesperas et deinceps cotidie in Laudibus et in Vesperis usque ad Vesperas vigilie Ascensionis exclusive, nisi in Inventionem ipsius, et in festis totis duplicibus. De Beato autem Dominico fiat cotidie memoria per totum annum, nisi in vigilia Natalis Domini in Laudibus, et deinceps usque ad Octavam Epyphanie inclusive, et nisi in quarta feria post Ramos in Vesperis, et deinceps usque ad Dominicam in Albis inclusive, et in vigilia Pentecostes in Vesperis, et deinceps usque ad festum Trinitatis, et nisi in festis duplicibus et totis duplicibus, et infra Octavas eiusdem quando de ipsis agitur, et nisi in die animarum in Laudibus.

De Ordine Memoriarum

MEMORIA de festo simplici et supra precedit memoriam de Octavis et de Dominica, memoria vero de Octavis precedit memoriam de Dominica, precedit etiam memoriam de Beata Virgine in sexta

feria et Sabbato. Memoria vero de Dominica et memoria de Beata Virgine in sexta feria et Sabbato, precedit memoriam trium lectionum, et festi habentis solam memoriam. Item memoria de Adventu et Quadragesima precedit memoria de Beata Virgine in sexta feria et Sabbato. Memoria autem de Beata Virgine in Adventu precedit memoria de sancto Andrea in sexta feria et Sabbato, et memoriam Crucis in Paschali tempore, memoria vero de Cruce in Paschali tempore, fiat post omnes alias nisi post memoriam Beati Dominici, que omni tempore est post omnes alias memorias facienda nisi infra Octava ipsius. Quodcumque autem fuerit memoria facienda in Vesperis et in Laudibus, per antiphonam et versiculum et Orationem fiat.

De Festivitatibus Extraordinariis

FESTIVITATES sanctorum que sollemnes habentur in locis in quibus fratres commorantur, possunt ab eis sollemniter celebrari et cantari hystorie, et legende legi, licet in Kalendario ordinis non sunt scripte. Quorum tamen hystorie vel legende non sunt in antiphonariis et lectionariis ordinis, nec Orationes vel Officia in Missalibus inter alia inserenda, sed in fine librorum poni poterunt, vel in quaternis

seorsum haberi. In martyrologio vero talium sanctorum nomina nisi alias ibi fuerint, in margine suo loco ponantur.

De Matutinis In Sero Post Completorium Dicendis

IN festo sancte Trinitatis et deinceps in omnibus festis duplicibus et totis duplicibus usque ad festum sancti Augustini inclusive, et in festo sancte Marie Magdalene, cantentur in sero post Completorium Matutine.

De Orationibus et Vigiliis Sanctorum

IN omnibus festis sanctorum, nisi vigiliam habuerint, Oratio que dicitur in Vesperis precedentibus diem festum, dicenda est ipso die ad Laudes, Terciam, Sextam et Nonam, et ad secundas Vesperas diei, nisi festum fuerit trium lectionum quod non habet secundas Vesperas. In festis vero sanctorum habentium Missam in vigilia, Oratio que dicitur ad Missam, dicenda est ad primas Vesperas, nisi in festo sancti Andree quando transfertur, et nisi in vigilia Apostolorum Petri et Pauli. Oratio vero que dicitur in Laudibus diei, dicenda est ad Terciam Sextam et Nonam, et ad Vesperas diei. Sciendum autem quod nulla vigilia sancti alicuius habet aliquid in Matutinis nec in Horis ante Vesperas nisi solam omeliam, prop-

ter quam tamen cum legenda fuerit, aliud Officium diei illius non mutatur, nisi quandoque in benedictionibus lectionum.

Que Requirenda Sint in Communi Sanctorum

NOTANDUM quod per totum annum omnia que in festis sanctorum in Ordinario vel in Antiphonario non inveniuntur signata, de communi sanctorum Paschalis temporis siue alterius sunt assumenda, et dicenda suis locis secundum quod ibi notata sunt, et competunt festivitibus de quibus agitur.

Ad memoriam Beati Dominici per totum annum quando fuerit facienda, preterquam infra Octavas ipsius. In Vesperis. Ant. Magne. *℣.* Os iusti. In Laudibus Ant. Benedictus. *℣.* Lex dei. Ad utrisque memoria, oratio, Deus qui ecclesiam. Si in festo alicuius martyris vel infra octavas, fiat memoria de alio martire, tunc in Vesperis dicatur ad memoriam de secundo sanctorum: *℣.* secundi nocturni. In Laudibus vero dicatur *℣.* trium nocturni. Eodem modo fiat de aliis sanctis.

AB Octavis Epyphanie usque ad Septuagesimam in omnibus Sabbatis, nisi festum simplex vel maius occurrerit, fiat in conventu Officium de Beata Virgine, hoc excepto quod quando Sabbatum primum post Octavam Epyphanie

omnino vacaverit, faciendum est Officium feriale, secundum quod supra in rubrica ante Dominicam Domine ne in ira notatum est. Sic autem fiat.

Quando vero propter aliquod predictorum intermittatur, tunc fiat de ea memoria in Vesperis et in Laudibus, preterquam in festis duplicibus et totis duplicibus, et in die Animarum. Quando autem predictum Officium fit in choro in Sabbatis, surgenda dicatur canticum Graduum hoc modo.

OFFICIUM cotidianum Beate Virginis totum dicitur extra chorum, preter Completorium. Consuevit autem dici inter duo signa horarum canonicorum, attendendum tamen quod quando Missa cantatur immediate post Primam, et Tercia continuatur Misse, nisi est dicenda Terce de Beata Virgine ante Primam diei, sed post Terciam. Similiter in Dominicis quando Nona dicuntur immediate post gratiarum actiones, si Vespere vel vigilie defunctorum, continuande fuerint Nona diei, Nona de Beata Virgine, dicitur post Vesperis vel Vigiliis defunctorum. Similiter in Quadragesima, non sunt dicende Vespere de Beata Virgine ante Nonam diei, sed post Vesperis, siue Nona et Vespere continentur, seu Vespere post Missam dicantur. Ante omnes autem Horas dicatur *Ave Maria*, et qui incipit dicat

usque *Dominus tecum* ita alte quod audiri possit, et alii si-ve unus sive plures prosequantur *Benedicta tu* et cetera. Intermittitur autem predictum Officium in vigilia Natalis Domini in Matutinis, et deinceps usque in crastinum post Octavam Epyphanie exclusive, et in quarta feria ante Cnema domini in Vesperis, et deinceps usque in secunda feriam post Octavam Pasche exclusive. Similiter in vigilia Pentecostes in Vesperis, et deinceps usque in secundam feriam post festum Trinitatis exclusive. Intermittitur eciam in omnibus festis duplicibus et totis duplicibus in primis Vesperis et deinceps usque in crastinum diei festi exclusive. Intermittitur eciam quandocumque fit de ea Officium in conventu. Si qui tamen in supradictis temporibus ex devotione dicere voluerint, perse et summis illud dicant.

De Officio Defunctorum

OFFICIUM defunctorum hoc modo agatur in conventu cum agendum fuerit singulis septimanis. Post Nonam diei Dominice sive alterius diei, vel post prandium tempore ieiunii, vel eciam post Vesperas preterquam in Quadragesima, si Priori melius videatur, dicantur Vespere per defunctis cum vigiliis. Poterunt tamen differi interdum vigilie usque post Vesperas diei quan-

do Vespere defunctorum dicuntur post Nonam, si visum fuerit. Ipsis autem vigiliis continentur Laudes semper cum vacaverit. Quod si non vacaverit, finito ultimo responso cum versibus, dicatur *Pater noster*. Deinde dicat sacerdos, *Et ne nos, V A porta inferi, Dominus vobiscum*, et Orationem *Fidelium*, Laudes autem dicantur post Matutinas. Ad Vesperas et ad vigilias et ad Laudes qui dicit responsoria Horarum, incipiat primam antiphonam. Ceteras incipiant fratres in utroque choro secundum ordinem. In Vesperis autem dum antiphone et psalmi dicuntur sedeant fratres. Post ultimi vero psalmos ad versum *Requiem eternam*, qui totus dicendus est ab illo choro cui competit, surgant, et stet chorus contra chorum quousque canticum *Magnificat*, cum sua antiphona finiatur. Deinde prosternant se fratres eciam si vigilie sint sollemnes, nisi festum fuerit. Quod si festum fuerit, inclinet chorus contrarum. Et dicto *Pater noster*, dicatur legendo psalmi *Lauda Anima*, qui dicendus est totus a fratribus prostratis tempore prostrationum, a fratribus vero erectis tempore inclinationum, finito psalmo, ebdomadarius erectus et conversus ad altare dicat Orationes. Idem modus servetur in Laudibus post canticum *Benedic-*

tus. In vigiliis autem et Laudibus sedeant fratres ad psalmos et antiphona, usque ad *Laudate Dominum* exclusive, Et dum tertia antiphona de nocturno dicitur, surgant. Dictoque versiculo, dicatur *Pater noster* more solito. Quo finito, sacerdos dicat, *Et ne nos*. Et responso *Sed libera*, non dicatur *Iube Domine*, sed incipiatur lectio et fratres sedeant, lectiones autem in medio chori legende sunt, et eas legem debent, et cantare versus, responso qui per ebdomadam ad ea notati sunt, nisi cantor aliter ordinaverit. Quando versus responso cantantur ab uno, cantor incipiat singula responsoria. Quando vero a duobus, tunc illi incipiant responso, qui versum cantare debuerint. In vigiliis que semel in septimana fiunt, singula responsoria ab uno. In tribus vero anniversariis ordinis, tertium et sextum et nonum responso, per presenti autem fratre defuncto, responsoria omnia, a duobus cantentur. Emergentes vero vigilie fiant secundum quod prelato videbitur. Sunt autem semper faciente vigilie novem lectionem a fratribus in conventu sive extra ubicumque fuerint semel in ebdomada, nisi temporibus infra notatis, in quibus intermitteri possint. Poterit autem in parvis con-

ventibus legendo distince dici. Quando predictae vigilie fiunt, nonum responso sive dicendum fuerit ab uno sive a duobus, dicatur cum his verbis versibus, scilicet *Dies Illa, Tremens, Creator*. Dicto ultimo versu, cantor reincipiat responso *Libera*. Intermituntur autem predictae vigilie novem lectionem in omnibus Sabbatis, et in vigilia cuiuslibet festi, nisi trium fuerit lectionum. Item in festis duplicibus et totis duplicibus in utrisque vesperis, et in vigilia Natlis Domini, et deinceps usque ad Octavam Epyphanie exclusive. Item in quarta feria Cenam Domini, et deinceps usque ad feriam secundam post Octavam Pasche exclusive. Item in vigilia Ascensionis, et deinceps usque ad Octavam ipsius exclusive. Item in vigilia Pentecostes et deinceps usque ad Dominicam post Trinitatem exclusive. Item per omnes Octavas, Si tamen presens defunctus fuerit, Officium vigiliarium per eo agi poterit, non tanem in die Natalis Domini, nec in die Cene, nec in Parascheve nisi in Sabbato Sancto, nisi in die Pasche, nisi in die Pentecostes. Quod si anniversarium quodcumque ordinis evenerit, vel per presenti defuncto, vel ex alia qualibet causa infra ebdomadam quocumque die fuerint predictae vigilie faciente, sufficit quod il-

le fiant, et ad alias in ipsa ebdomada non teneantur fratres. Vigilie vero trium lectionum dicende sunt ab ebdomadario presentis ebdomade, cum diacono et subdiacono, et fratre qui scriptus est ad Missam pro defunctis. Poterunt et alii qui voluerint interesse. Sunt autem semper faciende, nisi in Sabbatis et in vigilia cuiuslibet festi nisi trium fuerit lectionum, et nisi in festis duplicibus et totis duplicibus, in utrisque Vesperis, et nisi in vigilia Natalis Domini et deinceps usque ad Octavam Epyphanie exclusive, et nisi in quarta feria post Ramos Palmarum, et deinceps usque ad Octavam Pasche exclusive, et nisi in vigilia Pentecostes, et deinceps usque in crastinum Trinitatis exclusive. Quando igitur dicende fuerint, tempore ieiunii extra Quadragesimam post Vesperas post gratias. In Quadragesima vero post gratias, quando bis comeditur post cenam vel post Nonam, cum Vesperis et Laudibus, dicantur, et ebdomadarius Officium incipiat et compleat. Si qui vero eorum qui interesse tenentur, quacumque vasa non interfuerint, nihilominus predictas vigiliis dicere teneantur. Psalmi autem et lectiones et responsoria, dicantur hoc modo. In Dominica et in quarta feria, dicantur psalmi primi nocturni, cum

suis antiphonis et versiculo et lectionibus et responsoriis. In secunda quinta feria, dicantur psalmi secundu nocturni cum suis antiphonis et versiculo et lectionibus et responsoriis. In tertia vero et sexta feria, dicantur psalmi tercii nocturni similiter cum suis antiphonis et versiculo et lectionibus et responsoriis. In ultimo autem responsorio dicatur tantum primus versus, scilicet *Dies Illa*, post resumptionem vero responsum non repetatur, sed resumptio usque in finem dicatur. Quod si festum intervenerit, nihilominus in feriis singulis predictus ordo servetur. Hoc autem ordine dicantur Orationes in vigiliis defunctorum, Pro Presenti sive per uno defuncto, si episcopis fuerit, prima Oratio dicatur *Deus qui inter apostolicos*, si alius *Inclina*. Si vero femina: *Quesumus Domine*, Secunda *Deus venie*: tertia *Fidelium*. Pro Fratribus Familiaribus et benefactoribus, prima *Deus venie*, secunda *Deus qui nos patrem*, tertia *Fidelium*. In Omni Anniversario, prima *Deus indulgentiarum*, secunda *Deus venie*, tertia *Fidelium*. Si simul evenerint obitus et anniversarium: dimittatur *Deus venie*, et prima Oratio dicatur Pro Presenti defuncto, secunda Pro Anniversario, tertia non mutatur. In vigiliis autem trium lectionum, dicatur prima *Deus*

venie, secunda Deus qui nos patrem, tertia Fidelium.

**De Antiphona Cantanda Post
Completorium Ad
Recommendandum Ordinem
Et Fratres Beate Virginis**

OMNI tempore preterquam in quarta et quinta et sexta feria ante Pascha, cantetur post Completorio antiphona *Salve Regina*, vel *Ave Regina*, incipienda a duobus cantoribus, vel ab aliis duobus quibus iniunctum fuerit a cantore, in medio chori in duplicibus et totis duplicibus, aliis vero diebus ab uno cui iniunctum fuerit stante in sede sua verso vultu ad altare. Dum autem inchoatur antiphona, fratres omnes preter incipientem quando ab uno, vel incipientes quando a duobus, et preter ceroferarios absque prostratione flectant genua, chorus contra chorum, stantes flexius genibus quousque cantatum sit *Salve*, vel *Ave*, et tunc se erigentes, exeant processionaliter ad ecclesiam exteriorem, precedentibus duobus qui notati sunt ad acolitatum in Missa, cum candelaberis et cereis in superpeliciis sine capitiis. Qui ante inceptionem antiphone venientes ante gradus presbyterii, et inclinantes, stare debent ibidem, quousque fratres alii se erexerint, et tunc iterum inclinantes precedant in processione. Omnes

autem fratres egrediendo inclinent ante creucem que est inter chorum et ecclesiam laycorum. Dum cantatur antiphona aspergatur aqua benedicta ab ebdomadario, fratre qui dicit responsoria horarum, vel si ipse impeditur fuerit aut absense alio cui iniunctum fuerit a cantore, aquam benedictam post ebdomadarium deferente, predicta vero genuum flexio, non fiat extra chorum. Finita antiphona, ceroferarii dicant *V. Dignare me*, addentes *Alleluia* tempore Paschali, et dicatur eo modo quo dicuntur versiculi ad memorias. Dicto versiculo ebdomadarius subiungat *Oremus* et Orationem *Concede nos*, eo modo quo dicuntur Orationes ad Horas. Finito Oratione, dicatur *Fidelium anime*. Quo dicto si extranei interfuerint intret fratres chorum, et ibi dicant *Pater Noster* et *Credo* in locis suis cum consueris inclinationibus seu prostrationibus. Si vero extranei non interfuerint, dicant extra. Ceroferarii tamen semper dicto *Fidelium* inclinantes, statim revertantur ad sacristiam, dicentes *Pater Noster* et *Credo* in eundo. Quod si locus exterior non est aptus ad processionem vel si fratres fuerint pauci notabiliter, non oportet exire extra, sed in choro fiant omnia, ceroferariis tamen secundum modum supradictum stantibus ante gradus presbi-

terii. Ubi autem fuerint extra-
nei in ecclesia, quando aliqui
fratres remanserint a Comple-
torio, fiat signum circa finem
Compleatorii ut veniant ad pro-
cessionem quia Completorio
remanserint.

De Disciplinis Recipiendis Post Completorio

TEMPORE quo fiunt prostra-
tiones in Completorio, et
eciam in Paschali tempore,
diebus illius in quibus fierent,
si essent extra tempus Pascha-
le, recipiende sunt discipline:
dicto *Pater Noster* et *Credo*, in
loco ubi hec dicuntur si sit ap-
tus ad hoc, vel in alio aptiore
secundum ordinationem Prior-
is. Ne autem occasione pre-
parationis ad huiusmodi disci-
plinas, prostrationes vel incli-
nationes impediantur, poterit
fratres dissolvere tunicas circa
finem antiphone. Finito *Pa-
ter Noster* et *Credo*, fratres pre-
parantes se deponendo suprio-
rem partem tunicarum, dicant
Confiteor. Quo dicto, ebdoma-
darius stans in medio, subiun-
gat *Misereatur*. Deinde incipiat
psalmos *Miserere*, et conven-
tus eum prosequatur hoc mo-
do, quod ebdomadarius solus
dicant unum versum, et to-
tus conventus dicat alium. Post
psalmos dicto *Gloria*, subiun-
gatur comuniter ab omnibus,
*Kyrie eleison, Christe eleison,
Kyrie eleison, Pater noster*. Quo
finito subiungat ebdomada-

rius, *Et ne nos, V. Salvos fac, Do-
minus vobiscum, Oremus, Deus
cui proprium*. Dum autem psal-
mus et versiculus et Oratio di-
cuntur, circueat ebdomadarius
dando disciplinas, incipiendo
a dexteris in superiori parte
chori, et descendendo, deinde
prosequendo in sinistro, et in-
cipiendo ab inferiori. Nec de-
bet pausare quousque comple-
verit psalmos cum versiculo et
Oratione predictis. Quilibet au-
tem frater postquam ille qui
dat disciplinas non est rever-
surus ad eum ad dandum ite-
rum disciplinam, potest repo-
nere vestes suas. Debet tamen
remanere prostratus, quous-
que Oratio sit finita. Sit vero
conventus adeo magnus fue-
rit quod frater unus cito non
possit eum expedire, ebdoma-
darius precedentis septima-
ne adiungatur, qui prosequa-
tur hoc Officium cum ebdoma-
dario presenti, et incipiat
in sinistro choro a parte infe-
riori, predicto modo circueando,
ita quod uterque semel tantum
circueat. Provideat autem sa-
crista, quod in certo loco sem-
per inveniantur virge pro di-
sciplinis, ita in promptu quod
propter earum defectum non
contingat conventum moram
contrahere in expectando. Vt
autem ille qui dedit discipli-
nas, et ceroferarii et alii qui ex
debito tenentur ad aliquas di-
sciplinas, vel ex devotione plu-

res volunt recipere, possint adhuc recipere disciplinas, ebdomadarius suam precedens ebdomadum, vel alius cui cantor dixerit, si aliquis ex istis defuerit: dare potest disciplinas secundum predictum modum, in aliquo alio loco sequestri ad hoc apto.

De Oratione Pro Capitulo Generali Et Per Pergentibus Ad Illud

DIE lune post Octavam Pasche, et deinceps usque ad sextam feriam ante Pentecosten inclusive, omni die nisi sit festum totum duplex, finito *Pater noster* quod dicitur post Nonam, vel post Officium mortuorum si fiat a conventu immedate post Nonam, dicatur Psalmi *Ad te levavi* ab utroque choro alternatim cum *Gloria Patri*, cantore ex parte ebdomadarium incipiendte, postea, antiphona *Veni Sancte Spiritus*. Deinde *Kyrie, Christe eleison, Kyrie, Pater noster*. Quo dicto, subiungat ebdomadarius legendo, *Et ne nos, V. Emitte spiritum, V. Salvos fac, Dominus vobiscum, Oremus, Deus qui corda, Adesto domine super nostris*, et terminentur sub uno *Per Christum*. Fratres vero qui non sunt in choro, nichilominus dicere debent idem.

De Pretiosa

CUM in choro dicendum fuerit *Pretiosa*, pronuntiationis que de Martyrologio

pronuntianda sunt, subiungat ebdomadarius stans versus ad chorum, *V. Pretiosa est, et conventus surgens respondeat Mors sanctorum*. Deinde ebdomadarius absque *Dominus vobiscum* et absque *Oremus* subiungat orationem, *Sancta Maria*. Qua finita et responso *Amen*, dicat *V, Deus in adiutorium*, responso, *Domine ad adiuvandam, Deus in adiutorium, Domine ad adiuvandam, Deus in adiutorium, Domine ad adiuvandam*, postea dicatur communiter *Gloria Patri, Sicut erat, Kyrie eleison*, et subiungatur secreto *Pater noster*. Deinde dicat ebdomadarius *Et ne nos, V. Respice domine in servos tuos*, postea sine *Dominus vobiscum*, et sine *Oremus* subiungat orationem *Dirigere et sanctificare*. Qua finita et dicto *Iube domine* ab illo qui legit Kalendas, si legendum fuerit de Evangelio, ebdomadarius det benedictionem, *Divinum auxilium*, si vero de constitutionibus: detur benedictio *Regularibus discipulis*, fratres qui extra conventum sunt, si Evangelium proprium in primum non habuerint, dicant, *Secundum Johannem, In principio erat verbum et cetera*, usque *sine ipso factum est nichil*. De constitutionibus vero dicatur lectio *Quoniam ex precepto regule etc.*, usque *uniformes in observantiis canonice religionis inveniamur*. Deinde dicto *Commemoratio fratrum*

etc., prelatus vel si ipse defuerit ebdomadarius dicat *Requiescant in pace*, et responso a conventu *Amen*: cantor vel succentor secundum quod ebdomada fuerit incipiat psalmo *Laudate dominum omnes gentes*. Quo dicto alternatim ab utroque choro cum *Gloria Patri* subiungat ebdomadarius, *V. Ostende nobis, Dominus vobiscum, Oremus, Actionas nostras*. Deinde prelatus, vel si ipse defuerit, ebdomadarius dicat *Adiutorium*, postea *Fidelium anime*. Quando autem in capitulo dicendum fuerit, si sermo fuerit faciendus, et extranei interesse debuerint, omnia fiant et terminentur antequam sermo fiat, sicut supra notatum est, excepto quod qui tenet capitulum, dicto *Requiescant in pace*, dicet *Benedicite*, et responso *Dominus*, incipiet psalmo *Laudate*, Si autem extranei non debuerint interesse, dicto *Benedicite*, et propositis siqua voluerit proponere qui tenet capitulum dicat, *Surgat qui debet facere sermonem*, et ille surgens veniat ante eum, et flexis genibus et inclinato capite, petat benedictionem diendo *Iube domine*, et detur benedictio *Dominus sit in corde tuo etc.* Qua recepta, vadat ad locum ubi facientes sermonem esse consueverunt, finito sermone, qui tenet capitulum incipiat psalmo *Laudate* cetera que sequuntur fiant ut predic-

tum est. Si vero culpe fuerint audiende fiat orationes pro benefactoribus hoc modo. Dicto *Benedicite* ut supra, si recitanda fuerint beneficia recitentur. Deinde recommendatis quos recommendare habuerit vel voluerit qui tenet capitulum, surgendo sine *Oremus* dicat orationem *Retribuere dignare*, et tunc omnes surgant, responso post orationem *Amen*, cantor vel succentor secundum quod ebdomada fuerit, incipiat psalmo *Ad te levavi*, et conventus ipsum prosequatur et sequentem dicendo versus alternatim, finito psalmo *Ad te levavi* cum *Gloria patri* et *Sicut erat*, subiungatur psalmo *De profundis* terminandus per *Requiem eternam*, Postea communiter dicatur *Kyrie eleison*, et *Pater noster* secreto. Quo finito, subiungat ebdomadarius, *Et ne nos. V. Oremus pro domino papa, V. Salvos fac, Requiescant in pace, Dominus vobiscum, Oremus, Oratio Omnipotens sempiterne deus qui facis, Oratio, Pretende, Oratio, Fidelium*, predicte autem tres orationes dicantur eo modo quo dicuntur orationes ad horas, sub uno *Oremus*, et terminentur sub uno *Qui vivis et regnas per omnia, etc.*

Kalendarium in Quo Solum Anniversaria et Obitus Recitandi Per Annum Continentur

VIII	F	VIII	6	Januarius. Obiit Frater Raymundus Ordinis Nostri Magister Tercius.
	C	III	10	Ob. F. Barnabas Mag. Ord. XV.
VIII X	G	II	4	Februarius. Anniversarium Patrum et Matrum.
	A	II	12	Ob. F. Iordanis, Ord. Nos. Mag. II.
III	D	KL	1	Martius. Ob. F. Petrus Mag. Ord. XVIII.
	A	VII	26	Ob. F. Munio Mag. Ord. Septimus.
				Aprilis. Maius.
	G	VI	27	Ob. F. Bernardus Mag. Ord. XI.
V				Iunius. Iulius.
	D	III	5	Ob. Benedictus Papa Prius F. Nycholaus Mag. Ord. IX.
XIII	F	Non.	7	Anniversarium Universorum Sepultorum in Cimiteriis Nos.
	F	II	14	Ob. F. Humbertus Ord. Nos. Mag. V.
XIII II	G	Non.	5	Augustus. Transiit B. Dominicus Mag. Ord. I.
	A	VIII	6	Ob. F. Hugo Doctor in Theologia Magister Ordinis. XVI.
X	C	VI	8	Ob. F. Herveus Doctor in Theologia Magister Ordinis. XIII.
	G	II	12	Ob. F. Hemericus Mag. Ord. XII.
XI	A	VI	27	Ob. F. Albertus Mag. Ord. X.
II IX				Septembris.
	C	Non.	5	Anni. Familiarium et Benefactorum.
	B	XIII	18	Ob. Dom. Berangarius Mag. Ord. XIII.
	E	III	28	Ob. Dom. Geraldus Mag. Ord. XVII.
				Octobris.
	C	VI	10	Anniversarium Omnium Fratrum.
				Novembris.
	G	II	4	Ob. F. Iohannes Ord. Nos. Mag. IV.
III XVI	D	X	22	Ob. F. Stephanus Mag. Ord. Octavus.
	D	III	29	Ob. F. Iohannes Mag. Ord. Sextus.
				Decembris.

De Officio Legende De
Kalendario et Luna et
Martyrologio et Aliis His
Annexis

DUM dicitur psalmus Laudate dominum o. g. in Matutinis: accedit qui lecturus est Kalendas ad prelatum, dicens ei summisce: Capitulum? Qui si dixerit Non: legende erunt Kalende in choro, finitis Matutinis. Si autem dixerit Post Primam: tunc reservande sunt usque ad Primam. Si autem dixerit Sic: legende erunt in capitulo post Matutinas.

De evangelio autem legendum est omnibus diebus Dominicis, et festis simplicibus et supra. Item in vigilia Nativitatis Domini evangelium de vigilia: sive fuerit in Dominica: sive non. Et in omni vigilia que proprium habet officium in Missa, si in Dominica evenerit: evangelium de ipsa vigilia legendum est, preterquam in vigilia Beati Andree cum in Prima Dominica Adventus evenerit: qua tunc evangelium de Dominica est legendum. Item in crastino sancti Thome martyris. Item feria quarta in capite ieiunii, et in Cena Domini. Item in vigilia Pasche, et cotidie per Octavas Pasche et Pentecostes. Item in commemoratione omnium fidelium defunctorum. Ceteris vero diebus legendum est de constitutionibus. In varietatibus autem que

occurrunt in huiusmodi lectionibus: servandus est modus qui in lectionario est notatus.

Dicto igitur Tu autem et facta responsione sequitur Commemoratio fratrum, familiarium, benefactorum, defunctorum: ordinis nostri.

Si vero recitandus fuerit obitus alicuius, vel anniversarium aliquod fuerit in crastino: tunc antequam dicatur Commemoratio dicendum est Obiit talis, vel Anniversarium Patrum et Matrum.

Januarius

habet dies. XXXI. luna. XXX.

III	A	KL	1	Circumcisio domini. Duplex.
	B	IIII	2	Oct. Sancti Stephani.
XI	C	III	3	Oct. Sancti Johannis.
	D	II	4	Incipit Quartus Embolismus.
XIX	E	Non.	5	Oct. Sanctorum Innocentium.
VIII	F	VIII	6	Epiphania Domini. Totum Dup.
	G	VII	7	Claves. LXX.
XVI	A	VI	8	
V	B	V	9	
	C	IIII	10	Pauli Heremite. Mem.
XIII	D	III	11	
II	E	II.	12	
	F	Idus	13	Oct. Epiphanie. Simplex.
				Hylarii et Remigii. Mem.
X	G	XIX	14	Felicis Presbiteri et Conf. III. Lect.
	A	XVIII	15	Mauri Abbatis. III. Lect.
XVIII	B	XVII	16	Marcelli Pape et Martyris. III. Lect.
VII	C	XVI	17	Anthonii Abbatis. III. Lect.
	D	XV	18	Prisce Virginis et Martyris. III. Lect.
				Sol in Aquario. Initium LXX.
XV	E	XIIII	19	
IIII	F	XIII	20	Fabiani et Sebastiani Mart. Simplex.
	G	XII	21	Agnetis Virginis et Mart. Simplex.
XII	A	XI	22	Vincentii Martyris. Semid.
I	B	X	23	Emerentiane Virg. et Mart. Mem.
	C	IX	24	
IX	D	VIII	25	Conversio Sancti Pauli. Semid.
	E	VII	26	
XVII	F	VI	27	Juliani Episcopi et Conf. Mem.
VI	G	V	28	Agnetis Secundo. III. Lect.
				Claves XL.
	A	IIII	29	
XIIII	B	III	30	
III	C	II	31	

Hore noctis. XVI. Diei. VIII.

Februarius

habet dies. XXVIII. luna. XXIX.

	D	KL	1	Ignatii Episcopi et Martyris. Mem. Finis. IV. embolismi.
XI	E	IIII	2	Purificatio S. Marie Virg. Tot. Dup.
XIX	F	III	3	Blasii Episcopi et Martyris. III. Lect.
VIII	G	II	4	Anniversarium Patrum et Matrum.
	A	Non.	5	Agathe Virginis et Mart. Simplex.
XVI	B	VIII	6	Vedasti et Amandi Epis. Memor.
V	C	VII	7	
	D	VI	8	Initium. XL.
XIII	E	V	9	
II	F	IIII	10	Scolastice Virginis. Mem.
	G	III	11	
X	A	II	12	
	B	Idus	13	
XVIII	C	XVI	14	Valentini Martyris. III. Lect.
VII	D	XV	15	Sol in Piscibus.
	E	XIIII	16	
XV	F	XIII	17	
IIII	G	XII	18	
	A	XI	19	
XII	B	X	20	
I	C	IX	21	
	D	VIII	22	Cathedra Sancti Petri. Simplex.
IX	E	VII	23	
	F	VI	24	Mathie Apostoli. Semid. Locus Byssexti.
XVII	G	V	25	
VI	A	IIII	26	
	B	III	27	
XVI	C	II	28	

Hore noctis. XIII. Diei. X.

Martius

habet dies. XXXI. luna. XXX.

III	D	KL	1	Albini Episcopi et Conf. Mem.
	E	VI	2	
XI	F	V	3	
	G	IIII	4	
XIX	A	III	5	Incipit. VII. Embolismus.
VIII	B	II	6	Incipit. III. Embolismus.
	C	Non.	7	
XVI	D	VIII	8	
V	E	VII	9	
	F	VI	10	
XIII	G	V	11	Claves Pasche.
II	A	IV.	12	Gregorii Pape et Conf. Simplex.
	B	III	13	
X	C	II	14	Ultima XXL.
	D	Idus	15	Equinoctium Vernale.
XVIII	E	XVII	16	
VII	F	XVI	17	
	G	XV	18	Sol in Ariete.
XV	A	XIIII	19	
III	B	XIII	20	
	C	XII	21	Benedicti Abbatis. Simplex.
XII	D	XI	22	Primum Pascha.
I	E	X	23	
	F	IX	24	
IX	G	VIII	25	Annunciatio Dominica. Totum Dupl.
	A	VII	26	
XVII	B	VI	27	
VI	C	V	28	
	D	IIII	29	
XIIII	E	III	30	
III	F	II	31	

Hore noctis. XII. Diei. XII.

Aprilis

habet dies. XXX. luna. XXIX.

	G	KL	1	
XI	A	IIII	2	
	B	III	3	Finis. VII. Embolismus.
XIX	C	II	4	Ambrosii Episcopi et Conf. Simplex.
				Finis. VI. Embolismus.
VIII	D	Non.	5	
XVI	E	VIII	6	
V	F	VII	7	
	G	VI	8	
XIII	A	V	9	
II	B	IIII	10	
	C	III	11	
X	D	II	12	
	E	Idus	13	
XVIII	F	XVIII	14	Tybertii Valeriani, et Maximi
				Martyrum. III. Lect.
VII	G	XVII	15	Claves Rogationum.
	A	XVI	16	
XV	B	XV	17	Sol in Tauro.
III	C	XIIII	18	
	D	XIII	19	
XII	E	XII	20	
I	F	XI	21	
	G	X	22	
IX	A	IX	23	Georgii Martyris. Simplex.
	B	VIII	24	
XVII	C	VII	25	Marci Evangeliste. Semid.
				Ultimum Pascha.
VI	D	VI	26	
	E	V	27	
XIIII	F	IIII	28	Vitalis Martyris. III. Lect.
III	G	III	29	Beati Petri Martyris de Ordinis
				Predicatorum. Totum Duplex.
				Claves Pente.
	A	II	30	

Hore noctis. X. Diei. XIIII.

Maius

habet dies. XXXI. luna. XXIX.

XI	B	KL	1	Philippi et Iacobi Apos. Semid.
	C	VI	2	
XIX	D	V	3	Inventio Sancte Crucis. Semid. Alexandri Evencii, et Theodoli. Martyrum. Mem.
VIII	E	IIII	4	Festum Corone Domini. Simplex.
	F	III	5	
XVI	G	II	6	Iohannis Ante Portam Lati. Semid.
V	A	Non.	7	
	B	VIII	8	
XIII	C	VII	9	
II	D	VI	10	Gordiani et Epimachi Mart. III. Lect.
	E	V	11	
X	F	IIII	12	Neri, Achillei, et Pancratii Mart. III. Lect.
	G	III	13	
XVIII	A	II	14	
VII	B	Idus	15	
	C	XVII	16	
XV	D	XVI	17	
III	E	XV	18	Sol in Geminis.
	F	XIIII	19	Potentiane Virginis. Mem.
XII	G	XIII	20	
I	A	XII	21	
	B	XI	22	
IX	C	X	23	Translatio Beati Dominici. Tot. Dup.
	D	IX	24	
XVII	E	VIII	25	Urbani Pape et Martyris. III. Lect.
VI	F	VII	26	
	G	VI	27	
XIIII	A	V	28	
III	B	IIII	29	
	C	III	30	
XI	D	II	31	Petronille Virginis. Mem.

Hore noctis. VIII. Diei. XVI.

Iunius

habet dies. XXX. luna. XXIX.

	E	KL	1	
XIX	F	IIII	2	Marcellini et Petri Mart. III. Lect.
VIII	G	III	3	
XVI	A	II	4	
V	B	Non.	5	
	C	VIII	6	
XIII	D	VII	7	
II	E	VI	8	Medardi Episcopi et Conf. Mem.
	F	V	9	Primi et Feliciani Mart. III. Lect.
X	G	IIII	10	
	A	III	11	Barnabe Apostoli. Semid.
XVIII	B	II	12	Basilidis Cyrini, Naboris, et Nazarii, Martyrum. III. Lect.
VII	C	Idus	13	
	D	XVIII	14	Solsticium Estivale.
XV	E	XVII	15	Viti et Modest Martyrum. Mem.
III	F	XVI	16	Cyrici et Iulice Martyrum. Mem.
	G	XV	17	Sol in Cancio.
XII	A	XIIII	18	Marci et Marcelliani Mart. III. Lect.
I	B	XIII	19	Gervasii et Prothasii Mart. Simplex.
	C	XII	20	
IX	D	XI	21	
	E	X	22	
XVII	F	IX	23	Vigilia.
VI	G	VIII	24	Nativitas S. Iohannis Baptiste. Dupl.
	A	VII	25	
XIIII	B	VI	26	Iohannis et Pauli Mart. Simplex.
III	C	V	27	
	D	IIII	28	Leonis Pape et Conf. Memoria. Vigilia.
XI	E	III	29	Apostolorum Petri et Pauli. Duplex.
	F	II	30	Commemoratio Sancti Pauli. Semid.

Hore noctis. VI. Diei. XVIII.

Iulius

habet dies. XXXI. luna. XXX.

XIX	G	KL	1	Octava S. Iohannis Baptiste. Simplex.
VIII	A	VI	2	Processi et Martiniani Mart. Mem.
	B	V	3	
XVI	C	IIII	4	
V	D	III	5	
	E	II	6	Oct. Apost. Petri et Pauli. Simplex.
XIII	F	Non.	7	
II	G	VIII	8	
	A	VII	9	
X	B	VI	10	Septem Fratrum. III. Lect.
	C	V	11	
XVIII	D	IIII	12	
VII	E	III	13	
	F	II	14	Dies Caniculares.
XV	G	Idus	15	
III	A	XVII	16	
	B	XVI	17	
XII	C	XV	18	Sol in Leone.
I	D	XIIII	19	
	E	XIII	20	Margarete Virg. et Mart. Simplex.
IX	F	XII	21	Praxedis Virginis. III. Lect.
	G	XI	22	Marie Magdalene. Semid.
XVII	A	X	23	Apollinaris Epis. et Mart. III. Lect.
VI	B	IX	24	Christine Virginis et Mart. Mem.
	C	VIII	25	Iacobi Apostoli. Semi. Christofori et Cucufatis Martyrum. Mem.
XIIII	D	VII	26	
III	E	VI	27	
	F	V	28	Nazarii, Celsi, et Pantaleonis. Martyrum. III. Lect.
XI	G	IIII	29	Felicis, Simplicii, Faustini, et Beatricis Martyrum. III. Lect.
XIX	A	III	30	Abdon et Sennen Mart. III. Lect.
	B	II	31	Germani Episcopi et Conf. III. Lect.

Hore noctis. VIII. Diei. XVI.

Augustus

habet dies. XXXI. luna. XXX.

VIII	C	KL	1	Ad Vincula Sancti Petri. Simplex. S. Machabeorum Mart. Mem.
XVI	D	IIII	2	Stephani Pape et Martyris. III. Lect.
V	E	III	3	Inventio Sancti Stephani. Simplex.
	F	II	4	
XIII	G	Non.	5	Beati Dominici Conf. Totum Dup.
II	A	VIII	6	Sixti Pape, Felicissimi et Agapiti Martyrum. Mem.
	B	VII	7	Donati Episcopi et Martyris. Mem.
X	C	VI	8	Cyriaci Socio. eius Mart. Mem.
	D	V	9	Vigilia.
XVIII	E	IIII	10	Laurentii Martyris. Semid.
VII	F	III	11	Tiburtii Martyris. Mem.
	G	II	12	Octava Sancti Dominici. Simplex.
XV	A	Idus	13	Ypoliti Sociorumque eius. Simplex.
III	B	XIX	14	Eusebii Presbiteri et Conf. Mem. Vigilia.
	C	XVIII	15	Assumptio B. Marie Virg. Tot. Dupl.
XII	D	XVII	16	
I	E	XVI	17	Octava Sancti Laurentii. Simplex.
	F	XV	18	Agapiti Martyris. Mem. Sol in Virgine.
IX	G	XIIII	19	
	A	XIII	20	Bernardi Abbatis. Simplex.
XVII	B	XII	21	
VI	C	XI	22	Octava Sancte Marie. Simplex. Tymothei et Symphoriani Martyrum. Mem.
	D	X	23	
XIII	E	IX	24	Bartholomei Apostoli. Semid.
III	F	VIII	25	
	G	VII	26	
XI	A	VI	27	Rufi Martyris. Mem.
XIX	B	V	28	Augustini Epis. et Conf. Totum Dup.
	C	IIII	29	Decollatio S. Iohannis Bapt. Simplex. Sabine Martyris. Mem.
VIII	D	III	30	Felicis, et Adaucti Martyrum. Mem.
	E	II	31	Finis Quinti Embolismus.

Hore noctis. X. Diei. XIIII.

Septembris

habet dies. XXX. luna. XXX.

XVI	F	KL	1	Egidii Abbatis. Mem.
V	G	IIII	2	Incipit. II. Embolismus.
	A	III	3	
XIII	B	II	4	Octava Sancti Augustini. Simplex.
				Marcelli Martyris. Mem.
II	C	Non.	5	Anniversarium Familiarium et Benefactorum Ordinis Nostri.
	D	VIII	6	
X	E	VII	7	
	F	VI	8	Nativitas S. Marie Virg. Tot. Dup.
XVIII	G	V	9	Gorgonii Martyris. Mem.
VII	A	IIII	10	
	B	III	11	Prothi et Iacinti Martyrum. Mem.
XV	C	II	12	
III	D	Idus	13	
	E	XVIII	14	Exaltatio Sancte Crucis. Semid.
				Cornelii, et Cipriani Mart. Mem.
				Equinoctium Autumpnale.
XII	F	XVII	15	Octava Sancte Marie. Simplex.
				Nichomedis Martyris. Mem.
I	G	XVI	16	Eufemie Virginis et Mart. III. Lect.
	A	XV	17	Lamberti Episcopi et Mart. Mem.
				Sol in Libra.
IX	B	XIIII	18	
	C	XIII	19	
XVII	D	XII	20	Vigilia.
VI	E	XI	21	Matthei Apos. et Evan. Semid.
	F	X	22	Mauritii Socio. eius Mart. Simplex.
XIII	G	IX	23	
III	A	VIII	24	
	B	VII	25	
XI	C	VI	26	
XIX	D	V	27	Cosme et Damiani Mart. Simplex.
	E	IIII	28	
VIII	F	III	29	Michaelis Archangeli. Dup.
	G	II	30	Iheronimi Pres. et Conf. Simplex.
				Finis Secundi Embolismus.

Hore noctis. XII. Diei. XII.

Octobris

habet dies. XXXI. luna. XXIX.

XVI	A	KL	1	Remigii Episcopi et Conf. III. Lect.
V	B	VI	2	Leodegarii Episcopi et Mart. Mem.
XIII	C	V	3	
II	D	IIII	4	Francisci Confessoris. Simplex.
	E	III	5	
X	F	II	6	
	G	Non.	7	Marci Pape et Conf. III. Lect. Sergii, et Bachi, Marcelli, et Apulei. Martyrum. Mem.
XVIII	A	VIII	8	
VII	B	VII	9	Dionisii Socio. eius Mart. Simplex.
	C	VI	10	Anni. Omnium Fratrum Ord. Nos.
XV	D	V	11	
IIII	E	IIII	12	
	F	III	13	
XII	G	II	14	Calyxti Pape et Martyris. Mem.
I	A	Idus	15	
	B	XVII	16	
IX	C	XVI	17	
	D	XV	18	Luce Evangeliste. Semid. Sol in Scorpione.
XVII	E	XIIII	19	
VI	F	XIII	20	
	G	XII	21	XI. Milium Virg. et Mart. Mem.
XIIII	A	XI	22	
III	B	X	23	
	C	IX	24	
XI	D	VIII	25	Crispini et Crispiani Mart. Mem.
XIX	E	VII	26	
	F	VI	27	Vigilia.
VIII	G	V	28	Symonis et Iude Apos. Semid.
	A	IIII	29	
XII	B	III	30	
V	C	II	31	Quintini Martyris. Mem. Vigilia.

Hore noctis. XIIII. Diei. X.

Novembris

habet dies. XXX. luna. XXIX.

	D	KL	1	Fest. Omnium Sanctorum. Tot. Dup.
XIII	E	IIII	2	Comm. Omni. Fidelium Defunc.
				Incipit. V. Embolismus.
II	F	III	3	
	G	II	4	
X	A	Non.	5	
	B	VIII	6	
XVIII	C	VII	7	
VII	D	VI	8	XL. Coronatorum Mart. III. Lect.
	E	V	9	Theodori Martyris. III. Lect.
XV	F	IIII	10	
IIII	G	III	11	Martini Episcopi et Conf. Semid.
				Menne Martyris. Mem.
	A	II	12	
XII	B	Idus	13	Brictii Episcopi et Conf. Mem.
I	C	XVIII	14	
	D	XVII	15	
IX	E	XVI	16	
	F	XV	17	Sol in Sagittario.
XVII	G	XIIII	18	Octava Sancti Martini. Simplex.
VI	A	XIII	19	Sancte Elysabeth. Mem.
	B	XII	20	
XIIII	C	XI	21	
III	D	X	22	Cecilie Virginis et Mart. Simplex.
	E	IX	23	Clementis Pape et Mart. Simplex.
XI	F	VIII	24	Crisogoni Mart. Mem.
XIX	G	VII	25	Katherine Virginis et Mart. Semid.
	A	VI	26	
VIII	B	V	27	Vitalis et Agricole Mart. Mem.
	C	IIII	28	
XVI	D	III	29	Saturnini Martyris. Mem.
				Vigilia.
V	E	II	30	Andree Apostoli. Semid.

Hore noctis. XVI. Diei. VIII.

Decembris

habet dies. XXXI. luna. XXX.

XIII	F	KL	1	Finis. V. Embolismus.
II	G	IIII	2	Incipit Primus Embolismus.
	A	III	3	
X	B	II	4	
	C	Non.	5	
XVIII	D	VIII	6	Nicolai Episcopi. Semid.
VII	E	VII	7	Octava Sancti Andree. Mem.
	F	VI	8	
XV	G	V	9	
IIII	A	IIII	10	
	B	III	11	Damasi Pape et Confess. Mem.
XII	C	II	12	
I	D	Idus	13	Luce Virginis et Martyris. Simplex.
	E	XIX	14	
IX	F	XVIII	15	Solsticium Hyemale.
	G	XVII	16	
XVII	A	XVI	17	O Sapiencia.
VI	B	XV	18	Sol in Capricorno.
	C	XIIII	19	
XIIII	D	XIII	20	
III	E	XII	21	Thome Apostoli. Semid.
	F	XI	22	
XI	G	X	23	
XIX	A	IX	24	Vigilia.
	B	VIII	25	Nativitas D.N.I.C. Totum Dup.
VIII	C	VII	26	Stephani Prothomart. Tot. Dup.
	D	VI	27	Iohannis Apostoli et Evan. Tot. Dup.
XVI	E	V	28	Sanctorum Innocentium. Simplex.
V	F	IIII	29	Thome Episcopi et Mart. Simplex.
	G	III	30	
XIII	A	II	31	Silvestri Pape et Conf. Simplex.
				Finis. I. Embolismus.

Hore noctis. XVIII. Diei. VI.

De Varietatibus
Terminationum in
Orationibus

NOTANDUM quod orationes que ad Patrem sine persone alterius expressione diriguntur, sic concluduntur.

Per dominum nostrum Ihesum Christum filium tuum, Qui tecum vivit et regnat in unitate spiritus sancti deus: per omnia secula seculorum. Ut est illa de Beata Virgine, Concede nos, et consimiles. Similiter et illa in qua fit mentio de Trinitate, Omnipotens sempiterne deus qui dedisti.

Item orationes que ad patrem cum expressione filii diriguntur: quedam sic concluduntur.

Per eundem dominum nostrum Ihesum Christum filium tuum, Qui tecum. et cetera. Ut illa in die Natalis, Concede quesumus omnipotens deus ut nos unigeniti. Quedam per. Qui tecum vivit, etc ut prius sicut est illa in die Circumcisionis. Deus qui nobis nati, et consimiles. Sunt et alie orationes que ad patrem diriguntur, in fine quarum fit mentio de filio, et hoc vel per rectum hoc modo.

Ihesus Christus dominus noster, Qui tecum vivit, etc ut supra sicut in post communione in vigilia Ascensionis, Tribue. Vel per obliquum sic.

Dominum nostrum Ihesum Christum filium tuum, Qui

tecum, etc, sicut in oratione de sancto Stephano, Da nobis quesumus domine imitari. etc, et in illa, Deus qui salutis eterne, et consimilibus. Orationes vero que ad filium diriguntur: sic concludantur.

Qui vivis et regnas cum deo patre, in unitate spiritus sancti deus per omnia secula seculorum. Ut est illa, in prima Dominica Adventus, Excita quesumus, et consimiles. Orationes vero que ad patrem vel filium cum expressione spiritus sancti diriguntur: sic concluduntur in fine

In unitate eiusdem spiritus sancti deus, Per omnia secula seculorum. Orationes autem que ad ipsam trinitatem diriguntur sic concluduntur,

Qui vivis et regnas deus: Per omnia secula seculorum. Ut est illa, Placeat tibi sancta trinitas. Quando vero post aliquam memoriam alia facienda est, prior oratio si ad patrem dirigitur, terminetur sic

Per Christum dominum nostrum. Vel,

Per eundem Christum dominum nostrum. Vel,

Christum dominum nostrum. Horum exempla patent supra. Si autem ad filium oratio dirigitur: concludatur sic,

Qui vivis et regnas per omnia secula seculorum.

De Confiteor Quomodo Sit
Dicenda

Quandocumque dicitur, Confiteor. in choro a prelato vel ab incipiente officium, vel extra ab illo qui incepit horas, vel a sacerdote Missam celebraturo, sive in conventu, sive in Missa privata, etiam uno solo astante dicatur sic.

CONFITEOR deo et beate Marie et omnibus sanctis, et vobis fratres, quia peccavi nimis cogitatione, locutione, opere et omissione, mea culpa precor vos orate pro me.

Ille vero sive illi qui respondent in choro vel extra, vel in Missa conventuali, vel privata semper dicere debent etiam prelato.

MISEREATUR tui omnipotens deus, et dimittat tibi omnia peccata tua, liberet te ab omni malo salvet et confirmet in omni opere bono, et perducat ad vitam eternam. **R.** Amen. Dicto miseratur subiungatur ab eodem, vel ab eisdem.

CONFITEOR deo et beate Marie et omnibus sanctis et tibi pater, quia peccavi nimis, cogitatione, locutione, opere, et omissione, mea culpa, precor te ora pro me.

Et ille qui primo dixit Confiteor. subiungat, etiam si unus solus sit cui dicitur.

MISEREATUR vestri omnipotens deus, et dimittat vobis omnia peccata vestra, liberet vos ab omni malo salvet, etc. **R.** Amen.

Quando vero qui incipit horas non est sacerdos, respondeatur, Confiteor. etc, et tibi frater, etc. Quando vero frater solus dicit Primam vel Completorium: nec habet cum quo dicat Confiteor: dicat sic.

CONFITEOR deo et beate Marie et omnibus sanctis: quia peccavi nimis cogitatione, locutione, opere et omissione, mea culpa precor beatam Mariam et omnes sanctos orare pro me. Postea subiungat.

MISEREATUR michi omnipotens deus et dimittat michi omnia peccata mea, liberet me, etc.

De Modo Dicendi Preces

Finito versiculo, Vel antiphona: cantore incipiente chorus presequatur.

KYRIE eleyson. Christe eleyson. Kyrie eleyson. Pater noster. Secreto. Deinde dicatur.

ET ne nos inducas in temptationem. **R.** Set libera nos a malo. **V.** In pace in idipsum. **R.** Dormiam et requiescam. **V.** Vivet anima mea et laudabit te. **R.** Et iudicia tua adiuvaunt me. **V.**

ERRAVI sicut ovis que periit. **R.** Quere servum tuum domine quia mandata tua non sum oblitus. Credo. Secreto. Deinde.

CARNIS resurrectionem. **R.** Vitam eternam amen. **V.** Dignare domine nocta ista. **Vel.**

die isto. **R.** sine peccato nos custodire.

Preces omnes que dicuntur cum nota dicende sunt in eadem voce cum oratione que postea est dicenda.

**Quomodo Terminande Sunt
Hore a Sacerdote**

BENEDICAMUS domino. **R.** Deo gratias. **Requiescant in pace. R.** Amen.

FIDELIUM anime per misericordiam dei requiescant in pace. **R.** Amen.

Sine nota sonore et humili voce dicatur, et eodem modo respondeatur. Amen.

**Benedictiones Lectionum in
Matutinis**

In Primo Nocturno.

Benedictione perpetua benedicat nos pater eternis. Amen.

Unigenitus dei filius nos benedicere et adiuuare dignetur.

Spiritus sancti gratia illuminare dignetur sensus et corda nostra.

In Secundo Nocturno.

Deus pater omnipotens sit nobis propitius et clemens.

Ad gaudia paradisi perducatur nos misericordia Christi.

Ignem sui amoris accendat deus in cordibus nostris.

In Tercio Nocturno.

Ille nos benedicat qui sine fine vivit et regnat.

Quando omelia legitur.

Evangelica lectio sit nobis salus et protectio.

Divinum auxilium maneat semper nobiscum.

Ad societatem civium superiorum perducatur nos rex angelorum.

In Natali Domini Octava Benedictio.

Per evangelica dicta deleantur nostra delicta. **Nona.**

Intellectum sancti evangelii aperiat nobis virtus spiritus sancti.

Benedictiones in Festis Beate Virginis

In Primo Nocturno.

Alma virgo virginum intercedat pro nobis ad dominum.

Sancta dei genitrix sit nobis auxiliatrix.

Nos cum prole pia benedicat virgo Maria.

In Secundo Nocturno.

Ab hoste maligno eripiat nos dei genitrix virgo.

Ihesus Marie filius sit nobis clemens et propitius.

Stella Maria maris succurre piissima nobis.

In Tercio Nocturno.

ORET voce pia pro nobis virgo Maria. **Vel.** Evangelica lectio: Si fuerit omelia.

In tribulatione et angustia subveniat nobis pia virgo Maria.

Ad societatem civium superiorum perducatur nos regina angelorum.

In Sabbatis dicantur tres ultime quando de ea fit officium in conventu.

De Disciplinis Post Completorium

Dicto Confiteor, et Misereatur, et psalmo, Miserere. et Pater noster. Subiungatur, Et ne nos. ℣. Salvos fac servos tuos. Dominus vobiscum. Oremus.

Oratio.
DEUS cui proprium est misereri semper et parcere, suscipe deprecationem nostram, et quos delictorum catena constringit, miseratio tue pietatis absolvat. Per Christum.

De Preciosa

Finitis que de Calendario, luna, et martyologio pronuncianda sunt: subiungatur. **Versus.**

PRECIOSA est in conspectu domini. **R.** Mors sanctorum eius. **Oratio.**

SANCTA Maria et omnes sancti intercedant pro nobis ad dominum, ut mereamur adiuvari ab eo. Qui vivit et regnat per omnia secula seculorum. **R.** Amen.

Deinde dicatur ter. ℣. Deus in adiutorium meum intende. **R.** Domine ad adiuvandum me festina.

Quo ter dicto subiungatur. Gloria patri et filio et spiritui sancto. Sicut erat in principio et nunc et semper et in secula seculorum amen. Kyrie eleyson. Christe eleyson. Kyrie eleyson. Pater noster. Et ne nos inducas in temptationem. Sed libera nos a malo. ℣. Respice domine in servos tuos et in opera

tua, et dirige filios eorum. **R.** Et sit splendor domini dei nostri super nos, et opera manuum nostrarum dirige super nos, et opus manuum nostrarum dirige.

Deinde sequitur oratio dicenda eo modo, quo dicuntur orationes ad horas.

DIRIGERE et sanctificare digneris domine sancte pater omnipotens, eterne deus, hodie corda et corpora nostra in lege tua et in operibus mandatorum tuorum ut hic et in eternum te auxiliante semper salvi esse mereamur: Per Christum dominum nostrum amen.

Postea dicto, Iube. Si de evangelio legendum fuerit, detur benedictio.

Divinum auxilium maneat semper nobiscum. Amen.

Si vero de constitutionibus: detur benedictio.

Regularibus disciplinis instruat nos magister celestis. Amen.

Data benedictione sequitur lectio de evangelio, vel de constitutionibus: Fratres tamen qui extra conventu sunt: si evangelium proprium in promptu non habuerint: dicant. **Secundum Iohannem.**

IN principio erat verbum. Et verbum erat apud deum, et deus erat verbum. Hoc erat in principio apud deum. Omnia per ipsum facta sunt, et sine

ipso factum est nichil. Tu autem.

De constitutionibus vero dicatur. Lectio.

QUONIAM ex precepto regule iubemur habere cor unum et animam unam in domino, iustum est ut qui sub una regula et unius professionis voto vivimus, uniformes in observantiis canonice religionis inveniamur. Tu autem.

Finita lectione sequitur, Commemoratio fratrum, familiarum, benefactorum, defunctorum ordinis nostri. – Prelatus – Requiescant in pace. Amen. Deinde sequitur psalmus.

LAUDATE dominum omnes gentes laudate eum omnes populi. Quoniam, etc. Gloria patri. Sicut erat. **V.** Ostende nobis domine misericordiam tuam. **R.** Et salutare tuum da nobis. Dominus vobiscum. Oremus. **Oratio.**

ACTIONES nostras quesumus domine aspirando preveni, et adiuvando proseguere: ut cuncta nostra operatio a te semper incipiat et per te cepta finiatur. Per Christum dominum nostrum.

Postea dicatur Adiutorium nostrum in nomine domini. Qui fecit celum et terram.

In capitulo dicto Requiescant in pace. et responso Amen. dicat qui tenet capitulum. Benedicite. Et responso. Dominus. et recitatis benedictus dicatur.

RETRIBUE dignare domine omnibus nobis bona facientibus propter nomen sanctum tuum vitam eternam. **V.** Amen.

Postea sequitur psalmus hoc modo. Ad te levavi. Et terminetur, per Gloria. Deinde sequitur Ps. De profundis. Dicendus eodem modo: et terminandus, per Requiem. Postea sequitur. Kyrie eleyson. Christe eleyson. Kyrie eleyson. ut supra. Pater noster. Et ne nos. Deinde. **V.** Oremus pro domino papa. **R.** Dominus conservet eum et vivificet eum, et beatum faciat eum in terra, et non tradat eum in animam inimicorum eius. **V.** Salvos fac servos tuos et ancillas tuas. **R.** Deus meus. Requiescant in pace. **R.** Amen. Dominus vobiscum. Oremus. **Oratio.**

OMNIPOTENS sempiternus deus qui facis mirabilia solus, pretende super famulum tuum papam nostram, et super cunctas congregationes illi commissas spiritum gratie salutaris, et ut in veritate tibi complaceant, perpetuum eis rorem tue benedictionis infunde. **Oratio.**

PRETENDE domine famulis et familiabus tuis dexteram celestis auxilii, ut te toto corde perquirant, et que digne postulant assequantur: **Oratio.**

FIDELIUM deus omnium conditor et cetera. Predicte tres orationes dicantur eo modo quo dicuntur Ora-

tiones ad horas et terminen-
tur sub uno. Qui vivis et regnas
per omnia secula seculorum.
Amen.

De Collatione

Tempore ieiunii in collatione
detur lectori benedictio. Noc-
tem quietam et finem per-
fectum, tribuat nobis omni-
potens et misericors domi-
nus. Infra lectionem dicto: Be-
nedicite. Detur superiori po-
tum benedico. Largitor om-
nium bonorum, ✠ benedicat
potum servorum suorum. Dic-
to Tu autem. In fine lectionis
subiugatur. ∇. Adiutorium no-
strum.

Quando vero non fit collatio:
detur in choro benedictio. Noc-
tem quietam etc. Deinde su-
biugatur lectio. Fratres sobrii.
Qua finita et responso. Deo
gratias. subiungat qui prior
est, vel si ipse defuerit eb-
domadarius. Adiutorium no-
strum. Deinde dicto. Pater no-
ster. dicatur, Confiteor. Postea
Completorium inchoetur. Post
Completorium detur benedic-
tio sonore et humili voce

BENEDICTIO dei omnipoten-
teis, patris, et filii et spritu
sancti descendat super vos et
maneant semper. Amen.

Ante Completorium

Lectio.

FRATES, sobrii estote et vigi-
late, quia adversarius ve-
ster diabolus tanquam leo ru-
giens circuit querens quem de-

voret: cui resistite fortes in die.
Tu autem.

Dominica prima in Adventu et in sequentibus. In primo nocturno.

Ant. Scientes.

Dominica prima post Octavas Epiphanie et in sequentibus usque ad Dominicam in Passione.

Ant. Servite.

Dominica in Passione et sequenti.

Ant. Quid molesti.

Dominica prima post Trinitatem et in sequentibus usque ad Adventum.

Ant. Pro fidei.

BEÁTUS vir, qui non ábiit in consílio impiórum, † et in via peccatórum non stetit, * et in cáthedra pestiléntie non sedit:

Sed in lege Dómini volúntas eius, * et in lege eius meditábitur die ac nocte.

Et erit tamquam lignum, quod plantátum est secus decúr-sus aquárum, * quod fructum suum dabit in témpore suo:

Et fólium eius non défluet: * et ómnia quecúmque fáciet, prosperabúntur.

Non sic ímpii, non sic: * sed tamquam pulvis, quem próiicit ventus a fácie terre.

Ideo non resúrgent ímpii in iudício: * neque peccatóres in concílio iustórum.

Quóniam novit Dóminus viam iustórum: * et iter impiórum períbit.

QUARE fremuérunt Gentes: * et pópuli meditáti sunt inánia?

Astitérunt reges terre, et príncipes convenérunt in unum * advérsus Dóminum, et advérsus Christum eius.

Dirumpámus víncula eórum: * et proiciámus a nobis iugum ipsórum.

Qui hábitat in celis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum eius, * prédicans preceptum eius.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hereditátem tuam, * et possessionem tuam términos terre.

Reges eos in virga férrea, * et tamquam vas fíguli confrínges eos.

Et nunc, reges, intelligite: * erudímini, qui iudicátis terram.

Servíte Dómino in timóre: * et exultáte ei cum tremóre.

Apprehéndite disciplínam, nequándo irascátur Dóminus, * et pereátis de via iusta.

Cum exárserit in brevi ira eius: * beáti omnes qui confidunt in eo.

DÓMINE quid multiplicáti

sunt qui trībulant me? *
multi insūrgunt advēsum me.

Multi dicunt ánime mee: *
Non est salus ipsi in Deo eius.

Tu autem, Dómine, suscēptor
meus es, * glória mea, et exál-
tans caput meum.

Voce mea ad Dóminum cla-
mávi: * et exaudívit me de
monte sancto suo.

Ego dormívi, et soporátus
sum: * et exurréxi, quia Dó-
minus suscepit me.

Non timébo míllia pópuli cir-
cumdántis me: * exúrge, Dó-
mine, salvum me fac, Deus
meus.

Quóniam tu percussísti omnes
adversántes michi sine causa:
* dentes peccatórum contriví-
sti.

Dómini est salus: * et super
pópulum tuum benedíctio tua.

CUM invocárem exaudívit
me Deus iustítie mee: * in
tribulatióne dilatásti michi.

Miserére mei, * et exáudi ora-
tiónem meam.

Filii hómīnum, úsquequo gra-
vi corde? * ut quid dilígitis
vanitátem et quérītis mendá-
cium?

Et scitóte quóniam mirificá-
vit Dóminus sanctum suum:
* Dóminus exáudiet me cum
clamávero ad eum.

Irascímini, et nolíte peccáre: †
que dícitis in córdibus vestris,
* in cubílibus vestris compun-
gímīni.

Sacrificáte sacrificium iusti-
tie, † et speráte in Dómino. *
Multi dicunt: quis osténdit no-
bis bona?

Signátum est super nos lumen
vultus tui, Dómine: * dedísti
letítiam in corde meo.

A fructu fruménti, vini et ólei
sui * multiplicáti sunt.

In pace in idípsum * dórmiā
et requiēscā;

Quóniam tu, Dómine, singu-
lárīter in spe * constituísti me.

VERBA mea áuribus pērcipe,
Dómine, * intéllege cla-
mórem meum.

Inténde voci oratiónis mee: *
Rex meus et Deus meus.

Quóniam ad te orábo: * Dó-
mine, mane exáudies vocem
meam.

Mane astábo tibi et vidébo: *
quóniam non Deus volens ini-
quitátem tu es.

Neque habitábit iuxta te ma-
līgus: * neque permanébunt
iniústi ante óculos tuos.

Odísti omnes, qui operántur
iniquitátem: * perdes omnes,
qui loquúntur mendácium.

Virum sánguīnum et dolósum
abominábitur Dóminus: * ego
autem in multitúdine miseri-
córdie tue.

Introíbo in domum tuam: *
adorábo ad templum sanctum
tuum in timóre tuo.

Dómine, deduc me in iustítia
tua: * propter inimícos meos

dirige in conspectu tuo viam meam.

Quoniam non est in ore eorum veritas: * cor eorum vanum est.

Sepulcrum patens est guttur eorum, † linguis suis dolose agebant, * iudica illos, Deus.

Decidant a cogitationibus suis, † secundum multitudinem impietatum eorum expelle eos, * quoniam irritaverunt te, Domine.

Et letentur omnes, qui sperant in te, * in eternum exultabunt: et habitabis in eis.

Et gloriabuntur in te omnes, qui diligunt nomen tuum: * quoniam tu benedices iusto.

Domine, ut scuto bone voluntatis tue * coronasti nos.

DOMINE, ne in furore tuo arguas me, * neque in ira tua corripias me.

Miserere mei, Domine, quoniam infirmus sum: * sana me, Domine, quoniam conturbata sunt ossa mea.

Et anima mea turbata est valde: * sed tu, Domine, usquequo?

Convertere, Domine, et eripe animam meam: * salvum me fac propter misericordiam tuam.

Quoniam non est in morte qui memor sit tui: * in inferno autem quis confitebitur tibi?

Laboravi in gemitu meo, † lavabo per singulas noctes lec-

tum meum: * lacrimis meis stratum meum rigabo.

Turbatus est a furore oculus meus: * inveteravi inter omnes inimicos meos.

Discédite a me, omnes, qui operamini iniquitatem: * quoniam exaudivit Dominus vocem fletus mei.

Exaudivit Dominus deprecationem meam, * Dominus orationem meam suscepit.

Erubescant, et conturbentur vehementer omnes inimici mei: * convertantur et erubescant valde velociter.

Ant. Servite domino in timore, et exultate ei cum tremore.

Ant. Domine.

Ant. Pro fidei meritis vocitatur iure beatus legem qui domini meditatur nocte dieque.

Ant. Iuste deus.

DOMINE, Deus meus, in te speravi: * salvum me fac ex omnibus persequentibus me, et libera me.

Nequando rapiat ut leo animam meam, * dum non est qui redimat, neque qui salvum faciat.

Domine, Deus meus, si feci istud. * si est iniquitas in manibus meis:

Si reddidi retribuéntibus michi mala, * decida mérito ab inimicis meis inanis.

Persequatur inimicus animam meam, † et comprehendat, et concúlcet in terra vitam

meam, * et glóriam meam in
púlverem dedúcat.

Exúrge, Dómine, in ira tua: *
et exaltáre in fínibus inimicó-
rum meórum.

Et exúrge, Dómine Deus
meus, in precépto quod man-
dásti: * et synagóga populó-
rum circúmdabit te.

Et propter hanc in altum re-
grédere: * Dóminus iúdicat
pópulos.

Iúdica me, Dómine, secún-
dum iustítiam meam, * et se-
cúndum innocéntiam meam
super me.

Consumétur nequítia pecca-
tórum, et dírges iustum, *
scrutans corda et renes Deus.

Iustum adiutórium meum a
Dómino, * qui salvos facit rec-
tos corde.

Deus iudex iustus, fortis, et
pátiens: * numquid iráscitur
per síngulos dies?

Nisi convérsi fuéritis, gládium
suum vibrábit: * arcum suum
teténdit, et parávit illum.

Et in eo parávit vasa mortis: *
sagíttas suas ardéntibus effé-
cit.

Ecce partúriit iniustítiam: *
concépit dolórem, et péperit
iniquitátem.

Lacum apérui, et effódit eum:
* et incidit in fóveam quam fe-
cit.

Convertétur dolor eius in ca-
put eius: * et in vérticem ipsíus
iníquitas eius descéndet.

Confitébor Dómino secún-
dum iustítiam eius: * et psal-
lam nómini Dómini altíssimi.

DÓMINE, Dóminus noster, *
quam admirábile est no-
men tuum in univérsta terra!

Quóniam eleváta est magnifi-
céntia tua, * super celos.

Ex ore infántium et lactén-
tium perfecisti laudem prop-
ter inimícos tuos, * ut déstruas
inimícum et ultórem.

Quóniam vidébo celos tuos,
ópera digitórum tuórum: * lu-
nam et stellas, que tu fundásti.

Quid est homo quod memor es
eius? * aut fílius hóminis, quó-
niam vísitas eum?

Minuísti eum paulo minus ab
Angelis, † glória et honóre co-
ronásti eum: * et constituísti
eum super ópera mánuum
tuárum.

Omnia subiecísti sub pédibus
eius, * oves et boves univérsas:
ínsuper et pécora campi.

Vólucres celi, et pisces ma-
ris, * qui perámbulant sémitas
maris.

Dómine, Dóminus noster, *
quam admirábile est nomen
tuum in univérsta terra!

CONFITÉBOR tibi, Dómine,
in toto corde meo: * nar-
rábo ómnia mirabília tua.

Letábor et exultábo in te: *
psallam nómini tuo, Altíssime.

In converténdo inimícum
meum retrórsum: * infirma-
búntur, et períbunt a fácie tua.

Quóniam fecísti iudícium meum et causam meam: * sedísti super thronum, qui iúdicas iustítiam.

Increpásti Gentes, et périit impius: * nomen eórum delésti in etérnum, et in séculum séculi.

Inimíci defecérunt frámee in finem: * et civitátes eórum destruxísti.

Périit memória eórum cum sónitú: * et Dóminus in etérnum pérmanet.

Parávit in iudício thronum suum: * et ipse iudicábit orbem terre in equitáte, iudicábit pópulos in iustítia.

Et factus est Dóminus refúgium páuperi: * adiútor in oportunitátibus, in tribulatióne.

Et sperent in te qui novérunt nomen tuum: * quóniam non dereliquísti queréntes te, Dómine.

Psállite Dómino, qui hábitat in Sion: * annuntiáte inter Gentes stúdia eius:

Quóniam requírens ságuinem eórum recordátus est: * non est oblítus clamórem páuperum.

Miserére mei, Dómine: * vide humilitátem meam de inimícis meis.

Qui exáltas me de portis mortis, * ut annúntiem omnes laudatiónes tuas in portis filíe Sion.

Exultábo in salutári tuo: * in-

fixe sunt Gentes in intéritu, quem fecérunt.

In láqueo isto, quem absconderunt, * comprehénsus est pes eórum.

Cognoscétur Dóminus iudícia fáciens: * in opéribus mánuum suárum comprehénsus est peccátor.

Convertántur peccatóres in inférnum, * omnes Gentes que obliviscúntur Deum.

Quóniam non in finem oblívio erit páuperis: * patiéntia páuperum non períbit in finem.

Exúrge, Dómine, non confortétur homo: * iudicéntur Gentes in conspéctu tuo.

Constitue, Dómine, legislatórem super eos: * ut sciant Gentes quóniam hómines sunt.

Ut quid, Dómine, recessísti longe, * déspicis in opportunitátibus, in tribulatióne?

Dum supérbit impius, incénditur pauper: * comprehéndúntur in consíliis quibus cógitant.

Quóniam laudátur peccátor in desidériis ánime sue: * et iníquus benedícitur.

Exacerbávit Dóminum peccátor, * secúndum multitudínem ire sue non queret.

Non est Deus in conspéctu eius: * inquináte sunt vie illíus in omni témpore.

Auferúntur iudícia tua a fá-

cie eius: * ómnium inimicórum suórum dominábitur.

Dixit enim in corde suo: * Non movébor a generatióne in generatióne sine malo.

Cuius maledictióne os plenum est, et amaritúdine, et dolo: * sub lingua eius labor et dolor.

Sedet in insídiis cum divítibus in occúltis: * ut interfíciat innocéntem.

Oculi eius in páuperem respíciunt: * insidiátur in abscón-dito, quasi leo in spelúnca sua.

Insidiátur ut rápiat páuperem: * rápere páuperem, dum áttahit eum.

In láqueo suo humiliábit eum: * inclinábit se, et cadet, cum dominátus fúerit páuperum.

Dixit enim in corde suo: Ob-lítus est Deus, * avértit fáciem suam ne vídeat in finem.

Exúrge, Dómine Deus, exaltétur manus tua: * ne obliviscáris páuperum.

Propter quid irritávit ímpius Deum? * dixit enim in corde suo: Non requíret.

Vides quóniam tu labórem et dolórem consíderas: * ut tradas eos in manus tuas.

Tibi derelíctus est pauper: * órphano tu eris adiútor.

Cóntere bráchium peccatóris et maligni: * querétur peccátum illíus, et non inveniétur.

Dóminus regnábit in etérnum, et in séculum séculi: *

períbitis, Gentes, de terra illíus.

Desidérium páuperum exau-dívit Dóminus: * preparatió-nem cordis eórum audívit auris tua.

Iudicáre pupíllo et húmili, * ut non appónat ultra magnificáre se homo super terram.

IN Dómino confído: † quómodo dícitis ánime mee: * Trásmigra in montem sicut passer?

Quóniam ecce peccatóres intendérunt arcum, † paravérunt sagíttas suas in pháretra, * ut sagíttent in obscúro rectos corde.

Quóniam que perfecísti, destruxérunt: * iustus autem quid fecit?

Dóminus in templo sancto suo, * Dóminus in celo sedes eius.

Oculi eius in páuperem respíciunt: * pálpebre eius intérogant fílios hóminum.

Dóminus intérogat iustum et ímpium: * qui autem díligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procellárum pars cálicis eórum.

Quóniam iustus Dóminus, et iustítias diléxit: * equitátem vidit vultus eius.

Ant. Domine deus meus in te speravi.

Ant. Tu Domine.

Ant. Iuste deus iudex fortis patiensque benignus in te sperantes muni miserando fideles.

Ant. Surge.

SALVUM me fac, Dómine, quóniam defécit sanctus: * quóniam diminúte sunt veritátes a fíliis hóminum.

Vana locúti sunt unusquisque ad próximum suum: * lábia dolósa, in corde et corde locúti sunt.

Dispérdat Dóminus univérsa lábia dolósa, * et linguam magníloquam.

Qui dixérunt: Linguam nostram magnificábimus, † lábia nostra a nobis sunt, * quis noster Dóminus est?

Propter misériam ínopum, et gémitum páuperum, * nunc exúrgam, dicit Dóminus.

Ponam in salutári: * fiduciá-liter agam in eo.

Elóquia Dómini, elóquia casta: * argéntum igne examinátum, probátum terre purgátum séptuplum.

Tu, Dómine, servábis nos: et custódies nos * a generatióne hac in etérnum.

In circúitu ímpii ámbulant: * secúndum altitúdinem tuam multiplicásti filios hóminum.

USQUEQUO, Dómine, obliviscéris me in finem? * úsquequo avértis fáciem tuam a me?

Quámdiu ponam consília in ánima mea, * dolórem in corde meo per diem?

Usquequo exaltábitur inimícus meus super me? * réspice, et exáudi me, Dómine, Deus meus.

Illúmina óculos meos ne umquam obdórmiam in morte: * nequándo dicat inimícus meus: preválui advérsus eum.

Qui tríbulant me, exultábunt si motus fúero: * ego autem in misericórdia tua sperávi.

Exultábit cor meum in salutári tuo: † cantábo Dómino qui bona tríbuit michi: * et psallam nómini Dómini altíssimi.

DIXIT insípiens in corde suo: * Non est Deus.

Corrúpti sunt, et abominábiles facti sunt in stúdiis suis: * non est qui fáciat bonum, non est usque ad unum.

Dóminus de celo prospéxit super fílios hóminum, * ut vídeat si est intélligens, aut requírens Deum.

Omnes declinavérunt, simul inútiles facti sunt: * non est qui fáciat bonum, non est usque ad unum.

Sepúlcrum patens est guttur eórum: † linguis suis dolóse agébant * venénium áspidum sub lábiis eórum.

Quorum os maledictióne et amaritúdine plenum est: * veloces pedes eórum ad effundéndum ságuinem.

Contrítio et infelícitas in viis eórum, † et viam pacis non cognovérunt: * non est timor Dei ante óculos eórum.

Nonne cognóscent omnes qui operántur iniquitátem, * qui dévorant plebem meam sicut escam panis?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in generatióne iusta est, † consílium ínopis confudístis: * quóniam Dóminus spes eius est.

Quis dabit ex Sion salutáre Israhël? * cum avérterit Dóminus captivitátem plebis sue, exultábit Iacob, et letábitur Israhël.

DÓMINE, quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur iustítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu eius malignus: * tíméntes autem Dóminum glórficat:

Qui iurat próximo suo, et non decipit, * qui pecúniam suam non dedit ad usúram, et mune-

ra super innocéntem non accépit.

Qui facit hec: * non movébitur in etérnum.

Ant. Scientes quia hora est iam nos de somno surgere nunc enim prior est nostra salus quam cum credidimus nox precessit dies autem appropinquavit.

Ant. Hora est.

Ant. Quid molesti estis huic mulieri opus enim bonum operata est in me.

Ant. Mittens.

Ant. Tu Domine servabis nos et custodies nos.

Ant. Bonorum.

Ant. Surge et in eternum serva munimine sacro custodique tuos astripotens famulos.

Ant. Nature.

CONSÉRVA me, Dómine, quóniam sperávi in te: † Dixi Dómino: Deus meus es tu, * quóniam bonórum meórum non eges.

Sanctis, qui sunt in terra eius, * mirificávit omnes voluntátes meas in eis.

Multiplicáte sunt infirmitátes eórum: * póstea acceleravérunt.

Non congregábo conventícula eórum de sanguínibus, * nec memor ero nóminum eórum per lábia mea.

Dóminus pars hereditátis mee, et cálicis mei: * tu es, qui restitues hereditátem meam michi.

Funes cecidérunt michi in precláris: * étenim heréditas mea preclára est michi.

Benedícam Dóminum, qui tríbuit michi intelléctum: * ínsuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est michi, ne commóvear.

Propter hoc letátum est cor meum, et exultávit lingua mea: * ínsuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas michi fecísti vias vite, † adimplébis me letítia cum vultu tuo: * delectatiónes in dextera tua usque in finem.

Ant. Bonorum meorum non indiges in te speravi conserva me Domine.

Ant. Inclina.

Ant. Nature genitor conserva a morte redemptos facque tuo dignos servitio famulos.

Ant. Pectora.

EXÁUDI, Dómine, iustítiam meam: * inténde deprecatiónem meam.

Auribus pécipe oratióem meam, * non in lábiis dolósis.

De vultu tuo iudícium meum pródeat: * óculi tui vídeant equitátes.

Probásti cor meum, et visitásti

nocte: * igne me examinásti, et non est invénta in me iníquitas.

Ut non loquátur os meum ópera hóminum: * propter verba labiórú tuórum ego custodívi vias duras.

Pérfice gressus meos in sémitis tuis: * ut non moveántur vestigia mea.

Ego clamávi, quóniam exaudísti me, Deus: * inclína aurem tuam michi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dextere tue custódi me, * ut pupíllam óculi.

Sub umbra alárum tuárum prótege me: * a fácie impiórum qui me afflixérunt.

Inimíci mei ánimam meam circumdedérunt, † ádipem suum conclusérunt: * os eórum locútum est supérbiam.

Proiiciéntes me nunc circumdedérunt me: * óculos suos statuérunt declináre in terram.

Suscepérunt me sicut leo parátus ad predam: * et sicut cátilus leónis hábitans in ábditis.

Exúrge, Dómine, préveni eum, et supplánta eum: * éripe ánimam meam ab ímpio, frámeam tuam ab inimícis manus tue.

Dómine, a paucis de terra dívide eos in vita eórum: * de ab-

scónditis tuis adimplétus est venter eórum.

Saturáti sunt fíliis: * et dimiserunt reliquias suas párvulis suis.

Ego autem in iustítia apparebo conspéctui tuo: * satiabor cum apparúerit glória tua.

Ant. Inclina Domine aurem tuam michi et exaudi verba mea.

Ant. Dominus.

Ant. Pectora nostra tibi tu conditor orbis adure igne pio purgans atque cremando probans.

Ant. Tu populum.

DÍLIGAM te, Dómine, fortitúdo mea: * Dóminus firmaméntum meum, et refúgium meum, et liberátor meus.

Deus meus adiutor meus, * et sperábo in eum.

Protéctor meus, et cornu salutis mee, * et suscéptor meus.

Laudans invocábo Dóminum: * et ab inimícis meis salvus ero.

Circumdedérunt me dolóres mortis: * et torréntes iniquitátis conturbavérunt me.

Dolóres inférni circumdedérunt me: * preoccupavérunt me láquei mortis.

In tribulatióne mea invocávi Dóminum, * et ad Deum meum clamávi.

Et exaudivit de templo sancto suo vocem meam: * et clamor meus in conspéctu eius, introívit in aures eius.

Commóta est, et contrémuit

terra: * fundaménta móntium conturbáta sunt, et commóta sunt, quóniam irátus est eis.

Ascéndit fumus in ira eius: † et ignis a fácie eius exársit: * carbónes succénsi sunt ab eo.

Inclinávit celos, et descendit: * et calígo sub pédibus eius.

Et ascéndit super Chérubim, et volávit: * volávit super pennas ventórum.

Et pósuit ténebras latíbulum suum, † in circúitu eius tabernáculum eius: * tenebrósa aqua in núbibus aéris.

Pre fulgóre in conspéctu eius nubes transiérunt, * grando et carbónes ignis.

Et intónuit de celo Dóminus, † et Altíssimus dedit vocem suam: * grando et carbónes ignis.

Et misit sagíttas suas, et dissipávit eos: * fúlgora multiplicávit, et conturbávit eos.

Et apparuérunt fontes aquárum, * et reveláta sunt fundaménta orbis terrárum:

Ab increpatióne tua, Dómine, * ab inspiratióne spíritus ire tue.

Misit de summo, et accépit me: * et assúmpsit me de aquis multis.

Erípuit me de inimícis meis fortíssimis, † et ab his qui odérunt me: * quóniam confortáti sunt super me.

Prevenérunt me in die afflic-

tionis mee: * et factus est Dóminus protéctor meus.

Et edúxit me in latitúdinem: * salvum me fecit, quóniam vóluit me.

Et retríbuet michi Dóminus secúndum iustítiam meam: * et secúndum puritátem mánuum meárum retríbuet michi:

Quia custodívi vias Dómini, * nec ímpie gessi a Deo meo.

Quóniam ómnia iudícia eius in conspéctu meo: * et iustítias eius non répuli a me.

Et ero immaculátus cum eo: * et observábo me ab iniquitáte mea.

Et retríbuet michi Dóminus secúndum iustítiam meam: * et secúndum puritátem mánuum meárum in conspéctu oculórum eius.

Cum sancto sanctus eris, * et cum viro innocénte ínnocens eris:

Et cum elécto eléctus eris: * et cum perverso pervertéris.

Quóniam tu pópulum húmílem salvum fácies: * et óculos superbórum humiliábis.

Quóniam tu illúminas lucérnam meam, Dómine: * Deus meus, illúmina ténebras meas.

Quóniam in te erípiar a tentatióne, * et in Deo meo transgrédíar murum.

Deus meus, impollúta via eius: † elóquia Dómini igne examináta: * protéctor est ómnium sperántium in se.

Quóniam quis Deus preter Dóminum? * aut quis Deus preter Deum nostrum?

Deus, qui precínxit me virtúte: * et pósuit immaculátam viam meam.

Qui perfécit pedes meos tamquam cervórum, * et super excélsa státuens me.

Qui docet manus meas ad prélium: * et posuísti, ut arcum éreum, bráchia mea.

Et dedísti michi protectiódinem salútis tue: * et dextera tua suscepít me:

Et disciplína tua corréxit me in finem: * et disciplína tua ipsa me docébit.

Dilatásti gressus meos subtus me: * et non sunt infirmáta vestígia mea:

Pérsequar inimícos meos et comprehéndam illos: * et non convérta, donec defícient.

Confríngam illos, nec póterunt stare: * cadent subtus pedes meos.

Et precinxísti me virtúte ad bellum: * et supplantásti insurgéntes in me subtus me.

Et inimícos meos dedísti michi dorsum, * et odiéntes me disperdidísti.

Clamavérunt, nec erat qui salvos fáceret ad Dóminum: * nec exaudivít eos.

Et commínuam illos, ut pulverem ante faciém venti: * ut lutum plateárum delébo eos.

Erípies me de contradiccióni-

bus pópuli: * constítues me in caput géntium.

Pópulus quem non cognóvi servívit michi: * in audítu auris obedívit michi.

Fílii aliéni mentítí sunt michi, * fílii aliéni inveterátí sunt, et claudicavérunt a sémitis suis.

Vivít Dóminus, et benedíctus Deus meus: * et exaltétur Deus salútis mee.

Deus, qui das vindíctas michi, et subdis pópulos sub me: * liberátor meus de inimícis meis iracúndis.

Et ab insurgéntibus in me exaltábis me: * a viro iníquo erípíes me.

Proptérea confitébor tibi in natióibus, Dómine: * et nómini tuo psalmum dicam.

Magníficans salútes Regis eius, † et fáciens misericórdiam Christo suo David: * et sémini eius usque in séculum.

Ant. Hora est iam nos de somno surgere et aperti sunt oculi nostri surgere ad Christum quia lux vera est fulgens in mundo.

Ant. Nox precessit.

Ant. Mittens hec mulier in corpus meum hoc unguentum ad sepeliendum me fecit.

Ant. Magister dicit.

Ant. Dominus firmamentum meum et refugium meum.

Ant. Non sunt loquele.

Ant. Tu populum humilem salvasti a morte redemptor atque

superba tuo colla premis iaculo.

Ant. Sponsus.

CELI enarrant glóriam Dei: * et ópera mánuum eius annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquéle, neque sermónes, * quorum non audiántur voces eórum.

In omnem terram exívit sonus eórum: * et in fines orbis terre verba eórum.

In sole pósuit tabernáculum suum: * et ipse tamquam sponsus procédens de thálamo suo.

Exultávit ut gigas ad curréndam viam, * a summo celo egréssio eius.

Et occúrsus eius usque ad summum eius: * nec est qui se abscondat a calóre eius.

Lex Dómini immaculáta, convertens ánimas: * testimónium Dómini fidéle, sapiéntiam prestans párvulis.

Iustítie Dómini recte, letificántes corda: * precéptum Dómini lúcidum illúminans óculos.

Timor Dómini sanctus, permanens in séculum séculi: * iudícia Dómini vera, iustificáta in semetípsa.

Desiderabília super aurum et lápidem pretiósum multum: * et dulcióra super mel et favum.

Etenim servus tuus custódit

ea, * in custodiéndis illis re-
tribútio multa.

Delícta quis intélligit? † ab oc-
cúltis meis munda me: * et ab
aliénis parce servo tuo.

Si mei non fúerint dominá-
ti, tunc immaculátus ero: * et
emundábor a delícto máximo.

Et erunt ut compláceant eló-
quia oris mei: * et meditatio
cordis mei in conspéctu tuo
semper.

Dómine, adiútor meus, * et
redémptor meus.

Ant. Non sunt loquere neque
sermones quorum non au-
diantur voces eorum.

Ant. Exaudiat.

Ant. Sponsus ut e thalamo pro-
cessit Christus in orbem de-
scendens celo iure salutifero.

Ant. Auxilium.

EXÁUDIAT te Dóminus in die
tribulatiónis: * próteget te
nomen Dei Iacob.

Mittat tibi auxiliúm de sancto:
* et de Sion tueátur te.

Memor sit omnis sacrificii tui:
* et holocáustum tuum pingue
fiat.

Tríbuat tibi secúndum cor
tuum: * et omne consílium
tuum confírmet.

Letábimur in salutári tuo: * et
in nómine Dei nostri magnifi-
cábimur.

Impleat Dóminus omnes pe-
titiónes tuas: * nunc cognóvi
quóniam salvum fecit Dómi-
nus Christum suum.

Exáudiet illum de celo sanc-

to suo: * in potentátibus salus
déxtere eius.

Hi in cúrribus, et hi in equis: *
nos autem in nómine Dómini,
Dei nostri invocábimus.

Ipsi obligáti sunt, et cecidér-
unt: * nos autem surréximus
et erécti sumus.

Dómine salvum fac regem: *
et exáudi nos in die, qua invo-
cavérimus te.

Ant. Exaudiat te Dominus in
die tribulationis.

Ant. Domine.

Ant. Auxilium nobis salvator
mitte salutis et tribuas vitam
tempore perpetuo.

Ant. Rex sine fine.

DÓMINE, in virtúte tua letá-
bitur rex: * et super salu-
táre tuum exultábit vehemén-
ter.

Desidérium cordis eius tribuí-
sti ei: * et voluntáte labiów
eius non fraudásti eum.

Quóniam prevenísti eum in
benedictiónibus dulcédinis: *
posuísti in cápite eius corónam
de lápide pretiósio.

Vitam pétiit a te: * et tribuí-
sti ei longitúdinem diérum in
séculum, et in séculum séculi.

Magna est glória eius in salu-
tári tuo: * glóriam et magnum
decórem impónes super eum.

Quóniam dabis eum in bene-
dictiónem in séculum séculi: *
letificábis eum in gáudio cum
vultu tuo.

Quóniam rex sperat in Dómi-

no: * et in misericórdia Altísimi non commovébitur.

Inveniátur manus tua ómnibus inimícis tuis: * délixera tua invéníat omnes, qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum eórum de terra perdes: * et semen eórum a fíliis hóminum.

Quóniam declinavérunt in te mala: * cogitavérunt consília, que non potuérunt stabilíre.

Quóniam pones eos dorsum: * in reliquiis tuis preparábis vul-tum eórum.

Exaltáre, Dómine, in virtúte tua: * cantábimus et psallémus virtútes tuas.

Ant. Nox precessit dies autem appropinquavit abiciamus ergo opera tenebrarum et induamur arma lucis sicut in die honeste ambulemus.

Ant. Domine in virtute tua letabitur rex.

Ant. Magister dicit tempus meum prope est apud te facio Pascha cum discipulis meis.

Ant. Rex sine fine manens miseris tu parce ruinis premia concedens et tua cuncta regens.

In Laudibus. Ant. Regnavit Dominus precinctus fortitudine cum decore virtutum cuius sedes parata est in eternum. Dominus regnavit.

DEUS, Deus meus, réspice in me: † quare me dereliquísti? * longe a salúte mea verba delictórum meórum.

Deus meus, clamábo per diem, et non exáudies: * et nocte, et non ad insipiéntiam michi.

Tu autem in sancto hábitas: * laus Israhël.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo: * oppróbrium hóminum, et abiéctio plebis.

Omnes vidéntes me derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti me de ventre: * spes mea ab ubéribus matris mee. In te proiéctus sum ex útero.

De ventre matris mee Deus meus es tu, * ne discésseris a me:

Quóniam tribulátio próxima est: * quóniam non est qui ádiuvet.

Circumdedérunt me vítuli multi: * tauri pingues obse-dérunt me.

Aperuérunt super me os

suum: * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens: * in médio ventris mei.

Aruit tamquam testa virtus mea, † et lingua mea adhésit fáucibus meis: * et in púlverem mortis deduxísti me.

Quóniam circumdedérunt me canes multi: * concílium malignántium obsédit me.

Fodérunt manus meas et pedes meos: * dinumeravérunt ómnia ossa mea.

Ipsi vero consideravérunt et inspexérunt me: * divisérunt sibi vestiménta mea, et super vestem meam misérunt sortem.

Tu autem, Dómine, ne elongáveris auxiliúm tuum a me: * ad defensiónem meam cóspice.

Erue a frámea, Deus, ánimam meam: * et de manu canis únicam meam.

Salva me ex ore leónis: * et a cór nibus unicórnium humili-tátem meam.

Narrábo nomen tuum frátribus meis: * in médio Ecclésiæ laudábo te.

Qui timétis Dóminum, laudáte eum: * univérsum semen Iacob, glorificáte eum.

Tímeat eum omne semen Israhël: * quóniam non spre-

vit, neque despéxit deprecaciónem páuperis:

Nec avértit fáciem suam a me: * et cum clamárem ad eum, exaudivit me.

Apud te laus mea in ecclésiá magna: * vota mea reddam in conspéctu timéntium eum.

Edent páuperes, et saturabúntur: † et laudábunt Dóminum qui requírunť eum: * vivent corda eórum in séculum séculi.

Reminiscéntur et converténtur ad Dóminum * univérsi fines terre:

Et adorábunt in conspéctu eius * univérsæ famíliæ Géntium.

Quóniam Dómini est regnum: * et ipse dominábitur Géntium.

Manducavérunt et adoravérunt omnes pingues terre: * in conspéctu eius cadent omnes qui descéndunt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt celi iustítiam eius pópulo qui nascétur, quem fecit Dóminus.

DÓMINUS regit me, et nichil michi déerit: * in loco páscuæ ibi me collocávit.

Super aquam refectiónis educávit me: * ánimam meam convértit.

Dedúxit me super sémitas iustítie: * propter nomen suum.

Nam, etsi ambulávero in mé-
dio umbre mortis, non timébo
mala: * quóniam tu mecum es.

Virga tua, et báculus tuus: *
ipsa me consoláta sunt.

Parásti in conspéctu meo
mensam, * advérsus eos, qui
tríbulant me.

Impinguásti in óleo caput
meum: * et calix meus iné-
brians quam preclárus est!

Et misericórdia tua subsequé-
tur me * ómnibus diébus vite
mee.

Et ut inhábitem in domo Dó-
mini, * in longitudínem dié-
rum.

DÓMINI est terra, et plenitú-
do eius: * orbis terrárum,
et univérsi qui hábitant in eo.

Quia ipse super mária fundá-
vit eum: * et super flúmina
preparávit eum.

Quis ascéndet in montem Dó-
mini? * aut quis stabit in loco
sancto eius?

Innocens mánibus et mundo
corde, † qui non accépit in vano
ánimam suam, * nec iurávit in
dolo próximo suo.

Hic accípiet benedictiónem a
Dómino: * et misericórdiam a
Deo, salutári suo.

Hec est generátio queréntium
eum, * queréntium fáciem Dei
Iacob.

Attóllite portas, príncipes, ve-
stras, † et elevámini, porte
eternáles: * et introíbit Rex
glórie.

Quis est iste Rex glórie? † Dó-
minus fortis et potens: * Dó-
minus potens in prélio.

Attóllite portas, príncipes, ve-
stras, † et elevámini, porte
eternáles: * et introíbit Rex
glórie.

Quis est iste Rex glórie? * Dó-
minus virtútum ipse est Rex
glórie.

Ad te, Dómine, levávi áni-
mam meam: * Deus
meus, in te confído, non eru-
bescam.

Neque irrídeant me inimíci
mei: * étenim univérsi, qui sú-
stinent te, non confundéntur.

Confundántur omnes iníqua
agéntes * supervácue.

Vias tuas, Dómine, demónstra
michi * et sémitas tuas édoce
me.

Dírige me in veritáte tua, et
doce me: * quia tu es, Deus,
Salvátor meus, et te sustínui
tota die.

Reminíscere miseratiónum
tuárum, Dómine, * et miseri-
cordiárum tuárum, que a sé-
culo sunt.

Delícta iuventútis mee, * et
ignorántias meas ne memíne-
ris.

Secúndum misericórdiam
tuam meménto mei tu, * prop-
ter bonitátem tuam, Dómine.

Dulcis et rectus Dóminus: *
propter hoc legem dabit delin-
quéntibus in via.

Díriget mansuétos in iudício:
* docébit mites vias suas.

Univérse vie Dómini, misericórdia et véritas, * requiréntibus testaméntum eius et testimónia eius.

Propter nomen tuum, Dómine, propitiáberis peccáto meo:
* multum est enim.

Quis est homo qui timet Dóminum? * legem státuit ei in via, quam elégit.

Anima eius in bonis demorábitur: * et semen eius hereditábit terram.

Firmaméntum est Dóminus timéntibus eum: * et testaméntum ipsíus ut manifestétur illis.

Oculi mei semper ad Dóminum: * quóniam ipse evélet de láqueo pedes meos.

Réspice in me, et miserére mei: * quia únicus et pauper sum ego.

Tribulatiónes cordis mei multiplicáte sunt: * de necessitatibus meis érue me.

Vide humilitátem meam, et labórem meum: * et dimítte univérse delícta mea.

Réspice inimícos meos quóniam multiplicáti sunt: * et odio iníquo odérunt me.

Custódi ánimam meam, et érue me: * non erubescam quóniam sperávi in te.

Innocéntes et recti adhesérunt michi: * quia sustínui te.

Libera, Deus, Israhël: * ex ómnibus tribulatióibus suis.

IÚDICA me, Dómine, quóniam ego in innocéntia mea ingréssus sum: * et in Dómino sperans non infirmábor.

Proba me, Dómine, et tenta me: * ure renes meos et cor meum.

Quóniam misericórdia tua ante óculos meos est: * et complácuí in veritáte tua.

Non sedi cum concílio vanitátis: * et cum iníqua geréntibus non introíbo.

Odívi ecclésiám malignántium: * et cum ímpiis non sedébo.

Lavábo inter innocéntes manus meas: * et circúmdabo altáre tuum, Dómine.

Ut áudiam vocem laudis: * et enárrem univérse mirabília tua.

Dómine, diléxi decórem domus tue: * et locum habitatiónis glórie tue.

Ne perdas cum ímpiis, Deus, ánimam meam, * et cum viris ságuinum vitam meam.

In quorum mánibus iniquitates sunt: * dextera eórum repléta est munéribus.

Ego autem in innocéntia mea ingréssus sum: * rédime me, et miserére mei.

Pes meus stetit in dirécto: * in ecclésiis benedícam te, Dómine.

Ant. Dominus.

DÓMINUS illuminátio mea, et salus mea, * quem timébo?

Dóminus protéctor vite mee,
* a quo trepidábo?

Dum apprópíant super me nocéntes,
* ut edant carnes meas:

Qui tríbulant me inimíci mei,
* ipsi infirmáti sunt et cecidé-
runt.

Si consístant advérsus me castra,
* non timébit cor meum.

Si exúrgat advérsus me pré-
lium, * in hoc ego sperábo.

Unam pétii a Dómino, hanc requíram,
* ut inhábitem in domo Dómini ómnibus diébus vite mee:

Ut vídeam voluptátem Dómini,
* et vísitem templum eius.

Quóniam abscondit me in tabernáculo suo:
* in die malórum protéxit me in abscondito tabernáculi sui.

In petra exaltávit me: * et nunc exaltávit caput meum super inimícos meos.

Circuíví et immolávi in tabernáculo eius hóstiám vociferatiónis:
* cantábo et psalmum dicam Dómino.

Exáudi, Dómine, vocem meam, qua clamávi ad te: * miserére mei, et exáudi me.

Tibi dixit cor meum, exquisívit te fácies mea: * fáciem tuam, Dómine, requíram.

Ne avértas fáciem tuam a me,
* ne declínes in ira a servo tuo.

Adiútor meus esto: * ne derelínquas me, neque despícias me, Deus, salutáris meus.

Quóniam pater meus, et mater mea dereliquérunt me: * Dóminus autem assúmpsit me.

Legem pone michi, Dómine, in via tua: * et dirige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expecta Dóminum, viríliter age: * et confortétur cor tuum, et sústine Dóminum.

Ad te, Dómine, clamábo, Deus meus, ne síleas a me: * nequándo táceas a me, et assimilábor descendéntibus in lacum.

Exáudi, Dómine, vocem deprecatiónis mee dum oro ad te: * dum extóllo manus meas ad templum sanctum tuum.

Ne simul trahas me cum peccatóribus: * et cum operántibus iniquitátem ne perdas me.

Qui loquúntur pacem cum próximo suo, * mala autem in córdibus eórum.

Da illis secúndum ópera eórum, * et secúndum nequítiam adinventiónum ipsórum.

Secúndum ópera mánuum eórum tribue illis, * redde retributiónem eórum ipsis.

Quóniam non intellexérunt ópera Dómini, et in ópera má-

num eius * déstrues illos, et non edificábis eos.

Benedíctus Dóminus, * quóniam exaudivit vocem deprecationis mee.

Dóminus adiutor meus, et protector meus: * in ipso sperávit cor meum et adiutus sum.

Et reflóruit caro mea: * et ex voluntate mea confitébor ei.

Dóminus fortitúdo plebis sue: * et protector salvatiónum Christi sui est.

Salvum fac pópulum tuum, Dómine, et benedic hereditati tue, * et rege eos, et extolle illos usque in etérnum.

Ant. Dominus defensor vite mee.

Ant. Adorate.

AFFÉRTE Dómino, filii Dei: * afférte Dómino filios arietum.

Afférte Dómino glóriam et honórem, afférte Dómino glóriam nómini eius: * adoráte Dóminum in átrio sancto eius.

Vox Dómini super aquas, Deus maiestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringéntis cedros: * et confrínget Dóminus cedros Líbani.

Et commínuet eas tamquam vítulum Líbani: * et diléctus quemádmódum fílius unicórni.

Vox Dómini intercidéntis flammam ignis: * vox Dómi-

ni concutiéntis desértum: et commovébit Dóminus desértum Cades.

Vox Dómini preparántis cervos, et revelábit condénsa: * et in templo eius omnes dicent glóriam.

Dóminus dilúvium inhabitáre facit: * et sedébit Dóminus Rex in etérnum.

Dóminus virtútem pópulo suo dabit: * Dóminus benedícet pópulo suo in pace.

EXALTÁBO te, Dómine, quóniam suscepísti me: * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam: * salvásti me a descendéntibus in lacum.

Psállite Dómino, sancti eius: * et confitémini memórie sanctitátis eius.

Quóniam ira in indignatióne eius: * et vita in voluntate eius.

Ad vésperum demorábitur fletus: * et ad matutínium letítia.

Ego autem dixi in abundántia mea: * Non movébor in etérnum.

Dómine, in voluntate tua, * prestitísti decóri meo virtútem.

Avertísti fáciem tuam a me, * et factus sum conturbátus.

Ad te, Dómine, clamábo: * et ad Deum meum deprecábor.

Que utilitas in ságuine meo,

* dum descéndo in corrupti-
onem?

Numquid confitébitur tibi
pulvis, * aut annuntiábit veri-
tátem tuam?

Audívit Dóminus, et misértus
est mei: * Dóminus factus est
adiútor meus.

Convertísti planctum meum
in gáudium michi: * conscidí-
sti saccum meum, et circum-
dedísti me letítia:

Ut cantet tibi glória mea, et
non compúngar: * Dómine,
Deus meus, in etérnum con-
fitebór tibi.

Ant. Adorate Dominum in aula
sancta eius.

Ant. In tua.

IN te, Dómine, sperávi non
confúndar in etérnum: * in
iustítia tua líbera me.

Inclína ad me aurem tuam, *
accélera ut éruas me.

Esto michi in Deum protectó-
rem, et in domum refúgii: * ut
salvum me fácias.

Quóniam fortitúdo mea, et re-
fúgium meum es tu: * et prop-
ter nomen tuum dedúces me,
et enútries me.

Edúces me de láqueo hoc,
quem abscondérunt michi: *
quóniam tu es protéctor meus.

In manus tuas comméndo
spíritum meum: * redemísti
me, Dómine, Deus veritátis.

Odísti observántes vanitátes,
* supervácue.

Ego autem in Dómino sperávi:

* exultábo, et letábor in mise-
ricórdia tua.

Quóniam respexísti humilitá-
tem meam, * salvásti de ne-
cessitátibus ánimam meam.

Nec conclusísti me in máni-
bus inimíci: * statuísti in loco
spatióso pedes meos.

Miserére mei, Dómine, quón-
iam tríbulo: † conturbátus
est in ira óculus meus, * ánimam
mea, et venter meus:

Quóniam defécit in dolóre vita
mea: * et anni mei in gemíti-
bus.

Infirmáta est in paupertáte
virtus mea: * et ossa mea con-
turbáta sunt.

Super omnes inimícos meos
factus sum oppróbrium et vicí-
nis meis valde: * et timor notis
meis.

Qui vidébant me, foras fugé-
runt a me: * obliuioni datus
sum, tamquam mórtuus a cor-
de.

Factus sum tamquam vas pér-
ditum: * quóniam audívi vi-
tuperatióem multórum com-
morántium in circúitu.

In eo dum convenírent simul
advérsus me, * accípere áni-
mam meam consiliáti sunt.

Ego autem in te sperávi, Dó-
mine: † dixi: Deus meus es tu:
* in mánibus tuis sortes mee.

Eripe me de manu inimicó-
rum meórum, * et a perse-
quéntibus me.

Illústra faciém tuam super
servum tuum, † salvum me fac

in misericórdia tua: * Dómine, non confúndar, quóniam invo-cávi te.

Erubéscant ímpii, et deducán-tur in inférnum: * muta fiant lábia dolósa.

Que loquúntur advérsus iu-stum iniquitátem: * in supér-bia, et in abusióne.

Quam magna multitúdo dul-cédinis tue, Dómine, * quam abscondísti timéntibus te.

Perfecísti eis, qui sperant in-te, * in conspéctu filiórum hó-minum.

Abscóndes eos in abscondito faciéi tue * a conturbatióne hó-minum.

Próteges eos in tabernáculo tuo * a contradicióne linguá-rum.

Benedíctus Dóminus: * quó-niam mirificávit misericór-diam suam michi in civitáte muníta.

Ego autem dixi in excéssu mentis mee: * Proiéctus sum a fácie oculórum tuórum.

Ideo exaudísti vocem oratió-nis mee, * dum clamárem ad te.

Dilígite Dóminum omnes sancti eius: † quóniam veri-tátem requíret Dóminus, * et retríbuet abundánter faciénti-bus supérbiam.

Viríliter ágite, et confortétur cor vestrum, * omnes, qui spe-rátis in Dómino.

BEÁTI quorum remísse sunt

iniquitátes: * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu eius dolus.

Quóniam tácuí, inveteravé-runt ossa mea, * dum clamá-rem tota die.

Quóniam die ac nocte gravá-ta est super me manus tua: * convérsus sum in erúmna mea, dum confígitur spina.

Delíctum meum cógnitum ti-bi feci: * et iniustítiam meam non abscondi.

Dixi: Confitébor advérsus me iniustítiam meam Dómino: * et tu remisísti impietátem pec-cáti mei.

Pro hac orábit ad te omnis sanctus, * in témpore oppor-túno.

Verúmtamen in dilúvio aquá-rum multárum, * ad eum non approximábunt.

Tu es refúgium meum a tribu-latióne, que circúmdedit me: * exultatio mea, érue me a cir-cumdántibus me.

Intelléctum tibi dabo, et ín-struam te in via hac, qua gra-diéris: * firmábo super te ócu-los meos.

Nolíte fíeri sicut equus et mu-lus, * quibus non est intelléc-tus.

In camo et freno maxíllas eó-rum constrínge: * qui non ap-próximant ad te.

Multa flagélla peccatóris, *

sperántem autem in Dómino misericórdia circúmdabit.

Letámini in Dómino et exultáte, iusti, * et gloriámini, omnes recti corde.

Ant. In tua iusticia libera me domine

Ant. Rectos.

EXULTÁTE, iusti in Dómino: * rectos decet collaudátio.

Confitémini Dómino in cíthara: * in psaltério decem chordarum psállite illi.

Cantáte ei cánticum novum: * bene psállite ei in vociferatione.

Quia rectum est verbum Dómini, * et ómnia ópera eius in fide.

Díligit misericórdiam et iudícium: * misericórdia Dómini plena est terra.

Verbo Dómini celi firmáti sunt: * et spíritu oris eius omnis virtus eórum.

Cóngregans sicut in utre aquas maris: * ponens in thesauris abyssos.

Tímeat Dóminum omnis terra: * ab eo autem commoveántur omnes inhabitantes orbem.

Quóniam ipse dixit, et facta sunt: * ipse mandávit, et creata sunt.

Dóminus díssipat consília Géntium: † réprobat autem cogitationes populórum, * et réprobat consília príncipum.

Consílium autem Dómini in etérnum manet: * cogitatio-

nes cordis eius in generatióne et generatióne.

Beáta gens, cuius est Dóminus, Deus eius: * pópulus, quem elégit in hereditatem sibi.

De celo respéxit Dóminus: * vidit omnes filios hóminum.

De preparáto habitáculo suo * respéxit super omnes, qui habitant terram.

Qui finxit sigillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multitúdine virtútis sue.

Fallax equus ad salútem: * in abundántia autem virtútis sue non salvábitur.

Ecce óculi Dómini super metuéntes eum: * et in eis, qui sperant super misericórdia eius:

Ut éruat a morte ánimas eórum: * et alat eos in fame.

Anima nostra sústinet Dóminum: * quóniam adiútor et protéctor noster est.

Quia in eo letábitur cor nostrum: * et in nómine sancto eius sperávimus.

Fiat misericórdia tua, Dómine, super nos: * quemádmódum sperávimus in te.

BENEDÍCAM Dóminum in omni témpore: * semper laus eius in ore meo.

In Dómino laudábitur ánima

mea: * áudiant mansuétí, et le-
téntur.

Magnificáte Dóminum me-
cum: * et exaltémus nomen
eius in idípsum.

Exquisívi Dóminum, et exau-
dívit me: * et ex ómnibus tri-
bulatióibus meis erípuit me.

Accédite ad eum, et illumi-
námini: * et fácies vestre non
confundéntur.

Iste pauper clamávit, et Dó-
minus exaudívit eum: * et de
ómnibus tribulatióibus eius
salvávít eum.

Immíttet Angelus Dómini in
circúitu timéntium eum: * et
erípiet eos.

Gustáte, et vidéte quóniam
suávis est Dóminus: * beátus
vir, qui sperat in eo.

Timéte Dóminum, omnes
sancti eius: * quóniam non
est inópia timéntibus eum.

Dívites eguérunt et esurié-
runt: * inquiréntes autem Dó-
minum non minuéntur omni
bono.

Veníte, fílii, audíte me: * ti-
mórem Dómini docébo vos.

Quis est homo qui vult vitam:
* díligit dies vidére bonos?

Próhibe linguam tuam a ma-
lo: * et lábia tua ne loquántur
dolum.

Divérte a malo, et fac bonum:
* inquiré pacem, et perséquere
eam.

Oculi Dómini super iustos: *
et aures eius in preces eórum.

Vultus autem Dómini super
faciéntes mala: * ut perdat de
terra memóriam eórum.

Clamavérunt iusti, et Dómi-
nus exaudívit eos: * et ex óm-
nibus tribulatióibus eórum
liberávit eos.

Iuxta est Dóminus iis, qui tri-
buláto sunt corde: * et húmiles
spíritu salvábit.

Multe tribulatióes iustórum:
* et de ómnibus his liberábit
eos Dóminus.

Custódit Dóminus ómnia os-
sa eórum: * unum ex his non
conterétur.

Mors peccatórum péssima: *
et qui odérunt iustum, delín-
quent.

Rédimet Dóminus ánimas
servórum suórum: * et non
delínquent omnes qui sperant
in eo.

Ant. Rectos decet collaudatio.

Ant. Expugna.

IÚDICA, Dómine, nocéntes
me, * expúgna impugnán-
tes me.

Apprehénde arma et scutum:
* et exúrge in adiutórium mi-
chi.

Effúnde frámeam, et conclúde
advérsus eos, qui persecuún-
tur me: * dic ánime mee: Salus
tua ego sum.

Confundántur et revereántur,
* queréntes ánimam meam.

Avertántur retrórsum, et con-
fundántur * cogitántes michi
mala.

Fiant tamquam pulvis ante fá-

ciem venti: * et Angelus Dómini coárctans eos.

Fiat via illórum ténebre et lúbricum: * et Angelus Dómini persequens eos.

Quóniam gratis abscondérunt michi intéritum láquei sui: * supervácue exprobravérunt ánimam meam.

Véniat illi láqueus, quem ignórat: † et cáptio, quam abscondit, apprehéndat eum: * et in láqueum cadat in ipsum.

Anima autem mea exultábit in Dómino: * et delectábitur super salutári suo.

Omnia ossa mea dicent: * Dómine, quis símilis tibi?

Erípiens ínopem de manu fortíorum eius: * egénum et páuperem a diripiéntibus eum.

Surgéntes testes iníqui, * que ignorábam interrogábant me.

Retribuébant michi mala pro bonis: * sterilitátem ánime mee.

Ego autem cum michi moléstii essent, * induébar cilício.

Humiliábam in ieiúnio ánimam meam: * et orátio mea in sinu meo convertétur.

Quasi próximum, et quasi fratrem nostrum, sic complacébam: * quasi lugens et contrístatus, sic humiliábar.

Et advérsum me letáti sunt, et convenérunt: * congregáta sunt super me flagélla, et ignorávi.

Dissipáti sunt, nec compúnc-

ti, † tentavérunt me, subsannavérunt me subsannatióne: * frenduérunt super me déntibus suis.

Dómine, quando respícies? * restítue ánimam meam a malignitáte eórum, a leónibus únicam meam.

Confitébor tibi in ecclésia magna, * in pópulo gravi laudábo te.

Non supergáudeant michi qui adversántur michi iníque: * qui odérunt me gratis et ánnuunt óculis.

Quóniam michi quidem pacífice loquebántur: * et in iracúndia terre loquéntes, dolos cogitábant.

Et dilatavérunt super me os suum: * dixerunt: Euge, euge, vidérunt óculi nostri.

Vidísti, Dómine, ne síleas: * Dómine, ne discédas a me.

Exúrge et inténde iudício meo: * Deus meus, et Dóminus meus in causam meam.

Iúdica me secúndum iustítiam tuam, Dómine, Deus meus, * et non supergáudeant michi.

Non dicant in córdibus suis: † Euge, euge, ánime nostre: * nec dicant: Devorávimus eum.

Erubéscant et revearéantur simul, * qui gratulántur malis meis.

Induántur confusióne et reveréntia * qui magna loquúntur super me.

Exúltent et leténtur qui volunt

iustítiam meam: * et dicant semper: Magnificétur Dóminus qui volunt pacem servi eius.

Et lingua mea meditábitur iustítiam tuam, * tota die laudem tuam.

DIXIT iniústus ut delínquat in semetípso: * non est timor Dei ante óculos eius.

Quóniam dolóse egit in conspéctu eius: * ut inveniátur iníquitas eius ad ódium.

Verba oris eius iníquitas, et dolus: * nóluit intelligere ut bene ágeret.

Iniquitátem meditátus est in cubíli suo: * ástitit omni vie non bone, malítiam autem non odívit.

Dómine, in celo misericórdia tua: * et véritas tua usque ad nubes.

Iustítia tua sicut montes Dei: * iudícia tua abyíssus multa.

Hómines, et iuménta salvábis, Dómine: * quemádmódum multiplicásti misericórdiam tuam, Deus,

Fílii autem hóminum, * in tégmine alárum tuárum sperábunt.

Inebriabúntur ab ubertáte domus tue: * et torrén-te voluptá-tis tue potábis eos.

Quóniam apud te est fons vite: * et in lúmine tuo vidébimus lumen.

Pretén-de misericórdiam tuam sciéntibus te, * et iustítiam

tuam his, qui recto sunt corde.

Non véniat michi pes supér-bie: * et manus peccatóris non móveat me.

Ibi cecidérunt qui operántur iniquitátem: * expúl-si sunt, nec potuérunt stare.

Ant. Expugna impugnantes me.

Ant. Revela.

NOLI emulári in malignántibus: * neque zeláveris faciéntes iniquitátem.

Quóniam tamquam fenum velóciter aréscent: * et quemádmódum ólera herbárum cito decident.

Spera in Dómino, et fac bonitátem: * et inhábita terram, et pascéris in divítiis eius.

Delectáre in Dómino: * et dabit tibi petitiónes cordis tui.

Revéla Dómino viam tuam, et spera in eo: * et ipse faciet.

Et edúcet quasi lumen iustítiam tuam: † et iudícium tuum tamquam merídiem: * súbditus esto Dómino, et ora eum.

Noli emulári in eo, qui prosperátur in via sua: * in hómine faciénte iniustítias.

Désine ab ira, et derelínque furórem: * noli emulári ut malignéris.

Quóniam qui malignántur, exterminabúntur: * sustinéntes autem Dóminum, ipsi hereditábunt terram.

Et adhuc pusíllum, et non erit

peccátor: * et queres locum eius et non invénies.

Mansuéli autem hereditábunt terram: * et delectabúntur in multitudíne pacis.

Observábit peccátor iustum: * et stridébit super eum déntibus suis.

Dóminus autem irridébit eum: * quóniam próspicit quod véniet dies eius.

Gládius evaginavérunt peccatóres: * intendérunt arcum suum,

Ut deíciant páuperem et ínopem: * ut trucídent rectos corde.

Gladius eórum intret in corda ipsórum: * et arcus eórum confringátur.

Mélius est módicum iusto, * super divítias peccatórum multas.

Quóniam bráchia peccatórum conteréntur: * confirmat autem iustos Dóminus.

Novit Dóminus dies immaculatórum: * et heréditas eórum in etérnum erit.

Non confundéntur in témpore malo, † et in diébus famis saturabúntur: * quia peccatóres períbunt.

Inimíci vero Dómini mox ut honorificáti fúerint et exaltáti: * deficientes, quemádmódum fumus defícient.

Mutuábitur peccátor, et non solvet: * iustus autem miserétur et tríbuet.

Quia benedicéntes ei heredi-

tábunt terram: * maledicéntes autem ei disperíbunt.

Apud Dóminum gressus hóminis dirigéntur: * et viam eius volet.

Cum ceciderit non collidétur: * quia Dóminus supponit manum suam.

Iúnior fui, étenim sénuí: * et non vidi iustum derelíctum, nec semen eius querens pānem.

Tota die miserétur et cómmodat: * et semen illíus in benedictióne erit.

Declína a malo, et fac bonum: * et inhábita in séculum séculi.

Quia Dóminus amat iudícium, et non derelínquet sanctos suos: * in etérnum conservabúntur.

Iniústi puniéntur: * et semen impiórum períbit.

Iusti autem hereditábunt terram: * et inhabitábunt in séculum séculi super eam.

Os iusti meditábitur sapiéntiam, * et lingua eius loquétur iudícium.

Lex Dei eius in corde ipsíus, * et non supplantabúntur gressus eius.

Consíderat peccátor iustum: * et querit mortificáre eum.

Dóminus autem non derelínquet eum in mánibus eius: * nec damnábit eum, cum iudicábitur illi.

Expécta Dóminum, et custódi viam eius: † et exaltábit te ut hereditáte cápias terram: *

cum perierint peccatores videbis.

Vidi impium superexaltatum, * et elevatum sicut cedros Libani.

Et transivi, et ecce non erat: * et quesivi eum, et non est inventus locus eius.

Custodi innocentiam, et vide equitatem: * quoniam sunt reliquie homini pacifico.

Iniusti autem disperibunt simul: * reliquie impiorum interibunt.

Salus autem iustorum a Domino: * et protector eorum in tempore tribulationis.

Et adiuvabit eos Dominus et liberabit eos: * et eruet eos a peccatoribus, et salvabit eos: quia speraverunt in eo.

DOMINE, ne in furore tuo arguas me, * neque in ira tua corripas me.

Quoniam sagitte tue infixae sunt michi: * et confirmasti super me manum tuam.

Non est sanitas in carne mea a facie ire tue: * non est pax ossibus meis a facie peccatorum meorum.

Quoniam iniquitates mee supergrasse sunt caput meum: * et sicut onus grave gravate sunt super me.

Putruerunt et corrupte sunt cicatrices mee, * a facie insipientie mee.

Miser factus sum, et curvatus

sum usque in finem: * tota die contristatus ingrediebar.

Quoniam lumbi mei implati sunt illusionibus: * et non est sanitas in carne mea.

Afflictus sum, et humiliatus sum nimis: * rugiebam a gemitu cordis mei.

Domine, ante te omne desiderium meum: * et gemitus meus a te non est absconditus.

Cor meum conturbatum est, † dereliquit me virtus mea: * et lumen oculorum meorum, et ipsum non est mecum.

Amici mei, et proximi mei * adversum me appropinquaverunt, et steterunt.

Et qui iuxta me erant, de longe steterunt: * et vim faciebant qui querebant animam meam.

Et qui inquirebant mala michi, locuti sunt vanitates: * et dolos tota die meditabantur.

Ego autem tamquam surdus non audiebam: * et sicut mutus non aperiens os suum.

Et factus sum sicut homo non audiens: * et non habens in ore suo redargutiones.

Quoniam in te, Domine, speravi: * tu exaudies me, Domine, Deus meus.

Quia dixi: Nequando supergaudeant michi inimici mei: * et dum commoventur pedes mei, super me magna locuti sunt.

Quoniam ego in flagella pa-

rátus sum: * et dolor meus in conspéctu meo semper.

Quóniam iniquitátem meam annuntiábo: * et cogitábo pro peccáto meo.

Inimíci autem mei vivunt, et confirmáti sunt super me: * et multiplicáti sunt qui odérunt me iníque.

Qui retríbuunt mala pro bonis, detrahébant michi: * quóniam sequébar bonitátem.

Ne derelínquas me, Dómine, Deus meus: * ne discésseris a me.

Inténde in adiutórium meum, * Dómine, Deus, salútis mee.

Ant. Revela Domino viam tuam.

In Laudibus. Ant. Misere mei deus. Miserere.

Ant. Intellige clamorem meum domine. Verba mea.

Ant. Deus deus meus ad te de luce vigilo. Deus deus meus. II.

Ant. Conversus est furor tuus domine et consolatus es me. Confitebor tibi.

Ant. Laudate domine de celis. Laudate dominum.

Ant. Benedictus deus Israhel. Benedictus.

Ant. Ut non delinquam.

DIXI: Custódiam vias meas: * ut non delínquam in lingua mea.

Pósui ori meo custódiam, * cum consísteret peccátor advérsus me.

Obmútui, et humiliátus sum,

et sílui a bonis: * et dolor meus renovátus est.

Concáluit cor meum intra me: * et in meditatióne mea exardéscet ignis.

Locútus sum in lingua mea: * Notum fac michi, Dómine, finem meum.

Et númerum diérum meórum quis est: * ut sciam quid desit michi.

Ecce mensurábiles posuísti dies meos: * et substántia mea tamquam níhilum ante te.

Verúmtamen univérsa vánitas, * omnis homo vivens.

Verúmtamen in imágine pertransít homo: * sed et frustra conturbátur.

Thesaurízat: * et ignórat cui congregábit ea.

Et nunc que est expectatio mea? Nonne Dóminus? * Et substántia mea apud te est.

Ab ómnibus iniquitatibus meis érue me: * oppróbrium insipiénti dedísti me.

Obmútui, et non apéruí os meum, quóniam tu fecísti: * ámove a me plagas tuas.

A fortitúdi-ne manus tue ego deféci in increpatiónibus: * propter iniquitátem corripuísti hóminem.

Et tabéscere fecísti sicut aráneam ánimam eius: * verúmtamen vane conturbátur omnis homo.

Exáudi oratió-nem meam, Dómine, et deprecatió-nem

meam: * áuribus pércipe lácrimas meas.

Ne síleas: quóniam ádvena ego sum apud te, et peregrínus, * sicut omnes patres mei.

Remítte michi, ut refrígerer priúsqvam ábeam, * et ámplius non ero.

ExPÉCTANS expectávi Dóminum, * et inténdit michi.

Et exaúdívit preces meas: * et edúxit me de lacu misérie, et de luto fecis.

Et státuit super petram pedes meos: * et diréxit gressus meos.

Et immísit in os meum cánticum novum * carmen Deo nostro.

Vidébunt multi, et timébunt: * et sperábunt in Dómino.

Beátus vir, cuius est nomen Dómini spes eius * et non respéxit in vanitátes et insánias falsas.

Multa fecísti tu, Dómine, Deus meus, mirábilia tua: * et cogitátionibus tuis non est qui símilis sit tibi.

Annuntiávi et locútus sum: * multiplicáti sunt super númerum.

Sacrificium et oblatiónem nolúísti: * aures autem perfecísti michi.

Holocáustum et pro peccáto non postulásti: * tunc dixi: Ecce vénio.

In cápite libri scriptum est de me ut fácerem voluntátem

tuam: * Deus meus, vólui, et legem tuam in médio cordis mei.

Annuntiávi iustítiam tuam in ecclésia magna, * ecce lábia mea non prohibébo: Dómine, tu scisti.

Iustítiam tuam non abscóndi in corde meo: * veritátem tuam et salutáre tuum dixi.

Non abscóndi misericórdiam tuam et veritátem tuam * a concílio multo.

Tu autem, Dómine, ne longe fácias miseratiónes tuas a me: * misericórdia tua et véritas tua semper suscepérunt me.

Quóniam circumdedérunt me mala, quorum non est númerus: * comprehendérunt me iniquitátes mee, et non pótui ut vidérem.

Multiplicáte sunt super capillos cápitis mei: * et cor meum derelíquit me.

Compláceat tibi, Dómine, ut éruas me: * Dómine, ad adiuvándum me respice.

Confundántur et revearéantur simul, qui querunt ánimam meam, * ut áuferant eam.

Convertántur retrórsum et revearéantur: * qui volunt michi mala.

Ferant conféstim confusió-nem suam: * qui dicunt michi: Euge, euge.

Exúltent et leténtur super te omnes queréntes te: * et dicant semper: Magnificétur

Dóminus: qui díligunt salu-
táre tuum.

Ego autem mendícus sum, et
pauper: * Dóminus sollicitus
est mei.

Adiutor meus et protector
meus tu es: * Deus meus, ne
tardáveris.

Ant. Ut non delinquam in lin-
gua mea.

Ant. Sana domine.

BEÁTUS qui intélligit super
egénium, et páuperem: *
in die mala liberábit eum Dó-
minus.

Dóminus consérvet eum, et
vivíficet eum, et beátum fáciat
eum in terra: * et non tradat
eum in ánimam inimicórum
eius.

Dóminus opem ferat illi super
lectum dolóris eius: * univér-
sum stratum eius versásti in
infirmítate eius.

Ego dixi: Dómine, miserére
mei: * sana ánimam meam,
quia peccávi tibi.

Inimíci mei dixerunt mala
michi: * Quando moriétur, et
períbit nomen eius?

Et si ingrediebátur ut vidé-
ret, vana loquebátur: * cor eius
congregávit iniquitátem sibi.

Egrediebátur foras, * et lo-
quebátur in idípsum.

Advérsum me susurrábant
omnes inimíci mei: * advér-
sum me cogitábant mala mi-
chi.

Verbum iníquum constitué-
runt advérsum me: * Numquid

qui dormit non adiíciet ut re-
súrgat?

Etenim homo pacis mee, in
quo sperávi: * qui edébat pa-
nes meos, magnificávit super
me supplantatióem.

Tu autem, Dómine, miserére
mei, et resúscita me: * et re-
tribúam eis.

In hoc cognóvi quóniam vo-
luísti me: * quóniam non gau-
débit inimícus meus super me.

Me autem propter innocén-
tiam suscepísti: * et confirmá-
sti me in conspéctu tuo in etér-
num.

Benedíctus Dóminus, Deus
Israhël, a século et usque in sé-
culum: * fiat, fiat.

QUEMÁDMODUM desíderat
cervus ad fontes aquá-
rum: * ita desíderat ánima mea
ad te, Deus.

Sitívit ánima mea ad Deum
fortem vivum: * quando vén-
iam, et apparébo ante fáciem
Dei?

Fuérunť michi lácrime mee
panes die ac nocte: * dum dí-
citur michi quotidie: Ubi est
Deus tuus?

Hec recordátus sum, et effúdi
in me ánimam meam: * quón-
iam transíbo in locum taber-
náculo admirábilis, usque ad
domum Dei.

In voce exultatiónis, et con-
fessiónis: * sonus epulántis.

Quare tristis es, ánima mea? *
et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ad meípsum ánima mea conturbáta est: * proptérea memor ero tui de terra Iordánis, et Hermóniim a monte módico.

Abýssus abýssum ínvoCAT, * in voce cataractárum tuárum.

Omnia excélsa tua, et fluctus tui * super me transiérunt.

In diē mandávit Dóminus misericórdiam suam: * et nocte cánticum eius.

ApuD me orátio Deo vite mee, * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt michi qui tríbulant me inimíci mei.

Dum dicunt michi per singulos dies: Ubi est Deus tuus? * quare tristis es, ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

IÚDICA me, Deus, et discérne causam meam de gente non sancta, * ab hómine iníquo, et dolóso érue me.

Quia tu es, Deus, fortitúdo mea: † quare me repulísti? * et quare tristis incédo, dum affligit me inimícus?

Emítte lucem tuam et veritátem tuam: † ipsa me deduxé-

runt, et adduxérunt in montem sanctum tuum, * et in tabernácula tua.

Et introibo ad altáre Dei: * ad Deum, qui letíficat iuventútem meam.

Confitébor tibi in cíthara, Deus, Deus meus: * quare tristis es, ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ant. Sana domine animam meam quia peccavi tibi.

Ant. Eructavit.

DEUS, áuribus nostris audívimus: * patres nostri annuntiavérunt nobis.

Opus, quod operátus es in diébus eórum, * et in diébus antiquis.

Manus tua gentes dispérdidit, et plantásti eos: * afflixísti populos, et expulísti eos.

Nec enim in gládio suo posséderunt terram, * et bráchium eórum non salvávit eos:

Sed dextera tua, et bráchium tuum, et illuminátio vultus tui, * quóniam complacuísti in eis.

Tu es ipse Rex meus et Deus meus: * qui mandas salútes Iacob.

In te inimícos nostros ventilábit cornu: * et in nómine tuo spernémus insurgéntes in nobis.

Non enim in arcu meo sperá-

bo: * et gladius meus non salvabit me.

Salvasti enim nos de affligentibus nos: * et odientes nos confudisti.

In Deo laudabimur tota die: * et in nomine tuo confitebimur in seculum.

Nunc autem repulisti et confudisti nos: * et non egrediéris, Deus, in virtutibus nostris.

Avertisti nos retrorsum post inimicos nostros: * et qui odérunt nos, diripiébant sibi.

Dedisti nos tamquam oves escarum: * et in Gentibus dispersisti nos.

Vendidisti populum tuum sine pretio: * et non fuit multitudo in commutationibus eorum.

Posuisti nos opprobrium vicinis nostris, * subsannationem et derisum his, qui sunt in circuitu nostro.

Posuisti nos in similitudinem Gentibus: * commotionem capitis in populis.

Tota die verecundia mea contra me est, * et confusio faciei mee cooperuit me.

A voce exprobrantis, et obloquentis: * a facie inimici, et persequentis.

Hec omnia venérunt super nos, nec obliti sumus te: * et inique non egimus in testamento tuo.

Et non recessit retro cor nostrum: * et declinasti semitas nostras a via tua:

Quoniam humiliasti nos in loco afflictionis, * et cooperuit nos umbra mortis.

Si obliti sumus nomen Dei nostri, * et si expandimus manus nostras ad deum alienum:

Nonne Deus requíret ista? * ipse enim novit abscondita cordis.

Quoniam propter te mortificamur tota die: * estimati sumus sicut oves occisionis.

Exúrge, quare obdormis, Domine? * exúrge, et ne repellas in finem.

Quare faciem tuam avértis, * oblivísceris inopie nostre, et tribulationis nostre?

Quoniam humiliata est in pulvere anima nostra: * conglutinatus est in terra venter noster.

Exúrge, Domine, ádiuva nos: * et rédime nos propter nomen tuum.

ERUCTÁVIT cor meum verbum bonum: * dico ego ópera mea Regi.

Lingua mea calamus scribe: * velóciter scribentis.

Speciosus forma pre filiis hominum, † diffusa est grátia in labiis tuis: * propterea benedixit te Deus in etérnum.

Accingere gladio tuo super femur tuum, * potentissime.

Spécie tua et pulchritudine tua: * inténde, prospere procéde, et regna.

Propter veritatem, et mansuetudinem, et iustitiam: * et

dedúcet te mirábiliter dextera tua.

Sagitte tue acúte, pópuli sub te cadent: * in corda inimicórum Regis.

Sedes tua, Deus, in séculum séculi: * virga directiónis virga regni tui.

Dilexísti iustítiam, et odísti iniquitátem: * proptérea unxit te, Deus, Deus tuus, óleo letítie pre consórtibus tuis.

Myrrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filie regum in honóre tuo.

Astitit regína a dextris tuis in vestítu deauráto: * circúmdata varietáte.

Audi, fília, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filie Tyri in munéribus * vultum tuum deprecabúntur: omnes dívites plebis.

Omnis glória eius filie Regis ab intus, * in fimbriis áureis circumamícta varietátibus.

Adducéntur Regi vírgines post eam: * próxime eius afferéntur tibi.

Afferéntur in letítia et exultatióne: * adducéntur in templum Regis.

Pro pátribus tuis nati sunt tibi filii: * constitúes eos príncipes super omnem terram.

Mémores erunt nóminis tui: * in omni generatióne et generatióne.

Proptérea pópuli confitebúntur tibi in etérnum: * et in séculum séculi.

Ant. Eructavit cor meum verbum bonum.

Ant. Adiutor.

DEUS noster refúgium, et virtus: * adiutor in tribulationíbus, que invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbáte sunt aque eórum: * conturbáti sunt montes in fortitúde eius.

Flúminis ímpetus letíficat civitátem Dei: * sanctificávit tabernáculum suum Altíssimus.

Deus in médio eius, non commovébitur: * adiuvábit eam Deus mane dilúculo.

Conturbáte sunt Gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Iacob.

Veníte, et vidéte ópera Dómini, † que pósuit prodígia super terram: * áuferens bella usque ad finem terre.

Arcum cónteret, et confrínget arma: * et scuta combúret igni.

Vacáte, et vidéte quóniam ego

sum Deus: * exaltábor in Gén-
tibus, et exaltábor in terra.

Dóminus virtútum nobíscum:
* suscéptor noster Deus Iacob.

OMNES Gentes, pláudite
mánibus: * iubiláte Deo
in voce exultatiónis.

Quóniam Dóminus excélsus,
terríbilis: * Rex magnus super
omnem terram.

Subiécit pópulos nobis: * et
Gentes sub pédibus nostris.

Elégit nobis hereditátem
suam: * spéciem Iacob, quam
diléxit.

Ascéndit Deus in iúbilo: * et
Dóminus in voce tube.

Psállite Deo nostro, psállite: *
psállite Regi nostro, psállite.

Quóniam Rex omnis terre
Deus: * psállite sapiénter.

Regnábit Deus super Gen-
tes: * Deus sedet super sedem
sanctam suam.

Príncipes populórum congre-
gáti sunt cum Deo Abraham: *
quóniam dii fortes terre vehe-
ménter eleváti sunt.

Ant. Adiutor in tribulationibus.

Ant. Auribus.

MAGNUS Dóminus, et lau-
dábilis nimis * in civitá-
te Dei nostri, in monte sancto
eius.

Fundátur exultatióne univér-
se terre mons Sion, * látera
Aquilónis, cívitas Regis magni.

Deus in dómibus eius cogno-
scétur: * cum suscípíet eam.

Quóniam ecce reges terre con-

gregáti sunt: * convenérunt in
unum.

Ipsi vidéntes sic admiráti
sunt, † conturbáti sunt, com-
móti sunt: * tremor apprehén-
dit eos.

Ibi dolóres ut parturiéntis: *
in spíritu veheménti cónteres
naves Tharsis.

Sicut audívimus, sic vídimus
in civitáte Dómini virtútum, †
in civitáte Dei nostri: * Deus
fundávit eam in etérnum.

Suscépimus, Deus, misericór-
diam tuam, * in médio templi
tui.

Secúndum nomen tuum,
Deus, † sic et laus tua in fi-
nes terre: * iustítia plena est
délixtera tua.

Letétur mons Sion, et exúltent
filie Iude: * propter iudícia tua,
Dómine.

Circúmdate Sion, et complec-
tímini eam: * narráte in túrri-
bus eius.

Pónite corda vestra in virtú-
te eius: * et distribúite domos
eius, ut enarrétis in progénie
áltera.

Quóniam hic est Deus, Deus
noster in etérnum et in sécu-
lum séculi: * ipse reget nos in
sécula.

AUDÍTE hec, omnes Gentes:
* áuribus percípíte om-
nes, qui habitátis orbem:

Quique terrígene, et filii hó-
minum: * simul in unum dives
et pauper.

Os meum loquétur sapién-

tiam: * et meditatio cordis mei prudentiam.

Inclinabo in parabolam aurem meam: * aperiam in psalterio propositionem meam.

Cur timebo in die mala? * iniquitas calcanei mei circumdabit me:

Qui confidunt in virtute sua: * et in multitudine divitiarum suarum gloriantur.

Frater non redimit, redimet homo: * non dabit Deo placationem suam.

Et pretium redemptionis anime sue: * et laborabit in eternum, et vivet adhuc in finem.

Non videbit interitum, cum viderit sapientes morientes: * simul insipiens, et stultus peribunt.

Et relinquent alienis divitias suas: * et sepulcra eorum domus illorum in eternum.

Tabernacula eorum in progenie et progenie: * vocaberunt nomina sua in terris suis.

Et homo, cum in honore esset, non intellexit: * comparatus est iumentis insipientibus, et similis factus est illis.

Hec via illorum scandalum ipsis: * et postea in ore suo complacabunt.

Sicut oves in inferno positi sunt: * mors depascet eos.

Et dominabuntur eorum iusti in matutino: * et auxilium eorum veterascet in inferno a gloria eorum.

Verumtamen Deus redimet animam meam de manu inferi: * cum acceperit me.

Ne timearis, cum dives factus fuerit homo: * et cum multiplicata fuerit gloria domus eius.

Quoniam cum interierit, non sumet omnia: * neque descendet cum eo gloria eius.

Quia anima eius in vita ipsius benedicetur: * confitebitur tibi cum benefeceris ei.

Introibit usque in progenies patrum suorum: * et usque in eternum non videbit lumen.

Homo, cum in honore esset, non intellexit: * comparatus est iumentis insipientibus, et similis factus est illis.

Ant. Auribus percipite qui habitatis orbem.

Ant. Deus.

DEUS deorum, Dominus locutus est: * et vocavit terram,

A solis ortu usque ad occasum: * ex Sion species decoris eius.

Deus manifeste veniet: * Deus noster et non silabit.

Ignis in conspectu eius exardescet: * et in circuitu eius tempestas valida.

Advocabit celum desursum: * et terram discernere populum suum.

Congregate illi sanctos eius: * qui ordinant testamentum eius super sacrificia.

Et annuntiabunt celi iustitiam

eius: * quóniam Deus iudex est.

Audi, pópulus meus, et loquar: † Israhël, et testificábor tibi: * Deus, Deus tuus ego sum.

Non in sacrificiis tuis árguam te: * holocáusta autem tua in conspéctu meo sunt semper.

Non accípiam de domo tua virtulos: * neque de grégibus tuis hircos.

Quóniam mee sunt omnes fere silvárum: * iuménta in món-tibus et boves.

Cognóvi ómnia volatília celi: * et pulchritúdo agri mecum est.

Si esuríero, non dicam tibi: * meus est enim orbis terre, et plenitúdo eius.

Numquid manducábo carnes taurórum? * aut ságuinem hircórum potábo?

Immola Deo sacrificium laudis: * et redde Altíssimo vota tua.

Et ínvoca me in die tribulatió-nis: * éruam te, et honorificá-bis me.

Peccatóri autem dixit Deus: * Quare tu enárras iustítias meas, et assúmis testamén-tum meum per os tuum?

Tu vero odísti disciplínam: * et proiecísti sermónes meos retrórsum:

Si vidébas furem, currébas cum eo: * et cum adúlteris portiónem tuam ponébas.

Os tuum abundávit malítia: *

et lingua tua concinnábat dolos.

Sedens advérsus fratrem tuum loquebáris, † et advérsus fílium matris tue ponébas scándalum: * hec fecísti, et tá-cui.

Existimásti, iníque, quod ero tui símilis: * árguam te, et stá-tuam contra fáciem tuam.

Intellígite hec, qui obliviscí-mini Deum: * nequándo rá-piat, et non sit qui erípiat.

Sacrificium laudis honorificá-bit me: * et illic iter, quo ostén-dam illi salutáre Dei.

MISERÉRE mei Deus, * se-cúndum magnam mise-ricórdiam tuam.

Et secúndum multitudínem miseratiónum tuárum, * de-le iniquitátem meam.

Amplius lava me ab iniquitáte mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut iustificéris in sermónibus tuis, et vincas cum iudicáris.

Ecce enim in iniquitátibus concéptus sum: * et in peccátis concépit me mater mea.

Ecce enim veritátem dilexísti: * incérta et occúlta sapiéntie tue manifestásti michi.

Aspérges me hyssópo, et

mundabor: * lavabis me, et super nivem dealbabor.

Audítui meo dabis gáudium et letítiam: * et exultábunt ossa humiliáta.

Avérte faciém tuam a peccá-tis meis: * et omnes iniquitátes meas dele.

Cor mundum crea in me, Deus: * et spíritum rectum ín-nova in viscéribus meis.

Ne proicias me a fácie tua: * et spíritum sanctum tuum ne áuferas a me.

Redde michi letítiam salutáris tui: * et spíritu principáli con-fírma me.

Docébo iníquos vias tuas: * et impíi ad te converténtur.

Libera me de sanguínibus, Deus, Deus salútis mee: * et exultábit lingua mea iustítiam tuam.

Dómine, lábia mea apéries: * et os meum annuntiábit lau-dem tuam.

Quóniam si voluísset sacrificium, dedissem útique: * holocáustis non delectáberis.

Sacrificium Deo spíritus contribulátus: * cor contrítum et humiliátum, Deus, non despí-cies.

Benigne fac, Dómine, in bona voluntáte tua Sion: * ut edifi-céntur muri Hierúsalem.

Tunc acceptábis sacrificium iustítie, oblatiónes, et holo-cáusta: * tunc impónent super altáre tuum vítulos.

QUID gloriáris in malítia, *

qui potens es in iniquitá-te?

Tota die iniustítiam cogitá-vit lingua tua: * sicut novácula acúta fecísti dolum.

Dilexísti malítiam super beni-gnitátem: * iniquitátem magis quam loqui equitátem.

Dilexísti ómnia verba precipi-tatiónis: * lingua dolósa.

Proptérea Deus déstruet te in finem, † evéllit te, et emigrá-bit te de tabernáculo tuo: * et radicem tuam de terra vivén-tium.

Vidébunt iusti, et timébunt, † et super eum ridébunt et di-cent: * Ecce homo, qui non pó-suit Deum adiutórem suum:

Sed sperávit in multitúdine divitiárum suárum: * et pre-váluit in vanitáte sua.

Ego autem, sicut olíva fructí-fera in domo Dei: * sperávi in misericórdia Dei in etérnum: et in séculum séculi.

Confitébor tibi in séculum, quia fecísti: † et expectábo no-men tuum, * quóniam bonum est in conspéctu sanctórum tuórum.

Ant. Deus deorum locutus est.

In Laudibus. Ant. Secundum magnam misericordiam tuam miserere mei deus. Miserere.

Ant. Salutare vultus mei deus meus. Quemadmodum.

Ant. Ad te de luce vigilo deus. Deus deus meus. II.

Ant. Cunctis diebus vite nostre

salvos nos fac domine. Ego dixi.

Ant. Omnes angeli eius laudate dominum de celis. Laudate dominum.

Ant. Erexit Dominus nobis cornu salutis in domo David pueri sui. Benedictus.

Ant. Avertet.

DIXIT insípiens in corde suo: * Non est Deus.

Corrúpti sunt, et abominabiles facti sunt in iniquitatibus: * non est qui fáciat bonum.

Deus de celo prospexit super filios hóminum: * ut vídeat si est intélligens, aut requírens Deum.

Omnes declinavérunt simul inútiles facti sunt: * non est qui fáciat bonum, non est usque ad unum.

Nonne scient omnes qui operántur iniquitatem: * qui devorant plebem meam ut cibum panis?

Deum non invocavérunt, * illic trepidavérunt timóre, ubi non erat timor.

Quóniam Deus dissipávit ossa eórum qui homínibus placent: * confúsi sunt, quóniam Deus sprevit eos.

Quis dabit ex Sion salutáre Israhël? † cum convérterit Deus captivitatem plebis sue, * exultábit Iacob, et letábitur Israhël.

DEUS, in nómine tuo salvum me fac: * et in virtúte tua iúdica me.

Deus, exáudi oratióem meam: * áuribus pércipe verba oris mei.

Quóniam aliéni insurrexérunt advérsus me, † et fortes quasiérunt ánimam meam: * et non proposuérunt Deum ante conspéctum suum.

Ecce enim Deus ádiuvat me: * et Dóminus suscéptor est ánimæ mee.

Avérte mala inimícis meis: * et in veritáte tua dispérde illos.

Voluntárie sacrificábo tibi, * et confitébor nómini tuo, Dómine: quóniam bonum est:

Quóniam ex omni tribulatióne eripuísti me: * et super inimícos meos despexit óculus meus.

EXÁUDI, Deus, oratióem meam et ne despéxeris deprecatióem meam: * inténde michi, et exáudi me.

Contristátus sum in exercitatióne mea: * et conturbátus sum a voce inimíci, et a tribulatióne peccatóris.

Quóniam declinavérunt in me iniquitátes: * et in ira molésti erant michi.

Cor meum conturbátum est in me: * et formído mortis cecidit super me.

Timor et tremor venérunt super me: * et contexérunt me ténebre.

Et dixi: Quis dabit michi penas sicut colúmbe, * et volábo, et requiescam?

Ecce elongávi fúgiens: * et mansi in solitúdine.

Expectábam eum, qui salvum me fecit: * a pusillanimitáte spíritus et tempestáte.

Precípita, Dómine, dívide linguas eórum: * quóniam vidi iniquitatem et contradictiōnem in civitatē.

Die ac nocte circúmdabit eam super muros eius iniquitas: * et labor in médio eius, et iniustitia.

Et non defécit de platéis eius: * usúra, et dolus.

Quóniam si inimícus meus maledixisset michi, * sustinuissem útique.

Et si is, qui óderat me, super me magna locútus fuisset: * abscondissem me fórsitan ab eo.

Tu vero, homo unánimis: * dux meus, et notus meus.

Qui simul mecum dulces capiebas cibos: * in domo Dei ambulávimus cum consensu.

Veniat mors super illos: * et descendant in inférnum viventes:

Quóniam nequítie in habitaculis eórum: * in médio eórum.

Ego autem ad Deum clamávi: * et Dóminus salvábit me.

Vespere, et mane, et merídie narrábo et annuntiábo: * et exáudiet vocem meam.

Rédimet in pace ánimam meam ab his, qui appropín-

quant michi: * quóniam inter multos erant mecum.

Exáudiet Deus, et humiliábit illos: * qui est ante sécula.

Non enim est illis commutatio, et non timuérunt Deum: * exténdit manum suam in retribuendo.

Contaminavérunt testamētum eius, divísi sunt ab ira vultus eius: * et appropinquávit cor illius.

Mollíti sunt sermónes eius super óleum: * et ipsi sunt iacula.

Iacta super Dóminum curam tuam, et ipse te enútriet: * non dabit in etérnum fluctuatiōnem iusto.

Tu vero, Deus, dedúces eos, * in púteum intéritus

Viri sánguinem, et dolósi non dimidiábunt dies suos: * ego autem sperábo in te, Dómine.

Ant. Avertet Dominus captivitatem plebis sue.

Ant. Quoniam.

MISERÉRE mei, Deus, quóniam conculcávit me homo: * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diéi timébo: * ego vero in te sperábo.

In Deo laudábo sermónes meos, in Deo sperávi: * non timébo quid fáciat michi caro.

Tota die verba mea execra-

bántur: * advérsus me omnes cogitatiónes eórum in malum.

Inhabitábunt, et abscondent: * ipsi calcáneum meum observábunt.

Sicut sustinuérunt ánimam meam, pro níhilo salvos fácies illos: * in ira pópulos confrínges.

Deus, vitam meam annuntiávi tibi: * posuísti lácrimas meas in conspéctu tuo.

Sicut et in promissióne tua: * tunc converténtur inimíci mei retrórsus:

In quacúmque die invocávero te: * ecce cognóvi quóniam Deus meus es.

In Deo laudábo verbum, in Dómino laudábo sermónem: * in Deo sperávi, non timébo quid fáciat michi homo.

In me sunt, Deus, vota tua, * que reddam, laudatiónes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine vivéntium.

MISERÉRE mei, Deus, miserére mei: * quóniam in te confidit ánimam mea.

Et in umbra alárum tuárum sperábo: * donec tránseat iniquitas.

Clamábo ad Deum altíssimum: * Deum, qui benefécit michi.

Misit de celo, et liberávit me: * dedit in oppróbrium conculcantes me.

Misit Deus misericórdiam suam, et veritátem suam, † et erípuit ánimam meam de médio catulórum leónum: * dormívi conturbátus.

Fílii hóminum dentes eórum arma et sagítte: * et lingua eórum gládius acútus.

Exaltáre super celos, Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante fáciem meam foveam: * et incidérunt in eam.

Parátum cor meum, Deus, parátum cor meum: * cantábo, et psalmum dicam.

Exúrge, glória mea, exúrge psaltérium et cíthara: * exúrgam dilúculo.

Confitébor tibi in pópulis, Dómine: * et psalmum dicam tibi in Géntibus:

Quóniam magnificáta est usque ad celos misericórdia tua, * et usque ad nubes véritas tua.

Exaltáre super celos, Deus: * et super omnem terram glória tua.

Ant. Quoniam in te confidit anima mea.

Ant. Iuste.

SI vere útique iustítiam loquímini: * recta iudicáte, filii hóminum.

Etenim in corde iniquitátes operámini: * in terra iniustítias manus vestre concínnant.

Alienáti sunt peccatóres a vul-

va, erravérunt ab útero: * locúti sunt falsa.

Furor illis secúndum similitúdinem serpéntis: * sicut áspidis surde, et obturántis aures suas.

Que non exáudiet vocem incantántium: * et venéfici incantántis sapiénter.

Deus cónteret dentes eórum in ore ipsórum: * molas leónum confrínget Dóminus.

Ad níhilum devénient tamquam aqua decúrrens: * inténdit arcum suum donec infirméntur.

Sicut cera, que fluit, auferéntur: * supercécidit ignis, et non vidérunt solem.

Priúsqvam intellígerent spine vestre rhamnum: * sicut vivéntes, sic in ira absórbet eos.

Letábitur iustus cum viderit vindíctam: * manus suas lavábit in ságuine peccatóris.

Et dicet homo: Si útique est fructus iusto: * útique est Deus iúdicans eos in terra.

ERIPE me de inimícis meis, Deus meus: * et ab insurgéntibus in me líbera me.

Eripe me de operántibus iniquitátem: * et de viris ságuinum salva me.

Quia ecce cepérunt ánimam meam: * irruérunt in me fortes.

Neque iníquitas mea, neque peccátum meum, Dómine: * sine iniquitáte cucúrri, et diréxi.

Exúrge in occúrsum meum, et vide: * et tu, Dómine, Deus virtútum, Deus Israhël.

Inténde ad visitándas omnes Gentes: * non misereáris omnibus, qui operántur iniquitátem.

Converténtur ad vésperam: et famem patiéntur ut canes: * et circuíbunt civitátem.

Ecce loquéntur in ore suo, † et gládus in lábiis eórum: * quóniam quis audívit?

Et tu, Dómine, deridébis eos: * ad níhilum dedúces omnes Gentes.

Fortitúdinem meam ad te custódiam, † quia, Deus, suscep-tor meus es: * Deus meus, misericórdia eius prevéniet me.

Deus osténdet michi super inimícos meos, ne occídas eos: * nequándo obliviscántur pó-puli mei.

Dispérge illos in virtúte tua: * et depóne eos, protéctor meus, Dómine:

Delíctum oris eórum, sermónem labiórum ipsórum: * et comprehendántur in supérbia sua.

Et de execratióne et mendácio annuntiabúntur in consummatione: * in ira consummationis, et non erunt.

Et scient quia Deus dominábitur Iacob: * et fínium terre.

Converténtur ad vésperam: et famem patiéntur ut canes, * et circuíbunt civitátem.

Ipsi dispergéntur ad mandu-

cándum: * si vero non fúerint saturáti, et murmurábunt.

Ego autem cantábo fortitúdinem tuam: * et exultábo mane misericórdiam tuam.

Quia factus es suscéptor meus, * et refúgium meum, in die tribulatiónis mee.

Adiútor meus, tibi psallam, † quia, Deus, suscéptor meus es: * Deus meus, misericórdia mea.

Ant. Iuste iudicate filii hominum.

Ant. Da nobis.

DEUS, repulísti nos, et destruxísti nos: * irátus es, et misértus es nobis.

Commovísti terram, et conturbásti eam: * sana contritiónes eius, quia commóta est.

Ostendísti pópulo tuo dura: * potásti nos vino compunctiōnis.

Dedísti metuéntibus te significationem: * ut fúgiant a fácie arcus:

Ut liberéntur dilécti tui: * salvum fac dextera tua, et exáudi me.

Deus locútus est in sancto suo: † Letábor, et partíbor Síchimam: * et convállem tabernaculórum metíbor.

Meus est Gálaad, et meus est Manásses: * et Ephraim fortitúdo cápitis mei.

Iuda rex meus: * Moab olla spei mee.

In Iduméam exténdam calcamentum meum: * michi alienígene súbditi sunt.

Quis dedúcet me in civitátem munítam? * quis dedúcet me usque in Iduméam?

Nonne tu, Deus, qui repulísti nos? * et non egrediéris, Deus in virtútibus nostris?

Da nobis auxiliū de tribulatione: * quia vana salus hómīnis.

In Deo faciémus virtútem: * et ipse ad níhilum dedúcet tribulántes nos.

EXÁUDI, Deus, deprecaciónem meam: * inténde oratióni mee.

A fínibus terre ad te clamávi: * dum anxiarétur cor meum, in petra exaltásti me.

Deduxísti me, quia factus es spes mea: * turris fortitúdinis a fácie inimíci.

Inhabitábo in tabernáculo tuo in sécula: * prótegar in velaménto alárum tuárum.

Quóniam tu, Deus meus, exaudísti oratióem meam: * dedísti hereditátem timéntibus nomen tuum.

Dies super dies regis adíicies: * annos eius usque in diem generatiónis et generatiónis.

Pérmanet in etérnum in conspéctu Dei: * misericórdiam et veritátem eius quis requíret?

Sic psalmum dicam nómini tuo in séculum séculi: * ut reddam vota mea de die in diem.

Ant. Da nobis Domine auxiliū de tribulatione.

Ant. A timore.

NONNE Deo subiécta erit

ánima mea? * ab ipso enim salutáre meum.

Nam et ipse Deus meus, et salutáris meus: * suscéptor meus, non movébor ámplius.

Quóusque irrúitis in hóminem? * interfícitis univérsi vos: tamquam paríeti inclináto et macérie depúlse?

Verúmtamen prétium meum cogitavérunt repéllere, cucúrri in siti: * ore suo benedicébant, et corde suo maledicébant.

Verúmtamen Deo subiécta esto, ánima mea: * quóniam ab ipso patiéntia mea.

Quia ipse Deus meus, et salvátor meus: * adiútor meus, non emigrábo.

In Deo salutáre meum, et glória mea: * Deus auxilií mei, et spes mea in Deo est.

Speráte in eo omnis congregátio pópuli, effúndite coram illo corda vestra: * Deus adiútor noster in etérnum.

Verúmtamen vani filii hóminum, mendáces filii hóminum in statéris: * ut decípiant ipsi de vanitáte in idípsum.

Nolíte speráre in iniquitáte, et rapínas nolíte concupíscere: * divítie si áffluant, nolíte cor appónere.

Semel locútus est Deus, duo hec audívi, quia potéstas Dei est, et tibi, Dómine, misericórdia: * quia tu reddes unicuíque iuxta ópera sua.

DEUS, Deus meus, * ad te de luce vígilo.

Sitívit in te ánima mea, * quam multiplíciter tibi caro mea.

In terra desérta, et ínvia, et inaquósa: † sic in sancto appáruí tibi, * ut vidérem virtútem tuam, et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedicám te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exultatiónis laudábit os meum.

Si memor fui tui super stratum meum, † in matutínis meditábor in te: * quia fuísti adiútor meus.

Et in velaménto alárum tuárum exultábo, † adhésit ánima mea post te: * me suscepit dextera tua.

Ipsi vero in vanum quesíerunt ánimam meam, † introíbunt in inferióra terre: * tradéntur in manus gládii, partes vúlpium erunt.

Rex vero letábitur in Deo, † laudabúntur omnes qui iurant in eo: * quia obstrúctum est os loquéntium iníqua.

EXÁUDI, Deus, oratióem meam cum deprecor: * a timóre inimíci éripe ánimam meam.

Protexísti me a convéntu ma-

lignántium: * a multitudíne operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagíttent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutántes scrútíno.

Accédet homo ad cor altum: * et exaltábitur Deus.

Sagítte parvulórum facte sunt plage eórum: * et infirmáte sunt contra eos lingue eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei, * et facta eius intellexérunt.

Letábitur iustus in Dómino, et sperábit in eo: * et laudabúntur omnes recti corde.

TE decet hymnus, Deus, in Sion: * et tibi reddétur votum in Hierúsalem.

Exáudi oratióem meam: * ad te omnis caro véniet.

Verba iniquórum prevalué-runt super nos: * et impietátibus nostris tu propitiáberis.

Beátus quem elegísti et as-sumpsísti: * inhabitábit in átriis tuis.

Replébimur in bonis domus

tue, sanctum est templum tuum: * mirábile in equitáte.

Exáudi nos, Deus salutáris noster: * spes ómnium fínium terre et in mari longe.

Préparans montes in virtúte tua, accíntus poténtia: * qui contúrbas profúndum maris sonum flúctuum eius.

Turbabúntur Gentes, et timébunt qui hábitant términos a signis tuis: * éxitus matutíni, et vespere delectábis.

Visitásti terram, et inebriásti eam: * multiplicásti locupletáre eam.

Flumen Dei replétum est aquis; parásti cibum illórum: * quóniam ita est preparátio eius.

Rivos eius inébria múltiplica genímína eius: * in stillicídiis eius letábitur gérmínans.

Benedíces coróne anni benignitátis tue: * et campi tui replebúntur ubertáte.

Pinguéscent speciósa desérti: * et exultatióne colles accingéntur.

Indúti sunt arietes óvium et valles abundábunt fruménto: * clamábunt, étenim hymnum dicent.

Ant. A timore inimici eripe Domine animam meam.

Ant. In ecclesiis.

IUBILÁTE Deo, omnis terra, psalmum dícite nómini eius: * date glóriam laudi eius.

Dícite Deo: Quam terribília sunt ópera tua, Dómine! * in multitudíne virtútis tue mentiéntur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei: * terríbilis in consíliis super fílios hóminum.

Qui convértit mare in áridam, in flúmine pertransíbunt pede: * ibi letábimur in ipso.

Qui dominátur in virtúte sua in etérnum, óculi eius super Gentes respíciunt: * qui exáspérant non exalténtur in semetípsis.

Benedícite, Gentes, Deum nostrum: * et audítam fácite vocem laudis eius,

Qui pósuit ánimam meam ad vitam: * et non dedit in commotióem pedes meos.

Quóniam probásti nos, Deus: * igne nos examinásti, sicut examinátur argéntum.

Induxísti nos in láqueum, posuísti tribulatióes in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigeríum.

Introíbo in domum tuam in holocáustis: * reddam tibi vota mea, que distinxérunt lábia mea.

Et locútum est os meum, * in tribulatióne mea.

Holocáusta medulláta ófferam tibi cum incénso aríetum: * ófferam tibi boves cum hircis.

Veníte, audíte, et narrábo, omnes, qui timétis Deum: * quanta fecit ánime mee.

Ad ipsum ore meo clamávi, * et exaltávi sub lingua mea.

Iniquitátem si aspéxi in corde meo, * non exáudiet Dóminus.

Proptérea exaudivit Deus, * et atténdit voci deprecatiónis mee.

Benedíctus Deus, * qui non amóvit oratióem meam, et misericórdiam suam a me.

DEUS misereátur nostri, et benedícat nobis: * illúminet vultum suum super nos, et misereátur nostri.

Ut cognoscámus in terra viam tuam, * in ómnibus Géntibus salutáre tuum.

Confiteántur tibi pópuli, Deus: * confiteántur tibi pópuli omnes.

Leténtur et exúltent Gentes: * quóniam iúdicas pópulos in equitáte, et Gentes in terra dírigis.

Confiteántur tibi pópuli, Deus, confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terre.

EXÚRGAT Deus, et dissipéntur inimíci eius, * et fú-

giant qui odérunt eum, a fácie eius.

Sicut déficit fumus, defícient: * sicut fluit cera a fácie ignis, sic péreant peccatóres a fácie Dei.

Et iusti epuléntur, et exúltent in conspéctu Dei: * et delecténtur in letítia.

Cantáte Deo, psalmum dícite nómini eius: * iter fácite ei, qui ascendit super occásum: Dóminus nomen illi.

Exultáte in conspéctu eius: * turbabúntur a fácie eius, patris orphanórum et iúdicis viduárum.

Deus in loco sancto suo: * Deus, qui inhabitáre facit uníus moris in domo:

Qui edúcit vinctos in fortitúdine, * simíliter eos qui exáspérant, qui hábitant in sepúlcris.

Deus, cum egrederéris in conspéctu pópuli tui, * cum pertransíres in desérto:

Terra mota est, etenim celi distillavérunt a fácie Dei Sínai, * a fácie Dei Israhël.

Plúviam voluntáriam segregábis, Deus, hereditáti tue: * et infirmáta est, tu vero perfecísti eam.

Animália tua habitábunt in ea: * parásti in dulcedine tua páuperi, Deus.

Dóminus dabit verbum evangelizántibus, * virtúte multa.

Rex virtútum dilécti dilécti: *

et speciéi domus divídere spólia.

Si dormiátis inter médios cle-ros, penne columbe deargentáte, * et posterióra dorsi eius in pallóre auri.

Dum discérnit celéstis reges super eam, nive dealbabúntur in Selmon: * mons Dei, mons pinguis.

Mons coagulátus, mons pinguis: * ut quid suspicámini montes coagulátos?

Mons, in quo beneplácitum est Deo habitáre in eo: * etenim Dóminus habitábit in finem.

Currus Dei decem míllibus múltiplex, míllia letántium: * Dóminus in eis in Sina in sancto.

Ascendísti in altum, cepísti captivitátem: * accepísti dona in homínibus.

Etenim non credéntes, * inhabitáre Dóminum Deum.

Benedíctus Dóminus die quotídie: * próspere iter fáciat nobis Deus salutárium nostrórum.

Deus noster, Deus salvos faciéndi: * et Dómini Dómini éxitus mortis.

Verúmtamen Deus confrínget cápita inimicórum suórum: * vérticem capílli perambulántium in delíctis suis.

Dixit Dóminus: Ex Basan convertam, * convertam in profúndum maris:

Ut intingáture pes tuus in sán-

guine: * lingua canum tuorum
ex inimicis, ab ipso.

Vidérunt ingrèssus tuos,
Deus: * ingrèssus Dei mei: re-
gis mei qui est in sancto.

Prevenérunt príncipes co-
niúnti psalléntibus: * in mé-
dio iuvenulárum tympani-
striárum.

In ecclésiis benedicite Deo
Dómino, * de fóntibus Israhël.

Ibi Béniamin adolescéntulus:
* in mentis excéssu.

Príncipes Iuda, duces eórum:
* príncipes Zábulon, príncipes
Néphthali.

Manda, Deus, virtúti tue: *
confirma hoc, Deus, quod ope-
rátus es in nobis.

A templo tuo in Hierúsalem, *
tibi ófferent reges múnera.

Increpa feras arúndinis, con-
gregátio taurórum in vaccis
populórum: * ut exclúdent eos,
qui probáti sunt argénto.

Díssipa Gentes, que bella vo-
lunt: vénient legáti ex Egípto: *
Ethiópia prevéniet manus eius
Deo.

Regna terre, cantáte Deo: *
psállite Dómino.

Psállite Deo, qui ascéndit su-
per celum celi, * ad Oriéntem.

Ecce dabit voci sue vocem vir-
tútis, date glóriam Deo super
Israhël, * magnificéntia eius,
et virtus eius in núbibus.

Mirábilis Deus in sanctis suis,
Deus Israhël ipse dabit virtú-

tem, et fortitúdinem plebi sue,
* benedíctus Deus.

Ant. In ecclesiis benedicite Do-
mino.

In Laudibus. Ant. Amplius lava
me Domine ab iniusticia mea.
Miserere.

Ant. Te decet hymnus deus in
Sion. Te decet hymnus.

Ant. Labia mea laudabit te in
vita mea deus meus. Deus deus
meus. II.

Ant. Dominus iudicabit fines
terre. Exultavit cor meum.

Ant. Celi celorum laudate
deum. Laudate dominum.

Ant. Salutem ex inimicis no-
stris et de manu omnium qui
nos oderunt. Benedictus.

Ant. Domine deus.

SALVUM me fac, Deus: * quó-
niam intravérunt aque us-
que ad ánimam meam.

Infíxus sum in limo profúndi:
* et non est substántia.

Veni in altitúdinem maris: *
et tempésta demérsit me.

Laborávi clamans, rauce facte
sunt fauces mee: * defecérunt
óculi mei, dum spero in Deum
meum.

Multiplicáti sunt super capíl-
los cápitis mei, * qui odérunt
me gratis.

Confortáti sunt qui persecú-
ti sunt me inimíci mei iniúste:
* que non rápui, tunc exolvé-
bam.

Deus, tu scis insipiéntiam
meam: * et delícta mea a te non
sunt abscondita.

Non erubéscant in me qui ex-

péctant te, Dómine, * Dómine virtútum

Non confundántur super me * qui querunt te, Deus Israhël.

Quóniam propter te sustínui oppróbrium: * opéruit confú-sio fáciem meam.

Extráneus factus sum frátribus meis, * et peregrínus filiis matris mee.

Quóniam zelus domus tue comédit me: * et oppróbria exprobrántium tibi cecidérunt super me.

Et opéruí in ieiúnio ánimam meam: * et factum est in oppróbrium michi.

Et pósui vestiméntum meum cilícium: * et factus sum illis in parábolam.

Advérsum me loquebántur, qui sedébant in porta: * et in me psallébant qui bibébant vinum.

Ego vero oratiónem meam ad te, Dómine: * tempus benepláciti, Deus.

In multitúdine misericórdie tue exáudi me, * in veritáte salútis tue:

Eripe me de luto, ut non infígar: * líbera me ab iis, qui odérunt me, et de profúndis aquárum.

Non me demérgat tempésta aque, † neque absórbeat me profúndum: * neque úrgeat super me púteus os suum.

Exáudi me, Dómine, quóniam benígna est misericórdia tua: *

secúndum multitúdinem miseratiónum tuárum respice in me.

Et ne avértas fáciem tuam a púero tuo: * quóniam tríbulor, velóciter exáudi me.

Inténde ánime mee, et líbera eam: * propter inimícos meos éripe me.

Tu scis impropérium meum, et confusiónem meam, * et re-veréntiam meam.

In conspéctu tuo sunt omnes qui tríbulant me: * impropérium expectávit cor meum, et misériam.

Et sustínui qui simul contristarétur, et non fuit: * et qui consolarétur, et non invéni.

Et dedérunt in escam meam fel: * et in siti mea potavérunt me acéto.

Fiat mensa eórum coram ipsis in láqueum, * et in retributiónes, et in scándalum.

Obscuréntur óculi eórum ne vídeant: * et dorsum eórum semper incúrva.

Effúnde super eos iram tuam: * et furor ire tue comprehéndat eos.

Fiat habitatio eórum desérta: * et in tabernáculis eórum non sit qui inhábitet.

Quóniam quem tu percussísti, persecúti sunt: * et super dolórem vúlnerum meórum addidérunt.

Appóne iniquitátem super iniquitátem eórum: * et non intrent in iustítiam tuam.

Deleántur de libro vivéntium:
* et cum iustis non scribántur.

Ego sum pauper et dolens: *
salus tua, Deus, suscepit me.

Laudábo nomen Dei cum canticó: *
et magnificábo eum in laude:

Et placébit Deo super vítulum
novéllum: * córnua producén-
tem et úngulas.

Videant páuperes et leténtur:
* quérite Deum, et vivet ánima
vestra.

Quóniam exaudívit páuperes
Dóminus: * et vinctos suos non
despéxit.

Laudent illum celi et terra, *
mare et ómnia reptília in eis.

Quóniam Deus salvam faciet
Sion: * et edificabúntur civitá-
tes Iuda.

Et inhabitábunt ibi, * et here-
ditáte acquirént eam.

Et semen servórum eius pos-
sidébit eam: * et qui díligunt
nomen eius, habitábunt in ea.

DEUS, in adiutórium meum
inténde: * Dómine ad
adiuvándum me festína.

Confundántur et revearéantur,
* qui querunt ánimam meam.

Avertántur retrórsum, et eru-
béscant, * qui volunt michi
mala.

Avertántur statim erubescén-
tes, * qui dicunt michi: Euge,
euge.

Exúltent et leténtur in te om-
nes qui querunt te, * et di-
cant semper: Magnificétur

Dóminus: qui díligunt salu-
táre tuum.

Ego vero egénus, et pauper
sum: * Deus, ádiuva me.

Adiútor meus, et liberátor
meus es tu: * Dómine, ne mo-
réris.

Ant. Domine deus in adiuto-
rium meum intende.

Ant. Esto michi.

IN te, Dómine, sperávi, non
confúndar in etérnum: * in
iustítia tua líbera me, et éripe
me.

Inclína ad me aurem tuam, *
et salva me.

Esto michi in Deum protectó-
rem, et in locum munítum: *
ut salvum me fácias.

Quóniam firmaméntum
meum, * et refúgium meum
es tu.

Deus meus, éripe me de manu
peccatóris, * et de manu contra
legem agéntis et iníqui:

Quóniam tu es patiéntia mea,
Dómine: * Dómine, spes mea
a iuventúte mea.

In te confirmátus sum ex úte-
ro: * de ventre matris mee tu
es protéctor meus.

In te cantátio mea semper:
† tamquam prodígium factus
sum multis: * et tu adiútor for-
tis.

Repleátur os meum laude, ut
cantem glóriam tuam: * tota
die magnítúdinem tuam.

Ne proiícias me in témpore se-
nectútis: * cum defécerit vir-
tus mea, ne derelínquas me.

Quia dixerunt inimici mei michi: * et qui custodiébant animam meam, consílium fecerunt in unum.

Dicentes: Deus derelíquit eum, † persequímini, et comprehendite eum: * quia non est qui erípiat.

Deus ne elongéris a me: * Deus meus, in auxílium meum respice.

Confundántur, et deficiant detrahéntes ánime mee: * operiántur confusióne et pudóre, qui querunt mala michi.

Ego autem semper sperábo: * et adiíciam super omnem laudem tuam.

Os meum annuntiábit iustítiam tuam: * tota die salutáre tuum.

Quóniam non cognóvi litteratúram, † introíbo in poténtias Dómini: * Dómine, memorábor iustítie tue solíus.

Deus, docuísti me a iuventúte mea: * et usque nunc pronuntiábo mirabília tua.

Et usque in senéctam et séniun: * Deus, ne derelínquas me,

Donec annúntiem bráchium tuum * generatióni omni, que ventúra est:

Poténtiam tuam, et iustítiam tuam, Deus, † usque in altíssima, que fecísti magnália: * Deus, quis símilis tibi?

Quantas ostendísti michi tribulatiónes multas et malas: †

et convérsus vivificásti me: * et de abyssis terre íterum reduxísti me:

Multiplicásti magnificéntiam tuam: * et convérsus consolátus es me.

Nam et ego confitébor tibi in vasis psalmi veritátem tuam: * Deus, psallam tibi in cíthara, Sanctus Israhël.

Exultábunt lábia mea cum cantávero tibi: * et ánima mea, quam redemísti.

Sed et lingua mea tota die meditábitur iustítiam tuam: * cum confúsi et revériti fúerint, qui querunt mala michi.

DEUS, iudícium tuum regida: * et iustítiam tuam filio regis.

Iudicáre pópulum tuum in iustítia, * et páuperes tuos in iudício.

Suscípiant montes pacem pópulo: * et colles iustítiam.

Iudicábit páuperes pópuli, et salvos faciet filios páuperum: * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in velus: * et sicut stillicídia stillántia super terram.

Oriétur in diébus eius iustítia, et abundántia pacis: * donec auferátur luna.

Et dominábitur a mari usque ad mare: * et a flúmine usque ad términos orbis terrárum.

Coram illo prócident Ethíopes:
* et inimíci eius terram lin-
gent.

Reges Tharsis, et ínsule mú-
nera ófferent: * reges Arabum
et Saba dona addúcent.

Et adorábunt eum omnes re-
ges terre: * omnes Gentes sér-
vient ei:

Quia liberábit páuperem a po-
tente: * et páuperem, cui non
erat adiutor.

Parcet páuperi et ínopi: * et
ánimas páuperum salvas fá-
ciet.

Ex usúris et iniquitáte rédimet
ánimas eórum: * et honorábile
nomen eórum coram illo.

Et vivet, et dábitur ei de auro
Arábie, † et adorábunt de ipso
semper: * tota die benedícet
ei.

Et erit firmaméntum in ter-
ra in summis móntium, † su-
perextollétur super Líbanum
fructus eius: * et florébunt de
civitáte sicut fenum terre.

Sit nomen eius benedíctum in
sécula: * ante solem pérmanet
nomen eius.

Et benedicéntur in ipso omnes
tribus terre: * omnes Gentes
magnificábunt eum.

Benedíctus Dóminus, Deus
Israhël, * qui facit mirabília
solus.

Et benedíctum nomen maie-
státis eius in etérnum: * et re-
plébitur maiestáte eius omnis
terra: fiat, fiat.

Ant. Esto michi Domine in
deum protectorem.

Ant. Liberasti.

QUAM bonus Israhël Deus, *
his, qui recto sunt corde!

Mei autem pene moti sunt pe-
des: * pene effúsi sunt gressus
mei.

Quia zelávi super iníquos, *
pacem peccatórum videns.

Quia non est respéctus morti
eórum: * et firmaméntum in
plaga eórum.

In labóre hóminum non sunt:
* et cum homínibus non fla-
gellabúntur:

Ideo ténuít eos supérbia, *
opérti sunt iniquitáte et impie-
táte sua.

Pródiit quasi ex ádipe iníqui-
tas eórum: * transiérunt in af-
féctum cordis.

Cogitavérunt, et locúti sunt
nequítiám: * iniquitátem in
excélso locúti sunt.

Posuérunt in celum os suum:
* et lingua eórum transívit in
terra.

Ideo convertétur pópulus
meus hic: * et dies pleni in-
veniéntur in eis.

Et dixerunt: Quómodo scit
Deus, * et si est sciéntia in ex-
célso?

Ecce ipsi peccatóres, et abun-
dantes in século, * obtinuérunt
divítias.

Et dixi: Ergo sine causa iusti-
ficávi cor meum, * et lavi inter
innocéntes manus meas.

Et fui flagellátus tota die, * et castigatio mea in matutínis.

Si dicébam: Narrábo sic: * ecce nationem filiórum tuórum reprobávi.

Existimábam ut cognóscerem hoc, * labor est ante me.

Donec intrem in Sanctuárium Dei: * et intélligam in novíssimis eórum.

Verúmtamen propter dolos posuísti eis: * deiecísti eos dum allevaréntur.

Quómodo facti sunt in desolatióne, súbito defecerunt: * perierunt propter iniquitatem suam.

Velut sómnum surgéntium, Dómine, * in civitate tua imaginem ipsórum ad níhilum rediges.

Quia inflammátum est cor meum, et renes mei commutáti sunt: * et ego ad níhilum redáctus sum, et nescívi.

Ut iumentum factus sum apud te: * et ego semper tecum.

Tenuísti manum dexteram meam: † et in voluntate tua deduxísti me, * et cum glória suscepísti me.

Quid enim michi est in celo? * et a te quid vólui super terram?

Defécit caro mea, et cor meum: * Deus cordis mei, et pars mea Deus in etérnum.

Quia ecce, qui elóngant se a te, peribunt: * perdidísti omnes, qui fornicántur abs te.

Mihi autem adherére Deo bonum est: * pónere in Dómino Deo spem meam:

Ut annúntiem omnes predicationes tuas, * in portis filie Sion.

UT quid, Deus, repulísti in finem: * irátus est furor tuus super oves páscue tue?

Memor esto congregatiónis tue: * quam possedísti ab initio.

Redemísti virgam hereditátis tue: * mons Sion, in quo habitásti in eo.

Leva manus tuas in supérbias eórum in finem: * quanta malignátus est inimicus in sancto!

Et gloriáti sunt qui odérunt te: * in médio solemnitätis tue.

Posuérunt signa sua, signa: * et non cognovérunt sicut in exitu super summum.

Quasi in silva lignórum secúribus excidérunt iánuas eius in idípsum: * in secúri et áscia deiecérunt eam.

Incendérunt igni sanctuárium tuum: * in terra polluérunt tabernáculum nóminis tui.

Dixerunt in corde suo cognátio eórum simul: * Quiéscere faciámus omnes dies festos Dei a terra.

Signa nostra non vídimus, iam non est prophéta: * et nos non cognóscet ámplius.

Usquequo, Deus, impropérabit inimicus: * irrítat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus autem Rex noster ante sécula: * operátus est salutem in médio terre.

Tu confirmásti in virtúte tua mare: * contribulásti cápita draconum in aquis.

Tu confregísti cápita draconis: * dedísti eum escam pópulis Ethíopum.

Tu dirupísti fontes, et torréntes * tu siccásti flúvios Ethan.

Tuus est dies, et tua est nox: * tu fabricátus es auróram et solem.

Tu fecísti omnes términos terre: * estátem et ver tu plas másti ea.

Memor esto huius, inimícus improperávit Dómino: * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum: * quia repléti sunt, qui obscuráti sunt terre dómibus iniquitátum.

Ne avertátur húmilis factus confúsus: * pauper et inops laudábunt nomen tuum.

Exúrge, Deus, iúdica causam tuam: * memor esto improperiórum tuórum, eórum que ab insipiéntes sunt tota die.

Ne obliviscáris voces inimicórum tuórum: * supérbia eó-

rum, qui te odérunt, ascéndit semper.

Ant. Liberasti virgam hereditatis tue.

Ant. In Israhel.

CONFITÉBIMUR tibi, Deus: * confitébimur, et invocábimus nomen tuum.

Narrábimus mirábilia tua: * cum accépero tempus, ego iustítias iudicábo.

Liquefacta est terra, et omnes qui hábitant in ea: * ego confirmávi columbas eius.

Dixi iníquis: Nolíte iníque ágere: * et delinquéntibus: Nolíte exaltáre cornu:

Nolíte extóllere in altum cornu vestrum: * nolíte loqui advérsus Deum iniquitátem.

Quia neque ab Oriénte, neque ab Occidénte, neque a désertis móntibus: * quóniam Deus iudex est.

Hunc humíliat, et hunc exáltat: * quia calix in manu Dómini vini meri plenus misto.

Et inclinávit ex hoc in hoc: † verúmtamen fex eius non est exinaníta: * bibent omnes peccatóres terre.

Ego autem annuntiábo in séculum: * cantábo Deo Iacob.

Et ómnia córnua peccatórum confríngam: * et exaltabúntur córnua iusti.

NOTUS in Iudéa Deus: * in Israhël magnum nomen eius.

Et factus est in pace locus eius: * et habitátio eius in Sion.

Ibi confrégit poténtias árcuum: * scutum, gládium, et bellum.

Illúminans tu mirabíliter a móntibus etérnis: * turbáti sunt omnes insipíentes corde.

Dormiérunt somnum suum: * et nichil invenérunt omnes viri divitiárum in mánibus suis.

Ab increpatióne tua, Deus Iacob, * dormitavérunt qui ascendérunt equos.

Tu terríbilis es, et quis resístet tibi? * ex tunc ira tua.

De celo audítum fecísti iudícium: * terra trémuit et quíevit.

Cum exúrgeret in iudícium Deus, * ut salvos fáceret omnes mansuétos terre.

Quóniam cogitatio hóminis confitébitur tibi: * et reliquie cogitatiónis diem festum agent tibi.

Vovéte, et réddite Dómino Deo vestro: * omnes, qui in circúitu eius affértis múnera.

Terríbili et ei qui aufert spíritum princípum, * terríbili apud reges terre.

Ant. Tu es deus.

VOCE mea ad Dóminum clamávi: * voce mea ad Deum, et inténdit michi.

In die tribulatiónis mee Deum exquisívi, † mánibus meis nocte contra eum: * et non sum decéptus.

Rénuit consolári ánima mea: † memor fui Dei, et delectátus

sum, et exercitátus sum: * et defécit spíritus meus.

Anticipavérunt vigílias óculi mei: * turbátus sum, et non sum locútus.

Cogitávi dies antíquos: * et annos etérnos in mente hábui.

Et meditátus sum nocte cum corde meo, * et exercitábar, et scopébam spíritum meum.

Numquid in etérnum proíciat Deus: * aut non appónet ut complacítior sit adhuc?

Aut in finem misericórdiam suam abscíndet, * a generatióne in generatióne?

Aut obliviscétur miseréri Deus: * aut continébit in ira sua misericórdias suas?

Et dixi: Nunc cepi: * hec mutatio dextere Excélsi.

Memor fui óperum Dómini: * quia memor ero ab inítio mirabílium tuórum.

Et meditábor in ómnibus opéribus tuis: * et in adinventiúnibus tuis exercébor.

Deus, in sancto via tua: † quis Deus magnus sicut Deus noster? * tu es Deus qui facis mirabília.

Notam fecísti in pópulis virtutem tuam: * redemísti in bráchio tuo pópulum tuum fílios Iacob et Ioseph.

Vidérunt te aque, Deus, vidé-runt te aque: * et timuérunt et turbáte sunt abyssi.

Multitúdo sónitus aquárum: * vocem dedérunt nubes.

Etenim sagitte tue transeunt:
* vox tonitruum tui in rota.

Illuxerunt coruscationes tue
orbi terre: * commota est, et
contrémuit terra.

In mari via tua, et semite tue
in aquis multis: * et vestigia
tua non cognoscuntur.

Deduxisti sicut oves populum
tuum, * in manu Moysi et Aa-
ron.

ATTÉNDITE, popule meus,
legem meam: * incliná-
te aurem vestram in verba oris
mei.

Apériam in parabolis os
meum: * loquar propositio-
nes ab initio.

Quanta audivimus et cognovi-
mus ea: * et patres nostri nar-
raverunt nobis.

Non sunt occultata a filiis eo-
rum: * in generatione altera.

Narrantes laudes Domini, et
virtutes eius: * et mirabilia
eius, que fecit.

Et suscitavit testimonium in
Iacob: * et legem posuit in
Israhel.

Quanta mandavit patribus
nostris nota facere ea filiis
suis: * ut cognoscat generatio
altera.

Filii qui nascuntur, et exúr-
gent, * et narrabunt filiis suis.

Ut ponant in Deo spem suam,
et non obliviscantur operum
Dei: * et mandata eius exquí-
rant.

Ne fiant sicut patres eorum: *
generatio prava et exasperans.

Generatio, que non direxit cor
suum: * et non est creditus
cum Deo spiritus eius.

Filii Ephrem intendentes et
mittentes arcum: * conversi
sunt in die belli.

Non custodierunt testamen-
tum Dei: * et in lege eius no-
luerunt ambulare.

Et obliti sunt benefactorum
eius: * et mirabilium eius que
ostendit eis.

Coram patribus eorum fecit
mirabilia in terra Egípti: * in
campo Táneos.

Interrupit mare, et perduxit
eos: * et statuit aquas quasi in
utro.

Et deduxit eos in nube diei: *
et tota nocte in illuminatione
ignis.

Interrupit petram in eremo: *
et adaquavit eos velut in abyssu
multa.

Et eduxit aquam de petra: *
et deduxit tamquam flumina
aquas.

Et apposuerunt adhuc peccare
ei: * in iram excitaverunt Ex-
celsus in iniquo.

Et tentaverunt Deum in cor-
dibus suis, * ut peterent escas
animabus suis.

Et male locuti sunt de Deo:
* dixerunt: Numquid poterit
Deus parere mensam in desér-
to?

Quoniam percussit petram, et
fluxerunt aque: * et torrentes
inundaverunt.

Numquid et panem poterit

dare, * aut paráre mensam pó-
pulo suo?

Ideo audívit Dóminus, et dí-
stulit: * et ignis accénsus est in
Iacob, et ira ascéndit in Israhël.

Quia non credidérunt in Deo:
* nec speravérunt in salutári
eius:

Et mandávit núbibus désuper:
* et iánuas celi apérui.

Et pluit illis manna ad mandu-
cándum: * et panem celi dedit
eis.

Panem Angelórum manducá-
vit homo, * cibária misit eis in
abundántia.

Tránstulit Austrum de celo: *
et indúxit in virtúte sua Afri-
cum.

Et pluit super eos sicut púlve-
rem carnes: * et sicut arénam
maris volatília pennáta.

Et cecidérunt in médio castró-
rum eórum: * circa tabernácu-
la eórum.

Et manducavérunt, et satu-
ráti sunt nimis, et desidérium
eórum áttulit eis: * non sunt
fraudáti a desidério suo.

Adhuc esce eórum erant in ore
ipsórum: * et ira Dei ascéndit
super eos

Et occídit pingues eórum, * et
eléctos Israhël impedívit.

In ómnibus his peccavérunt
adhuc: * et non credidérunt in
mirábilibus eius.

Et defecérunt in vanitáte dies
eórum: * et anni eórum cum
festinatióne.

Cum occíderet eos, querébant

eum: * et revertebántur, et di-
lúculo veniébant ad eum.

Et rememoráti sunt quia Deus
adiútor est eórum: * et Deus
excélsus redémptor eórum est.

Et dilexérunt eum in ore suo,
* et lingua sua mentíti sunt ei.

Cor autem eórum non erat
rectum cum eo: * nec fidéles
hábiti sunt in testaménto eius.

Ipse autem est miséricors, et
propítius fiet peccátis eórum:
* et non dispérdet eos.

Et abundávit ut avérteret iram
suam: * et non accéndit om-
nem iram suam:

Et recordátus est quia caro
sunt: * spíritus vadens et non
rédiens.

Quóties exacerbavérunt eum
in desérto, * in iram concita-
vérunt eum in inaquóso?

Et convérsi sunt, et tentavé-
runt Deum: * et Sanctum Isra-
hël exacerbavérunt.

Non sunt recordáti manus
eius, * die qua redémit eos de
manu tribulántis.

Sicut pósuit in Egípto signa
sua, * et prodígia sua in campo
Táneos.

Et convértit in ságuinem flú-
mina eórum: * et imbres eó-
rum, ne bíberent.

Misit in eos cenomyíam, et
comédit eos: * et ranam, et di-
spérdidit eos.

Et dedit erúgini fructus eó-
rum: * et labóres eórum locú-
ste.

Et occídit in grándine véneas eórum: * et moros eórum in pruína.

Et trádedit grándini iuménta eórum: * et possessiónem eórum igni.

Misit in eos iram indignatióis sue: * indignatióem, et iram, et tribulatióem: immissiões per ángelos malos.

Viam fecit sémite ire sue, non pepércit a morte animábus eórum: * et iuménta eórum in morte conclúsit.

Et percússit omne primogénitum in terra Egípti: * primítias omnis labóris eórum in tabernáculis Cham.

Et ábstulit sicut oves pópulum suum: * et perdúxit eos tamquam gregem in desérto.

Et dedúxit eos in spe, et non timuérunt: * et inimícos eórum opéruit mare.

Et indúxit eos in montem sanctificatióis sue: * montem, quem acquisívit dextera eius.

Et eiécit a fácie eórum Gentes: * et sorte divísit eis terram in funículo distributióis.

Et habitáre fecit in tabernáculis eórum: * tribus Israhël.

Et tentavérunt, et exacerbaravérunt Deum excélsum: * et testimónia eius non custodiérunt.

Et avertérunt se, et non servavérunt pactum: * quemádmódum patres eórum convérsi sunt in arcum pravum.

In iram concitavérunt eum in cóllibus suis: * et in sculptílibus suis ad emulatióem eum provocavérunt.

Audívit Deus, et sprexit: * et ad níhilum redégit valde Israhël.

Et répulit tabernáculum Silo: * tabernáculum suum, ubi habitávit in homínibus.

Et trádedit in captivitátem virtútem eórum: * et pulchritúdinem eórum in manus inimíci.

Et conclúsit in gládio pópulum suum: * et hereditátem suam sprexit.

Iúvenes eórum comédit ignis: * et vírgines eórum non sunt lamentáte.

Sacerdótes eórum in gládio cecidérunt: * et vídue eórum non plorábantur.

Et excitátus est tamquam dórmientiens Dóminus: * tamquam potens crapulátus a vino.

Et percússit inimícos suos in posterióra: * oppróbrium sempitérnum dedit illis.

Et répulit tabernáculum Ioseph: * et tribum Ephraim non elégit.

Sed elégit tribum Iuda, * montem Sion quem diléxit.

Et edificávit sicut unicórnum sanctificium suum in terra, * quam fundávit in sécula.

Et elégit David, servum suum, et sústulit eum de grégibus

óvium: * de post fetántes ac-
cépit eum,

Páscere Iacob, servum suum,
* et Israhël, hereditátem
suam:

Et pavit eos in innocéntia cor-
dis sui: * et in intelléctibus
mánuum suárum dedúxit eos.

Ant. Tu es deus qui facis mira-
bilia.

Ant. Propitius.

DEUS, venérunt Gentes in
hereditátem tuam, pol-
luérunt templum sanctum
tuum: * posuérunt Hierúsalem
in pomórum custódiam.

Posuérunt morticina servó-
rum tuórum, escas volatílibus
celi: * carnes sanctórum tuó-
rum béstiis terre.

Effudérunt sánguinem eórum
tamquam aquam in circúitu
Hierúsalem: * et non erat qui
sepelíret.

Facti sumus oppróbrium vi-
cínis nostris: * subsannátio et
illúsió his, qui in circúitu no-
stro sunt.

Usquequo, Dómine, irascéris
in finem: * accendétur velut
ignis zelus tuus?

Effúnde iram tuam in Gentes,
que te non novérunt: * et in re-
gna que nomen tuum non in-
vocavérunt:

Quia comedérunt Iacob: * et
locum eius desolavérunt.

Ne memíneris iniquitátum
nostrárum antiquárum, cito
antícipect nos misericórdie

tue: * quia páuperes facti su-
mus nimis.

Adiuva nos, Deus, salutáris
noster: et propter glóriam nó-
minis tui, Dómine, libera nos:
* et propítius esto peccátis no-
stris, propter nomen tuum:

Ne forte dicant in Géntibus:
Ubi est Deus eórum? * et in-
notéscat in natióibus coram
óculis nostris.

Ultio ságuinis servórum tuó-
rum, qui effúsus est: * intróeat
in conspéctu tuo gémitus com-
peditórum.

Secúndum magnitúdinem
bráchii tui, * pösside fílios
mortificatórum.

Et redde vicínis nostris séptu-
plum in sinu eórum: * impro-
périum ipsórum, quod expro-
bravérunt tibi, Dómine.

Nos autem pópulus tuus, et
oves páscue tue, * confitébi-
mur tibi in séculum.

In generatióem et generatió-
nem * annuntiábimus laudem
tuam.

QUI regis Israhël, inténde:
* qui dedúcis velut ovem
Ioseph.

Qui sedes super Chérubim: *
manifestáre coram Ephraim,
Béniamin, et Manásse.

Excita poténtiam tuam, et ve-
ni: * ut salvos fácias nos.

Deus, convérte nos: * et
osténde faciém tuam, et salvi
érimus.

Dómine, Deus virtútum, *

quoúsque irascéris super oratió-
nem servi tui?

Cibábis nos pane lacrimárum:
* et potum dabis nobis in lá-
crimis in mensúra?

Posuísti nos in contradicti-
onem vicínis nostris: * et inimí-
ci nostri subsannavérunt nos.

Deus virtútum, convérte nos:
* et osténde fáciem tuam, et
salvi érimus.

Víneam de Egípto transtulísti:
* eiecísti Gentes, et plantásti
eam.

Dux itíneris fuísti in conspéc-
tu eius: * plantásti radíces
eius, et implévit terram.

Opérui montes umbra eius: *
et arbústa eius cedros Dei.

Exténdit pálmities suos usque
ad mare: * et usque ad flumen
propágines eius.

Ut quid destruxísti macériam
eius: * et vindémiant eam
omnes, qui pretergrediúntur
viam?

Exterminávit eam aper de sil-
va: * et singuláris ferus depá-
stus est eam.

Deus virtútum, convértere: *
réspice de celo, et vide, et vísa
víneam istam.

Et pérface eam, quam plantá-
vit dextera tua: * et super fí-
lium hóminis, quem confir-
másti tibi.

Incénsa igni, et suffóssa: * ab
increpatióne vultus tui perí-
bunt.

Fiat manus tua super virum

déxtere tue: * et super fílium
hóminis quem confirmásti ti-
bi.

Et non discédimus a te, vivi-
ficábis nos: * et nomen tuum
invocábitur.

Dómine, Deus virtútum, con-
vérte nos: * et osténde fáciem
tuam, et salvi érimus.

Ant. Propitius esto peccatis
nostris Domine.

In Laudibus. Ant. Tibi soli pec-
cavi Domine miserere mei. Mi-
serere.

Ant. Domine refugium factus
es nobis. Domine refugium.

Ant. In matutinis domine me-
ditabor in te. Deus deus meus.
II.

Ant. In eternum dominus re-
gnabit et ultra. Cantemus do-
mino.

Ant. In sanctis eius laudate
deum. Laudate dominum.

Ant. In sanctitate serviamus
Domino et liberabit nos ab ini-
micis nostris. Benedictus.

Ant. Exultate.

EXULTÁTE Deo, adiutóri no-
stro: * iubiláte Deo Iacob.

Súmte psalmum, et date
týmpanum: * psaltérium iu-
cúndum cum cíthara.

Buccináte in Neoménia tuba,
* in insígni die solemnitátis
vestre.

Quia precéptum in Israhël est:
* et iudícium Deo Iacob.

Testimónium in Ioseph pósuit
illud, cum exíret de terra Egíp-
ti: * linguam, quam non nóve-
rat, audívit.

Divértit ab onéribus dorsum eius: * manus eius in cóphino serviérunt.

In tribulatióne invocásti me, et liberávi te: † exaudívi te in abscondito tempestátis: * probávi te apud aquam contradic-tiónis.

Audi, pópulus meus, et con-testábor te: † Israhël, si audie-ris me, non erit in te deus re-cens, * neque adorábis deum aliénium.

Ego enim sum Dóminus Deus tuus, qui edúxi te de terra Egípti: * diláta os tuum, et im-plébo illud.

Et non audívit pópulus meus vocem meam: * et Israhël non inténdit michi.

Et dimísi eos secúndum desi-déria cordis eórum: * ibunt in adinventiόνibus suis.

Si pópulus meus audísset me: * Israhël si in viis meis ambu-lásset:

Pro níhilo fórsitan inimícos eórum humiliássem: * et su-per tribulánte eos misíssem manum meam.

Inimíci Dómini mentíti sunt ei: * et erit tempus eórum in sécula.

Et cibávit eos ex ádipe fru-ménti: * et de petra, melle sa-turávit eos.

DEUS stetit in synagóga deórum: * in médio au-tem deos diiúdicat.

Usquequo iudicátis iniquitá-

tem: * et fácies peccatórum súmitis?

Iudicáte egéno, et pupíllo: * húmitem, et páuperem iustifi-cáte.

Erípite páuperem: * et egé-num de manu peccatóris libe-ráte.

Nesciérunt, neque intellexé-runt, in ténebris ámbulant: * movebúntur ómnia funda-ménta terre.

Ego dixi: Dii estis, * et filii Ex-célsi omnes.

Vos autem sicut hómines mo-riémini: * et sicut unus de princípibus cadétis.

Surge, Deus, iúdica terram: * quóniam tu hereditábis in óm-nibus Géntibus.

Ant. Exultate deo adiutori no-stro.

Ant. Tu solus.

DEUS, quis símilis erit tibi? * Ne táceas, neque com-pescáris, Deus.

Quóniam ecce inimíci tui so-nuérunt: * et qui odérunt te extulérunt caput.

Super pópulum tuum mali-gnavérunt consílium: * et co-gitavérunt advérsus sanctos tuos.

Dixerunt: Veníte, et disperdá-mus eos de gente: * et non me-morétur nomen Israhël ultra.

Quóniam cogitavérunt una-nímiter: * simul advérsus te testaméntum disposuérunt,

tabernacula Idumeorum et Ismahelite:

Moab, et Agaréni, Gebal, et Ammon, et Amalec: * alienígene cum habitantibus Tyrum.

Etenim Assur venit cum illis: * facti sunt in adiutorium filiis Lot.

Fac illis sicut Mádian, et Sí-sare: * sicut Iabin in torrente Cisson.

Disperiérunt in Endor: * facti sunt ut stercus terre.

Pone principes eorum sicut Oreb, et Zeb, * et Zébee, et Sálmana:

Omnes principes eorum: * qui dixerunt: Hereditate possideamus Sanctuárium Dei.

Deus meus, pone illos ut rotam: * et sicut stípulam ante faciem venti.

Sicut ignis, qui combúrit silvam: * et sicut flamma combúrens montes:

Ita persequéris illos in tempestáte tua: * et in ira tua turbábis eos.

Impile fácies eorum ignominia: * et querent nomen tuum, Dómine.

Erubéscant, et conturbéntur in séculum séculi: * et confundántur, et péreant.

Et cognóscant quia nomen tibi Dóminus: * tu solus Altíssimus in omni terra.

QUAM dilécta tabernacula tua, Dómine virtutum: * concupíscit, et déficit ánima mea in átria Dómini.

Cor meum, et caro mea: * exultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine virtutum: * Rex meus, et Deus meus.

Beáti, qui hábitant in domo tua, Dómine: * in sécula seculorum laudábunt te.

Beátus vir, cuius est auxílium abs te: † ascensiónes in corde suo dispósuit, in valle lacrimárum * in loco, quem pósuit.

Etenim benedictiónem dabit legislátor † ibunt de virtúte in virtútem: * vidébitur Deus deorum in Sion.

Dómine, Deus virtutum, exáudi oratióem meam: * áuribus percípe, Deus Iacob.

Protéctor noster, áspice, Deus: * et respice in faciem Christi tui.

Quia mélior est dies una in átriis tuis: * super míllia.

Elégi abiéctus esse in domo Dei mei: * magis quam habitáre in tabernaculis peccatorum.

Quia misericórdiam et veritátem díligit Deus: * grátiam et glóriam dabit Dóminus.

Non privábit bonis eos qui ámbulant in innocéntia: * Dómine virtutum, beátus homo qui sperat in te.

Ant. Tu solus altissimus super omnem terram.

Ant. Benedixisti.

BENEDIXISTI, Dómine, ter-

ram tuam: * avertísti cap-
tivitátem Iacob.

Remisísti iniquitátem plebis
tue: * operuísti ómnia peccáta
eórum.

Mitigásti omnem iram tuam:
* avertísti ab ira indignatiónis
tue.

Convérte nos, Deus, salutáris
noster: * et avérte iram tuam a
nobis.

Numquid in etérnum irascé-
ris nobis? * aut exténdes iram
tuam a generatióne in genera-
tiónem?

Deus, tu convérsus vivificábis
nos: * et plebs tua letábitur in
te.

Osténde nobis, Dómine, mi-
sericórdiam tuam: * et salutá-
re tuum da nobis.

Audiam quid loquátur in me
Dóminus Deus: * quóniam lo-
quétur pacem in plebem suam.

Et super sanctos suos: * et in
eos, qui convertúntur ad cor.

Verúmtamen prope timéntes
eum salutáre ipsíus: * ut inhá-
bitet glória in terra nostra.

Misericórdia, et véritas obvia-
vérunt sibi: * iustítia, et pax
osculáte sunt.

Véritas de terra orta est: * et
iustítia de celo prospéxit.

Etenim Dóminus dabit beni-
gnitátem: * et terra nostra da-
bit fructum suum.

Iustítia ante eum ambulábit:
* et ponet in via gressus suos.

INCLÍNA, Dómine, aurem

tuam, et exáudi me: * quó-
niam inops, et pauper sum ego.

Custódi ánimam meam, quó-
niam sanctus sum: * salvum
fac servum tuum, Deus meus,
sperántem in te.

Miserére mei, Dómine, quó-
niam ad te clamávi tota die:
† letífica ánimam servi tui, *
quóniam ad te, Dómine, áni-
mam meam levávi.

Quóniam tu, Dómine, suávis
et mitis: * et multe misericór-
die ómnibus invocántibus te.

Auribus pécipe, Dómine,
oratióem meam: * et inténde
voci deprecatiónis mee.

In die tribulatiónis mee cla-
mávi ad te: * quia exaudísti me.

Non est símilis tui in diis, Dó-
mine: * et non est secúndum
ópera tua.

Omnes gentes quascúmque
fecísti, vénient, et adorábunt
coram te, Dómine: * et glorifi-
cábunt nomen tuum.

Quóniam magnus es tu, et fá-
ciens mirabília: * tu es Deus
solus.

Deduc me, Dómine, in via tua,
† et ingrédiar in veritáte tua:
* letétur cor meum ut tímeat
nomen tuum.

Confitébor tibi, Dómine, Deus
meus, in toto corde meo, *
et glorificábo nomen tuum in
etérnum.

Quia misericórdia tua magna
est super me: * et eruísti áni-

mam meam ex inférno inferióri.

Deus iníqui insurrexérunt super me, † et synagóga poténtium quesierunt ánimam meam: * et non proposuerunt te in conspéctu suo.

Et tu, Dómine, Deus miserátor et miséricors, * pátiens, et multe misericórdie, et verax.

Réspice in me, et miserere mei, † da impérium tuum púero tuo: * et salvum fac fílium ancílle tue.

Fac mecum signum in bonum, † ut vídeant qui odérunt me, et confundántur: * quóniam tu, Dómine, adiuvísti me, et consolátus es me.

Ant. Benedixisti Domine terram tuam.

Ant. Fundamenta.

FUNDAMÉNTA eius in montibus sanctis: * díligit Dóminus portas Sion super ómnia tabernácula Iacob.

Gloríosa dicta sunt de te, * cívitas Dei.

Memor ero Rahab, et Babylónis * sciéntium me.

Ecce alienígene, et Tyrus, et pópulus Ethíopum, * hi fuerunt illic.

Numquid Sion dicet: † Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut letántium ómnium: * habitátio est in te.

DÓMINE, Deus salutis mee: * in die clamávi, et nocte coram te.

Intret in conspéctu tuo orátio mea: * inclína aurem tuam ad precem meam:

Quia repléta est malis ánima mea: * et vita mea inférno appropinquávit.

Estimátus sum cum descendéntibus in lacum: * factus sum sicut homo sine adiutório, inter mórtuos liber.

Sicut vulneráti dormiéntes in sepúlcris, † quorum non es memor ámplius: * et ipsi de manu tua repúlsi sunt.

Posuerunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuerunt me abominatió-nem sibi.

Tráditus sum, et non egredié-bar: * óculi mei languérunt in inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur in ténebris mirabília tua, * et iustítia tua in terra obliuionis?

Et ego ad te, Dómine, clamávi: * et mane orátio mea prevéniet te.

Ut quid, Dómine, repéllis orationem meam: * avértis fáciem tuam a me?

Pauper sum ego, et in labóribus a iuventúte mea: * exaltátus autem, humiliátus sum et conturbátus.

In me transiérunt ire tue: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum et próximum: * et notos meos a miséria.

Ant. Fundamenta eius in montibus sanctis.

Ant. Benedictus.

MISERICÓRDIAS Dómini * in etérnum cantábo.

In generatióem et generatióem * annuntiábo veritátem tuam in ore meo.

Quóniam dixísti: In etérnum misericórdia edificábitur in celis: * preparábitur véritas tua in eis.

Dispósui testaméntum eléctis meis, † iurávi David, servo meo: * Usque in etérnum preparábo semen tuum.

Et edificábo in generatióem et generatióem * sedem tuam.

Confitebúntur celi mirabília

tua, Dómine, * étenim veritátem tuam in ecclésia sanctórum.

Quóniam quis in núbibus equábitur Dómino: * símilis erit Deo in fíliis Dei?

Deus, qui glorificátur in consílio sanctórum: * magnus et terríbilis super omnes qui in circúitu eius sunt.

Dómine, Deus virtútum, quis símilis tibi? * potens es, Dómine, et véritas tua in circúitu tuo.

Tu domináris potestáti maris: * motum autem flúctuum eius tu mítigas.

Tu humiliásti sicut vulnerátum, supérbum: * in bráchio virtútis tue dispersísti inimícos tuos.

Tui sunt celi, et tua est terra: † orbem terre et plenitúdinem eius tu fundásti: * aquilónem, et mare tu creásti.

Thabor et Hermon in nómine tuo exultábunt: * tuum bráchium cum poténtia.

Firmétur manus tua, et exaltétur délixtera tua: * iustítia et iudícium preparátio sedis tue.

Misericórdia et véritas precédent fáciem tuam: * beátus pópulus, qui scit iubiliatióem.

Dómine, in lúmine vultus tui ambulábunt, † et in nómine tuo exultábunt tota die: * et in iustítia tua exaltabúntur.

Quóniam glória virtútis eó-

rum tu es: * et in beneplácito tuo exaltábitur cornu nostrum.

Quia Dómini est assúptio nostra, * et Sancti Israhël, regis nostri.

Tunc locútus es in visiône sanctis tuis, et dixísti: † Pósui adiutórium in poténte: * et exaltávi eléctum de plebe mea.

Inveni David, servum meum: * óleo sancto meo unxi eum.

Manus enim mea auxiliábitur ei: * et bráchium meum confortábit eum.

Nihil proficiet inimícus in eo: * et fílius iniquitátis non apónet nocére ei.

Et concídám a fácie ipsíus inimícos eius: * et odiéntes eum in fugam convértam.

Et véritas mea, et misericórdia mea cum ipso: * et in nómine meo exaltábitur cornu eius.

Et ponam in mari manum eius: * et in flumínibus dexteram eius.

Ipsé invocábit me: Pater meus es tu: * Deus meus, et suscëptor salútis mee.

Et ego primogénitum ponam illum: * excélsum pre régibus terre.

In etérnum servábo illi misericórdiam meam: * et testaméntum meum fidéle ipsi.

Et ponam in séculum séculi semen eius: * et thronum eius sicut dies celi.

Si autem derelíquerint fílii eius legem meam: * et in iudíciis meis non ambuláverint.

Si iustítias meas profanáverint: * et mandáta mea non custodierint:

Visitábo in virga iniquitátes eórum: * et in verbéribus peccáta eórum.

Misericórdiam autem meam non dispérgam ab eo: * neque nocébo in veritáte mea:

Neque profanábo testaméntum meum: * et que procédunt de lábiis meis, non fáciam írrita.

Semel iurávi in sancto meo: Si David méntiar: * semen eius in etérnum manébit.

Et thronus eius sicut sol in conspéctu meo, † et sicut luna perfécta in etérnum: * et testis in celo fidélis.

Tu vero repulísti et despexísti: * distulísti Christum tuum.

Evertísti testaméntum servi tui: * profanásti in terra Sanctuárium eius.

Destruxísti omnes sepes eius: * posuísti firmaméntum eius formídinem.

Diripuérunť eum omnes transeúntes viam: * factus est opprobrium vicínis suis.

Exaltásti dexteram depri-méntium eum: * letificásti omnes inimícos eius.

Avertísti adiutórium gládii eius: * et non es auxiliátus ei in bello.

Destruxísti eum ab emundatióne: * et sedem eius in terram collisísti.

Minorásti dies témporis eius:
* perfudísti eum confusióne.

Usquequo, Dómine, avértis in
finem: * exardéscet sicut ignis
ira tua?

Memoráre que mea substán-
tia: * numquid enim vane con-
stituísti omnes fílios hómi-
num?

Quis est homo, qui vivet, et
non vidébit mortem: * éruet
ánimam suam de manu ínferi?

Ubi sunt misericórdie tue an-
tíque, Dómine: * sicut iurásti
David in veritáte tua?

Memor esto, Dómine, oppró-
brii servórum tuórum: * quod
contínui in sinu meo multá-
rum Géntium.

Quod exprobravérunt inimíci
tui, Dómine, * quod exprobra-
vérunt commutatióne Chri-
sti tui.

Benedíctus Dóminus in etér-
num: * fiat, fiat.

DÓMINE, refúgium factus es
nobis: * a generatióne in
generatióne.

Priúsqvam montes fíerent,
aut formarétur terra et orbis:
* a século et usque in séculum
tu es, Deus.

Ne avértas hóminem in humi-
litém: * et dixísti: Convertí-
mini, filii hóminum.

Quóniam mille anni ante ócu-
los tuos, * tamquam dies he-
stérna, que pretériit.

Et custódia in nocte, * que pro
níhilo habéntur, eórum anni
erunt.

Mane sicut herba tránseat, †
mane flóreat, et tránseat: * vé-
spere décidat, indúret et aré-
scat.

Quia defécimus in ira tua, * et
in furóre tuo turbáti sumus.

Posuísti iniquitátes nostras in
conspéctu tuo: * séculum no-
strum in illuminatióne vultus
tui.

Quóniam omnes dies nostri
defecérunt: * et in ira tua de-
fécimus.

Anni nostri sicut aránea me-
ditabúntur: * dies annórum
nostrórum in ipsis, septuagín-
ta anni.

Si autem in potentátibus, oc-
togínta anni: * et ámplius eó-
rum, labor et dolor.

Quóniam supervénit mansue-
túdo: * et corripiémur.

Quis novit potestátem ire tue:
* et pre timóre tuo iram tuam
dinumeráre?

Déxteram tuam sic notam fac:
* et erudítos corde in sapiéntia.

Convértete, Dómine, úsque-
quo? * et deprecábilis esto su-
per servos tuos.

Repléti sumus mane miseri-
córdia tua: * et exultávimus, et
delectáti sumus ómnibus dié-
bus nostris.

Letáti sumus pro diébus, qui-
bus nos humiliásti: * annis,
quibus vídimus mala.

Réspice in servos tuos, et in
ópera tua: * et dírige fílios eó-
rum.

Et sit splendor Dómini Dei no-

stri super nos, † et ópera mánuum nostrárum dírige super nos: * et opus mánuum nostrárum dírige.

QUI hábitat in adiutório Altíssimi, * in protectióne Dei celi commorábitur.

Dicet Dómino: Suscéptor meus es tu, et refúgium meum: * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pennis eius sperábis.

Scuto circúmdabit te véritas eius: * non timébis a timóre noctúrno.

A sagítta volánte in die, † a negótio perambulánte in ténebris: * ab incúrsu et demónio meridiáno.

Cadent a látere tuo mille, † et decem míllia a dextris tuis: * ad te autem non appropinquábit.

Verúmtamen óculis tuis considerábis: * et retributióne peccatórum vidébis.

Quóniam tu es, Dómine, spes mea: * Altíssimum posuísti refúgium tuum.

Non accédet ad te malum: * et flagéllum non appropinquábit tabernáculo tuo.

Quóniam Angelis suis mandávit de te: * ut custódiant te in ómnibus viis tuis.

In mánibus portábunt te: * ne

forte offéndas ad lápidem pedem tuum.

Super áspidem et basilíscum ambulábis: * et conculcábis leónem et dracónem.

Quóniam in me sperávit, liberábo eum: * prótegam eum quóniam cognóvit nomen meum.

Clamábit ad me, et ego exáudiam eum: † cum ipso sum in tribulatióne: * erípiam eum et glorificábo eum.

Longitúdine diérum replébo eum: * et osténdam illi salutáre meum.

BONUM est confitéri Dómino: * et psállere nómini tuo, Altíssime.

Ad annuntiándum mane misericórdiam tuam: * et veritátem tuam per noctem.

In decachórdo, psaltério: * cum cántico, in cíthara.

Quia delectásti me, Dómine, in factúra tua: * et in opéribus mánuum tuárum exultábo.

Quam magnificáta sunt ópera tua, Dómine! * nimis profúnde facte sunt cogitatióes tue.

Vir insípiens non cognóscet: * et stultus non intélliget hec.

Cum exórti fúerint peccatóres sicut fenum: * et apparúerint omnes, qui operántur iniquitátem.

Ut intéreant in séculum séculi: * tu autem Altíssimus in etérnum, Dómine.

Quóniam ecce inimíci tui, Dó-

mine, † quóniam ecce inimíci tui períbunt: * et dispergéntur omnes, qui operántur iniquitátem.

Et exaltábitur sicut unicórnis cornu meum: * et senéctus mea in misericórdia úberi.

Et despéxit óculus meus inimícos meos: * et in insurgéntibus in me malignántibus áudiet auris mea.

Iustus, ut palma florébit: * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi: * et bene patiéntes erunt, ut annúntient:

Quóniam rectus Dóminus, Deus noster: * et non est iníquitas in eo.

DÓMINUS regnávít, decórem indútus est: * indútus est Dóminus fortitúdinem, et precínxit se.

Etenim firmávit orbem terre, * qui non commovébitur.

Paráta sedes tua ex tunc: * a século tu es.

Elevavérunt flúmina, Dómine: * elevavérunt flúmina vocem suam.

Elevavérunt flúmina fluctus suos, * a vóciibus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam

decet sanctitúdo, Dómine, in longitúdinem diérum.

DEUS ultiónum Dóminus: * Deus ultiónum líbere egít.

Exaltáre, qui iúdicas terram: * redde retributiónem supérbis.

Usquequo peccatóres, Dómine: * úsquequo peccatóres gloriabúntur:

Effabúntur et loquéntur iniquitátem: * loquéntur omnes, qui operántur iniustítiam?

Pópulum tuum, Dómine, humiliavérunt: * et hereditátem tuam vexavérunt.

Víduam et ádvenam interfecerunt: * et pupílos occidérunt.

Et dixerunt: Non vidébit Dóminus: * nec intélliget Deus Iacob.

Intellígite, insipiéntes in pópulo: * et stulti, aliquándo sapiíte.

Qui plantávit aurem, non áudiet? * aut qui finxit óculum, non consíderat?

Qui córripit Gentes, non arguet: * qui docet hóminem sciéntiam?

Dóminus scit cogitatiónes hóminum, * quóniam vane sunt.

Beátus homo, quem tu erudieris, Dómine, * et de lege tua docúeris eum.

Ut mítigés ei a diébus malis: * donec fodiátur peccatóri fóvea.

Quia non repéllet Dóminus

plebem suam: * et hereditatem suam non derelinquet.

Quoadúsque iustítia convertátur in iudícium: * et qui iuxta illam omnes qui recto sunt corde.

Quis consúrget michi advér-sus malignántes? * aut quis stabit mecum advérsus operántes iniquitátem?

Nisi quia Dóminus adiúvit me: * paulo minus habitásset in inférno ánima mea.

Si dicébam: Motus est pes meus: * misericórdia tua, Dómine, adiuvábat me.

Secúndum multitudínem dolórum meórum in corde meo: * consolatiónes tue letificavérunt ánimam meam.

Numquid adhéret tibi sedes iniquitátis: * qui fingis labórem in precépto?

Captábunt in ánimam iusti: * et sánguinem innocéntem condemnábunt.

Et factus est michi Dóminus in refúgium: * et Deus meus in adiutórium spei mee.

Et reddet illis iniquitátem ipsórum: † et in malítia eórum dispédet eos: * dispédet illos Dóminus Deus noster.

VENÍTE, exultémus Dómino; * iubilémus Deo salutári nostro;

Preoccupémus fáciem eius in confessióne, * et in psalmis iubilémus ei:

Quóniam Deus magnus Dó-

minus, * et rex magnus super omnes deos.

Quia in manu eius sunt omnes fines terre, * et altitúdes móntium ipsíus sunt;

Quóniam ipsíus est mare, et ipse fecit illud, * et siccam manus eius formavérunt.

Veníte, adorémus, et procidámus, * et plorémus ante Dóminum qui fecit nos:

Quia ipse est Dóminus Deus noster, * et nos pópulus páscue eius, et oves manus eius.

Hódie si vocem eius audiéritis, * nolíte obduráre corda vestra

Sicut in irritatióne, secúndum diem tentatiónis in desérto, † ubi tentavérunt me patres vestri: * probavérunt me, et vidérunt ópera mea.

Quadragínta annis offénsus fui generatióni illi, * et dixi: Semper hi errant corde.

Et isti non cognovérunt vias meas: ut iurávi in ira mea: * Si introíbunt in réquiem meam.

Ant. Benedictus Dominus in eternum.

Ant. Cantate.

CANTÁTE Dómino cánticum novum: * cantáte Dómino, omnis terra.

Cantáte Dómino, et benedicite nómini eius: * annuntiáte de die in diem salutáre eius.

Annuntiáte inter gentes glóriam eius, * in ómnibus pópulis mirabília eius.

Quóniam magnus Dóminus,

et laudábilis nimis: * terríbilis est super omnes deos.

Quóniam omnes dii Géntium demónia: * Dóminus autem celos fecit.

Confessio, et pulchritúdo in conspéctu eius: * sanctimónia et magnificéntia in sanctificatióne eius.

Afférte Dómino, pátrie Géntium, † afférte Dómino glóriam et honórem: * afférte Dómino glóriam nómini eius.

Tóllite hóstias, et introíte in átria eius: * adoráte Dóminum in átrio sancto eius.

Commoveátur a fácie eius univérsa terra: * dícite in Géntibus quia Dóminus regnávit.

Etenim corréxit orbem terre qui non commovébitur: * iudicábit pópulos in equitáte.

Leténtur celi, et exúltet terra: † commoveátur mare et plenitúdo eius: * gaudébunt campi, et ómnia que in eis sunt.

Tunc exultábunt ómnia ligna silvárum a fácie Dómini, quia venit: * quóniam venit iudicare terram.

Iudicábit orbem terre in equitáte, * et pópulos in veritáte sua.

DÓMINUS regnávit exúltet terra: * leténtur ínsule multe.

Nubes, et calígo in circúitu eius: * iustítia, et iudícium corréctio sedis eius.

Ignis ante ipsum précédet: *

et inflammábit in circúitu inimícos eius.

Illuxérunt fúlgura eius orbi terre: * vidit et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt celi iustítiam eius: * et vidérunt omnes pópuli glóriam eius.

Confundántur omnes, qui adórant sculptília: * et qui gloriántur in simulácris suis.

Adoráte eum, omnes Angeli eius: * audívit, et letáta est Sion.

Et exultavérunt filie Iude: * propter iudícia tua, Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est iusto, * et rectis corde letítia.

Letámini, iusti in Dómino: * et confitémini memórie sanctificatiónis eius.

Ant. Cantate Domino et benedicite nomini eius.

In Laudibus. Ant. Spiritu principali confirma cor meum deus. Miserere.

Ant. In veritate tua exaudi me Domine. Domine exaudi. II.

Ant. Illumina Domine vultum tuum super nos. Deus deus meus. II.

Ant. Domine audiui auditum tuum et timui. Domini audiui.

Ant. In tympano et choro in cordis et organo laudate deum. Laudate dominum.

Ant. Per viscera misericordie dei nostri in quibus visitavit nos oriens ex alto. Benedictus.

Ant. Quia mirabilia.

CANTÁTE Dómino cánticum novum: * quia mirabília fecit.

Salvávít sibi délixtera eius: * et bráchium sanctum eius.

Notum fecit Dóminus salutáre suum: * in conspéctu Géntium revelávit iustítiam suam.

Recordátus est misericórdie sue, * et veritátis sue dómui Israhël.

Vidérunt omnes términi terre * salutáre Dei nostri.

Iubiláte Deo, omnis terra: * cantáte, et exultáte, et psállite.

Psállite Dómino in cíthara, in cíthara et voce psalmi: * in tubis ductílibus, et voce tube córnee.

Iubiláte in conspéctu regis Dómini: † moveátur mare, et plenitúdo eius: * orbis terrárum, et qui hábitant in eo.

Flúmina plaudent manu, † simul montes exultábunt a conspéctu Dómini: * quóniam venit iudicáre terram.

Iudicábit orbem terrárum in iustítia, * et pópulos in equitáte.

DÓMINUS regnávít, irascán-

tur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confiteántur nómini tuo magno: quóniam terríbile, et sanctum est: * et honor regis iudícium díligit.

Tu parásti directiónes: * iudícium et iustítiam in Iacob tu fecísti.

Exaltáte Dóminum Deum nostrum, et adoráte scabéllum pedum eius: * quóniam sanctum est.

Móyses et Aaron in sacerdóti-bus eius: * et Sámuel inter eos, qui ínvocant nomen eius:

Invocábant Dóminum, et ipse exaudiébat eos: * in columna nubis loquebátur ad eos.

Custodiébant testimónia eius: * et precéptum quod dedit illis.

Dómine, Deus noster, tu exaudiébas eos: * Deus, tu propítius fuísti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto eius: * quóniam sanctus Dóminus Deus noster.

Ant. Quia mirabilia fecit Dominus.

Ant. Iubiláte.

IUBILÁTE Deo, omnis terra: * servíte Dómino in letítia.

Introíte in conspéctu eius, * in exultatióne.

Scitóte quóniam Dóminus ipse est Deus: * ipse fecit nos, et non ipsi nos.

Pópulus eius, et oves páscue eius: † introíte portas eius in confessióne, * átria eius in hymnis: confitémini illi.

Laudáte nomen eius: quóniam suávis est Dóminus, † in etérnum misericórdia eius, * et usque in generatióem et generatióem véritas eius.

MISERICÓRDIAM, et iudícium * cantábo tibi, Dómine:

Psallam, et intélligam in via immaculáta, * quando vénies ad me.

Perambulábam in innocéntia cordis mei: * in médio domus mee.

Non proponébam ante óculos meos rem iniústam: * faciéntes prevaricatióes odívi.

Non adhésit michi cor prævum: * declinántem a me malígnum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terre ut sédeant mecum: * ámbulans in via immaculáta, hic michi ministrábat.

Non habitábit in médio domus mee, qui facit supérbiam: * qui lóquitur iníqua, non diréxit in conspéctu oculórum meórum.

In matutíno interficiébam omnes peccatóres terre: * ut dispérderem de civitáte Dómi-

ni omnes operántes iniquitátem.

Ant. Iubilare deo omnis terra.

Ant. Clamor meus.

DÓMINE, exáudi oratióem meam: * et clamor meus ad te véniat.

Non avértas fáciem tuam a me: * in quacúmque die tríbulor, inclína ad me aurem tuam.

In quacúmque die invocávero te: * velóciter exáudi me.

Quia defecérunt sicut fumus dies mei: * et ossa mea sicut crémium aruerunt.

Percússus sum ut fenum, et áruit cor meum: * quia oblítus sum comédere panem meum.

A voce gémitus mei: * adhésit os meum carni mee.

Símilis factus sum pellicáno solitudinis: * factus sum sicut nyctícorax in domicílio.

Vigilávi, * et factus sum sicut passer solitárius in tecto.

Tota die exprobrábant michi inimíci mei: * et qui laudábant me, advérsum me iurábant.

Quia cínerem tamquam panem manducábam, * et potum meum cum fletu miscébam.

A fácie ire et indignatióis tue: * quia élevans allisísti me.

Dies mei sicut umbra declinavérunt: * et ego sicut fenum áruí.

Tu autem, Dómine, in etérnum pérmanes: * et memoriále tuum in generatióem et generatióem.

Tu exúrgens miseréberis Sion: * quia tempus miseréndi eius, quia venit tempus.

Quóniam placuérunt servis tuis lápidés eius: * et terre eius miserebúntur.

Et timébunt gentes nomen tuum, Dómine: * et omnes reges terre glóriam tuam.

Quia edificávit Dóminus Sion: * et vidébitur in glória sua.

Respéxit in oratióem humílium: * et non sprexit precem eórum.

Scribántur hec in generatióne áltera: * et pópulus qui creábitur, laudábit Dóminum.

Quia prospéxit de excélso sancto suo: * Dóminus de celo in terram aspéxit:

Ut audíret gémitus compeditórum: * ut sólveret fílios interemptórum.

Ut annúntient in Sion nomen Dómini: * et laudem eius in Hierúsalem.

In conveniéndó pópulos in unum: * et reges ut sérviant Dómino.

Respóndit ei in via virtútis sue: * Paucitátem diérum meórum núntia michi.

Ne révoces me in dimídio diérum meórum: * in generatió-nem et generatió-nem anni tui.

Inítio tu, Dómine, terram fundásti: * et ópera mánuum tuárum sunt celi.

Ipsi períbunt, tu autem pér-

manes: * et omnes sicut vestiméntum veteráscent.

Et sicut opertórium mutábis eos, et mutabúntur: * tu autem idem ipse es, et anni tui non deficiént.

Fílii servórum tuórum habitábunt: * et semen eórum in séculum dirigétur.

BÉNEDIC, ánima mea, Dómino: * et ómnia, que intra me sunt, nómini sancto eius.

Bénédic, ánima mea, Dómino: * et noli oblivísci omnes retributiónes eius.

Qui propitiátur ómnibus iniquitatibus tuis: * qui sanat omnes infirmitátes tuas.

Qui rédimit de intéritu vitam tuam: * qui coronat te in misericórdia et miseratió-nibus.

Qui replet in bonis desidérium tuum: * renovábitur ut áquile iuvéntus tua.

Fáciens misericórdias Dóminus: * et iudícium ómnibus iniúriam patiéntibus.

Notas fecit vias suas Móysi, * fíliis Israhël voluntátes suas.

Miserátor, et miséricors Dóminus: * longánimis et multum miséricors.

Non in perpétuum irascétur: * neque in etérnum comminábitur.

Non secúndum peccáta nostra fecit nobis: * neque secúndum iniquitátes nostras retribuit nobis.

Quóniam secúndum altitúdi-

nem celi a terra: * corroborávit misericórdiam suam super timéntes se.

Quantum distat ortus ab occidente: * longe fecit a nobis iniquitátes nostras.

Quómodo miserétur pater filiórum, † misértus est Dóminus timéntibus se: * quóniam ipse cognóvit figméntum nostrum.

Recordátus est quóniam pulvis sumus: † homo, sicut fenum dies eius, * tamquam flos agri sic efflorebit.

Quóniam spíritus pertransíbit in illo, et non subsístet: * et non cognóscet ámplius locum suum.

Misericórdia autem Dómini ab etérno, * et usque in etérnum super timéntes eum.

Et iustítia illíus in filios filiórum, * his qui servant testaméntum eius.

Et mémoires sunt mandatórum ipsíus, * ad faciéndum ea.

Dóminus in celo parávit sedem suam: * et regnum ipsíus ómnibus dominábitur.

Benedícite Dómino, omnes Angeli eius: † poténtes virtúte, faciéntes verbum illíus, * ad audiéndam vocem sermónum eius.

Benedícite Dómino, omnes virtútes eius: * minístri eius, qui fácitis voluntátem eius.

Benedícite Dómino, ómnia ópera eius: † in omni loco do-

minatiónis eius, * bénedic, ánima mea, Dómino.

Ant. Clamor meus ad te veniat deus.

Ant. Benedic.

BÉNEDIC ánima mea, Dómino: * Dómine, Deus meus, magnificátus es veheménter.

Confessióem, et decórem induísti: * amíctus lúmine sicut vestiménto.

Exténdens celum sicut pellem: * qui tegis aquis superióra eius.

Qui ponis nubem ascénsu tuum: * qui ámbulas super pennas ventórum.

Qui facis ángelos tuos, spíritus: * et miníistros tuos ignem uréntem.

Qui fundásti terram super stabilitátem suam: * non inclinábitur in séculum séculi.

Abýssus, sicut vestiméntum, amíctus eius: * super montes stabunt aque.

Ab increpatióe tua fúgient: * a voce tonítrui tui formidábunt.

Ascéndunt montes: et descendunt campi * in locum, quem fundásti eis.

Términum posuísti, quem non transgrediéntur: * neque converténtur operíre terram.

Qui emíttis fontes in convállibus: * inter médium móntium pertransíbunt aque.

Potábunt omnes béstie agri: * expectábunt ónagri in siti sua.

Super ea vólucres celi habitábunt: * de médio petrárum dabunt voces.

Rigans montes de superióri-bus suis: * de fructu óperum tuórum satiábitur terra:

Prodúcens fenum iumentis: * et herbam servitúti hóminum:

Ut edúcas panem de terra: * et vinum letíficet cor hóminis:

Ut exhílalet fáciem in óleo: * et panis cor hóminis confírmēt.

Saturabúntur ligna campi, et cedri Líbani, quas plantávit: * illic pásseres nidificábunt.

Heródii domus dux est eórum: * montes excélsi cervis: petra refúgium herináciis.

Fecit lunam in témpora: * sol cognóvit occásu suum.

Posuísti ténebras, et facta est nox: * in ipsa pertransíbunt omnes béstie silve.

Cátuli leónum rugiéntes, ut rápíant: * et querant a Deo escam sibi.

Ortus est sol, et congregáti sunt: * et in cubílibus suis collocabúntur.

Exíbit homo ad opus suum: * et ad operatióem suam usque ad vésperum.

Quam magnificáta sunt ópera tua, Dómine! * ómnia in sapiéntia fecísti: impléta est terra possessióe tua.

Hoc mare magnum, et spatiósum mánibus: * illic reptília, quorum non est númerus.

Animália pusílla cum magnis: * illic naves pertransíbunt.

Draco iste, quem formásti ad illudéndum ei: * ómnia a te expéctant ut des illis escam in témpore.

Dante te illis, cólligent: * aperiénte te manum tuam, ómnia implebúntur bonitáte.

Averténte autem te fáciem, turbabúntur: * áuferes spíritum eórum, et defícient, et in púlverem suum reverténtur.

Emíttes spíritum tuum, et creabúntur: * et renovábis fáciem terre.

Sit glória Dómini in séculum: * letábitur Dóminus in opéribus suis:

Qui réspicit terram, et facit eam trémere: * qui tangit montes, et fúmigant.

Cantábo Dómino in vita mea: * psallam Deo meo, quámdu sum.

Iucúndum sit ei elóquium meum: * ego vero delectábor in Dómino.

Defícient peccatóres a terra, et iníqui ita ut non sint: * benedic, ánima mea, Dómino.

CONfITÉMINI Dómino, et invocáte nomen eius: * annuntiáte inter Gentes ópera eius.

Cantáte ei, et psállite ei: * narráte ómnia mirábília eius.

Laudámini in nómine sancto eius: * letétur cor queréntium Dóminum.

Quérite Dóminum, et confir-
mámini: * quérite fáciem eius
semper.

Mementóte mirabílium eius,
que fecit: * prodígia eius, et iu-
dícia oris eius.

Semen Abraham, servi eius: *
fílii Iacob, elécti eius.

Ipse Dóminus Deus noster: *
in univérsa terra iudícia eius.

Memor fuit in séculum testa-
ménti sui: * verbi, quod man-
dávít in mille generatiónes:

Quod dispósuit ad Abraham: *
et iuraménti sui ad Isaac:

Et státuit illud Iacob in pre-
céptum: * et Israhël in testa-
méntum etérnum:

Dicens: Tibi dabo terram Chá-
naan, * funículum hereditátis
vestre.

Cum essent número brevi, *
paucíssimi et íncole eius:

Et pertransiérunt de gente in
gentem, * et de regno ad pó-
pulum álterum.

Non reliquit hóminem nocére
eis: * et corrípuit pro eis reges.

Nolíte tángere christos meos:
* et in prophétis meis nolíte
malignári.

Et vocávit famem super ter-
ram: * et omne firmaméntum
panis contrívit.

Misit ante eos virum: * in ser-
vum venúmdatus est Ioseph.

Humiliavérunt in compédibus
pedes eius, ferrum pertránsiit
ánimam eius * donec veníret
verbum eius.

Elóquium Dómini inflammá-
vit eum: * misit rex, et solvit
eum; princeps populórum, et
dimísit eum.

Constítuit eum dóminum do-
mus sue: * et princípem omnis
possessiónis sue:

Ut erudíret príncipes eius si-
cut semetípsum: * et senes
eius prudéntiam docéret.

Et intrávit Israhël in Egíptum:
* et Iacob áccola fuit in terra
Cham.

Et auxit pópulum suum vehe-
ménter: * et firmávit eum su-
per inimícos eius.

Convértit cor eórum ut odírent
pópulum eius: * et dolum fá-
cerent in servos eius.

Misit Móysen, servum suum:
* Aaron, quem elégit ipsum.

Pósuit in eis verba signórum
suórum: * et prodigiórum in
terra Cham.

Misit ténebras, et obscurávit:
* et non exacerbávit sermónes
suos.

Convértit aquas eórum in sán-
guinem: * et occídít pisces eó-
rum.

Edidit terra eórum ranas: * in
penetrálibus regum ipsórum.

Dixit, et venit cenomyía: * et
cínifes in ómnibus fínibus eó-
rum.

Pósuit plúvias eórum grándi-
nem: * ignem comburéntem
in terra ipsórum.

Et percússit víneas eórum, et

ficúlneas eórum: * et contrívit lignum fínium eórum.

Dixit, et venit locústa, et bruchus, * cuius non erat númerus:

Et comédit omne fenum in terra eórum: * et comédit omnem fructum terre eórum.

Et percússit omne primogénitum in terra eórum: * primitias omnis labóris eórum.

Et edúxit eos cum argénto et auro: * et non erat in tríbibus eórum infirmus.

Letáta est Egíptus in profectióne eórum: * quia incúbuit timor eórum super eos.

Expándit nubem in protectiōnem eórum: * et ignem ut lucéret eis per noctem.

Petiérunt, et venit cotúrnix: * et pane celi saturávit eos.

Dirúpit petram et fluxérunt aque: * abiérunt in sicco flúmina;

Quóniam memor fuit verbi sancti sui: * quod hábuit ad Abraham, púerum suum.

Et edúxit pópulum suum in exultatiōne, * et eléctos suos in letítia.

Et dedit illis regiónes Géntium: * et labóres populórum possederunt:

Ut custódiant iustificatiōnes eius, * et legem eius requírant.

Ant. Benedic anima mea Domino.

Ant. Visita nos.

CONFITÉMINI Dómino, quóniam

niam bonus: * quóniam in séculum misericórdia eius.

Quis loquétur poténtias Dómini, * audítas fáciet omnes laudes eius?

Beáti, qui custódiunt iudícium, * et faciunt iustítiam in omni témpore.

Memento nostri, Dómine, in beneplácito pópuli tui: * vícita nos in salutári tuo:

Ad vidéndum in bonitáte electórum tuórum, ad letándum in letítia gentis tue: * ut laudéris cum hereditáte tua.

Peccávimus cum pátribus nostris: * iniúste égimus, iniquitatem fécimus.

Patres nostri in Egípto non intellexérunt mirabília tua: * non fuérunt mémores multitudinis misericórdie tue.

Et irritavérunt ascendéntes in mare, * Mare Rubrum.

Et salvávit eos propter nomen suum: * ut notam fáceret poténtiam suam.

Et incrépuit Mare Rubrum, et exiccátum est, * et dedúxit eos in abyssis sicut in desérto.

Et salvávit eos de manu odiéntium: * et redémit eos de manu inimíci.

Et opéruit aqua tribulántes eos: * unus ex eis non remánsit.

Et credidérunt verbis eius: * et laudavérunt laudem eius.

Cito fecérunt, oblíti sunt óperum eius: * et non sustinuérunt consílium eius.

Et concupiérunt concupiscéntiam in desérto: * et tentavérunt Deum in inaquóso.

Et dedit eis petitióem ipsórum: * et misit saturitátem in ánimas eórum.

Et irritavérunt Móysen in castris: * Aaron, sanctum Dómini.

Apérta est terra, et deglutívit Dathan: * et opéruit super congregatióem Abiron.

Et exársit ignis in synagóga eórum: * flamma combússit peccatóres.

Et fecérunt vítulum in Horeb: * et adoravérunt scúlptile.

Et mutavérunt glóriam suam * in similitúdinem vítuli comedéntis fenum.

Oblíti sunt Deum, qui salvávit eos, * qui fecit magnália in Egípto, mirábilia in terra Cham: terribília in Mari Rubro.

Et dixit ut dispérderet eos: * si non Móyses, eléctus eius, stétisset in confractiône in conspéctu eius:

Ut avérteret iram eius ne dispérderet eos: * et pro níhilo habuérunt terram desiderábilem:

Non credidérunt verbo eius, et murmuravérunt in tabernáculis suis: * non exaudiérunt vocem Dómini.

Et elevávit manum suam super eos: * ut prostérneret eos in desérto:

Et ut deiíceret semen eórum

in natióibus: * et dispérgeret eos in regióibus.

Et initiáti sunt Beélphegor: * et comedérunt sacrificia mortuórum.

Et irritavérunt eum in adinventiúnibus suis: * et multiplicáta est in eis ruína.

Et stetit Phínees, et placávit: * et cessávit quassátió.

Et reputátum est ei in iustítiam: * in generatióem et generatióem usque in sempitérnum.

Et irritavérunt eum ad Aquas contradicţiónis: * et vexátus est Móyses propter eos: quia exacerbavérunt spíritum eius.

Et distínxit in lábiis suis: * non disperdidérunt Gentes, quas dixit Dóminus illis.

Et commísti sunt inter Gentes, et didicérunt ópera eórum: et serviérunt sculptílibus eórum: * et factum est illis in scándalum.

Et immolavérunt fílios suos, * et fílias suas demóniis.

Et effudérunt ságuinem innocentem: * ságuinem filiórum suórum et filiárum suárum, quas sacrificavérunt sculptílibus Chánaan.

Et infécta est terra in sanguínibus, et contamináta est in opéribus eórum: * et fornicáti sunt in adinventiúnibus suis.

Et irátus est furóre Dóminus in pópulum suum: * et abominátus est hereditátem suam.

Et trádedit eos in manus Gén-
tium: * et domináti sunt eó-
rum qui odérunt eos.

Et tribulavérunt eos inimíci
eórum, et humiliáti sunt sub
mánibus eórum: * sepe libe-
rávit eos.

Ipsi autem exacerbavérunt
eum in consílio suo: * et hu-
miliáti sunt in iniquitátibus
suis.

Et vidit, cum tribularéntur: *
et audívit oratióem eórum.

Et memor fuit testaménti sui:
* et penítuit eum secúndum
multitúdinem misericórdie
sue.

Et dedit eos in misericórdias *
in conspéctu ómnium qui cé-
perant eos.

Salvos nos fac, Dómine, Deus
noster: * et cógrega nos de
natióibus:

Ut confiteámur nómini sanc-
to tuo: * et gloriémur in laude
tua.

Benedíctus Dóminus, Deus
Israhël, a século et usque in sé-
culum: * et dicet omnis pópu-
lus: Fiat, fiat.

CONFITÉMINI Dómino quó-
niam bonus: * quóniam in
séculum misericórdia eius.

Dicant qui redémpti sunt a
Dómino, quos redémit de ma-
nu inimíci: * et de regiónibus
congregávit eos:

A solis ortu, et occásu: * ab
aquilóne, et mari.

Erravérunt in solitúdine in

inaquóso: * viam civitátis ha-
bitáculi non invenérunt.

Esuriéntes, et sitiéntes: * áni-
ma eórum in ipsis defécit.

Et clamavérunt ad Dóminum
cum tribularéntur: * et de ne-
cessitátibus eórum erípuit eos.

Et dedúxit eos in viam rectam:
* ut irent in civitátem habita-
tiónis.

Confiteántur Dómino miseri-
córdie eius: * et mirabília eius
filiis hóminum.

Quia satiávit ánimam inánem:
* et ánimam esuriéntem satiá-
vit bonis.

Sedéntes in ténebris, et umbra
mortis: * vinctos in mendici-
táte et ferro.

Quia exacerbavérunt elóquia
Dei: * et consílium Altíssimi
irritavérunt.

Et humiliátum est in labóribus
cor eórum: * infirmáti sunt,
nec fuit qui adiuváret.

Et clamavérunt ad Dóminum
cum tribularéntur: * et de ne-
cessitátibus eórum liberávit
eos.

Et edúxit eos de ténebris, et
umbra mortis: * et víncula eó-
rum dirúpit.

Confiteántur Dómino miseri-
córdie eius: * et mirabília eius
filiis hóminum.

Quia contrívit portas éreas: *
et vectes férreos confrégit.

Suscépit eos de via iniquitá-
tis eórum: * propter iniustítias
enim suas humiliáti sunt.

Omnem escam abomináta est
ánima eórum: * et appro-

pinquavérunt usque ad portas mortis.

Et clamavérunt ad Dóminum cum tribularéntur: * et de necessitatibus eórum liberávit eos.

Misit verbum suum, et sanávit eos: * et erípuit eos de interitióibus eórum.

Confiteántur Dómino misericórdie eius: * et mirabília eius fíliis hóminum.

Et sacrificent sacrificium laudis: * et annúntient ópera eius in exultatióne.

Qui descéndunt mare in návimus, * faciéntes operatióem in aquis multis.

Ipsi vidérunt ópera Dómini, * et mirabília eius in profúndo.

Dixit, et stetit spíritus procéle: * et exaltáti sunt fluctus eius.

Ascéndunt usque ad celos, et descéndunt usque ad abýssos: * ánima eórum in malis tabescébat.

Turbáti sunt, et moti sunt sicut ébrius: * et omnis sapiéntia eórum devoráta est.

Et clamavérunt ad Dóminum cum tribularéntur: * et de necessitatibus eórum edúxit eos.

Et státuit procéllam eius in auram: * et siluérunt fluctus eius.

Et letáti sunt quia siluérunt: * et dedúxit eos in portum voluntátis eórum.

Confiteántur Dómino misericórdie eius: * et mirabília eius fíliis hóminum.

Et exáltent eum in ecclésia plebis: * et in cáthedra seniórurum laudent eum.

Pósuit flúmina in desértum: * et éxitus aquárum in sitim.

Terram fructíferam in salsúginem: * a malítia inhabitántium in ea.

Pósuit desértum in stagna aquárum: * et terram sine aqua in éxitus aquárum.

Et collocávit illic esuriéntes: * et constituérunt civitatem habitatióis.

Et seminavérunt agros, et plantavérunt véneas: * et fecérunt fructum nativitátis.

Et benedíxit eis, et multiplicáti sunt nimis: * et iuménta eórum non minorávit.

Et pauci facti sunt: * et vexáti sunt a tribulatióne malórum, et dolóre.

Effúsa est contéptio super príncipes: * et erráre fecit eos in invio, et non in via.

Et adiúvit páuperem de inópia: * et pósuit sicut oves famílias.

Vidébunt recti, et letabúntur: * et omnis iníquitas oppilábit os suum.

Quis sápiens et custódiet hec? * et intélliget misericórdias Dómini.

Ant. Visita nos Domine in salutare tuo.

Ant. Confitebor.

PARÁTUM cor meum, Deus, parátum cor meum: *

cantábo, et psallam in glória mea.

Exúrge, glória mea, exúrge, psaltérium et cíthara: * exúrgam dilúculo.

Confitébor tibi in pópulis, Dómine: * et psallam tibi in nationibus.

Quia magna est super celos misericórdia tua: * et usque ad nubes véritas tua:

Exaltáre super celos, Deus, † et super omnem terram glória tua: * ut liberéntur dilécti tui.

Salvum fac dextera tua, et exáudi me: * Deus locútus est in sancto suo:

Exultábo, et dívidam Síchimam: * et convállem tabernaculórum dimétiar.

Meus est Gálaad, et meus est Manásses: * et Ephraim suscéptio cápitis mei.

Iuda rex meus: * Moab lebes spei mee.

In Iduméam exténdam calceaméntum meum: * michi alienígene amíci facti sunt.

Quis dedúcet me in civitátem munitam? * quis dedúcet me usque in Iduméam?

Nonne tu, Deus, qui repulísti nos, * et non exíbis, Deus, in virtútibus nostris?

Da nobis auxiliúm de tribulatione: * quia vana salus hómínis.

In Deo faciémus virtútem: * et ipse ad níhilum dedúcet inimícos nostros.

DEUS, laudem meam ne ta-

cúeris: * quia os peccatóris, et os dolósi super me apértum est.

Locúti sunt advérsus me lingua dolósa, † et sermónibus ódii circumdedérunt me: * et expugnavérunt me gratis.

Pro eo ut me dilígerent, detrahébant michi: * ego autem orábam.

Et posuérunť advérsus me mala pro bonis: * et ódium pro dilectione mea.

Constítue super eum peccatórem: * et diábolus stet a dextris eius.

Cum iudicátur, éxeat condemnátus: * et orátio eius fiat in peccátum.

Fiant dies eius pauci: * et episcopátum eius accípiat alter.

Fiant fílii eius órphani: * et uxor eius vídua.

Nutántes transferántur fílii eius, et mendícenť: * et eiiciántur de habitaciónibus suis.

Scrutétur fenerátor omnem substántiam eius: * et dirípiant aliéni labóres eius.

Non sit illi adiútor: * nec sit qui misereátur pupíllis eius.

Fiant nati eius in intéritum: * in generatióne una deleátur nomen eius.

In memóriam rédeat iníquitas patrum eius in conspéctu Dómini: * et peccátum matris eius non deleátur.

Fiant contra Dóminum semper, † et dispéreat de terra memória eórum: * pro eo quod

non est recordátus fácere misericórdiam.

Et persecútus est hóminem inopem, et mendícum, * et compúnctum corde mortificáre.

Et diléxit maledictiónem, et véniet ei: * et nóluit benedictiónem, et elongábitur ab eo.

Et induit maledictiónem sicut vestiméntum, † et intrávit sicut aqua in interióra eius, * et sicut óleum in óssibus eius.

Fiat ei sicut vestiméntum, quo operítur: * et sicut zona, qua semper precíngitur.

Hoc opus eórum, qui détrahunt michi apud Dóminum: * et qui loquúntur mala advérsus ánimam meam.

Et tu, Dómine, Dómine, fac mecum propter nomen tuum: * quia suávis est misericórdia tua.

Líbera me quia egénus, et pauper ego sum: * et cor meum conturbátum est intra me.

Sicut umbra cum declínat, ablátus sum: * et excússus sum sicut locúste.

Génua mea infirmáta sunt a ieiúnio: * et caro mea immutáta est propter óleum.

Et ego factus sum oppróbrium illis: * vidérunt me, et movérunt cápita sua.

Adiuva me, Dómine, Deus meus: * salvum me fac secúndum misericórdiam tuam.

Et sciant quia manus tua hec: * et tu, Dómine, fecísti eam.

Maledícent illi, et tu benedíces: † qui insúrgunt in me, confundántur: * servus autem tuus letábitur.

Induántur qui détrahunt michi, pudóre: * et operiántur sicut diplóide confusióne sua.

Confitébor Dómino nimis in ore meo: * et in médio multórum laudábo eum.

Quia ástitit a dextris páuperis, * ut salvam fáceret a persequéntibus ánimam meam.

Ant. Confitebor Domino nimis in ore meo.

In Laudibus. Ant. Benigne fac in bona voluntate tua Domine. Miserere.

Ant. Bonum est confiteri Domino. Bonum est confiteri.

Ant. Metuant Dominum omnes fines terre. Deus deus meus. II.

Ant. Et in servis suis Dominus miserebitur. Audite celi.

Ant. In cymbalis benesonantibus laudate Dominum. Laudate dominum.

Ant. In viam pacis dirige nos Domine. Benedictus.

Ant. Dixit Dominus.

DIXIT Dóminus Dómino meo: * Sede a dextris meis:

Donec ponam inimícos tuos, * scabéllum pedum tuórum.

Virgam virtútis tue emíttet Dóminus ex Sion: * domináre in médio inimicórum tuórum.

Tecum princípium in die virtútis tue in splendóribus sanc-

tórum: * ex útero ante lucíferum génui te.

Iurávit Dóminus, et non penitébit eum: * Tu es sacérdos in etérnum secúndum órđinem Melchisedech.

Dóminus a dextris tuis, * confrégit in die ire sue reges.

Iudicábit in natió nibus, implébit ruínas: * conquassábit cápita in terra multórum.

De torrén te in via bibet: * proptérea exaltábit caput.

Ant. Dixit Dominus Domino meo sede a dextris meis.

Ant. Fidelia.

CONFITEBOR tibi, Dómine, in toto corde meo: * in consílio iustórum, et congregatióne.

Magna ópera Dómini: * exquisíta in omnes voluntátes eius.

Confessio et magnificéntia opus eius: * et iustítia eius manet in séculum séculi.

Memóriam fecit mirabílium suórum, † miséricors et miserátor Dóminus: * escam dedit timéntibus se.

Memor erit in séculum testaménti sui: * virtútem óperum suórum annuntiábit pópulo suo:

Ut det illis hereditátem gén tium: * ópera mánuum eius véritas, et iudícium.

Fidélia ómnia mandáta eius: † confirmáta in séculum séculi, * facta in veritáte et equitáte.

Redemptiόνem misit pópulo suo: * mandávit in etérnum testaméntum suum.

Sanctum, et terríbile nomen eius: * inítium sapiéntie timor Dómini.

Intelléctus bonus ómnibus faciéntibus eum: * laudátio eius manet in séculum séculi.

Ant. Fidelia omnia mandata eius confirmata in seculum seculi.

Ant. In mandatis.

BEÁTUS vir, qui timet Dóminum: * in mandátis eius volet nimis.

Potens in terra erit semen eius: * generátio rectórum benedicétur.

Glória, et divítie in domo eius: * et iustítia eius manet in séculum séculi.

Exórtum est in ténebris lumen rectis: * miséricors, et miserátor, et iustus.

Iucúndus homo qui miserétur et cómmodat, † dispónet sermónes suos in iudício: * quia in etérnum non commovébitur.

In memória etérna erit iustus: * ab auditióne mala non timébit.

Parátum cor eius speráre in Dómino, † confirmátum est cor eius: * non commovébitur donec despíciat inimícos suos.

Dispérsit, dedit paupéribus: † iustítia eius manet in séculum séculi, * cornu eius exaltábitur in glória.

Peccátor vidébit, et irascétur,

† déntibus suis fremet et tabéscet: * desidérium peccatórum períbit.

Ant. In mandatis eius volet nimis.

Ant. Sit nomen.

LAUDÁTE, púeri, Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in séculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super celos glória eius.

Quis sicut Dóminus, Deus noster, qui in altis hábitat, * et humília réspicit in celo et in terra?

Súscitans a terra ínopem, * et de stércore érigens páuperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum letántem.

Ant. Sit nomen Domini benedíctum in secula.

Ant. Nos qui vivimus.

IN éxitu Israhël de Egípto, * domus Iacob de pópulo bárbaro:

Facta est Iudéa sanctificatio eius, * Israhël potéstas eius.

Mare vidit, et fugit: * Iordánis convérsus est retrórsum.

Montes exultavérunt ut aríetes, * et colles sicut agni óvium.

Quid est tibi, mare, quod fugísti: * et tu, Iordánis, quia convérsus es retrórsum?

Montes, exultástis sicut aríetes, * et colles, sicut agni óvium.

A fácie Dómini mota est terra, * a fácie Dei Iacob.

Qui convértit petram in stagna aquárum, * et rupem in fontes aquárum.

Non nobis, Dómine, non nobis: * sed nómini tuo da glóriam.

Super misericórdia tua, et veritáte tua: * nequándo dicant gentes: Ubi est Deus eórum?

Deus autem noster in celo: * ómnia quecúmque vóluit, fecit.

Simulácra géntium argéntum, et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non áudient: * nares habent, et non odorábunt.

Manus habent, et non palpábunt: † pedes habent, et non ambulábunt: * non clamábunt in gútture suo.

Símiles illis fiant qui fáciunt ea: * et omnes qui confídunt in eis.

Domus Israhël sperávit in Dómino: * adiútor eórum et prótector eórum est,

Domus Aaron sperávit in Dó-

mino: * adiutor eorum et protector eorum est,

Qui timent Dominum, speraverunt in Domino: * adiutor eorum et protector eorum est.

Dominus memor fuit nostri: * et benedixit nobis:

Benedixit domui Israhel: * benedixit domui Aaron.

Benedixit omnibus, qui timent Dominum, * pusillis cum maioribus.

Adiiciat Dominus super vos: * super vos, et super filios vestros.

Benedicti vos a Domino, * qui fecit celum, et terram.

Celum celi Domino: * terram autem dedit filiis hominum.

Non mortui laudabunt te, Domine: * neque omnes, qui descendunt in infernum.

Sed nos qui vivimus, benedicimus Domino, * ex hoc nunc et usque in seculum.

Ant. Nos qui vivimus benedicimus Domino.

Ant. Inclinavit.

DILEXI, quoniam exaudiet Dominus * vocem orationis mee.

Quia inclinavit aurem suam michi: * et in diebus meis invocabo.

Circumdedérunt me dolores mortis: * et pericula inferni invenérunt me.

Tribulationem et dolorem inveni: * et nomen Domini invocavi.

O Domine, libera animam

meam: † misericors Dominus, et iustus, * et Deus noster miseretur.

Custodiens parvulos Dominus: * humiliatus sum, et liberavit me.

Convertere, anima mea, in requiem tuam: * quia Dominus benefecit tibi.

Quia eripuit animam meam de morte: † oculos meos a lacrimis, * pedes meos a lapsu.

Placebo Domino * in regione vivorum.

Ant. Inclinavit Dominus aurem suam michi.

Ant. Credidi.

CREDIDI, propter quod locutus sum: * ego autem humiliatus sum nimis.

Ego dixi in excessu meo: * Omnis homo mendax.

Quid retribuam Domino, * pro omnibus, que retribuit michi?

Calicem salutaris accipiam: * et nomen Domini invocabo.

Vota mea Domino reddam coram omni populo eius: * pretiosa in conspectu Domini mors sanctorum eius:

O Domine, quia ego servus tuus: * ego servus tuus, et filius ancille tue.

Dirupisti vincula mea: † tibi sacrificabo hostiam laudis, * et nomen Domini invocabo.

Vota mea Domino reddam in conspectu omnis populi eius: * in atriis domus Domini, in medio tui, Hierusalem.

Ant. Laudate.

LAUDÁTE Dóminum, omnes Gentes: * laudáte eum, omnes pópuli:

Quóniam confirmáta est super nos misericórdia eius: * et véritas Dómini manet in éternum.

Ant. Laudate Dominum omnes gentes.

CONFITÉMINI Dómino quóniam bonus: * quóniam in séculum misericórdia eius.

Dicat nunc Israhël quóniam bonus: * quóniam in séculum misericórdia eius.

Dicat nunc domus Aaron: * quóniam in séculum misericórdia eius.

Dicant nunc qui timent Dóminum: * quóniam in séculum misericórdia eius.

De tribulatióne invocávi Dóminum: * et exaudivit me in latitúdine Dóminus.

Dóminus michi adiutor: * non timébo quid fáciat michi homo.

Dóminus michi adiutor: * et ego despícam inimícos meos.

Bonum est confídere in Dómino: * quam confídere in hómine.

Bonum est speráre in Dómino: * quam speráre in princípibus.

Omnes Gentes circuiérunt me: * et in nómine Dómini quia ultus sum in eos.

Circumdántes circumdedérunt me: * et in nómine Dómini quia ultus sum in eos.

Circumdedérunt me sicut

apes, † et exarsérunt sicut ignis in spinis: * et in nómine Dómini quia ultus sum in eos.

Impúlsus evérsus sum ut cáderem: * et Dóminus suscepit me.

Fortitúdo mea, et laus mea Dóminus: * et factus est michi in salútem.

Vox exultatiónis, et salútis: * in tabernáculis iustórum.

Déxtera Dómini fecit virtútem: † déxtera Dómini exaltávit me, * déxtera Dómini fecit virtútem.

Non móriar, sed vivam: * et narrábo ópera Dómini.

Castígans castigávit me Dóminus: * et morti non trádidit me.

Aperíte michi portas iustítie, † ingréssus in eas confitébor Dómino: * hec porta Dómini, iusti intrábunt in eam.

Confitébor tibi quóniam exaudísti me: * et factus es michi in salútem.

Lápidem, quem reprobavérunt edificántes: * hic factus est in caput ánguli.

A Dómino factum est istud: * et est mirábile in óculis nostris.

Hec est dies, quam fecit Dóminus: * exultémus et letémur in ea.

O Dómine, salvum me fac, † o Dómine bene prosperáre: * benedíctus qui venit in nómine Dómini.

Benedíximus vobis de domo

Dómini: * Deus Dóminus, et illúxit nobis.

Constitúite diem solémnem in condénsis, * usque ad cornu altáris.

Deus meus es tu, et confitébor tibi: * Deus meus es tu, et exaltábo te.

Confitébor tibi quóniam exaudísti me: * et factus es michi in salútem.

Confitémini Dómino quóniam bonus: * quóniam in séculum misericórdia eius.

Ant. Veni. Deus in nomine.

Ant. Gloria. Deus in nomine.

Ant. Deus. Deus in nomine.

Ant. Vivo ego. Deus in nomine.

Ant. Anime. Deus in nomine.

Ant. Cognoverunt. Deus in nomine.

BEÁTI immaculáti in via: * qui ámbulant in lege Dómini.

Beáti, qui scrutántur testimónia eius: * in toto corde exquirunt eum.

Non enim qui operántur iniquitátem, * in viis eius ambuláverunt.

Tu mandásti * mandáta tua custodíri nimis.

Utinam dirigántur vie mee, * ad custodiéndas iustificatiónes tuas!

Tunc non confúndar, * cum perspéxero in ómnibus mandátis tuis.

Confitébor tibi in directiône cordis: * in eo quod dídici iudícia iustítie tue.

Iustificatiónes tuas custódiam: * non me derelínquas usquequáque.

IN quo córrigit adolescéntior viam suam? * in custodiéndos sermónes tuos.

In toto corde meo exquisívi te: * ne repéllas me a mandátis tuis.

In corde meo abscondi elóquia tua: * ut non peccem tibi.

Benedíctus es, Dómine: * doce me iustificatiónes tuas.

In lábiis meis, * pronuntiávi ómnia iudícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In iustificatió nibus tuis meditábor: * non oblivíscar sermónes tuos.

RETRÍBUE servo tuo, vivífica me: * et custódiam sermónes tuos.

Revéla óculos meos: * et considerábo mirábilia de lege tua.

Incola ego sum in terra: * non abscondas a me mandáta tua.

Concupívit ánima mea desideráre iustificatiónes tuas, * in omni témpore.

Increpásti supérbos: * maledícti qui declínant a mandátis tuis.

Aufer a me oppróbrium, et contéptum: * quia testimónia tua exquisívi.

Etenim sedérunt príncipes, et advérsus me loquebántur: *

servus autem tuus exercebatur in iustificaciónibus tuis.

Nam et testimónia tua meditatio mea est: * et consílium meum iustificaciónes tue.

ADHÉSIT paviménto ánima mea: * vivífica me secúndum verbum tuum.

Vias meas enuntiávi et exaudísti me: * doce me iustificaciónes tuas.

Viam iustificaciónum tuárum ínstrue me: * et exercébor in mirábilibus tuis.

Dormitávit ánima mea pre tédio: * confírma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * iudícia tua non sum oblítus.

Adhési testimóniis tuis Dómine: * noli me confúndere.

Viam mandatórum tuórum cucúrri: * cum dilatásti cor meum.

Ant. Veni et libera nos deus noster.

Ant. Gloria tibi trinitas equalis una deitas et ante omnia secula et nunc et in perpetuum.

Ant. Deus exaudi orationem meam auribus percipe verba oris mei.

Ant. Vivo ego dicit Dominus nolo mortem peccatoris sed ut magis convertatur et vivat.

Ant. Anime impiorum fremebant adversum me et gravatum est cor meum super eos.

Ant. Cognoverunt Dominum

alleluya in fractione panis alleluya.

Ant. Veni Domine.

Ant. Laus et perennis.

Ant. Deduc me.

Ant. Advenerunt.

Ant. Iudicasti.

Ant. Pax vobis.

LEGEM pone michi, Dómine, viam iustificaciónum tuárum: * et exquíram eam semper.

Da michi intelléctum, et scrutabor legem tuam: * et custodiam illam in toto corde meo.

Deduc me in sémitam mandatórum tuórum: * quia ipsam vólui.

Inclína cor meum in testimónia tua: * et non in avarítiam.

Avérte óculos meos ne vídeant vanitatem: * in via tua vivífica me.

Státue servo tuo elóquium tuum, * in timóre tuo.

Amputa oppróbrium meum quod suspicátus sum: * quia iudícia tua iucúnda.

Ecce concupívi mandáta tua: * in equitáte tua vivífica me.

ET véniat super me misericórdia tua, Dómine: * salutare tuum secúndum elóquium tuum.

Et respondébo exprobrántibus michi verbum: * quia sperávi in sermónibus tuis.

Et ne áuferas de ore meo verbum veritátis usquequáque: * quia in iudíciis tuis supersperávi.

Et custódiám legem tuam
semper: * in séculum et in sé-
culum séculi.

Et ambulábam in latitúdine: *
quia mandáta tua exquisívi.

Et loquébar in testimóniis tuis
in conspéctu regum: * et non
confundébar.

Et meditábar in mandátis tuis,
* que diléxi.

Et levávi manus meas ad
mandáta tua, que diléxi: * et
exercébar in iustificatióibus
tuis.

MEMOR esto verbi tui servo
tuo, * in quo michi spem
dedísti.

Hec me consoláta est in hu-
militáte mea: * quia elóquium
tuum vivificávit me.

Supérbi iníque agébant
usquequáque: * a lege autem
tua non declinávi.

Memor fui iudiciórum tuórum
a século, Dómine: * et conso-
látus sum.

Deféctio ténuít me, * pro pec-
catóribus derelinquéntibus le-
gem tuam.

Cantábiles michi erant iusti-
ficatióes tue, * in loco pere-
grinatióis mee.

Memor fui nocte nóminis tui,
Dómine: * et custodívi legem
tuam.

Hec facta est michi: * quia iu-
stificatióes tuas exquisívi.

PÓRTIO mea, Dómine, * dixi
custodíre legem tuam.

Deprecátus sum fáciem tuam

in toto corde meo: * mise-
rére mei secúndum elóquium
tuum.

Cogitávi vias meas: * et con-
vérti pedes meos in testimónia
tua.

Parátus sum, et non sum tur-
bátus: * ut custódiám mandáta
tua.

Funes peccatórum circumplé-
xi sunt me: * et legem tuam
non sum oblítus.

Média nocte surgébam ad
confiténdum tibi: * super iu-
dícia iustificatióis tue.

Párticeps ego sum ómnium ti-
méntium te: * et custodién-
tium mandáta tua.

Misericórdia tua, Dómine,
plena est terra: * iustificatió-
nes tuas doce me.

BONITÁTEM fecísti cum ser-
vo tuo, Dómine: * secún-
dum verbum tuum.

Bonitátem et disciplínam et
sciéntiam doce me: * quia
mandátis tuis crédidi.

Priúsquam humiliárer ego de-
líqui: * proptérea elóquium
tuum custodívi.

Bonus es tu: * et in bonitá-
te tua doce me iustificatióes
tuas.

Multiplicáta est super me iní-
quitas superbórum: * ego au-
tem in toto corde meo scrutá-
bor mandáta tua.

Coagulátum est sicut lac cor
eórum: * ego vero legem tuam
meditátus sum.

Bonum michi quia humiliásti

me: * ut discam iustificatiões tuas.

Bonum michi lex oris tui: * super mília auri et argénti.

MANUS tue fecérunt me, et plasmavérunt me: * da michi intelléctum, et discam mandáta tua.

Qui timent te vidébunt me et letabúntur: * quia in verba tua supersperávi.

Cognóvi, Dómine, quia équitas iudícia tua: * et in veritate tua humiliásti me.

Fiat misericórdia tua ut consolétur me: * secúndum elóquium tuum servo tuo.

Véniant michi miseratiões tue, et vivam: * quia lex tua meditatio mea est.

Confundántur supérbi, quia iniúste iniquitatem fecérunt in me: * ego autem exercébor in mandátis tuis.

Convertántur michi timéntes te: * et qui novérunt testimónia tua.

Fiat cor meum immaculátum in iustificatió nibus tuis, * ut non confúndar.

Ant. Veni Domine et noli tardare relaxa facinora plebis tue Israhel.

Ant. Laus et perennis gloria deo Patri et Filio Sancto simul Paraclito in secula seculorum.

Ant. Deduc me Domine in semita mandorum tuorum.

Ant. Advenerunt nobis dies penitentiae ad redimenda peccata et salvandas animas.

Ant. Iudicasti Domine causam

anime mee defensor vite mee Domine deus meus.

Ant. Pax vobis ego sum alleluya nolite timere alleluya.

Ant. Tuam Domine.

Ant. Gloria.

Ant. Adiuva me.

Ant. Commendemus.

Ant. Popule meus.

Ant. Ecce ego.

DEFÉCIT in salutáre tuum ánima mea: * et in verbum tuum supersperávi.

Defecérunt óculi mei in elóquium tuum: * dicéntes: Quando consoláberis me?

Quia factus sum sicut uter in pruína: * iustificatiões tuas non sum oblítus.

Quot sunt dies servi tui? * quando fácies de persequéntibus me iudícium?

Narravérunt michi iníqui fabulatiões: * sed non ut lex tua.

Omnia mandáta tua véritas: * iníque persecúti sunt me, ádiuva me.

Paulo minus consummavérunt me in terra: * ego autem non derelíqui mandáta tua.

Secúndum misericórdiam tuam vivífica me: * et custódiam testimónia oris tui.

IN etérnum, Dómine, * verbum tuum pérmanet in celo.

In generatió nem et generatió nem véritas tua: * fundásti terram, et pérmanet.

Ordinatió ne tua perseverat

dies: * quóniam ómnia sér-
viunt tibi.

Nisi quod lex tua meditatio
mea est: * tunc forte periíssem
in humilitate mea.

In etérnum non oblivíscar iu-
stificatiónes tuas: * quia in ip-
sis vivificásti me.

Tuus sum ego, salvum me fac:
* quóniam iustificatiónes tuas
exquisívi.

Me expectavérunt peccatóres
ut pérderent me: * testimónia
tua intelléxi.

Omnis consummatiónis vi-
di finem: * latum mandátum
tuum nimis.

QUÓMODO diléxi legem
tuam, Dómine? * tota die
meditatio mea est.

Super inimícos meos prudén-
tem me fecísti mandáto tuo: *
quia in etérnum michi est.

Super omnes docéntes me in-
telléxi: * quia testimónia tua
meditatio mea est.

Super senes intelléxi: * quia
mandáta tua quesívi.

Ab omni via mala prohibui pe-
des meos: * ut custódiam ver-
ba tua.

A iudíciis tuis non declinávi: *
quia tu legem posuísti michi.

Quam dúlcia fáucibus meis
elóquia tua, * super mel ori
meo!

A mandátis tuis intelléxi: *
propterea odívi omnem viam
iniquitátis.

LUCÉRNA pédibus meis ver-

bum tuum, * et lumen sé-
mitis meis.

Iurávi, et státui * custodíre iu-
dícia iustítie tue.

Humiliátus sum usquequá-
que, Dómine: * vivífica me se-
cúndum verbum tuum.

Voluntária oris mei beneplá-
cita fac, Dómine: * et iudícia
tua doce me.

Anima mea in mánibus meis
semper: * et legem tuam non
sum oblítus.

Posuérunt peccatóres lá-
queum michi: * et de mandátis
tuis non errávi.

Hereditate acquisívi testimó-
nia tua in etérnum: * quia ex-
ultatio cordis mei sunt.

Inclinávi cor meum ad facién-
das iustificatiónes tuas in etér-
num, * propter retributiónem.

INÍQUOS ódio hábui: * et le-
gem tuam diléxi.

Adiútor et suscéptor meus es
tu: * et in verbum tuum super-
sperávi.

Dclináte a me, maligni: * et
scrutábor mandáta Dei mei.

Súscipe me secúndum eló-
quium tuum, et vivam: * et
non confúndas me ab expec-
tatióne mea.

Adiuva me, et salvus ero: * et
meditábor in iustificatió nibus
tuis semper.

Sprevísti omnes discedéntes a
iudíciis tuis: * quia iniústa co-
gitatio eórum.

Prevaricántes reputávi omnes

peccatóres terre: * ídeo diléxi testimónia tua.

Confíge timóre tuo carnes meas: * a iudíciis enim tuis tí-mui.

FECI iudícium et iustítiam: * non tradas me calumnián-tibus me.

Súscipe servum tuum in bo-num: * non calumniéntur me supérbi.

Oculi mei defecérunt in salu-táre tuum: * et in elóquium iu-stítie tue.

Fac cum servo tuo secúndum misericórdiam tuam: * et iu-stificatiónes tuas doce me.

Servus tuus sum ego: * da mi-chi intelléctum, ut sciam testi-mónia tua.

Tempus faciéndi, Dómine: * dissipavérunt legem tuam.

Ideo diléxi mandáta tua, * su-per aurum et topázion.

Proptérea ad ómnia mandáta tua dirigébar: * omnem viam iníquam ódio hábui.

Ant. Tuam Domine excita po-tentiam et veni ad salvandum nos.

Ant. Gloria laudis resonet in ore omnium patri geniteque pro spiritui sancto pariter re-sultet laude perenni.

Ant. Adiuva me et salvus ero Domine.

Ant. Commendemus nosme-tipsos in multa patientia in ie-iuniis multis per arma iusticie.

Ant. Popule meus quid feci tibi

aut quid molestus fui responde michi.

Ant. Ecce ego vobiscum sum alleluya omnibus diebus alle-luya.

Ant. In tuo.

Ant. Ex quo.

Ant. Aspice.

Ant. Per arma.

Ant. Numquid redditur.

Ant. Noli flere.

MIRABÍLIA testimónia tua: * ídeo scrutáta est ea ánima mea.

Decarátio sermónum tuórum illúminat: * et intelléctum dat párvulis.

Os meum apérui, et attráxi spíritum: * quia mandáta tua desiderábam.

Aspice in me, et miserére mei: * secúndum iudícium diligén-tium nomen tuum.

Gressus meos dirige secún-dum elóquium tuum: * et non dominétur mei omnis iniustítia.

Rédime me a calúmniis hómi-num: * ut custódiam mandáta tua.

Fáciem tuam illúmina super servum tuum: * et doce me iu-stificatiónes tuas.

Exitus aquárum deduxérunt óculi mei: * quia non custodié-runt legem tuam.

IUSTUS es, Dómine: * et rec-tum iudícium tuum.

Mandásti iustítiam testimónia tua: * et veritátem tuam nimis.

Tabéscere me fecit zelus

meus: * quia oblíti sunt verba tua inimíci mei.

Ignítum elóquium tuum vehementer: * et servus tuus diléxit illud.

Adolescéntulus sum ego et contéptus: * iustificatiónes tuas non sum oblítus.

Iustítia tua, iustítia in etérnum: * et lex tua véritas.

Tribulátio, et angústia invénérunt me: * mandáta tua meditátio mea est.

Equitas testimónia tua in etérnum: * intelléctum da michi, et vivam.

CLAMÁVI in toto corde meo, exáudi me, Dómine: * iustificatiónes tuas requíram.

Clamávi ad te, salvum me fac: * ut custódiam mandáta tua.

Prevéni in maturitáte, et clamávi: * quia in verba tua supersperávi.

Prevenérunt óculi mei ad te dilúculo: * ut meditárer elóquia tua.

Vocem meam audi secúndum misericórdiam tuam, Dómine: * et secúndum iudícium tuum vivífica me.

Appropinquavérunt persequéntes me iniquitáti: * a lege autem tua longe facti sunt.

Prope es tu, Dómine: * et omnes vie tue véritas.

Inítio cognóvi de testimoniis tuis: * quia in etérnum fundásti ea.

VIDE humilitátem meam, et

éripe me: * quia legem tuam non sum oblítus.

Iúdica iudícium meum, et rédime me: * propter elóquium tuum vivífica me.

Longe a peccatóribus salus: * quia iustificatiónes tuas non exquisiérunt.

Misericórdie tue multe, Dómine: * secúndum iudícium tuum vivífica me.

Multi qui persequúntur me, et tríbulant me: * a testimoniis tuis non declinávi.

Vidi prevaricántes, et tabescébam: * quia elóquia tua non custodiérunt.

Vide quóniam mandáta tua diléxi, Dómine: * in misericórdia tua vivífica me.

Príncipium verbórum tuórum, véritas: * in etérnum ómnia iudícia iustítie tue.

PRÍNCIPES persecúti sunt me gratis: * et a verbis tuis formidávit cor meum.

Letábor ego super elóquia tua: * sicut qui invénit spólia multa.

Iniquitátem ódio hábui, et abominátus sum: * legem autem tuam diléxi.

Sépties in die laudem dixi tibi, * super iudícia iustítie tue.

Pax multa diligéntibus legem tuam: * et non est illis scándalum.

Expectábam salutáre tuum, Dómine: * et mandáta tua diléxi.

Custodívit ánima mea testimónia tua: * et diléxit ea vehementer.

Servávi mandáta tua, et testimónia tua: * quia omnes vie mee in conspéctu tuo.

APPROPÍNQUET deprecátio mea in conspéctu tuo, Dómine: * iuxta elóquium tuum da michi intelléctum.

Intret postulátio mea in conspéctu tuo: * secúndum elóquium tuum éripe me.

Eructábunt lábia mea hymnum, * cum docúeris me iustificatiónes tuas.

Pronuntiábit lingua mea elóquium tuum: * quia ómnia mandáta tua équitas.

Fiat manus tua ut salvet me: * quóniam mandáta tua elégi.

Concupívi salutáre tuum, Dómine: * et lex tua meditátio mea est.

Vivet ánima mea, et laudábit te: * et iudícia tua adiuvábunt me.

Errávi, sicut ovis, que périit: * quere servum tuum, quia mandáta tua non sum oblítus.

Ant. In tuo adventu erue nos Domine.

Ant. Ex quo omnia per quem omnia in quo omnia ipsi gloria in secula.

Ant. Aspice in me Domine et miserere mei.

Ant. Per arma iusticie virtutis dei commendemus nosmetipsos in multa patientia.

Ant. Numquid redditur pro bo-

no malum quia foderunt foveam anime mee.

Ant. Noli flere Maria alleluya resurrexit Dominus alleluya.

Ant. Clamavi.

AD Dóminum cum tribulárer clamávi: * et exaudivit me.

Dómine, libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagítte poténtis acúte, * cum carbónibus desolatóriis.

Heu michi! quia incolátus meus prolongátus est: † habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Ant. Clamavi et exaudivit me.

Ant. Auxilium.

LEVÁVI óculos meos in montes, * unde véniet auxilium michi.

Auxilium meum a Dómino, * qui fecit celum et terram.

Non det in commotióem pedem tuum: * neque dormítet qui custódit te.

Ecce, non dormitábit neque dórmiet, * qui custódit Israhël.

Dóminus custódit te, Dóminus protéctio tua, * super manum dexteram tuam.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum: * ex hoc nunc, et usque in séculum.

Ant. Auxilium meum a Domino.

Ad Mag. Ant. Magnificat anima mea Dominum. Magnificat.

Ant. In domum.

LETÁTUS sum in his, que dicta sunt michi: * In domum Dómini íbimus.

Stantes erant pedes nostri, * in átriis tuis, Hierúsalem.

Hierúsalem, que edificátur ut cívitas: * cuius participatio eius in idípsum.

Illuc enim ascendérunt tribus, tribus Dómini: * testimónium Israhël ad confiténdum nómini Dómini.

Quia illic sedérunt sedes in iudicio, * sedes super domum David.

Rogáte que ad pacem sunt Hierúsalem: * et abundántia diligéntibus te:

Fiat pax in virtúte tua: * et abundántia in túrribus tuis.

Propter fratres meos, et próximos meos, * loquébar pacem de te:

Propter domum Dómini, Dei nostri, * quesívi bona tibi.

Ant. In domum Domini letantes íbimus.

Ant. Qui habitas.

AD te levávi óculos meos, * qui hábitas in celis.

Ecce sicut óculi servórum, * in mánibus dominórum suórum.

Sicut óculi ancílle in mánibus dómine sue: * ita óculi nostri ad Dóminum, Deum nostrum, donec misereátur nostri.

Miserére nostri, Dómine, miserére nostri: * quia multum repléti sumus despectióne:

Quia multum repléta est ánima nostra: * oppróbrium abundántibus, et despéctio supérbis.

Ant. Qui habitas in celis misere nobis.

Ant. Adiutorium.

NISI quia Dóminus erat in nobis, dicat nunc Israhël: * nisi quia Dóminus erat in nobis,

Cum exúrgerent hómines in nos, * forte vivos deglutissent nos:

Cum irascerétur furor eórum in nos, * fórsitan aqua absorbuisset nos.

Torréntem pertransívit ánima nostra: * fórsitan pertransísset ánima nostra aquam intolerábilem.

Benedíctus Dóminus * qui non dedit nos, in captiónem déntibus eórum.

Anima nostra sicut passer erépta est * de láqueo venántium.

Láqueus contrítus est, * et nos liberáti sumus.

Adiutórium nostrum in nómine Dómini, * qui fecit celum et terram.

Ant. Adiutorium nostrum in nomine Domini.

Ant. Bene fac.

QUI confidunt in Dómino, * sicut mons Sion: * non commovébitur in etérnum, qui hábitat in Hierúsalem.

Montes in circúitu eius: † et Dóminus in circúitu pópuli sui, * ex hoc nunc et usque in séculum.

Quia non relínquet Dóminus virgam peccatórum super sortem iustórum: * ut non exténdant iusti ad iniquitátem manus suas.

Benefac, Dómine, bonis, * et rectis corde.

Declinántes autem in obligatiónes addúcet Dóminus cum operántibus iniquitátem: * pax super Israhël.

Ant. Bene fac Domine bonis et rectis corde.

Ant. Facti sumus.

IN converténdo Dóminus captivitátem Sion: * facti sumus sicut consoláti:

Tunc replétum est gáudio os nostrum: * et lingua nostra exultatióne.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobíscum: * facti sumus letántes.

Convértte, Dómine, captivitá-

tem nostram, * sicut torrens in austro.

Qui sémant in lácrimis, * in exultatióne metent.

Eúntes ibant et flebant, * mitténtes sémina sua.

Veniéntes autem vénient cum exultatióne, * portántes manípulos suos.

Ant. Facti sumus sicut consolati.

Ad Mag. Ant. Exultavit spiritus meus in deo salutari meo. Magnificat.

Ant. Beatus vir.

NISI Dóminus edificáverit domum, * in vanum laboravérunt qui edíficant eam.

Nisi Dóminus custodíerit civitátem, * frustra vígilat qui custódit eam.

Vanum est vobis ante lucem súrgere: * súrgite postquam sedéritis, qui manducátis panem dolóris.

Cum déderit diléctis suis somnum: * ecce heréditas Dómini filii: merces, fructus ventris.

Sicut sagítte in manu poténtis: * ita filii excussórum.

Beátus vir qui implévit desiderium suum ex ipsis: * non confundétur cum loquétur inimícis suis in porta.

Ant. Beatus vir qui implevit desiderium suum.

Ant. Beati.

BEÁTI omnes, qui timent Dóminum, * qui ámbulant in viis eius.

Labóres mánuum tuárum

quia manducábis: * beátus es,
et bene tibi erit.

Uxor tua sicut vitis abúndans:
* in latéribus domus tue.

Filii tui sicut novélle olivárum:
* in circúitu mense tue.

Ecce sic benedicétur homo, *
qui timet Dóminum.

Benedícat tibi Dóminus ex
Sion: * et vídeas bona Hierú-
salem ómnibus diébus vite tue.

Et vídeas fílios filiórum tuó-
rum: * pacem super Israhël.

Ant. Beati omnes qui timent
Dominum.

Ant. Benediximus.

SEPE expugnávérunt me a
iuventúte mea, * dicat
nunc Israhël:

Sepe expugnávérunt me a iu-
ventúte mea: * étenim non po-
tuérunt michi.

Supra dorsum meum fabrica-
vérunt peccatóres: * prolonga-
vérunt iniquitátem suam.

Dóminus iustus concídit cer-
vices peccatórum: * confun-
dántur et convertántur retrór-
sum omnes, qui odérunt Sion.

Fiant sicut fenum tectórum: *
quod priúsqvam evellátur ex-
áruit:

De quo non implévit manum
suam qui metit: * et sinum
suum qui manípulos cólligit.

Et non dixerunt qui preterí-
bant: Benedíctio Dómini su-
per vos: * benedíximus vobis
in nómine Dómini.

Ant. Benediximus vobis in no-
mine Domini.

Ant. De profundis.

DE profúndis clamávi ad te,
Dómine: * Dómine, ex-
áudi vocem meam:

Fiant aures tue intendéntes: *
in vocem deprecationis mee.

Si iniquitátes observáveris,
Dómine: * Dómine, quis susti-
nébit?

Quia apud te propitiátio est: *
et propter legem tuam sustínui
te, Dómine.

Sustínuit ánima mea in verbo
eius: * sperávit ánima mea in
Dómino.

A custódia matutína usque ad
noctem: * speret Israhël in Dó-
mino.

Quia apud Dóminum miseri-
córdia: * et copiósa apud eum
redemptio.

Et ipse rédimet Israhël: * ex
ómnibus iniquitátibus eius.

Ant. De profundis clamavi ad
te Domine.

Ant. Speret.

DÓMINE, non est exaltátum
cor meum: * neque eláti
sunt óculi mei.

Neque ambulávi in magnis: *
neque in mirábilibus super me.

Si non humíliter sentiébam: *
sed exaltávi ánimam meam.

Sicut ablactátus est super ma-
tre sua: * ita retribútio in áni-
ma mea.

Speret Israhël in Dómino: * ex
hoc nunc et usque in séculum.

Ant. Speret Israhel in Domino.

Ad Mag. Ant. Respexit humi-

litem meam Domine deus meus. Magnificat.

Ant. Et omnis.

MEMENTO, Dómine, David, * et omnis mansuetúdinis eius:

Sicut iurávit Dómino, * votum vovit Deo Iacob:

Si introiero in tabernáculum domus mee, * si ascéndero in lectum strati mei:

Si dédero somnum óculis meis, * et pálpebris meis dormitiónem:

Et réquiem tempóribus meis: donec invéniam locum Dómino, * tabernáculum Deo Iacob.

Ecce audívimus eam in Ephrata: * invénimus eam in campis silve.

Introíbimus in tabernáculum eius: * adorábimus in loco, ubi stetérunt pedes eius.

Surge, Dómine, in réquiem tuam, * tu et arca sanctificatiónis tue.

Sacerdótes tui induántur iustítiam: * et sancti tui exúltent.

Propter David, servum tuum: * non avértas fáciem Christi tui.

Iurávit Dóminus David veritátem, et non frustrábitur eam: * de fructu ventris tui ponam super sedem tuam.

Si custodierint fílii tui testaméntum meum: * et testimónia mea hec, que docébo eos.

Et fílii eórum usque in séculum: * sedébunt super sedem tuam.

Quóniam elégit Dóminus

Sion: * elégit eam in habitatióne sibi.

Hec réquies mea in séculum séculi: * hic habitábo, quóniam elégi eam.

Víduam eius benedicens benedícam: * páuperes eius saturábo pánibus.

Sacerdótes eius induam salutári: * et sancti eius exultatióne exultábunt.

Illuc prodúcam cornu David: * parávi lucérnam Christo meo.

Inimícos eius induam confusióne: * super ipsum autem efflorébit sanctificatió mea.

Ant. Et omnis mansuetudinis eius.

Ant. Ecce quam bonum.

ECCE quam bonum, et quam iucúndum * habitáre fratres in unum.

Sicut unguéntum in cápite, * quod descéndit in barbam, barbam Aaron.

Quod descéndit in oram vestiménti eius: * sicut ros Hermon, qui descéndit in montem Sion.

Quóniam illic mandávit Dóminus benedictiónem, * et vitam usque in séculum.

ECCE nunc benedícite Dóminum, * omnes servi Dómini:

Qui statis in domo Dómini, * in átriis domus Dei nostri.

In nóctibus extóllite manus vestras in sancta, * et benedícite Dóminum.

Benedícat te Dóminus ex Sion,
* qui fecit celum et terram.

Ant. Ecce quam bonum et
quam iocundum.

Ant. Omnia.

LAUDÁTE nomen Dómini, *
laudáte, servi Dóminum.

Qui statis in domo Dómini, *
in átriis domus Dei nostri.

Laudáte Dóminum, quia bo-
nus Dóminus: * psállite nómi-
ni eius, quóniam suáve.

Quóniam Iacob elégit sibi Dó-
minus, * Israhël in possessió-
nem sibi.

Quia ego cognóvi quod ma-
gnus est Dóminus, * et Deus
noster pre ómnibus diis.

Omnia quecúmque vóluit, Dó-
minus fecit in celo, et in terra,
* in mari, et in ómnibus abýs-
sis.

Edúcens nubes ab extrémis
terre: * fúlgura in plúviam fe-
cit.

Qui prodúcit ventos de the-
sáuris suis: * qui percússit pri-
mogénita Egípti ab hómine us-
que ad pecus.

Et misit signa, et prodígia in
medio tui, Egípte: * in Pharaó-
nem, et in omnes servos eius.

Qui percússit gentes multas: *
et occídit reges fortes:

Sehon, regem Amorrheórum,
et Og, regem Basan, * et ómnia
regna Chánaan.

Et dedit terram eórum heredi-

tátem, * hereditátem Israhël,
pópulo suo.

Dómine, nomen tuum in etér-
num: * Dómine, memoriále
tuum in generatióem et ge-
neratióem.

Quia iudicábit Dóminus pópu-
lum suum: * et in servis suis
deprecábitur.

Simulácra Géntium argéntum
et aurum: * ópera mánuum
hóminum.

Os habent, et non loquéntur:
* óculos habent, et non vidé-
bunt.

Aures habent, et non áudient:
* neque enim est spíritus in ore
ipsórum.

Símiles illis fiant qui faciunt
ea: * et omnes qui confídunt in
eis.

Domus Israhël, benedícite
Dómino: * domus Aaron, be-
nedícite Dómino.

Domus Levi, benedícite Dó-
mino: * qui timétis Dóminum,
benedícite Dómino.

Benedíctus Dóminus ex Sion,
* qui hábitat in Hierúsalem.

Ant. Omnia quecunque voluit
Dominus fecit.

Ant. Quoniam.

CONFITÉMINI Dómino, quó-
niam bonus: * quóniam in
etérnum misericórdia eius.

Confitémini Deo deórum: *
quóniam in etérnum miseri-
córdia eius.

Confitémini Dómino dominó-

rum: * quóniam in etérnum misericórdia eius.

Qui facit mirabília magna solus: * quóniam in etérnum misericórdia eius.

Qui fecit celos in intelléctu: * quóniam in etérnum misericórdia eius.

Qui firmávit terram super aquas: * quóniam in etérnum misericórdia eius.

Qui fecit luminária magna: * quóniam in etérnum misericórdia eius.

Solem in potestátem diéi: * quóniam in etérnum misericórdia eius.

Lunam et stellas in potestátem noctis: * quóniam in etérnum misericórdia eius.

Qui percússit Egíptum cum primogénitis eórum: * quóniam in etérnum misericórdia eius.

Qui edúxit Israhël de médio eórum: * quóniam in etérnum misericórdia eius.

In manu poténti, et bráchio excélso: * quóniam in etérnum misericórdia eius.

Qui divisit Mare Rubrum in divisiónes: * quóniam in etérnum misericórdia eius.

Et edúxit Israhël per médium eius: * quóniam in etérnum misericórdia eius.

Et excússit Pharaónem, et virtútem eius in Mari Rubro: * quóniam in etérnum misericórdia eius.

Qui tradúxit pópulum suum per desértum: * quóniam in etérnum misericórdia eius.

Qui percússit reges magnos: * quóniam in etérnum misericórdia eius.

Et occídit reges fortes: * quóniam in etérnum misericórdia eius.

Sehon, regem Amorrheórum: * quóniam in etérnum misericórdia eius.

Et Og, regem Basan: * quóniam in etérnum misericórdia eius.

Et dedit terram eórum hereditátem: * quóniam in etérnum misericórdia eius.

Hereditátem Israhël, servo suo: * quóniam in etérnum misericórdia eius.

Quia in humilitáte nostra memor fuit nostri: * quóniam in etérnum misericórdia eius.

Et redémit nos ab inimícis nostris: * quóniam in etérnum misericórdia eius.

Qui dat escam omni carni: * quóniam in etérnum misericórdia eius.

Confitémini Deo celi: * quóniam in etérnum misericórdia eius.

Confitémini Dómino dominórum: * quóniam in etérnum misericórdia eius.

Ant. Quoniam in eternum misericordia eius.

Ant. Ymnum.

SUPER flúmina Babylónis, il-

lic sēdimus et flēvimus: *
cum recordarēmur Sion:

In salícibus in médio eius, *
suspendimus órgana nostra.

Quia illic interrogavérunt nos,
qui captívos duxérunt nos, *
verba cantiónum.

Et qui abduxérunt nos: *
Hymnum cantáte nobis de
cánticis Sion.

Quómodo cantábimus cánti-
cum Dómini * in terra aliéna?

Si oblítus fúero tui, Hierúsa-
lem, * oblivióni detur dēxtera
mea.

Adhéreat lingua mea fáucibus
meis, * si non memínero tui.

Si non proposúero Hierúsa-
lem, * in princípio letítie mee.

Memor esto, Dómine, filió-
rum Edom, * in die Hierúsa-
lem.

Qui dicunt: Exinaníte, exina-
níte * usque ad fundaméntum
in ea.

Fília Babylónis mísera: * beá-
tus, qui retríbuet tibi retribu-
tiónem tuam, quam retribuísti
nobis.

Beátus qui tenébit, * et allídet
párvulos tuos ad petram.

Ant. Ymnum cantate nobis de
canticis Syon.

Ad Mag. Ant. Deposuit poten-
tes sanctos persequentes et
exaltavit humilíes Christum
confíteres. Magnificat.

Ant. In conspectu.

CONFITÉBOR tibi, Dómine,

in toto corde meo: * quó-
niam audísti verba oris mei.

In conspéctu Angelórum psal-
lam tibi: * adorábo ad tem-
plum sanctum tuum, et con-
fitebor nómini tuo.

Super misericórdia tua, et ve-
ritáte tua: * quóniam ma-
gnificásti super omne, nomen
sanctum tuum.

In quacúmque die invocávero
te, exáudi me: * multiplicábis
in ánima mea virtútem.

Confiteántur tibi, Dómine,
omnes reges terre: * quia au-
diérunt ómnia verba oris tui.

Et cantent in viis Dómini: *
quóniam magna est glória Dó-
mini.

Quóniam excélsus Dóminus,
et humília respicit: * et alta a
longe cognóscit.

Si ambulávero in médio tribu-
latiónis, vivificábis me: † et su-
per iram inimicórum meórum
extendísti manum tuam, * et
salvum me fecit dēxtera tua.

Dóminus retríbuet pro me:
† Dómine, misericórdia tua
in séculum: * ópera mánuum
tuárum ne despicias.

Ant. In conspectu angelorum
psallam tibi deus meus.

Ant. Domine.

DÓMINE, probásti me, et co-
gnovísti me: * tu cognó-
vísti sessiónem meam, et re-
surrectiónem meam.

Intellexísti cogitatiónes meas

de longe: * sémitam meam, et funiculum meum investigasti.

Et omnes vias meas previdisti: * quia non est sermo in lingua mea.

Ecce, Dómine, tu cognovisti ómnia novíssima, et antiqua: * tu formasti me, et posuisti super me manum tuam.

Mirabilis facta est sciéntia tua ex me: * confortata est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in celum, tu illic es: * si descéndero in inférnum, ades.

Si sumpsero pennas meas dilúculo, * et habitávero in extrémis maris.

Etenim illuc manus tua dedúcet me: * et tenébit me dextera tua.

Et dixi: Fórsitan ténebre conculcábunt me: * et nox illuminatio mea in delíciis meis.

Quia ténebre non obscurabúntur a te, † et nox sicut dies illuminábitur: * sicut ténebre eius, ita et lumen eius.

Quia tu possedisti renes meos: * suscepisti me de útero matris mee.

Confitébor tibi quia terribíliter magnificátus es: † mirabilia ópera tua, * et ánima mea cognóscit nimis.

Non est occultátum os meum a te, quod fecisti in occulto: * et substantia mea in inferióribus terre.

Imperféctum meum vidérunt óculi tui, † et in libro tuo omnes scribéntur: * dies formabúntur, et nemo in eis.

Mihi autem nimis honorificáti sunt amíci tui, Deus: * nimis confortátus est principátus eórum.

Dinumerábo eos, et super arénam multiplicabúntur: * exur-réxi, et adhuc sum tecum.

Si occíderis, Deus, peccatóres: * viri sánguinem, declináte a me.

Quia dícitis in cogitatióne: * Accípient in vanitáte civitátes tuas.

Nonne qui odérunt te, Dómine, óderam? * et super inimícos tuos tabescébam?

Perfécto ódio óderam illos: * et inimíci facti sunt michi.

Proba me, Deus, et scito cor meum: * intérroga me, et cognósce sémitas meas.

Et vide, si via iniquitátis in me est: * et deduc me in via etérna.

Ant. Domine probasti me et cognovisti me.

Ant. A viro.

ERIPE me, Dómine, ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant prélia.

Acuérunt linguas suas sicut serpéntis: * venénium áspidum sub lábiis eórum.

Custódi me, Dómine, de manu

peccatóris: * et ab homínibus iníquis éripe me.

Qui cogitavérunt supplantáre gressus meos: * abscondérunt supérbi láqueum michi:

Et funes extendérunt in láqueum: * iuxta iter scándalum posuérunt michi.

Dixi Dómino: Deus meus es tu: * exáudi, Dómine, vocem deprecationis mee.

Dómine, Dómine, virtus salútis mee: * obumbrásti super caput meum in die belli.

Ne tradas me, Dómine, a desidério meo peccatóri: † cogitavérunt contra me, * ne derelínquas me, ne forte exalténtur.

Caput circúitus eórum: * labor labiórum ipsórum opériet eos.

Cadent super eos carbónes, † in ignem deiícies eos: * in misériis non subsistent.

Vir linguósus non dirigétur in terra: * virum iniústum mala cápient in intéritu.

Cognóvi quia fáciét Dóminus iudícium ínopis: * et vindíctam páuperum.

Verúmtamen iusti confitebúntur nómini tuo: * et habitábunt recti cum vultu tuo.

Ant. A viro iniquo libera me Domine.

Ant. Domine.

DÓMINE, clamávi ad te, exáudi me: * inténde voci mee, cum clamávero ad te.

Dirigátur orátio mea sicut incénsum in conspéctu tuo: * elevátio mánuum meárum sacrificium vespertinum.

Pone, Dómine, custódiam ori meo: * et óstium circumstántie lábiis meis.

Non declínes cor meum in verba malítie: * ad excusándas excusatiónes in peccátis.

Cum homínibus operántibus iniquitátem: * et non communicábo cum eléctis eórum.

Corrípiet me iustus in misericórdia, et increpábit me: * óleum autem peccatóris non impínguet caput meum.

Quóniam adhuc et orátio mea in beneplácitis eórum: * absórpti sunt iuncti petre iúdices eórum.

Audient verba mea quóniam potuérunt: * sicut crassitúdo terre erúpta est super terram.

Dissipáta sunt ossa nostra secus inférnum: † quia ad te, Dómine, Dómine, óculi mei: * in te sperávi, non áuferas ánimam meam.

Custódi me a láqueo, quem statuérunt michi: * et a scándalis operántium iniquitátem.

Cadent in retiáculo eius peccatóres: * singuláriter sum ego donec tránseam.

Ant. Domine clamavi ad te exaudi me.

Ant. Portio.

VOCE mea ad Dóminum cla-

mávi: * voce mea ad Dóminum deprecátus sum:

Effúndo in conspéctu eius oratióem meam, * et tribulatióem meam ante ipsum pronúntio.

In deficiéndo ex me spíritum meum: * et tu cognovísti sémitas meas.

In via hac, qua ambulábam, * abscondérunt láqueum michi.

Considerábam ad dexteram, et vidébam: * et non erat qui cognósceret me.

Périit fuga a me: * et non est qui requírat ánimam meam.

Clamávi ad te, Dómine, † dixi: Tu es spes mea, * pórtio mea in terra vivéntium.

Inténde ad deprecationem meam: * quia humiliátus sum nimis.

Libera me a persecuéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant iusti, donec retríbuas michi.

Ant. Portio mea Domine sit in terra viventium.

Ad Mag. Ant. Suscepit deus Israhel puerum suum sicut locutus est Abraham et semini eius et exaltavit humiles usque in seculum. Magnificat.

DÓMINE, exáudi oratióem meam: † áuribus pércipe obsecratióem meam in veri-

táte tua: * exáudi me in tua iustítia.

Et non intres in iudícium cum servo tuo: * quia non iustificábitur in conspéctu tuo omnis vivens.

Quia persecútus est inimícus ánimam meam: * humiliávit in terra vitam meam.

Collocávit me in obscúris sicut mórtuos séculi: † et anxiátus est super me spíritus meus, * in me turbátum est cor meum.

Memor fui diérum antiquórum, † meditátus sum in ómnibus opéribus tuis: * in factis mánuum tuárum meditábar.

Expándi manus meas ad te: * ánima mea sicut terra sine aqua tibi.

Velóciter exáudi me, Dómine: * defécit spíritus meus.

Non avértas faciém tuam a me: * et símilis ero descendéntibus in lacum.

Audítam fac michi mane misericórdiam tuam: * quia in te sperávi.

Notam fac michi viam, in qua ámbulem: * quia ad te levávi ánimam meam.

Eripe me de inimícis meis, Dómine, ad te confúgi: * doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam: * propter nomen tuum, Dómine, vivificábis me, in equitáte tua.

Edúces de tribulatióne ánimam meam: * et in miseri-

córdia tua dispérdes inimícos meos.

Et perdes omnes, qui tríbulant ánimam meam, * quóniam ego servus tuus sum.

Ant. Benedictus.

BENEDÍCTUS Dóminus, Deus meus, qui docet manus meas ad prélium, * et dígitos meos ad bellum.

Misericórdia mea, et refúgium meum: * suscéptor meus, et liberátor meus:

Protéctor meus, et in ipso sperávi: * qui subdit pópulum meum sub me.

Dómine, quid est homo quia innotuísti ei? * aut fílius hóminis, quia réputas eum?

Homo vanitáti símilis factus est: * dies eius sicut umbra pretéreunt.

Dómine, inclína celos tuos, et descénde: * tange montes, et fumigábunt.

Fúlgura coruscatiónem, et dissipábis eos: * emítte sagíttas tuas, et conturbábis eos.

Emítte manum tuam de alto, † éripe me, et líbera me de aquis multis: * de manu filiórū alienórum.

Quorum os locútum est vanitátem: * et dextera eórum, dextera iniquitátis.

Deus, cánticum novum cantábo tibi: * in psaltério, deachórdo psallam tibi.

Qui das salútem régibus: * qui redemísti David, servum

tuum, de gládio malíno: éripe me.

Et érue me de manu filiórū alienórum, † quorum os locútum est vanitátem: * et dextera eórum, dextera iniquitátis.

Quorum fílii, sicut novélle plantatiónes * in iuventúte sua.

Fílie eórum compósite: * circumornáte ut similitúdo templi.

Promptuária eórum plena: * eructántia ex hoc in illud.

Oves eórum fetóse, abundántes in egréssibus suis: * boves eórum crasse.

Non est ruína macérie, neque tránsitus: * neque clamor in platéis eórum.

Beátum dixerunt pópulum, cui hec sunt: * beátus pópulus, cuius Dóminus Deus eius.

Ant. Benedictus Dominus deus meus.

Ant. In eternum.

EXALTÁBO te, Deus meus, rex: * et benedícam nómini tuo in séculum, et in séculum séculi.

Per síngulos dies benedícam tibi: * et laudábo nomen tuum in séculum, et in séculum séculi.

Magnus Dóminus, et laudábilis nimis: * et magnitúdinis eius non est finis.

Generátio et generátio laudábit ópera tua: * et poténtiam tuam pronuntiábunt.

Magnificéntiam glórie sanc-

titátis tue loquéntur: * et mirabilia tua narrábunt.

Et virtútem terribílium tuórum dicent: * et magnitudinem tuam narrábunt.

Memóriam abundántie suavitátis tue eructábunt: * et iustitia tua exultábunt.

Miserátor, et miséricors Dóminus: * pátiens, et multum miséricors.

Suávis Dóminus univérsis: * et miseratiónes eius super ómnia ópera eius.

Confiteántur tibi, Dómine, ómnia ópera tua: * et sancti tui benedícant tibi.

Glóriam regni tui dicent: * et poténtiam tuam loquéntur:

Ut notam fáciant fíliis hóminum poténtiam tuam: * et glóriam magnificéntie regni tui.

Regnum tuum regnum ómnium seculórum: * et dominátio tua in omni generatióne et generatióne.

Fidélis Dóminus in ómnibus verbis suis: * et sanctus in ómnibus opéribus suis.

Allevat Dóminus omnes qui córruunt: * et érigit omnes elísos.

Oculi ómnium in te sperant, Dómine: * et tu das escam illórum in témpore opportúno.

Aperis tu manum tuam: * et imples omne ánimam benedictióne.

Iustus Dóminus in ómnibus viis suis: * et sanctus in ómnibus opéribus suis.

Prope est Dóminus ómnibus invocántibus eum: * ómnibus invocántibus eum in veritáte.

Voluntátem timéntium se fáciat: † et deprecatióne eórum exáudiet: * et salvos fáciat eos.

Custódit Dóminus omnes diligétes se: * et omnes peccatóres dispérdet.

Laudatióne Dómini loquétur os meum: * et benedícat omnis caro nómini sancto eius in séculum, et in séculum séculi.

Ant. In eternum et in seculum seculi.

Ant. Laudabo.

Lauda, ánima mea, Dóminum, † laudábo Dóminum in vita mea: * psallam Deo meo quámdiu fúero.

Nolíte confídere in princípibus: * in fíliis hóminum, in quibus non est salus.

Exíbit spíritus eius, et revertétur in terram suam: * in illa die períbunt omnes cogitatiónes eórum.

Beátus, cuius Deus Iacob adiutor eius, † spes eius in Dómino Deo ipsíus: * qui fecit celum et terram, mare et ómnia, que in eis sunt.

Qui custódit veritátem in séculum, † facit iudícium iniúriam patiéntibus: * dat escam esuriéntibus.

Dóminus solvit compedítos: * Dóminus illúminat cecos.

Dóminus érigit elísos: * Dóminus díligit iustos.

Dóminus custódit ádvenas, †
pupíllum et víduam suscípíet:
* et vias peccatórum dispérdet.

Regnábit Dóminus in sécula,
Deus tuus, Sion, * in genera-
tiónem et generatióem.

Ant. Laudabo deum meum in
vita mea.

Ant. Deo nostro.

LAUDÁTE Dóminum quó-
niam bonus est psalmus:
* Deo nostro sit iucúnda, de-
córaque laudátio.

Edíficans Hierúsalem Dómi-
nus: * dispersiões Israhélis
congregábit.

Qui sanat contrítos corde: * et
álligat contritiões eórum.

Qui númerat multitudínem
stellárum: * et ómnibus eis
nómina vocat.

Magnus Dóminus noster, et
magna virtus eius: * et sapién-
tie eius non est númerus.

Suscípiens mansuétos Dómi-
nus: * humílians autem pec-
catóres usque ad terram.

Precínite Dómino in confes-
sióne: * psállite Deo nostro in
cíthara.

Qui óperit celum núbibus: * et
parat terre plúviam.

Qui prodúcit in móntibus fe-
num: * et herbam servitúti hó-
minum.

Qui dat iuméntis escam ipsó-
rum: * et pullis corvórum in-
vocántibus eum.

Non in fortitúdine equi volun-

tátem habébit: * nec in tíbiiis
viri beneplácitum erit ei.

Beneplácitum est Dómino su-
per timéntes eum: * et in eis,
qui sperant super misericórdia
eius.

Ant. Deo nostro iocunda sit
laudatio.

Ant. Lauda.

LAUDA, Hierúsalem, Dómi-
num: * lauda Deum tuum,
Sion.

Quóniam confortávit seras
portárum tuárum: * benedíxit
filiis tuis in te.

Qui pósuit fines tuos pacem: *
et ádipe fruménti sátiat te.

Qui emíttit elóquium suum
terre: * velóciter currit sermo
eius.

Qui dat nivem sicut lanam: *
nébulam sicut cínere sparsit.

Mittit crystállum suam sicut
buccéllas: * ante fáciem frígo-
ris eius quis sustinébit?

Emittet verbum suum, et li-
quefáciat ea: * flabit spíritus
eius, et fluent aque.

Qui annúntiat verbum suum
Iacob: * iustítias, et iudícia sua
Israhël.

Non fecit táliter omni natióni:
* et iudícia sua non manifestá-
vit eis.

Ant. Lauda Iherusalem Domi-
num.

LAUDÁTE Dóminum de celis:
* laudáte eum in excélsis.
Laudáte eum, omnes Ange-

li eius: * laudáte eum, omnes virtútes eius.

Laudáte eum, sol et luna: * laudáte eum, omnes stelle et lumen.

Laudáte eum, celi celórum: * et aque omnes, que super celos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in etérnum, et in séculum séculi: * precéptum pósuit, et non preteríbit.

Laudáte Dóminum de terra, * dracones, et omnes abyssi.

Ignis, grando, nix, glacies, spíritus procellárum: * que faciunt verbum eius:

Montes, et omnes colles: * ligna fructífera, et omnes cedri.

Béstie, et univérsa pécora: * serpéntes, et vólucres pennáte:

Reges terre, et omnes pópuli: * príncipes, et omnes iúdice terre.

Iúvenes, et vírgines, † senes cum iunióribus laudent nomen Dómini: * quia exaltátum est nomen eius solius.

Confessio eius super celum et terram: * et exaltávit cornu pópuli sui.

Hymnus ómnibus sanctis eius: * fíliis Israhël, pópulo appropinquánti sibi.

CANTÁTE Dómino cánticum novum: * laus eius in ecclésia sanctórum.

Letétur Israhël in eo, qui fecit

eum: * et fílii Sion exúltent in rege suo.

Laudent nomen eius in choro: * in týmpano, et psaltério psallant ei.

Quia beneplácitum est Dómino in pópulo suo: * et exaltábit mansuétos in salútem.

Exultábunt sancti in glória: * letabúntur in cubílibus suis.

Exaltatiónes Dei in gútture eórum: * et gládii ancípites in mánibus eórum.

Ad faciéndam vindíctam in natióibus: * increpatiónes in pópulis.

Ad alligándos reges eórum in compédibus: * et nóbiles eórum in mánicis férreis.

Ut fáciant in eis iudícium conscriptum: * glória hec est ómnibus sanctis eius.

LAUDÁTE Dóminum in sanctis eius: * laudáte eum in firmaménto virtútis eius.

Laudáte eum in virtútibus eius: * laudáte eum secúndum multitudínem magnitúdinis eius.

Laudáte eum in sono tube: * laudáte eum in psaltério, et cíthara.

Laudáte eum in týmpano, et choro: * laudáte eum in chor-dis, et órgano.

Laudáte eum in cýmbalis benesonántibus: † laudáte eum in cýmbalis iubilatiónis: * omnis spíritus laudet Dóminum.

BENEDÍCITE, ómnia ópera Dómini, Dómino: * laudá-

te et superexaltáte eum in sécula.

Benedícite, Ángeli Dómini, Dómino: * benedícite, celi, Dómino.

Benedícite, aque omnes, que super celos sunt, Dómino: * benedícite, omnes virtútes Dómini, Dómino.

Benedícite, sol et luna, Dómino: * benedícite, stelle celi, Dómino.

Benedícite, omnis imber et ros, Dómino: * benedícite, omnes spíritus Dei, Dómino.

Benedícite, ignis et estus, Dómino: * benedícite, frigus et estus, Dómino.

Benedícite, rores et pruína, Dómino: * benedícite, gelu et frigus, Dómino.

Benedícite, glácies et nives, Dómino: * benedícite, noctes et dies, Dómino.

Benedícite, lux et ténebre, Dómino: * benedícite, fúlgura et nubes, Dómino.

Benedícat terra Dóminum: * laudet et superexáltet eum in sécula.

Benedícite, montes et colles, Dómino: * benedícite, univér-
sa germinántia in terra, Dómino.

Benedícite, fontes, Dómino: * benedícite, mária et flúmina, Dómino.

Benedícite, cete, et ómnia, que movéntur in aquis, Dómino: *

benedícite, omnes vólucres celi, Dómino.

Benedícite, omnes béstie et pécora, Dómino: * benedícite, filii hóminum, Dómino.

Benedícat Israhël Dóminum: * laudet et superexáltet eum in sécula.

Benedícite, sacerdótes Dómini, Dómino: * benedícite, servi Dómini, Dómino.

Benedícite, spíritus, et ánime iustórum, Dómino: * benedícite, sancti, et húmiles corde, Dómino.

Benedícite, Ananía, Azaría, Mísaël, Dómino: * laudáte et superexaltáte eum in sécula.

Benedicámus Patrem et Fílium cum Sancto Spíritu: * laudémus et superexaltémus eum in sécula.

Benedíctus es, Dómine, in firmaménto celi: * et laudábilis, et gloriósus, et superexaltátus in sécula.

CONFITÉBOR tibi Dómine, quóniam irátus es michi: * convérsus est furor tuus, et consolátus es me.

Ecce Deus salvátor meus, * fíduciáliter agam, et non timébo.

Quia fortitúdo mea et laus mea Dóminus, * et factus est michi in salútem.

Hauriétis aquas in gáudio de fóntibus Salvatóris: † et dicétis in die illa: * Confitémini Dómino, et invocáte nomen eius:

Notas fácite in pópulis adin-

ventiões eius: * mementóte quóniam excélsum est nomen eius.

Cantáte Dómino quóniam magnífice fecit: * annuntiáte hoc in univérsta terra.

Exúlta et lauda habitatio Sion: * quia magnus in médio tui sanctus Israhel.

EGO dixi: In dimídio diérum meórum * vadam ad portas ínferi.

Quesívi resíduum annórum meórum. * Dixi: Non vidébo Dóminum Deum in terra vivéntium.

Non aspícam hóminem ultra, * et habitatórem quiétis.

Generatio mea ablata est, et convoluta est a me, * quasi tabernaculum pastórum.

Precisa est velut a texénte, vita mea: † dum adhuc ordírer, succídit me: * de mane usque ad vésperam fínies me.

Sperábam usque ad mane, * quasi leo sic contrívit ómnia ossa mea:

De mane usque ad vésperam fínies me: † sicut pullus hirúndinis sic clamábo, * meditabor ut colúmba:

Attenuáti sunt óculi mei, * suspiciéntes in excélsum.

Dómine, vim pátiior, respónde pro me. * Quid dicam, aut quid respondébit michi, cum ipse fécerit?

Recogitábo tibi omnes annos

meos * in amaritúdine ánime mee.

Dómine, si sic vívitur, et in tálibus vita spíritus mei, † corripies me, et vivificábis me. * Ecce, in pace amaritúdo mea amaríssima:

Tu autem eruísti ánimam meam ut non períret: * proiecísti post tergum tuum ómnia peccáta mea.

Quia non inférnus confitébitur tibi, † neque mors laudábit te: * non expectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie: * pater filiis notam fáciat veritátem tuam.

Dómine, salvum me fac * et psalmos nostros cantábimus cunctis diébus vite nostre in domo Dómini.

EXULTÁVIT cor meum in Dómino, * et exaltátum est cornu meum in Deo meo.

Dilatátum est os meum super inimícos meos: * quia letátus sum in salutári tuo.

Non est sanctus, ut est Dóminus: † neque enim est álius extra te, * et non est fortis sicut Deus noster.

Nolíte multiplicáre loqui sublímia, * gloriántes:

Recédant vétera de ore vestro: † quia Deus scientiárum, Dóminus est, * et ipsi preparántur cogitatiões.

Arcus fórtium superátus est, *
et infírmí accíncti sunt róbores.

Repléti prius, pro pánibus se
locavérunt: * et famélici satu-
ráti sunt.

Donec stérilis péperit plúri-
mos: * et que multos habébat
fílios, infirmáta est.

Dóminus mortíficat et vivífi-
cat, * dedúcit ad ínferos et re-
dúcit.

Dóminus páuperem facit et
ditat, * humiliat et súblevat.

Súscitat de púlvere egénium, *
et de stércore élevat páuperem:

Ut sédeat cum princípibus, *
et sólium glórie téneat.

Dómini enim sunt cárdines
terre, * et pósuit super eos or-
bem.

Pedes sanctórum suórum ser-
vábít, † et ímpii in ténebris
conticéscunt: * quia non in
fortitúdine sua roborábítur vir.

Dóminum formidábunt ad-
versárii eius: * et super ipsos
in celis tonábit:

Dóminus iudicábit fines terre,
† et dabit impérium regi suo, *
et sublimábit cornu Christi sui.

CANTÉMUS Dómino: glorió-
se enim magnificátus est,
* equum et ascensórem deiécit
in mare.

Fortitúdo mea, et laus mea
Dóminus, * et factus est mi-
chi in salútem.

Iste Deus meus, et glorificá-
bo eum: * Deus patris mei, et
exaltábo eum.

Dóminus quasi vir pugnátor,
† Omnípotens nomen eius. *
Currus Pharaónis et exércitum
eius proiécit in mare.

Elécti príncipes eius submér-
si sunt in Mari Rubro: * abyssi
operuérunt eos, descendérunt
in profúndum quasi lapis.

Déxtera tua, Dómine, magni-
ficáta est in fortitúdine: † d'ex-
tera tua, Dómine, percússit
inimícum. * Et in multitúdine
glórie tue deposuísti adversá-
rios tuos:

Misísti iram tuam, que devo-
rávit eos sicut stípulam. * Et in
spíritu furóris tui congregáte
sunt aque:

Stetit unda fluens, * congre-
gáte sunt abyssi in médio mari.

Dixit inimícus: Pérsequar et
comprehéndam, * dívidam
spólia, implébitur ánima mea:

Evaginábo gládium meum, *
interficiet eos manus mea.

Flavit spíritus tuus, et opé-
ruit eos mare: * submérsi sunt
quasi plumbum in aquis vehe-
méntibus.

Quis símilis tui in fórtibus,
Dómine? * quis símilis tui,
magníficus in sanctitáte, ter-
rívelis atque laudábilis, fáciens
mirabília?

Extendísti manum tuam, et
devorávit eos terra. * Dux fuí-
sti in misericórdia tua pópulo
quem redemísti:

Et portásti eum in fortitúdine

tua, * ad habitáculum sanctum tuum.

Ascendérunt pópuli, et iráti sunt: * dolóres obtinuérunt habitatóres Philístiim.

Tunc conturbáti sunt príncipes Edom, † robústos Moab obtínuit tremor: * obriguérunt omnes habitatóres Chánaan.

Irruat super eos formído et pavor, * in magnitúdine bráchii tui:

Fiant immóbiles quasi lapis, † donec pertránseat pópulus tuus, Dómine, * donec pertránseat pópulus tuus iste, quem possedísti.

Introdúces eos, et plantábis in monte hereditátis tue, * firmíssimo habitáculo tuo quod operátus es, Dómine:

Sanctuárium tuum, Dómine, quod firmavérunt manus tue. * Dóminus regnábit in etérnum et ultra.

Ingressus est enim eques Phárao cum cúrribus et equítibus eius in mare: * et redúxit super eos Dóminus aquas maris:

Fílii autem Israhël ambulavérunt per siccum * in médio eius.

DÓMINE, audívi auditióem tuam, * et tímui.

Dómine, opus tuum, * in médio annórum vivífica illud:

In médio annórum notum fácies: * cum irátus fúeris, misericórdie recordáberis.

Deus ab Austro véniet, * et sanctus de monte Pharan:

Opérui celos glória eius: * et laudis eius plena est terra.

Splendor eius ut lux erit: * córnua in mánibus eius:

Ibi abscondita est fortitúdo eius: * ante fáciem eius ibit mors.

Et egrediétur diábolus ante pedes eius. * Stetit, et mensus est terram.

Aspéxit, et dissólvit gentes: * et contríti sunt montes séculi.

Incurváti sunt colles mundi, * ab itinéribus eternitátis eius.

Pro iniquitáte vidi tentória Ethiópie, * turbabúntur pelles terre Mádian.

Numquid in flumínibus irátus es, Dómine? * aut in flumínibus furor tuus? vel in mari indignátio tua?

Qui ascédes super equos tuos: * et quadríge tue salvátio.

Súscitans suscitábis arcum tuum: * iuraménta tríbus que locútus es.

Flúvios scindes terre: † vidé-runt te, et doluérunt montes: * gurges aquárum tránsiit.

Dedit abyíssus vocem suam: * altitúdo manus suas levávit.

Sol, et luna steterunt in habitáculo suo, * in luce sagittárum tuárum, ibunt in splendóre fulgurántis haste tue.

In frémitu conculcábis terram: * et in furóre obstupefá-cies gentes.

Egréssus es in salútem pópuli tui: * in salútem cum Christo tuo.

Percussísti caput de domo impij: * denudásti fundaméntum eius usque ad collum.

Maledixísti sceptris eius, † cá-piti bellatórum eius, * veniéntibus ut turbo ad dispergéndum me.

Exultátio eórum * sicut eius, qui dévorat páuperem in abscóndito.

Viam fecísti in mari equis tuis, * in luto aquárum multárum.

Audívi, et conturbátus est venter meus: * a voce contremuérunt lábia mea.

Ingrediátur putrédo in óssibus meis, * et subter me scáteat.

Ut requiéscam in die tribulatiónis: * ut ascéndam ad pópulum accíntum nostrum.

Ficus enim non florébit: * et non erit germen in víneis.

Mentiétur opus olíve: * et arva non áfferent cibum.

Abscindétur de ovíli pecus: * et non erit arméntum in prsepibus.

Ego autem in Dómino gaudébo: * et exultábo in Deo Iesu meo.

Deus Dóminus fortitúdo mea: * et ponet pedes meos quasi cervórum.

Et super excélsa mea dedúcet me victor * in psalmis canéntem.

AUDÍTE, celi, que loquor:

* áudiat terra verba oris mei.

Concréscat ut plúvia doctrína mea, * fluat ut ros elóquium meum.

Quasi imber super herbam, et quasi stille super grámina. * Quia nomen Dómini invocábo.

Date magnificéntiam Deo nostro. * Dei perfécta sunt ópera, et omnes vie eius iudícia:

Deus fidélis, et absque ulla iniquitáte, iustus et rectus. * Peccavérunt ei, et non filii eius in sórdibus:

Generátio prava atque pervér-sa. * Héccine reddis Dómino, pópule stulte et insípiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum, * cógita generatiónes singulas:

Intérroga patrem tuum, et annuntiábit tibi: * maióres tuos, et dicent tibi.

Quando dividébat Altíssimus Gentes: * quando separábat filios Adam.

Constituit téminos populórum * iuxta númerum filiórum Israhël.

Pars autem Dómini, pópulus eius: * Iacob funículus hereditátis eius.

Invénit eum in terra desérta, * in loco horróris et vaste solitúdinis:

Circumdúxit eum, et dócuit:

* et custodívit quasi pupíllam
óculi sui.

Sicut áquila próvocans ad vo-
lándum pullos suos, * et super
eos vólitans,

Expándit alas suas, et as-
súmpsit eum, * atque portávit
in húmeris suis.

Dóminus solus dux eius fuit:
* et non erat cum eo deus alié-
nus.

Constitúit eum super excél-
sam terram: * ut coméderet
fructus agrórum,

Ut súgeret mel de petra, *
oleúmque de saxo duríssimo.

Butýrum de arménto, et lac de
óvibus * cum ádipe agnórum,
et ariétum filiórum Basan:

Et hircos cum medúlla tríti-
ci, * et sánguinem uve bíberet
meracíssimum.

Incrassátus est diléctus, et re-
calcitrávit: * incrassátus, im-
pinguátus, dilatátus,

Derelíquit Deum, factórem
suum, * et recéssit a Deo, sa-
lutári suo.

Provocavérunt eum in diis
aliénis, * et in abominatióni-
bus ad iracúndiam concitavé-
runt.

Immolavérunt demóniis, et
non Deo, * diis, quos ignorá-
bant:

Novi recentésque venérunt, *
quos non coluérunt patres eó-
rum.

Deum qui te génuit dereli-

quísti, * et oblítus es Dómini,
creatóris tui.

Vidit Dóminus, et ad iracún-
diam concitátus est: * quia
provocavérunt eum filii sui et
filie.

Et ait: Abscóndam fáciem
meam ab eis, * et considerábo
novíssima eórum:

Generátio enim perversa est,
* et infidéles filii.

Ipsi me provocavérunt in eo
qui non erat Deus, * et irrita-
vérunt in vanitatibus suis:

Et ego provocábo eos in eo qui
non est pópulus, * et in gente
stulta irritábo illos.

Ignis succénsus est in furóre
meo, * et ardébit usque ad in-
féрни novíssima.

Devorabítque terram cum
gérmine suo, * et móntium
fundaménta combúret.

Congregábo super eos mala, *
et sagíttas meas complébo in
eis.

Consuméntur fame, * et de-
vorábunt eos aves morsu ama-
ríssimo:

Dentes bestiárum immíttam
in eos, * cum furóre trahén-
tium super terram, atque ser-
péntium.

Foris vastábit eos gládus, et
intus pavor, * iúvenem simul
ac vírginem, lacténtem cum
hómine sene.

Dixi: Ubinam sunt? * cessáre
fáciam ex homínibus memó-
riam eórum.

Sed propter iram inimicórum

dístuli: * ne forte superbírent
hostes eórum.

Et dicerent: Manus nostra ex-
célsa, et non Dóminus, * fecit
hec ómnia.

Gens absque consílio est, et si-
ne prudéntia. † Utinam sápe-
rent, et intelligerent, * ac no-
víssima providérent.

Quómodo persecuátur unus
mille, * et duo fugent decem
mília?

Nonne ídeo, quia Deus suus
véndidit eos, * et Dóminus
conclúsit illos?

Non enim est Deus noster ut
dii eórum: * et inimíci nostri
sunt iúdice.

De vínea Sodomórum, vínea
eórum: * et de suburbánis Go-
mórrhe:

Uva eórum, uva fellis, * et bo-
tri amaríssimi.

Fel draconum vinum eórum:
* et venénium áspidum insa-
nábile.

Nonne hec cóndita sunt apud
me, * et signáta in thesáuris
meis?

Mea est últio, et ego retribúam
in témpore, * ut labátur pes
eórum:

Iuxta est dies perditionis, * et
adésse festínant témpora.

Iudicábit Dóminus pópulum
suum, * et in servis suis mi-
serébitur:

Vidébit quod infirmáta sit ma-
nus, † et clausi quoque defecé-
runt, * residuíque consúpti
sunt.

Et dicet: Ubi sunt dii eórum, *
in quibus habébant fidúciam?

De quorum víctimis comedé-
bant ádipes, * et bibébant vi-
num libáminum:

Surgant, et opituléntur vobis,
* et in necessitáte vos próte-
gant.

Vidéte quod ego sim solus, * et
non sit álius Deus preter me:

Ego occídám, et ego vívere fá-
ciam: † percútiam, et ego sa-
nábo, * et non est qui de manu
mea possit erúere.

Levábo ad celum manum
meam, et dicam: * Vivo ego
in etérnum.

Si acúero ut fulgur gládium
meum, * et arripúerit iudícium
manus mea:

Reddam ultiónem hóstibus
meis, * et his qui odérunt me
retribúam.

Inebriábo sagíttas meas sán-
guine, * et gládus meus devo-
rábit carnes:

De cruóre occisórum, * et de
captivitáte, nudáti inimicórum
cápitis.

Laudáte, gentes, pópulum
eius, * quia sánguinem ser-
vórum suórum ulciscétur:

Et vindíctam retribúet in ho-
stes eórum, * et propítius erit
terre pópuli sui.

MAGNÍFICAT * ánima mea
Dóminum.

Et exultávit spíritus meus * in
Deo salutári meo.

Quia respéxit humilitátem

ancille sue: * ecce enim ex hoc
beátam me dicent omnes ge-
neratiónes.

Quia fecit michi magna qui
potens est: * et sanctum no-
men eius.

Et misericórdia eius a progé-
nie in progénies * timéntibus
eum.

Fecit poténtiam in bráchio
suo: * dispérsit supérbos men-
te cordis sui.

Depósuit poténtes de sede, *
et exaltávit húmiles.

Esuriéntes implévit bonis: * et
dívites dimísit inánes.

Suscépit Israhël púerum
suum, * recordátus miseri-
córdie sue.

Sicut locútus est ad patres no-
stros, * Abraham et sémini
eius in sécula.

BENEDÍCTUS Dóminus, Deus
Israhël: * quia visitávit, et
fecit redemptiónem plebis sue:

Et eréxit cornu salútis nobis:
* in domo David, púeri sui.

Sicut locútus est per os sanc-
tórum, * qui a século sunt,
prophetárum eius:

Salútem ex inimícis nostris, *
et de manu ómnium, qui odé-
runt nos.

Ad faciéndam misericórdiam
cum pátribus nostris: * et me-
morári testaménti sui sancti.

Iusiurándum, quod iurávit ad
Abraham patrem nostrum, *
datúrum se nobis:

Ut sine timóre, de manu ini-

micórum nostrórum liberáti, *
serviámus illi.

In sanctitáte, et iustítia coram
ipso, * ómnibus diébus nostris.

Et tu, puer, Prophéta Altíssimi
vocáberis: * preíbis enim an-
te fáciem Dómini, paráre vias
eius:

Ad dandam sciéntiam salútis
plebi eius: * in remissiónem
peccatórum eórum:

Per víscera misericórdie Dei
nostri: * in quibus visitávit
nos, óriens ex alto:

Illumináre his, qui in téne-
bris, et in umbra mortis se-
dent: * ad dirigéndos pedes
nostros in viam pacis.

NUNC dimíttis servum
tuum, Dómine, * secún-
dum verbum tuum in pace:

Quia vidérunt óculi mei * sa-
lutáre tuum,

Quod parásti * ante fáciem
ómnium populórum,

Lumen ad revelatióem Gén-
tium, * et glóriam plebis tue
Israhël.

QUICÚMQUE vult salvus es-
se, * ante ómnia opus est,
ut téneat Cathólicam fidem:

Quam nisi quisque íntegram
inviolatámque serváverit, *
absque dúbio in etérnum pe-
ríbit.

Fides autem cathólica hec est:
† ut unum Deum in Trinitáte,
* et Trinitátem in unitáte ve-
nerémur.

Neque confundéntes persó-

nas, * neque substantiam separantes.

Alia est enim persona Patris, alia Filii, * alia Spiritus Sancti.

Sed Patris, et Filii, et Spiritus Sancti una est divinitas, * equalis gloria, coeterna maiestas.

Qualis Pater, talis Filius, * talis Spiritus Sanctus.

Increatus Pater, increatus Filius, * increatus Spiritus Sanctus.

Immensus Pater, immensus Filius, * immensus Spiritus Sanctus.

Eternus Pater, eternus Filius, * eternus Spiritus Sanctus.

Et tamen non tres eterni, * sed unus eternus.

Sicut non tres increati, nec tres immensi, * sed unus increatus, et unus immensus.

Similiter omnipotens Pater, omnipotens Filius, * omnipotens Spiritus Sanctus.

Et tamen non tres omnipotentes, * sed unus omnipotens.

Ita Deus Pater, Deus Filius, * Deus Spiritus Sanctus.

Ut tamen non tres Dii, * sed unus est Deus.

Ita Dominus Pater, Dominus Filius, * Dominus Spiritus Sanctus.

Et tamen non tres Domini, * sed unus est Dominus.

Quia, sicut singillatim unamquamque personam Deum ac

Dominum confiteri christiana veritate compellimur: * ita tres Deos aut Dominos dicere catholica religione prohibemur.

Pater a nullo est factus: * nec creatus, nec genitus.

Filius a Patre solo est: * non factus, nec creatus, sed genitus.

Spiritus Sanctus a Patre et Filio: * non factus, nec creatus, nec genitus, sed procedens.

Unus ergo Pater, non tres Patres: † unus Filius, non tres Filii: * unus Spiritus Sanctus, non tres Spiritus Sancti.

Et in hac Trinitate nichil prius aut posterius, † nichil maius aut minus: * sed tote tres persone coeterne sibi sunt et coequales.

Ita ut per omnia, sicut iam supra dictum est, † et unitas in Trinitate, * et Trinitas in unitate veneranda sit.

Qui vult ergo salvus esse, * ita de Trinitate sentiat.

Sed necessarium est ad eternam salutem, * ut Incarnationem quoque Domini nostri Iesu Christi fideliter credat.

Est ergo fides recta ut credamus et confiteamur, † quia Dominus noster Iesus Christus, Dei Filius * Deus et homo est.

Deus est ex substantia Patris ante secula genitus: * et homo est ex substantia matris in seculo natus.

Perfectus Deus, perfectus ho-

mo: * ex ánima rationáli et húmana carne subsístens.

Equális Patri secúndum divinitátem: * minor Patre secúndum humanitátem.

Qui, licet Deus sit et homo, * non duo tamen, sed unus est Christus.

Unus autem non conversióne divinitátis in carnem, * sed assumptióne humanitátis in Deum.

Unus omníno, non confusióne substántie, * sed unitáte persóne.

Nam sicut ánima rationális et caro unus est homo: * ita Deus et homo unus est Christus.

Qui passus est pro salúte nostra: descendit ad ínferos: * tértia die resurrexit a mórtuis.

Ascéndit ad celos, sedet ad dexteram Dei Patris omnipoténtis: * inde ventúrus est iudicáre vivos et mórtuos.

Ad cuius advéntum omnes hómines resúrgere habent cum corpóribus suis; * et redditúri sunt de factis própriis ratióne.

Et qui bona egérunt, ibunt in vitam etérnam: * qui vero mala, in ignem etérnum.

Hec est fides cathólica, † quam nisi quisque fidéliter firmitérque credíderit, * salvus esse non póterit.

CREDO in Deum, Patrem omnipoténtem, Creatórem celi et terre. Et in Iesum Christum, Fílium

eius únicum, Dóminum nostrum: qui concéptus est de Spíritu Sancto, natus ex María Vírgine,

Passus sub Póntio Piláto, crucifíxus, mórtuus, et sepúltus: Descéndit ad ínferos; tértia die resurrexit a mórtuis;

Ascéndit ad celos; sedet ad dexteram Dei Patris omnipoténtis: inde ventúrus est iudicáre vivos et mórtuos.

Credo in Spíritum Sanctum, sanctam Ecclésiám cathólicam, Sanctórum communióne, remissionem peccatórum, carnis resurrectionem, vitam etérnam. Amen.

KÝRIE, eléison.

Kýrie, eléison.

Christe, eléison.

Christe, eléison.

Kýrie, eléison.

Kýrie, eléison.

Christe, audi nos.

Christe, exáudi nos.

Pater de celis, Deus, miserére nobis.

Fili, Redémptor mundi, Deus, miserére nobis.

Spíritus Sancte, Deus, miserére nobis.

Sancta Trínitas, unus Deus, miserére nobis.

Sancta María, ora pro nobis.

Sancta Dei Génatrix, ora pro nobis.

Sancta Virgo vírginum, ora pro nobis.

Sancte Míchaël, ora pro nobis.

Sancte Gábriel, ora pro nobis.

Sancte Ráphaël, ora pro nobis.
 Omnes sancti Ángeli et Archángeli, oráte pro nobis.
 Omnes sancti beatórum Spirítuum órdenes, oráte pro nobis.
 Sancte Iohánnes Baptísta, ora pro nobis.
 Omnes sancti Patriárche et Prophéte, oráte pro nobis.
 Sancte Petre, ora pro nobis.
 Sancte Paule, ora pro nobis.
 Sancte Andréa, ora pro nobis.
 Sancte Iacóbe, ora pro nobis.
 Sancte Iohánnes, ora pro nobis.
 Sancte Thoma, ora pro nobis.
 Sancte Iacóbe, ora pro nobis.
 Sancte Philippe, ora pro nobis.
 Sancte Bartolomé, ora pro nobis.
 Sancte Matthée, ora pro nobis.
 Sancte Symon, ora pro nobis.
 Sancte Taddée, ora pro nobis.
 Sancte Matthía, ora pro nobis.
 Sancte Marce, ora pro nobis.
 Sancte Luca, ora pro nobis.
 Sancte Bárnaba, ora pro nobis.
 Omnes sancti Discípuli Dómini, oráte pro nobis.
 Omnes sancti Innocéntes, oráte pro nobis.
 Sancte Stéphane, ora pro nobis.
 Sancte Clemens, ora pro nobis.
 Sancte Cornéli, ora pro nobis.
 Sancte Cypriáne, ora pro nobis.
 Sancte Laurénti, ora pro nobis.
 Sancte Vincénti, ora pro nobis.
 Sancte Dyonísii cum sóciis

tuis, orá pro nobis.
 Sancte Máurici cum sóciis tuis, orá pro nobis.
 Sancte Sebastíane, ora pro nobis.
 Sancte Thoma, ora pro nobis.
 Sancte Petre, ora pro nobis.
 Omnes sancti Mártyres, oráte pro nobis.
 Sancte Silvéster, ora pro nobis.
 Sancte Hylári, ora pro nobis.
 Sancte Martíne, ora pro nobis.
 Sancte Augustíne, ora pro nobis.
 Sancte Ambrósi, ora pro nobis.
 Sancte Gregóri, ora pro nobis.
 Sancte Nicoláe, ora pro nobis.
 Sancte Domínice, ora pro nobis.
 Sancte Francísce, ora pro nobis.
 Sancte Hierónyme, ora pro nobis.
 Sancte Benedícite, ora pro nobis.
 Sancte Antóni, ora pro nobis.
 Omnes sancti Confessóres, oráte pro nobis.
 Sancta María Magdaléna, ora pro nobis.
 Sancta Felícitas, ora pro nobis.
 Sancta Perpétua, ora pro nobis.
 Sancta Agatha, ora pro nobis.
 Sancta Lúcia, ora pro nobis.
 Sancta Agnes, ora pro nobis.
 Sancta Cecília, ora pro nobis.
 Sancta Katharína, ora pro nobis.
 Omnes sancte Vírgines, oráte pro nobis.

Omnes Sancti, intercédite pro nobis.

Propítius esto, parce nobis, Dómine.

Propítius esto, exáudi nos, Dómine.

A damnatióne perpétua, libera nos, Dómine.

Ab imméntibus peccatórum nostrórum perículis, libera nos, Dómine.

Ab infestatióibus démonum, libera nos, Dómine.

Ab omni immundícia mentis et córporis, libera nos, Dómine.

Ab ira et ódio et omni mala voluntáte, libera nos, Dómine.

Ab immúndis cogitatióibus, libera nos, Dómine.

A cecitáte cordis, libera nos, Dómine.

A fúlgure et tempestáte, libera nos, Dómine.

Ab omni malo, libera nos, Dómine.

Per mystérium sancte Incarnatiónis tue, libera nos, Dómine.

Per passióem et crucem tuam, libera nos, Dómine.

Per gloriósam resurrectiόem tuam, libera nos, Dómine.

Per admirábilem ascensiόem tuam, libera nos, Dómine.

Per grátiam Sancti Spíritus Parácliti, libera nos, Dómine.

In die iudícii, libera nos, Dómine.

Peccatóres, te rogámus, audi nos.

Peccatóres, te rogámus, audi

nos.

Ut pacem nobis dones, te rogámus, audi nos.

Ut misericórdia et piétas tua nos custódiat, te rogámus, audi nos.

Ut Ecclésiám tuam sanctam régere et defensáre dignéris, te rogámus, audi nos.

Ut domnum Apostólicum et omnes gradus ecclésiæ in sancta religiόe conserváre dignéris, te rogámus, audi nos.

Ut Episcopos et Prelátos nostros et cunctas congregatióes illis commíssas in tuo sancto servício conserváre dignéris, te rogámus, audi nos.

Ut régibus et princípibus nostris pacem et veram concórdiam atque victóriam donáre dignéris, te rogámus, audi nos.

Ut cunctam pópulum christiánorum pretiόso ságuine tuo redéemptum conserváre dignéris, te rogámus, audi nos.

Ut ómnibus benefactoribus nostris sempitérna bona retríbuas, te rogámus, audi nos.

Ut ánimas nostras, et parentum nostrórum ab etérna damnatiόe erípias, te rogámus, audi nos.

Ut fructus terre dare et conserváre dignéris, te rogámus, audi nos.

Ut óculos misericórdie tue super nos redúcere dignéris, te rogámus, audi nos.

Ut obséquium servitútis nostre

rationábile fácias, te rogámus, audi nos.

Ut mentes nostras ad celéstia desidéria érigas, te rogámus, audi nos.

Ut misérias páuperum et captivórum intuéri et releváre dignéris, te rogámus, audi nos.

Ut loca nostra et omnes habitántes in eis visitáte et consolári dignéris, te rogámus, audi nos.

Ut reguláribus disciplínis nos instruére dignéris, te rogámus, audi nos.

Ut ómnibus fidélibus defúntis réquiem etérnam donáre, te rogámus, audi nos.

Ut nos exaudíre dignéris, te rogámus, audi nos.

Fili Dei, te rogámus, audi nos.

Fili Dei, te rogámus, audi nos.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, miserére nobis.

Agnus Dei, qui tollis peccáta mundi, miserére nobis.

TE Deum laudámus: * te Dóminum confitémur.

Te etérnum Patrem * omnis terra venerátur.

Tibi omnes Ángeli, * tibi Celi, et univérsae Potestátes:

Tibi Chérubim et Séraphim * incessábili voce proclámant:

Fit reverentia Sanctus, Sanctus, Sanctus * Dóminus Deus Sábaoth.

Pleni sunt celi et terra * maiestátis glórie tue.

Te gloriósus * Apostolórum chorus,

Te Prophetárum * laudábilis númerus,

Te Mártyrum candidátus * laudat exércitus.

Te per orbem terrárum * sancta confitétur Ecclésia,

Patrem * imménse maiestátis;

Venerándum tuum verum * et únicum Fílium;

Sanctum quoque * Paráclitum Spíritum.

Tu Rex glórie, * Christe.

Tu Patris * sempitérnus es Fílius.

Tu, ad liberándum susceptúrus hómínem: * non horruísti Vírginis úterum.

Tu, devícto mortis acúleo, * aperuísti credéntibus regna celórum.

Tu ad délixteram Dei sedes, * in glória Patris.

Iudex créderis * esse ventúrus.

Sequens versus dicitur flexis genibus

Te ergo quésumus, tuis fámulis súbveni, * quos pretiósó ságuine redemísti.

Etérna fac cum Sanctis tuis * in glória munerári. Salvum fac pópulum tuum, Dómine, * et bédedic hereditáti tue.

Et rege eos, * et extólle illos usque in etérnum.

Per síngulos dies * benedícimus te.

Fit reverentia, secundum consuetudinem Et laudámus nomen tuum in séculum, * et in séculum séculi.

Dignáre, Dómine, die isto * sine peccáto nos custodíre.

Miserére nostri, Dómine, * miserére nostri.

Fiat misericórdia tua, Dómine, super nos, * quemádmódum sperávimus in te.

In te, Dómine, sperávi: * non confúndar in etérnum.

De Officio Beate Virginis Cotidiano

OFFICIUM cotidianum beate virginis totum dicitur extra chorum, preter Completorium. Consuerunt autem dici inter duo signa horarum canonicarum. Attendendum tamen quod quando Missa cantatur in mediate post Primam et Tertia continuatur Misse, nisi est dicenda Tertia de Beata Virgine ante Primam diei, sed prius Tertiam similiter in Dominicis quando Nona dicitur in mediate post gratiarum actiones, si Vespere vel vigilie defunctorum continande fuerint Nona diei, nona de Beata Virgine dicatur post Vesperas, vel vi-

gilia defunctorum. Similiter in Quadragesima non sunt dicende Vespere de Beata Virgine ante Nonam diei, sed post Vesperas sive Nona et Vespere continentur, seu Vespere post Missam dicantur. Ante omnes autem horas dicatur Ave Maria gratia plena Dominus tecum **et qui incipit dicat usque** Dominus tecum **ita alte quod audiri possit, et alii sive unus, sive plures prosequantur** Benedicta tu in mulieribus et benedictus fructus ventris tui.

Ad Vesperas

DEUS in adiutorium **etc.** Gloria Patri. **etc.** Sicut erat. **et cetera.** Alleluya. **vel.** Laus tibi Domine rex eterne glorie. **Psalmi.** Dixit dominus. Lauda te pueri. Letatus sum. Nisi dominus. Lauda Hierusalem. **Ant.** Sancta dei genitrix virgo semper Maria intercede pro nobis ad Dominum deum nostrum. **Non dicatur in huiusmodi officio aliquid de antiphona in principio psalmorum. Capitulum.**

SICUT cynamomum et balsamum aromatizans odorem dedi, quasi mirra electa dedi suavitatem odoris. Deo gratias. **Ymnus.**

AVE maris stella, dei mater alma, atque semper virgo, felix celi porta.

Sumens illud ave gabrielis ore, funda nos in pace mutans nomen Eve.

Solve vincla reis, profer lu-

men cecis, mala nostra pelle,
bona cuncta posce.

Monstra te esse matrem, su-
mat per te precem, qui pro no-
bis natus, tulit esse tuus.

Virgo singularis, inter om-
nes mittis, nos culpis solutos
mites fac et castos.

Vitam presta puram, iter pa-
ra tutum, ut videntes Ihesum,
semper collemur.

Sit laus deo patri summo
christo decus, spiritui sancto
tribus honor unus. Amen.

V. Ora pro nobis sancta dei ge-
nitrix.

R. Ut digni efficiamur prom-
issionibus Christi.

Ad Magnificat Ant. Sancta Ma-
ria succure miseris, iuva pu-
sillanimes refove flebiles, ora
pro populo, interveni pro cle-
ro, intercede pro devoto femi-
neo sexu. Dominus vobiscum.
Et cum spiritu tuo. **vel.** Domi-
ne exaudi orationem meam. Et
clamor meus ad te veniat. **Si
non sit sacerdos qui dicit ora-
tionem. Et hoc idem servetur
semper in similibus castibus.**
Oremus. Oratio.

CONCEDE nos famulos tuos
quesumus domine deus,
perpetua mentis et corporis
salute gaudere, et gloriosa bea-
te Marie semper virginis in-
tercessione, a presenti liberari
tristitia, et eterna perfrui le-
ticia. Per Christum dominum
nostrum. Amen.

**Ad memoriam de omnibus
sanctis. Ant.** Sancta dei omnes

intercedere dignemini pro no-
stra omniumque salute. **V.** Ora-
te pro nobis omnes sancti dei.

R. Ut digni efficiamur prom-
issionibus Christi. Oremus. **Ora-
tio.**

TRIBUE quesumus domine
omnes sanctos tuos iugi-
ter orare pro nobis, et eos cle-
menter exaudire digneris. Per
Christum dominum nostrum.
Amen.

Ad memoriam de pace. Ant. Da
pacem domine in diebus no-
stris quia non est alius qui pu-
gnet pro nobis nisi tu deus no-
ster. **V.** Fiat pax in virtute tua. **R.**
Et abundantia in turribus tuis.
Oremus. **Oratio.**

DEUS a quo sancta deside-
ria, recta consilia, et iusta
sunt opera, da servis tuis illam
quam mundus dare non po-
test pacem, ut et corda nostra
mandatis tuis dedita, et ho-
stium sublata formidine tem-
pora sunt tua protectione tran-
quilla. Per dominum nostrum,
etc. Amen. Dominus vobiscum.
vel. Domine exaudi. etc. Bene-
dicamus domino. Deo gratias.

Ad Completorium

CONVERTE nos deus saluta-
ris noster. Et averte iram
tuam a nobis. Deus in adiu-
torium. etc. **Psalmi.** Memen-
to domine. Ecce quam bonum.
Ecce nunc. **Ant.** Virgo Maria
non est tibi similis nata in
mundo inter mulieres, florens
ut rosa, fragrans sicut lilium,

ora pro nobis sancta dei genitrix. **Capitulum.**

EGO mater pulchre dilectionis et timoris et agnitionis et sancte spei.

R. Intercede pro nobis sancta virgo virginum * Mater Dei Maria. **V.** Ut digni efficiamur promissionibus Christi. Mater. Gloria. Intercede. **Ymnus.**

VIRGO singularis, Inter omnes mitis, Nos culpis solutos Mites fac et castos.

Vitam presta puram, Iter para tutum, Ut videntes Ihesum, Semper collemur.

Sit laus Deo Patri Summo Christo decus, Spiritui Sancto Tribus honor unus. Amen.

V. Post partum virgo inviolata permansisti.

R. Dei genitrix intercede pro nobis.

Ad Nunc Dimittis. Ant. Sub tuum presidium confugimus sancta dei genitrix, nostras deprecationes ne despicias in necessitatibus sed a periculis cunctis libera nos semper virgo benedicta. Dominus vobiscum. etc. Oremus.

CONCEDE misericors deus fragilitati nostre presidium, ut qui sancte dei genitricis memoriam agimus, intercessionis eius auxilio, a nostris iniquitatibus resurgamus. Per eundem dominum nostrum. Dominus vobiscum. etc.

Ad Matutinas

DOMINE labia mea aperes.

Et os meum annunciabit laudem tuam. Deus in adiutorium. etc.

Invitato. Regem virginis filium * Venite adoremus.

Psalmus.

VENITE, exsultemus Domino, iubilemus Deo, salutari nostro: praeoccupemus faciem eius in confessione, et in psalmis iubilemus ei. Regem.

Quoniam Deus magnus Dominus, et Rex magnus super omnes deos, quoniam non repellit Dominus plebem suam: quia in manu eius sunt omnes fines terrae, et altitudines montium ipse conspicit.

Venite.

Quoniam ipsius est mare, et ipse fecit illud, et aridam fundaverunt manus eius venite, adoremus, et procidamus ante Deum: ploramus coram Domino, qui fecit nos, quia ipse est Dominus, Deus noster; nos autem populus eius, et oves pascuae eius.

Regem.

Hodie, si vocem eius audieritis, nolite obdurare corda vestra, sicut in exacerbatione secundum diem tentationis in deserto: ubi tentaverunt me patres vestri, probaverunt et viderunt opera mea.

Venite.

Quadraginta annis proximus fui generationi huic, et dixi; Semper hi errant corde, ip-

si vero non cognovérunt vias meas: quibus iurávi in ira mea; Si introíbunt in réquiem meam.

Regem.

Glória Patri, et Fílio, * et Spirítui Sancto.

Sicut erat in princípío, et nunc, et semper, * et in sæcula sæculórum. Amen.

Venite. Regem. **Ymnus.**

QUEM terra pontus ethera colunt adorant predicant, trinam regentem machinam claustrum Marie baiulat.

Cui luna sol et omnia, deserviunt per tempora perfusa celi gratia gestant puelle viscera.

Beata mater munere cuius supernus artifex mundum pugillo continens ventris sub archa clausus est.

Beata celi nuncio fecunda sancto spiritu desideratus gentibus cuius per alvum fusus est.

Gloria tibi domine qui natus es de virgine cum patre et sancto spiritu, in sempiterna secula. Amen.

Psalmi. Domine dominus noster. Celi enarrant. Domini est terra. **Ant.** Benedicta tu in mulieribus et benedictus fructus ventris tui. **℣.** Diffusa est gratia in labiis tuis. **R.** Propterea benedixit te deus in eternum. Pater noster. Et ne nos. Sed libera. Iube domne benedicere.

Benedictio. Alma virgo virginum, intercedat pro nobis ad

dominum. Amen. **Lectio Prima.**

SANCTA Maria virgo virginum mater et filia regis regum omnium, tuum nobis impende solatium, ut celestis regni per te mereamur habere premium, et cum electis dei regnare in perpetuum. Tu autem domine miserere nostri. Deo gratias.

R. Sancta et immaculata virginitas quibus te laudibus efferam nescio * Quia quem celi capere non poterant tuo gremio contulisti. **℣.** Benedicta tu in mulieribus et benedictus fructus ventris tui. Quia. Iube etc. **Benedictio.** Sancta dei genitrix sit nobis auxiliatrix. Amen. **Lectio Secunda.**

SANCTA Maria piarum piissima intercede pro nobis sanctarum sanctissima, per te virgo, sumat nostra precamina, qui pro nobis ex te natus regnat super ethera ut sua caritare nostra deleantur peccamina. Tu autem. etc.

R. Beata es Maria que domini portasti creatorem mundi * Genuisti qui te fecit et in eternum premanes virgo. **℣.** Ave Maria gratia plena dominus tecum. Genuisti. Iube do. ben. **Benedictio.** Nos cum prole pia benedicat virgo Maria. Amen. **Lectio Tertia.**

SANCTA dei genitrix que digne meruisti concipere quem totus orbis nequivit comprehendere, tuo pro inter-

ventu culpas nostas ablue, ut perrenis sedem glorie per te redempti valeamus scandere, ubi regnas cum eodem filio tuo sine tempore. Tu autem.

R. Felix namque es sacra virgo Maria et omni laude dignissima * Quia ex te ortus est sol iusticie * Christus deus noster. **V.** Ora pro populo interveni pro clero interde pro devoto femineo sexu, sentiant omnes tuum iuvamen quicumque celebrant tuam commemorationem. Quia. Gloria. Christus. Te Deum. **dicatur quando in choro dicitur.** **V.** Ora pro nobis sancta dei genitrix. **R.** Ut digni.

In Laudibus

Deus in adiutorium. etc. **Psalmi.** Dominus regnavit. Iubilante deo. II. Deus deus meus. II. Benedicite. Laudate dominum. **Ant.** Post partum virgo inviolata permansisti dei genitrix intercede pro nobis. **Capitulum.**

EGO quasi vitis fructificavi suavitatem odoris: et flores mei fructus honoris et honestatis. Deo gratias. **Ymnus.**

O gloriosa domina Excelsa supra sydera, Qui te creavit provide Lactasti sacro ubere.

Quod Eva tristis abstulit, Tu reddis almo germine, Intrent ut astra flebiles Celi fenestra facta es.

Tu regis ali ianua Et porta lucis fulgida, Vitam datam per vir-

ginem, Gentes redempte plaudite.

Gloria tibi domine Qui natus es de virgine Cum Patre et Sancto Spiritu, In Sempiterna secula. Amen.

V. Elegit eam deus et preelegit eam.

R. Et habitare eam facit in tabernaculo suo.

Ad Benedictus Ant. O gloriosa dei genitrix virgo semper Maria que dominum omnium meruisti portare et regem angelorum sola virgo semper lactare nostri quesumus pia memorare, et pro nobis Christum deprecare, ut tuis fulti patrociniiis ad celestia regna mereamur pervenire. Dominus vobiscum. Oremus. **C**oncede nos famulos tuos. etc. **Antiphone, Versiculi, Orationes, et alia pro memoriis omnia ut supra in vesperis.**

Ad Primam

Deus in adiutorium. **Ymnus.**

MEMENTO salutis actor Quod nostri quondam corporis, Ex illibata virgine, Nascendo formam sumpseris.

Maria mater gratie, Mater misericordie, Tu nos ab hoste protege Et hora mortis suscipe.

Gloria tibi domine Qui natus es de virgine Cum Patre et Sancto Spiritu, In Sempiterna secula. Amen.

Psalmi. Ad dominum. Levavi oculos. Letatus sum. **Ant.** Dignare me laudare te virgo sa-

crata, da michi virtutem contra hostes tuos. **Capitulum.**

AB initio et ante secula creata sum, et usque ad futurum seculum non desinam: et in habitatione sancta coram ipso ministravi. Deo gratias.

R. Post partum virgo, * Inviolata permansisti. **V.** Dei genitrix intercede pro nobis. Inviolata. Gloria. Post. **V.** Benedicta tu in mulieribus. **R.** Et benedictus fructus ventris tui. Dominus vobiscum. etc. **Oratio.**

GRATIAM tuam quesumus domine mentibus nostris infunde, ut qui angelo nunciante Christi filii tui incarnationem cognovimus per passionem eius et crucem, ad resurrectionis gloriam perducamur. Per eundem do. etc.

Ad Tertiam

Deus in adiutorium. etc. **Ymnus.** Memento salutis actor. **Psalmi.** Ad te levavi. Nisi quia dominus. Qui confidunt. Letatus sum. **Ant.** Gaude Maria virgo cunctas hereses sola interemisti in universo mundo. **Capitulum.**

ET sic in Syon firmata sum, et in civitate sanctificata similiter requievi, et in Iherusalem potestas mea. Deo gratias.

R. Sancta Maria mater Christi * Audi rogantes servulos. **V.** Et impetratam nobis celi tus tu defer indulgentiam. Audi. Gloria. Sancta. **V.** Ora pro nobis sancta dei genitrix. **R.** Ut

digni. etc. Dominus vobiscum. etc. **Oratio.** Concede nos famulos tuos. etc. Per do. etc.

Ad Sextam

Deus in adiutorium meum. etc. **Ymnus.** Memento salutis actor. **Psalmi.** In convertendo. Nisi dominus. Beati omnes. **Ant.** In prole mater, in partu virgo, gaude et letare virgo mater domini. **Capitulum.**

ET radicavi in populo honorificato: et in partes dei mei hereditas illius, et in plenitudine sanctorum detentio mea. Deo gratias.

R. Ora pro nobis * Sancta dei genitrix. **V.** Ut digni efficiamur promissionibus Christi. Sancta. Gloria. Ora. **V.** Elegit eam deus et preelegit eam. **R.** Et habitare eam facit in tabernaculo suo. Dominus vobiscum. Oremus. **Oratio.**

PROTEGE domine famulos tuos subsidiis pacis et beate Marie semper virginis patrociniiis confidentes: a cunctis hostibus redde securos. Per do. etc. **Concede nos famulos tuos.** etc. Per do. etc.

Ad Nonam

Deus in adiutorium. **Ymnus.** Memento salutis actor. etc. **Psalmi.** Sepe expugnaverunt. De profundis. Domine non est. **Ant.** Beata mater, et intacta virgo, gloriosa regina mundi intercede pro nobis ad dominum. **Capitulum.**

QUASI cedrus exaltata sum in Libano, et quasi Cy-

pressus in monte Syon, quasi palma exaltata sum in Cades, et quasi plantatio rose in Ihericho. Deo gratias.

R. Elegit eam deus * Et preelegit eam. **V.** Et habitare eam facit in tabernaculo suo. Et. Gloria. Elegit. **V.** Sancta dei genitrix virgo semper Maria. **R.** Intercede pro nobis ad dominum deum nostrum. Dominus vobiscum. **Oremus. Oratio.**

FAMULORUM tuorum quesumus domine delictis ignosce, ut qui tibi placere de actibus nostris non valemus, genitricis filii tui domini nostri Ihesu Christi intercessionem salvemur. Qui tecum vivit. etc.

Predicto modo fiat per totum annum cotidianum officium beate virginis quando faciendum est, excepto quo in Adventu dicitur ad Magnificat

Ant. O virgo virginum quomodo fiet istud, quia nec primam similem visa es nec habere sequentem, filie Iherusalem quid me admiramini, divinum est mysterium hoc quod cernitis.

Et ad Vesperas et ad Matutinas et ad Tertiam. Oratio.

DEUS qui de beate Marie virginis utero verbum tuum angelo nunciante carnem suscipere voluisti, presta supplicibus tuis, ut qui vere eam genitricem dei credimus, eius apud te intercessionibus adiuvemur. **Terminanda in Vesperis et Matutinas sic.** Per eum-

dem Christum dominum nostrum. **In Tertia vero sic.** Per eundem dominum nostrum. etc. Amen. **Item ab Octava Epiphanie usque ad Purificationem in eisdem Horis. Oratio.**

DEUS qui salutis eterne beate Marie virginitate fecunda, humano generi premia prestitisti, tribue quesumus ut ipsam pro nobis intercedere sentiamus, per quam meruimus actorem vite suscipere. **Terminanda in Vesperis et Matutinas sic.** Christum Dominum nostrum. **In Tertia vero sic.** Dominum nostrum Ihesum Christum. etc. Amen. **Item in tempore Paschali usque ab Penthecosten dicitur ad Magnificat Ant.** Regina celi letare alleluya quia quem meruisti portare alleluya, resurrexit sicut dixit, alleluya, ora pro nobis deum alleluya. **Sed in tempore Ascensionis dicitur.** Iam ascendit sicut dixit. **Ubi scriptum est.** Resurrexit.

De Quo Officium Sit Agendum

NOTANDUM quod per totum annum Officium tam diei quam noctis ad Horas faciendum est de Tempore nisi in festis Sanctorum et per octavas et in octavis eorum et nisi in Sabbatis quando de Beata Virgine agitur in conventu. Quando igitur de Tempore fuerit faciendum: omnibus Dominicis extra Tempus Pascale faciende sunt novem lectiones in Matutinis. In profestis autem diebus per totum annum fiant tantum tres nisi in Triduo ante Pasca. Tempus autem Paschale vocatur missa de vigilia Pasche et deinceps usque ad primas Vesperas Trinitatis exclusive.

De Responsorio in Primis Vesperis Dominice

OMNI tempore quando hystoria dominicalis in sua prima Dominica inchoatur, responsum dicendum est in primis Vesperis. Quando vero propter aliquod impedimentum Dominica non habet primas Vesperas, vel hystoria dominicalis non cantatur in Dominica in qua primo debuit inchoari: responsum in Vesperis de cetero non dicatur.

De Oratione Dominicali

NOTANDUM est quod oratio Dominicalis semper dicenda est in Sabbato precedenti ad Vesperas, et in ipsa Dominica ad omnes Horas tam

diei quam noctis quando de Dominica agitur, preterquam in Prima et in Completorio. Et hoc sciendum quod ubicumque dicitur lex oratio dicatur ad Horas nunquam intelligitur de Prima neque de Completorio nisi specialiter exprimatur. Dicenda est etiam oratio Dominicalis per ferias sequentis ebdomade usque ad Vesperas Sabbati exclusive ad omnes Horas tam diei quam noctis quando de Tempore agitur: nisi in ieiuniis Quatuor Temporum Adventus et in quarta feria Cinerum et deinceps usque ad Dominicam in Albis exclusive, et nisi in tribus diebus Rogationum, et nisi in ebdomada Pentecostes, et nisi due aut plures orationes Dominicales infra ebdomadam sint dicende. Quando vero due vel plures orationes infra unam ebdomadam dicende fuerint, postquam una infra ebdomadam fuerit incepta, dicatur quando de Tempore agitur usque dum alia inchoetur: et sic deinceps si plures dicende fuerint. Ille autem orationes que infra ebdomadam inchoantur, semper sunt in Laudibus inchoande. Hoc etiam sciendum quod oratio que dicitur ad Laudibus semper dicenda est ad Tertiam, Sextam et Nonam nisi in ieiuniis Quatuor Temporum Adventus et in duobus diebus Rogationum. Dicitur etiam ad Vesperas quando agitur de eo-

dem de quo in Laudibus, nisi per ferias in Quadragesima et in duobus diebus Rogationum.

De Omelia Dominicali Quando Legenda vel Transferenda vel Officio Dimittenda Sit

IN omni Dominica, nisi festum vel octava dies festi habentis octavam impediat, tres ultime lectiones de expositione Evangelii dominicalis legantur preterquam in vigilia Natalis Domini, quando in Dominica evenerit, tunc enim omelia dominicalis omittitur illo anno. Et nisi quando aliqua vigilia habens propriam omeliam in Dominica evenerit. Tunc enim tres ultime lectiones erunt de omelia vigilie et omelia dominicalis in aliquam feriam transferetur, preterquam in vigilia Sancti Andree, quando in Dominica evenerit. Tunc enim omelia dominicalis legenda est, et omelia de vigilia illo anno penitus dimittenda. Quando vero propter aliquod impedimentum dominicalis omelia non legitur in Dominica, semper infra ebdomadam suam in aliqua feria est legenda, nisi quando festum Sancti Silvestri in Dominica evenerit, et quando festum Beati Petri Martiris, vel Apostolorum Philippi et Iacobi vel Sancte Crucis vel Corone Domini, in Dominica ante Ascensionem evenerint. Tunc enim omelia dominicalis dimittitur illo anno. Dimit-

tuntur etiam due ultime omelie dominicales que sunt post, Domine ne in ira, quando inter octavas Epiphanie et Septuagesimam non sunt ferie vacantes in quibus possint legi. Similiter et omelia Evangelii Loquente Ihesu dimittitur quando tantum viginti due septimane fuerint inter Deus omnium, et Adventum, si in vicesima secunda septimana non fuerint tot ferie vacantes, quod omnia Evangelia legi possint.

Te Deum. dicatur omnibus Dominicis, preterquam in Adventu et in Septuagesima et deinceps usque ad Pascha exclusive, nisi quando festum Purificationis in Septuagesima vel Sexagesima vel Quinquagesima evenerit.

De Divisione Hystorie Dominicalis per Ferias

SCIENDUM quod per totum annum responsoria de hystoria dominicali per ebdomadam, quando de Tempore agitur hoc ordine sunt dicenda. Videlicet in secunda et quinta feria, tria prima. In tertia et sexta feria tria media. In quarta feria et Sabbato, tria ultima, et hoc observandum est nisi aliter sint signata. Quando autem festum aliquod infra ebdomadam celebratur, nichilominus ordo predictus in reliquis feriis observetur.

**Ubi Adventus Domini
Celebrandus Sit**

ADVENTUS Domini semper celebrari debet in Dominica que vicinior est diei Sancti Andree, sive precedat sive sequatur, vel in ipso die Sancti Andree quando in Dominica evenerit. Omnia que ad Horas tam diei quam noctis per totum Adventum dicenda sunt, que in Breviario non sunt notata, dicenda sunt secundum quod in Dominica, Domine ne in ira et in eius feriis sunt signata.

Dominica Prima in Adventu

Domini Sabbato Precedenti

Ad Vesperas. Ant. Benedictus. **Psalmi.** Super psalmos. **Cetere ad ceteros. Capitulum.**

ECCE dies veniunt dicit dominus et suscitabo David germen iustum, et regnabit rex et sapiens erit, et faciet iudicium et iusticiam in terra. **R.** Missus est. **III. Ymnus.**

CONDITOR alme syderum, eterna lux credentium, Christe redemptor omnium, exaudi preces supplicum.

Qui condolens interitu mortis perire seculum, salvasti mundum languidum, donans reis remedium.

Vergente mundi vespere uti sponsus de thalamo, egressus honestissima virginis matris clausula.

Cuius forti potentie genu cur-

vantur omnia, celestia terrestria fatentur nutu subdita.

Te deprecamur Aggie venturre iudex seculi conserva nos in tempore hostis a telo perfidi.

Laus honor virtus gloria Deo Patri et Filio, sancto simul Paraclito in sempiterna secula. Amen.

V. Rorate celi desuper et nubes pluant iustum.

R. Aperiatur terra et germinet salvatorem.

Ad Magnificat. Ant. Ecce nomen domini venite de longinquo, et claritas eius replet orbem terrarum. **Oratio.**

EXCITA quesumus domine potentiam tuam et veni, ut ab imminentibus peccatorum nostrorum periculis te mereamur protegente eripi, te liberante salvari. Qui vivis.

Ad Matutinas. Invitat. Ecce venit rex * Occurramus obviam salvatori nostro. **Ymnus.**

VERBUM supernum prodiens a patre olim exiens, qui natus orbi subvenis cursu declivi temporis.

Illumina nunc pectora tuoque amore concrema, audito ut preconio sint pulsa tandem lubrica.

Iudexque cum post aderis rimari facta pectoris reddens vicem per abditis iustisque regnum per bonis.

Non demum arctemur malis pro qualitate criminis sed cum

beatis compotes simus perennes celibes.

Laus honor virtus gloria Deo Patri et Filio, sancto simul Paraclito in sempiterna secula. Amen.

In Primo Nocturno. Ant. Scientes quia hora est iam nos de somno surgere, nunc enim proprio est nostra salus quam cum credidimus, nox precessit dies autem appropinquavit. **Psalmi.** Beatus vir. I. Quare fremuerunt. Domine quid. Domine ne in. I. Gloria patri. Domine deus meus. Domine dominus noster. Confitebor tibi. I. In domino confido. Gloria patri. Salvum me fac. Usquequo domine. Dixit insipiens. Domine quis habitabit. Gloria. **V.** Ex Syon species decoris eius. **R.** Deus noster manifeste veniet.

Lectio Prima.

VISIO Ysaie filii Amos, quam vidit super Iudam et Hierusalem, in diebus Ozie, Ioathan, Achaz, Ezechie, regum Iuda. Audite celi et auribus percipe terra: quoniam dominus locutus est. Filios enutri vi et exaltavi: ipsi autem spreverunt me. Hec dicit dominus deus, convertimini ad me et salvi eritis.

R. Aspiciens a longe, ecce video dei potentiam venientem et nebulam totam terram turgentem, * Ite obviam ei et dicite, * Nuntia nobis si tu es ipse, * Qui regnaturus es, * In populo Israhel. **V.** Quique terri-

gene et filii hominum simul in unum dives et pauper: Ite. Repetatur usque in finem. **V.** Qui regis Israhel intende qui deducis velut ovem Ioseph. Nuntia. Usque in finem. **V.** Excita domine potentiam tuam et veni et salvos facias nos. Qui regnaturus. Usque in finem. Gloria Patri. In populo Israhel. **R.** Aspiciens.

Lectio Secunda.

COGNOVIT bos possessorem suum, et asinus presepe domini sui: Israhel autem me non cognovit et populus meus non intellexit. Ve genti peccatrici, populo gravi iniquitate, semini nequam, filiis sceleratis. Dereliquerunt dominum: blasphemaverunt sanctum Israhel, abalienati sunt retrorsum. Hec dicit.

R. Aspiciebam in visu noctis, et ecce in nubibus celi filius hominis venit et datum est ei regnum et honor, * Et omnis populus tribus et lingue servient ei. **V.** Potestas eius potestas eterna que non auferetur, et regnum eius quod non corrumpetur. Et.

Lectio Tertia.

SUPER quo percutiam vos ultra addentes prevaricationem? Omne caput languidum, et omne cor merens, a planta pedis usque ad verticem non est in eo sanitas. Vulnus et livor et plaga tumens, non est circumligata, neque curata me-

dicamine, neque fota oleo. Hec dicit.

R. Missus est Gabriel angelus ad Mariam virginem desponsatam Ioseph nuncians ei verbum et expavescit virgo de lumine, ne timeas Maria invenisti gratiam apud Dominum, ecce concipies et paries, * Et vocabitur altissimi filius. **V.** Dabit ei dominus deus sedem David patris eius, et regnabit in domo Iacob in eternum. Et. Gloria. Et.

In Secundo Nocturno. Ant. Hora est iam nos de somno surgere, et aperti sunt oculi nostri surgere ad Christum, quia lux vera est fulgens in mundo.

Psalmi. Conserva me domine. Gloria. Exaudi domine. Gloria. Diligam te. Gloria. **V.** Egredietur virga de radice Iesse. **R.** Et flos de radice eius ascendet.

Lectio Quarta.

TERRA vestra deserta: civitates vestre succensae igni. Regionem vestram coram vobis alieni devorant, et desolabitur sicut in vastitate hostili. Et derelinquetur filia Syon ut umbraculum in vinea, et sicut tugurium in cucumerario, sicut civitas que vastatur. Hec dicit.

R. Ave Maria gratia plena dominus tecum, * Spiritus sanctos superveniet in te et virtus altissimi obumbrabit tibi, quod enim ex te nascetur sanctum vocabitur filius dei. **V.** Quomodo fiet istud quoniam virum

non cognosco, et respondens angelus dixit ei. Spiritus.

Lectio Quinta.

NISI dominus exercituum reliquisset nobis semen, quasi Sodoma fuisset, et quasi Gomorra similes essemus. Audite verbum domini principes Sodomorum, auribus percipite legem dei nostri populus Gomorre. Quo michi multitudinem victimarum vestrarum dicit dominus? Plenus sum. Hec dicit.

R. Salvatorem expectamus dominum Ihesum Christum, * Qui reformabit corpus humilitatis nostre configuratum corpori claritatis sue. **V.** Sobrie et iuste et pie vivamus in hoc seculo expectantes beatam spem et adventum glorie magni dei. Qui.

Lectio Sexta.

HOLOCAUSTA arietum et adipem pinguium, et sanguinem vitulorum et agnorum et hyrcorum, nolui. Cum veniretis ante conspectum meum quis quesivit hec de manibus vestris, ut ambularetis in atriis meis? Ne offeratis ultra sacrificium frustra. Incensum abominatio est michi. Neomeniam, et sabbatum, et festivitates alias non feram. Hec dicit.

R. Audite verbum dominum gentes et annunciate illud in finibus terre et in insulis que procul sunt dicite, * Salvator noster adveniet. **V.** Annunciate

et auditum facite loquimini et clamare. Salvator. Gloria. Salvator.

In Tertio Nocturno. Ant. Nox precessit dies autem appropinquavit, abiciamus ergo opera tenebrarum et induamur arma lucis sicut in die honeste ambulemus. **Psalmi.** Celi enarrant. Gloria. Exaudiet te. Gloria. Domine in virtute. Gloria. **V.** Egredietur dominus de loco sancto suo. **R.** Veniet ut salvet populum suum.

Lectio VII.

Lectio sancti Evangelium Secundum Matheum.

IN illo tempore: Cum appropinquassent Ihesus Iherosolimis, et venissent Bethphage ad montem Oliveti, tunc misit duos discipulos dicens eis. Ite in castellum quod contra vos est. Et reliqua.

Omelia Beati Ambrosii Episcopi.

PULCHRE relictis Iudeis habitaturus in mentibus gentium, templum dominus ascendit. Hoc enim templum est: quod fidei series non lapidum structura fundavit. Deseruntur ergo qui adorant, eliguntur qui amaturi erant.

R. Ecce virgo concipiet et pariet filium dicit dominus, et vocabitur nomen eius, * Admirabilis deus fortis. **V.** Super solium David et super regnum eius sedebit in eternum. Admirabilis.

Lectio VIII.

ET ideo ad montem venit Oliveti, ut novellas olivas in sublimi virtute plantaret, quorum mater est illa que sursum est Hierusalem. In hoc monte est ille celestis agricola, ut plantati omnes in domo domini possint veraciter dicere. Ego sicut oliva fructifera in domo domini.

R. Obsecro domine mitte quem missurus es, vide afflictionem populi tui sicut locutus es, * Veni et libera nos. **V.** A solis ortu et occasu ab aquilone et mari. Veni.

Lectio IX.

ET fortasse ipse Christus mons est. Quis enim alius tales fructus ferret olivarum, non curvescentium ubertate baccarum, sed spiritus plenitudine gentium fecundarum? Ipse est per quem ascendimus. Ipse est ianua, ipse est via, qui aperitur et aperit, qui pulsatur ab ingredientibus et ab egredientibus adoratur.

R. Ecce dies veniunt dicit dominus, et suscitabo David germen iustum, et regnabit rex et sapiens erit, et faciet iudicium et iusticiam in terra, * Et hoc est nomen quod vocabunt eum, * Dominus iustus noster.

V. In diebus illis salvabitur Iuda et Israhel habitabit confidenter. Et. Gloria. Dominus.

Non dicatur, Te Deum. per totum Adventum nisi in festis sanctorum, sed nonum re-

sponsorium in omnibus dominicis repetatur.

V. Emitte agnum domine dominatorem terre.

R. De petra deserti ad montem filie Syon.

Predictus versiculus dicatur per totum Adventum quando de tempore agitur.

In Laudibus. Ant. In illa die stillabunt montes dulcedinem et colles fluent lac et mel, alleluya. **Ps.** Dominus regnavit.

Ant. Iocundare filia Syon exulta satis filia Hierusalem, alleluya. **Ps.** Iubilare deo. II. **Ant.**

Ecce dominus veniet et omnes sancti eius cum eo et erit in die illa lux magna, alleluya. **Ps.**

Deus deus meus. II. **Ant.** Omnes scientes venite ad aquas, querite dominum dum inveniri potest, alleluya. **Can.**

Benedicite. **Ant.** Ecce veniet propheta magnus et ipse renovabitur Iherusalem, alleluya. **Ps.**

Laudate dominum. **Cap.** Ecce dies. **Ymnus.**

VOX clara ecce intonat obscura queque increpat pellantur eminus somnia ab ethre Christus promicat.

Mens iam resurgat torpida que sorde extat saucia, sydus refulget iam novum, ut tollat omne noxium.

E sursum agnus mittitur laxare gratis debitum, omnes pro indulgentia vocem demus cum lacrimis.

Secundo ut cum fulserit,

mundumque horror cinxerit, non pro reatu puniat sed pius nos tunc protegat.

Laus honor virtus gloria Deo Patri et Filio, sancto simul Paraclito in sempiterna secula. Amen.

V. Vox clamantis in deserto.

R. Parate viam domini.

Ad Benedictus. Ant. Spiritus sanctus in te descendet Maria ne timeas, habebis in utero filium dei alleluya.

Ad horas diei antiphone laudum quarta pretermissa et hoc per totum Adventum in Dominicis observetur.

Ad Primam. R. Ihesu Christe fili dei vivi miserere nobis. **V.** Qui venturus es in mundum.

Hic versus dicatur ad primam per totum Adventum etiam in festis sanctorum.

Ad Tertiam. Cap. Ecce dies.

R. Veni ad liberandum nos, * Domine deus virtutum. **V.** Ostende faciem tuam et salvi erimus. Domine. Gloria. Veni. **V.** Timebunt gentes nomen tuum domine. **R.** Et omnes reges terre gloriam tuam.

Ad Sextam. Capitulum.

IN diebus illis salvabitur Iuda et Israhel habitabit confidenter, et hoc est nomen quod vocabunt eum dominus iustus noster.

R. Ostende nobis domine * Misericordiam tuam. **V.** Et salutare tuum da nobis. Misericordiam. Gloria. Ostende. **V.** Memento nostri domine in bene-

placito populi tui. **R.** Visita nos in salutari tuo.

Ad Nonam. Capitulum.

ERIT in novissimis diebus preparatus mons domus domini in vertice montium, et elevabitur super colles et fluent ad eum omnes gentes.

R. Super te Hierusalem, * Orietur dominus. **V.** Et gloria eius in te videbitur. Orietur. Gloria. Super. **V.** Domine deus virtutum converte nos. **R.** Et ostende faciem tuam et salvi erimus.

Ad Vesperas. Capitulum, Ymnus, V, ut supra in primis Vesperis. **Ad Magnificat. Ant.** Ne timeas Maria invenisti gratiam apud dominum, ecce concipies et paries filium alleluya.

Huius diei capitula, Ymni, versiculi, et responsoria horarum cum suis versiculis dicantur suis locis quando agitur de Adventu usque ad vigiliam Natalis Domini exclusive.

Feria Secunda. Ad Matutinas. Invitat. Regem venturum dominum * Venite adoremus.

Hoc invitatorium dicatur cotidie per Adventum in profestis diebus usque ad Vigiliam Natalis Domini, nisi in ieiuniis quatuor temporum. V. Ex Syon. Lectiones feriales a secundo capitulo usque ad quartum decimum accipe ubi volueris. Et nota quod illi qui non habent Biblias possunt repetere per ferias lectiones dominicales prenotatas. Qui vero habent

possunt repetere vel quod melius est legere in capitulis predictis. Et hoc similiter in sequentibus observetur. R. Aspicis. **V.** Excita domine, sine Gloria Patri. **R.** Aspiciebam. **R.** Missus est. **Ad Ben. Ant.** Angelus domini nunciavit Marie et concepit de Spiritu Sancto alleluya. **Ad Primam. Ant.** Veni et libera nos deus noster. **Ad Tertiam. Ant.** Veni domine et noli tardare relaxa facinora plebis tue Israhel. **Ad Sextam. Ant.** Tuam domine excita potentiam et veni ad salvandum nos. **Ad Nonam. Ant.** In tuo adventu erue nos domine.

Precedentis antiphone dicantur in profestis diebus ad horas per Adventum. Ad Mag. Ant. Hierusalem respice ad orientem et vide alleluya.

Feria Tertia. V. Egredietur virga. **Ad Ben. Ant.** Leva Hierusalem oculos et vide potentiam regis, ecce salvator venit solve te a vinculo. **Ad Mag. Ant.** Querite dominum dum inveniri potest, invocate eum dum prope est alleluya.

Feria Quarta. V. Egredietur dominus.

Predicti tres versiculi dicantur per Adventum in profestis diebus secundum ordinem nocturnorum. Ad Ben. Ant. De Syon exhibit lex et verbum domini de Hierusalem. **Ad Mag. Ant.** Veniet fortior me post me cuius non sum dignus solve-

re corrigiam calciamentorum eius.

Feria Quinta. Ad Ben. Ant. Benedicta tu in mulieribus et benedictus fructus ventris tui. **Ad Mag. Ant.** Expectabo dominum salvatorem meum, et prestolabor eum dum prope est alleluya.

Feria Sexta. Ad Ben. Ant. Ecce veniet deus et homo de domo David sedere in throno alleluya.

Ad Mag. Ant. Ex Egypto vocavi filium emum veniet ut salvet populum suum.

Sabbato. Ad Ben. Ant. Syon noli timere ecce deus tuus veniet alleluya.

Dominica Secunda Sabbato Precedenti

Ad Vesperas R. Ecce dominus veniet. **II. Ad Mag. Ant.** Veni domine visitare nos in pace ut letemur coram te corde perfecto. **Oratio.**

EXCITA domine corda nostra ad preparandas unigeniti tui vias, ut per eius adventum purificatis tibi mentibus servite mereamur. Qui tecum.

Ad Matutinas. Invitat. Rex noster adveniet Christus * Quem Iohannes predicavit agnum esse venturum.

Antiphona, psalmi, et versiculi nocturnorum sicut in precedenti Dominica.

Lectio Prima.

PROPE est ut veniat tempus eius, et dies eius non elongabuntur. Miserebitur enim dominus Iacob, et eliget ad-

huc de Israhel, et requiescere eos faciet super humum suam. Adiungetur advena ad eos, et adherabit domui Iacob. Et tenebunt eos populi: et adducent eos in locum suum et possidebit eos domus Israhel super terram domini in servos et ancillas. Et erunt capientes eos qui se ceperant: et subiicient exactores suos. Hec dicit.

R. Hierusalem cito veniet salus tua, quare merore consume-
ris, nunquid consilarius non est tibi quia innovavit te dolor,
* Salvabo te et liberabo te noli timere. **V.** Israhel si me audieris non erit in te deus recens neque adorabis deum alienum ego enim dominus. Salvabo.

Lectio Secunda.

ET erit, in die illa cum requiem dederit tibi Deus a labore tuo, et a concussione tua et a servitute dura qua ante servisti: sumes parabolam istam contra regem Babylonis et dices. Quomodo cessavit exactor: quievit tributum? Contrivit dominus baculum impiorum, virgam dominantium cedentem populos in indignatione plaga insanabili, subicientem in furore gentes: persequentem crudeliter. Hec dicit.

R. Ecce dominus veniet et omnes sancti eius cum eo, et erit in die illa lux magna, et exhibunt de Hierusalem sicut aqua munda, et regnabit dominus in eternum, * Super omnes gen-

tes. **V.** Ecce dominus cum virtute veniet et regnum in manu eius et potestas et imperium. Super.

Lectio Tertia.

CONQUIEVIT, et siluit omnis terra: gavisa est et exultavit. Abietes quoque letate sunt super te, et cedri Libani. Ex quo dormisti, non ascendit qui succidat nos. Infernus subter conturbatus est in occursum adventus tui: suscitavit tibi gigantes. Hec dicit.

R. Civitas Hierusalem noli flere, quoniam doluit dominus super te, * Et auferet a te omnem tribulationem. **V.** Ecce in fortitudine veniet et brachium eius dominabitur. Et. Gloria. Et.

Lectio Quarta.

OMNES principes terre surrexerunt de solis suis, omnes principes nationum. Universi respondebunt, et dicent tibi. Et tu vulneratus es sicut et nos, nostri similis effectus es. Detracta est ad inferos superbia tua: concidit cadaver tuum. Subter te sternetur tineae, et operimentum tuum erunt vermes. Hec dicit.

R. Ecce veniet dominus protector noster sanctus Israhel, * Corona regni habens in capite suo. **V.** Et dominabitur a mari usque ad mare, et a flumine usque ad terminos orbis terrarum. Corona.

Lectio Quinta.

QUOMODO cecidisti de celo Lucifer qui mane orie-

baris: corruisti in terram qui vulnerabas gentes? Qui dicebas in corde tuo. In celum conscendam, super astra dei exaltabo solium meum. Sedebo in monte testamenti: in lateribus aquilonis. Ascendam super altitudinem nubium, similis ero altissimo. Veruntamen ad infernum detraheris, in profundum laci. Hec dicit.

R. Sicut mater consolatur filius suos ita consolabor vos dicit dominus, et de Hierusalem civitate quam elegi veniet vobis auxilium, et videbitis, * Et gaudebit cor vestrum. **V.** Dabo in Syon salutem et in Hierusalem gloriam meam. Et.

Lectio Sexta.

QUI te viderint ad te inclinabuntur, teque prospicient. Nunquid iste est vir qui conturbavit terram, qui concussit regna qui posuit orbem desertum, et urbes eius destruxit, vinctis eius non aperuit carcerem? Omnes reges gentium universi dormierunt in gloria vir in domo sua. Hec dicit.

R. Hierusalem plantabis vineam in montibus tuis et exultabis quia dies domini veniet, surge Syon convertere ad deum tuum, gaudete et letare Iacob, * Quia de medio gentium salvator tuus veniet. **V.** Exulta satis filia Syon, iubila filia Hierusalem. Quia. Gloria. Quia.

Lectio VII. Secundum Lucam.

IN illo tempore: Dixit Ihesus

discipulis suis. Erunt signa in sole et luna et stellis, et in terris pressura gentium, pre confusione sonitus maris et fluctuum, arescentibus hominibus pre timore et expectatione que supervenient universo orbi. Et reliqua.

Omelia Beati Gregorii Pape. ✠

DOMINUS ac redemptor noster paratos nos invenire desiderans, senescentem mundum que mala sequantur denunciatur: ut nos ab eius amore compescat. Appropinquantem eius terminum quante percutiones preveniant innotescit ut si Deum metuere in tranquillitate nolumus: vicinum eius iudicium vel percussionibus attriti timeamus.

R. Egredietur dominus de Samaria ad portam que respicit ad orientem et veniet in Bethleem ambulans super aquas redemptionis vide, * Tunc salvus erit omnis homo quia ecce veniet. **V.** Et preparabitur in misericordia solium eius et sedebit super illud iudicans in equitate. Tunc.

Lectio VIII.

HINC lectioni sancti Evangelii paulo superius dominus premisit dicens. Exurgat gens contra gentem, et regnum terremotus magni per loca, et pestilentie et fames. Et quibusdam interpositis, hoc quod modo audistis adiunxit. Et erunt signa in sole et luna et stellis.

R. Docebit nos dominus vias suas, et ambulabimus in semitis eius, * Quia de Syon exhibit lex et verbum domini de Hierusalem. **V.** Venite ascendamus ad montem domini, et ad domum dei Iacob. Quia.

Lectio IX.

EX his profecto omnibus alia iam facta cernimus, alia in proximo ventura formidamus. Nam gentem supra contra gentem exurgere, earumque pressuram terris insistere, plus iam in nostris tribulationibus quam in codicibus legimus. Quod terremotus urbes innumeras subruat ex aliis mundi partibus scitis quam frequenter audivimus. Pestilentias sine cessatione patimur.

R. Rex noster adveniet Christus * Quem Iohannes predicavit agnum esse venturum.

V. Super ipsum continebunt reges os suum ipsum gentes deprecabuntur. Quem. Gloria. Quem. Rex.

In Laudibus. Ant. Ecce in nubibus celi dominus veniet cum potestate magna alleluya. **Ps.**

Dominus regnavit. **Ant.** Urbs fortitudinis nostre Syon, salvator ponetur in ea murus et ante murale, aperite portas quia nobiscum deus alleluya.

Ps. Iubilare deo. II. **Ant.** Ecce apparebit dominus et non mentietur, si moram fecerit expecta eum quia veniet et non tardabit, alleluya. **Ps.** Deus

deus meus. II. **Ant.** Montes et colles cantabunt coram deo laudem, et omnia ligna silvarum plaudent manibus, quia veniet dominus dominator in regnum eternum, alleluya alleluya. **Can.** Benedicite. **Ant.** Ecce dominus noster cum virtute veniet, et illuminabit oculos servorum suorum alleluya. **Ps.** Laudate dominum. **Ad Ben.** **Ant.** Super solium David et super regnum eius sedebit in eternum alleluya. **Ad Mag.** **Ant.** Beata es Maria que credidisti, perficientur in te que dicta sunt tibi a domino alleluya.

Lectiones feriales a decimo sexto capitulo usque ad trigesimo ubi volueris.

Feria Secunda. Ad Benedictus. **Ant.** De celo veniet dominator dominus et in manu eius honor et imperium. **Ad Mag.** **Ant.** Ecce rex veniet dominus terre, et ipse auferet iugum captivitatis nostre.

Feria Tertia. Ad Ben. **Ant.** Super te Hierusalem orietur dominus, et gloria eius in te videbitur. **Ad Mag.** **Ant.** Vox clamantis in deserto parate viam domini rectas facite semitas dei nostri.

Feria Quarta. Ad Ben. **Ant.** Ecce mitto angelum meum qui preparabit viam tuam ante faciem tuam. **Ad Mag.** **Ant.** Syon renovaberis et videbis iustum tuum qui venturus est in te.

Feria Quinta. Ad Ben. **Ant.** Tu es qui venturus es domine quem expectamus ut salvum facias

populum tuum. **Ad Mag.** **Ant.** Qui post me venit ante me factus est, cuius non sum dignus calciamenta solvere.

Feria Sexta. Ad Ben. **Ant.** Dicite pusillanimes confortamini, ecce dominus deus noster veniet. **Ad Mag.** **Ant.** Cantate domino canticum novum laus eius ab extremis terre.

Sabbato. Ad Ben. **Ant.** Levabit dominus signum in nationibus et congregabit dispersos Israel.

Dominica Tercia Sabbato Precedenti

Ad Vesperas R. Qui venturus, III. **Ad Mag.** **Ant.** Ante me non est formatus deus, et post me non erit quia michi curvabitur omne genui et confitebitur omnis lingua. **Oratio.**

AUREM tuam quesumus domine precibus nostris accommoda et mentis nostre tenebras gratia tue visitationis illustra. Qui vivis.

Ad Matutinas. Invitat. Surgite vigilemus, venite adoremus, * Quia nescitis horam quando veniet dominus.

Antiphone, psalmi, et versiculi nocturnorum sicut in Prima Dominica.

Lectio Prima.

HEC dicit dominus deus sanctus Israel: Si revertamini et quiescatis: salvi eritis. In silentio et in spe: erit fortitudo vestra. Et noluitis et dixistis. Nequaquam: sed ad

equos fugiemus. Ideo fugietis. Et super veloces ascendemus. Ideo veloces erunt qui persequuntur vos. Hec dicit.

R. Ecce apparebit dominus super nubem candidam et cum eo sanctorum milia, habens in vestimento et in femore suo scriptum, * Rex regum et dominus domanantium. **V.** Apparebit in finem et non mentietur si moram fecerit expecta eum quia veniens veniet. Rex.

Lectio Secunda.

MILLE homines a facie terroris unius, et a facie terroris quinque fugietis, donec relinquamini quasi malus navis in vertice montis, et quasi signum super collem. Propterea expectat dominus ut misereatur vestri, et ideo exaltabitur parcens vobis, quia deus iudicii dominus. Beati omnes qui expectant eum. Hec dicit.

R. Bethleem civitas dei summi ex te exiet dominator Israhel, et egressus eius sicut a principio a diebus eternitatis, et magnificabitur in medio niverse terre et pax erit in terra nostra, * Dum venerit. **V.** Loquetur pacem gentibus et potestas eius a mari usque ad mare. Dum.

Lectio Tertia.

POPULUS enim Syon habitabit in Hierusalem. Plorans nequaquam plorabis. Miserans miserebitur tui. Ad vocem clamoris tui, statim ut audierit respondebit tibi. Et dabit dominus vobis panem arcum

et aquam brevem, et non faciet avolare a te ultra doctorem tuum. Hec dicit.

R. Qui venturus est veniet et non tardabit iam non erit timor in finibus nostris, * Quoniam ipse est salvator noster.

V. Deponet omnes iniquitates nostras, et proiciet omnia peccata nostra. Quoniam. Gloria. Quoniam.

Lectio Quarta.

ET erunt oculi tui videntes preceptorem tuum, et aures tue audient verbum post tergum monentis. Hec via ambulate in ea, neque ad dexteram neque ad sinistram. Et contaminabis laminas sculptilium argenti tui: et vestimentum conflatis auri tui, et disperses ea sicut immundiciam menstruate. Egredere, dices ei. Hec dicit.

R. Suscipe verbum virgo Maria quod tibi a domino per angelum transmissum est, concipies et paries deum pariter et hominem, * Ut benedicta dicaris inter omnes mulieres. **V.** Parios quidem filium et virginitatis non patieris detrimentum efficiaris gravida et eris mater semper intacta. Ut.

Lectio Quinta.

ET dabitur pluvia semini tuo, ubicunque seminaveris in terra, et panis frugum terre erit uberrimus et pinguis. Pascetur in possessione tua in die illa agnus spaciose. Et tauri tui et pulli asinorum qui operan-

tur terram, commixtum mig-
ma comedent, sicut in area
ventilatum est. Hec dicit.

R. Egypte noli flere, quia do-
minator tuus veniet tibi ante
cuius conspectum movebun-
tur abyssi, * Liberare popu-
lum suum de manu potentie. **V.**
Ecce dominator dominus cum
virtute veniet. Liberare.

Lectio Sexta.

ET erunt super omnem
montem excelsum et su-
per omnem collem elevatum,
rivi currentium aquarum in
die interfectionis multorum,
cum ceciderint turres. Et erit
lux lune sicut lux solis, et lux
solis erit septemplex sicut
lux septem dierum, in die qua
alligaverit dominus vulnus po-
puli sui, et percussuram plage
eius sanaverit. Hec dicit.

R. Prope est ut veniat rempus
eius, et dies eius non elonga-
buntur, * Miserebitur domi-
nus Iacob, * Et Israhel salvabi-
tur. **V.** Qui venturus est veniet
et non tardabit, iam non erit
timor in finibus nostris. Mise-
rebitur. Gloria. Et Israhel.

Lectio VII. Secundum Ma- theum.

IN illo tempore: Cum audisset
Iohannes in vinculis opera
Christi, mittens duos de disci-
pulis suis ait illi. Tu es qui ven-
turus es an alium expectamus?
Et reliqua.

Omelia Beati Gregorii Pape. ✠

QUERENDUM nobis est fra-
tres karissimi, Iohannes

propheta et plus quam pro-
pheta, qui venientem ad Iorda-
nis baptisma dominum osten-
dit dicens, ecce agnus dei, ec-
ce qui tollit peccatum mundi,
cur in carcere positus mittens
discipulos requirit, tu es qui
venturus es an alium expecta-
mus: tanquam si ignoret quem
ostenderat, et an ipse sit ne-
sciat quem ipsum esse prophe-
tando, baptizando, ostendendo
clamaverat.

R. Descendet dominus sicut
pluvia in vellus, * Orietur in
diebus eius iusticia et abun-
dantia pacis. **V.** Et adorabunt
eum omnes reges omnes gen-
tes servient ei. Orietur.

Lectio VIII.

SET hec citius questio sol-
vitur, si geste rei tempus
et ordo pensetur. Ad Iordanis
enim fluentia positus, quia ipse
redemptor mundi esset asser-
uit, missus vero in carcere an
ipse veniat requirit, non quia
ipsum esse mundi redempto-
rem dubitet: sed querit ut sciat
si is qui per se in mundum ve-
nerat, per se etiam ad infer-
ni claustra descendat. Quem
enim precurrens mundo nun-
ciaverat, hunc moriendo ad in-
feros precurrebat.

R. Veni domine et noli tarda-
re relaxa facinora plebis tue, *
Et revoca dispersos in terram
suam. **V.** Excita domine poten-
tiam tuam et veni ut salvos fa-
cias nos. Et.

Lectio IX.

AIT ergo. Tu es qui venturus es an alium expectamus? Ac si aperte dicat. Sicut pro hominibus nasci dignatus es, an etiam pro hominibus mori et ad inferos descendere digneris insinua: ut qui nativitatis tue precursor extiti, mortis etiam precursor fiam, et venturum inferno te nuntiem, quem iam venisse mundo nuntiavi.

R. Ecce radix Iesse ascendet in salutem populorum ipsum gentes deprecabuntur, * Et erit nomen eius gloriosum. **V.** Erit iusticia angulum lumborum eius et fides cinctorum renum eius. Et. Gloria. Et. Ecce.

In Laudibus. Ant. Veniet dominus et non tardabit, et illuminabit abscondita tenebrarum, et manifestabit se ad omnes gentes, alleluya. **Ps.** Dominus regnavit. **Ant.** Hierusalem gaude gaudio magno quia venit tibi salvator alleluya. **Ps.** Iubilate deo. II. **Ant.** Dabo in Syon salutem et in Hierusalem gloriam meam alleluya. **Ps.** Deus deus meus. II. **Ant.** Montes et omnes colles humiliabuntur et erunt prava in directa, et aspera in vias planas veni domine et noli tardare alleluya. **Can.** Benedicite. **Ant.** Iuste et pie vivamus expectantes beatam spem et adventum domini. **Ps.** Laudate dominum. **Ad Ben. Ant.** Iohannes autem cum audisset in vinculis opera Christi mittens duos de discipulis suis ait illi tu es qui ven-

turus es an alium expectamus. **Ad Mag. Ant.** Ite dicite Iohanni ceci vident, et surdi audiunt, claudi curantur, leprosi mundantur. **vel O.**

Quarta feria post istam Dominicam semper ieiunium quatuor temporum celebratur. Sciendum est quod antiphone laudum que infra notate sunt ante antiphonas que incipiunt per O, debent dici per sex ferias proximas ante Vigiliam Nativitatis Domini suis propriis deibus. Ille scilicet que pertinent ad secundam feriam in secunda feria et sic de aliis, laudas autem de feria in qua celebrabitur festum Sancti Thome intermittentur illo anno, lectiones per feriis a trigesimo tertio capitulo usque ad quadragesimo quarto ad libitum.

Feria Secunda. Ad Benedictus. Ant. Egredietur virga de radice Iesse et replebitur omnis terra gloria domini et videbit omnis caro salutare dei. **Ad Mag. Ant.** Elevare elevare consurge Hierusalem solve vincla colli tui captiva filia Syon. **vel O.**

Feria Tertia. Ad Ben. Ant. Tu Bethleem terra Iuda, non eris minima ex te enim exiet dux qui regat populum meum Israel. **Ad Mag. Ant.** Erumpant montes iocunditatem et colles iusticiam quia lux mundi dominus cum potentiam venit. **vel O.**

Feria Quarta. Ad Matutinas. Invitat. Prope est iam dominus, * Venite adoremus.

Lectio Prima. Secundum Mattheum.

IN illo tempore: Missus est angelus Gabriel a Deo, in civitatem Galilee cui nomen Nazareth, ad virginem desponsatam viro cui nomen erat Ioseph de domo David, et nomen virginis Maria. Et reliqua.

Omelia Beati Ambrosii Episcopi.

LATENT quidem divina misteria, nec facile iusta propheticum dictum, quisquam hominum potest scire consilium dei. Sed tamen ex ceteris factis atque præceptis domini salvatoris possumus intelligere, et hoc propensioris fuisse consilii, quod ea potissimum electa est ut dominum pareret, quæ erat desponsata viro.

R. Clama in fortitudine qui annuncias pacem in Hierusalem, * Dic civitatibus vide et habitatoribus Syon, ecce deus noster quem expectabamus adveniet. **V.** Super montem excelsum ascende tu qui evangelizas Syon exalta in fortitudine vocem tuam. Dic.

Lectio Secunda.

CUR autem non ante quam desponsaretur impleta est? Fortasse ne diceretur quod conceperat ex adulterio. Et bene utrunque posuit scriptura, ut et desponsata esset et virgo.

Virgo: ut expers virilis consortii videretur. Desponsata: ne temerate virginitatis adurertur infamia, cui gravis alvus corruptele videretur insigne preferre.

R. Orietur stella ex Iacob et exurget homo de Israhel, et confringet omnes duces alienigenarum, * Et erit omnis terra possessio eius. **V.** Et adorabunt eum omnes reges terre omnes gentes servient ei. Et.

Lectio Tertia.

MALUIT autem dominus aliquos de suo ortu, quam de matris pudore dubitare. Sciebat enim teneram esse virginis verecundiam, et lubricam famam pudoris. Nec putavit ortus sui fidem matris iniuriis astruendam. Servatur itaque Sancte Marie sicut pudore integra, ita inviolabilis opinione virginitas. Oportet enim sanctos et ab his testimonium havere qui foris sunt.

R. Egredietur dominus et preliabitur contra gentes, * Et stabunt pedes eius supra montes olivarum ab orientem. **V.** Et elevabitur super omnes colles et fluent ad eum omnes gentes. Et. Gloria. Et.

Predicta tria responsoria et alia que sequuntur feria sexta et sabbato, dici tantum debent in diebus in quibus notata sunt, nisi festum Sancti Thome in sequenti sexta feria vel sabbato evenierit, et tunc responso-

ria illius diei in quinta feria dicantur. Omelia vero diei in quo festum evenit dimittatur.

Ad Ben. Ant. Missus est Gabriel angelus ad Mariam virginem desponsatam Ioseph. **Oratio.**

FESTINA quesumus domine ne tardaveris, et auxilium nobis superne virtutis impende ut adventus tui consolationibus subleventur, qui in tua pietate confidunt. Qui vivis.

Hec oratio dicantur ad laudes tantum, ad alias autem horas oratio dominicalis: idem fiat de oracionibus que sequuntur feria sexta et sabbato. **Ad Mag.**

Ant. Quomodo fiet istud angelus dei, qui virum in concipiendo non pertuli, audi Maria virgo Christi, spiritus sanctus superveniet in te et virtus altissimi obumbrabit tibi. **vel O.**

Feria Quinta. Invitat. Regem venturum.

Responsoria tercii nocturni de hystoria dominicali nisi festum Sancti Thome in sexta feria vel in sabbato evenit.

Ad Ben. Ant. Vigilate animo, in proximo est dominus deus noster. **Ad Mag. Ant.** Letamini cum Hierusalem et exultate in ea omnes qui diligitis eam in eternum. **vel O.**

Feria Sexta. Invitat. Prope.

Lectio Prima. Secundum Lucam.

IN illo tempore: Exurgens Maria abiit in montana cum festinatione in civitatem Iuda, et intravit in domum Zacharie

et salutavit Elysabeth. Et reliqua.

Omelia Venerabilis Bede Presbiteri.

LECTIO quam audivimus sancti evangelii, et redemptionis nostre nobis semper veneranda primordia predicat, et salutaria semper imitande humilitatis remedia commendat. Nam quia peste superbie attactum genus humanum perierat, decebat ut medicamentum humilitatis quo sanaretur prima mox incipientis salutis tempora prentenderent.

R. Precursor pro nobis ingreditur agnus sine macula, secundum ordinem Melchisedech pontifex factus est, * In eternum et in seculum seculi. **V.** Ipse est rex iusticie cuius generacio non habeo finem. In.

Lectio Secunda.

ET quia per temeritatem seducte mulieris mors in mundum introierat, congruum fuit ut in indicium vite revertentis, mulieres devote se humilitatis invicem ac pietatis prevenirent obsequiis.

R. Modo veniet dominator dominus * Et nomen eius Emmanuel vocabitur. **V.** Orietur in diebus eius iusticia et abundantia pacis. Et.

Lectio Tertia.

PRIOR ergo nobis beata dei genitrix ad sublimitatem patrie celestis iter ostendit hu-

militatis, non minus religionis quam castitatis exemplo venerabilis. Siquidem gloria virginis et intemerati corporis, qualis sit vita superne civitatis ad quam suspiramus insinuat, ubi neque nubent neque nubentur, sed sunt sicut angeli dei in celis, ac virtutem mentis eximiam qua ad hanc pertinere debeamus indicat.

R. Videbunt gentes iustum tuum, et cuncti reges inclitum tuum, * Et vocabitur tibi nomen novum quod os domini nominavit. **V.** Et erit corona glorie in manu domini, et diadema regni in manu dei tui. Et. Gloria. Et. **Ad Ben. Ant.** Ex quo facta est voc salutationis tue in auribus meis exultavit in gaudio infans in utero meo alleluya. **Oratio.**

EXCITA quesumus domine potentiam tuam et veni, ut hi qui in tua pietate confidunt, ab omni citius adversitate liberentur. Qui vivis. **Ad Mag. Ant.** Beata es Maria que credidisti proficientur in te que dicta sunt tibi a domino alleluya. **vel O.**

Sabbato. Invitat. Prope est.

Lectio Prima. Secundum Lucam.

ANNO quintodecimo imperii Tyberii Cesaris, procurante Pontio Pilato Iudeam, tetrarcha autem Galilee Herode, Philippo autem fratre eius tetrarcha Yturee, et Traconitidis

regionis, et Lysania Abiline tetrarcha, sub principibus sacerdotum Anna et Caypha: factum est verbum domini super Iohannem Zacharie filium in deserto. Et reliqua.

Omelia Beati Gregorii Pape.

REDEMPTORIS precursor quo tempore verbum predicationis acceperit, memorato romane rei publice principe, et Iudee regibus designatur. Quia enim illum predicare veniebat, qui ex Iudea quosdam et multos ex gentibus redempturus erat: per regem gentium et principes Iudeorum predicationis eius tempora designantur.

R. Emitte agnum domine dominatorem terre de petra deserta * Ad montem filie Syon.

V. Ex Syon species decoris eius deus noster manifeste veniet. **Ad.**

Lectio Secunda.

QUIA autem gentilitas colligenda erat, et Iudea pro culpa perfidie dispergenda: ipsa quoque descriptio terreni principatus ostendit, quoniam et in Romana re publica unus prefuisse describitur, et in Iudee regno per quartam partem plurimi principabantur. Voce et enim nostri redemptoris dicitur. Omne regnum in semet ipsum divisum desolabitur.

R. Germinaverunt campi heremi germen odoris Israhel, quia ecce deus noster cum virtute

veniet, * Et splendor eius cum eo. **V.** Ecce dominator dominus cum virtute veniet. Et.

Lectio Tertia.

LIQUET ergo quod ad finem regni Iudea pervenerat, que tot regibus divisa subiacebat. Apte quoque non solum quibus regibus sed etiam sub quibus sacerdotibus actum sit, demonstratur: ut quia illum Iohannes Baptista predicabat, qui simul rex et sacerdos existeret: Lucas evangelista predicationis eius tempora per regnum et sacerdotium designavit.

R. Radix Iesse qui exurget iudicare gentes, in eum gentes sperabunt: Et erit nomen eius benedictum * In secula. **V.** Super quem continebunt reges os suum, ipsum gentes deprecabuntur. In. Gloria. In secula. **Ad Ben. Ant.** Omnis vallis implebitur et omnes mos et collis humiliabitur et videbit omnis caro salutare dei. **Oracio.**

DEUS qui conspicias quia ex nostra pravitate affligimur, concede propitius ut ex tua visitatione consolemur. Qui vivis.

**Dominica Quarta Sabbato
Precedenti**

Ad Vesperas R. Non auferetur
II. Ad Mag. Ant. O. Oracio.

EXCITA domine potentiam tuam et veni, et magna nobis virtute succurre, ut per auxilium gratie tue quod no-

stra peccata prepediunt indulgentia tue propitiationis accederet. Qui vivis.

Ad Matutinas. Invitat. Ecce iam venit plenitudo temporis in quo misit deus filium suum natum de virgine factum sub lege, * Venite adoremus.

Antiphone, psalmi, et versiculi nocturnorum sicut in Prima Dominica, excepto quod tertius versiculus non dicitur si Vigilia Natalis Domini hac die evenerit.

Lectio Prima.

AUDITE me qui sequimini quod iustum est et queritis dominum. Attendite ad petram unde excisi estis, et ad cavernam laci de qua precisi estis. Attendite ad Abraham patrem vestrum, et ad Saram que peperit vos: Quia unum vocavi eum, et benedixi ei, et multiplicavi eum. Hec dicit.

R. Canite tuba in Syon vocate gentes, annunciate populis et dicite, * Ecce deus salvator noster adveniet. **V.** Annunciate in finibus terre et in insulis que procul sunt dicite. Ecce.

Lectio Secunda.

CONSOLABITUR ergo dominus Syon, et consolabitur omnes ruinas eius. Et ponet desertum eius quasi delicias, et solitudinem eius quasi ortum domini. Gaudium et leticia invenietur in ea, gratiarum actio et vox laudis. Attendite ad me popule meus, et tribus mea me

audite, quia lex a me exiet, et iudicium meum in lucem populorum requiescet. Hec dicit.

R. Non auferetur sceptrum de Iuda et dux de femore eius, donec veniat qui mittendis est, * Et ipse erit expectatio gentium.

V. Pulchriores sunt oculi eius vino et dentes eius lacte candidiores. Et.

Lectio Tertia.

PROPE est iustus meus, egressus est salvator meus, et brachia mea populos iudicabunt. Me insule expectabunt, et brachium meum sustinebunt. Levate in celum oculos vestros, et videte sub terra deorsum, quia celi sicut fumus liquescent, et terra sicut vestimentum atteretur, et habitatores eius sicut hec interibunt. Salus autem mea in sempiternum erit, et iusticia mea non deficiet. Hec dicit.

R. Me oportet minui, illum autem crescere, qui post me venit ante me factus est, * Cuius non sum dignus corrigiam calciamento eius solve. **V.** Ego baptizo vos aqua ille autem baptizabit vos spiritu sancto. Cuius. Gloria. Cuius.

Lectio Quarta.

AUDITE me qui scitis iustum, populus, lex mea in corde eorum. Nolite timere obprobrium hominum, et blasphemias eorum ne metuatis. Sicut enim vestimentum sic comedet eos vermis, et sicut lanam sic devorabit eos tineas.

Salus autem mea in sempiternum erit, et iusticia mea in generationes generationum. Hec dicit.

R. Ecce iam venit plenitudo temporis, in quo misit deus filium suum in terris natum de virgine factum sub lege, * Ut eos qui sub lege erant redimeret. **V.** Propter nimiam caritatem suam qua dilexit nos deus, filium suum misit in similitudinem carnis peccati. Ut.

Lectio Quinta.

CONSURGE consurge, induere fortitudinem brachium domini. Consurge sicut in diebus antiquis, in generationibus seculorum. Nunquid non tu percussisti superbum, vulnerasti draconem? Nunquid non tu siccasti mare, aquam abyssi vehementis? Qui posuisti profundum maris viam, ut transirent liberati. Hec dicit.

R. Virgo Israhel revertere ad civitates tuas, usquequo doleris averteris, generabis dominum salvatorem oblationem novam in terra, ambulabunt homines, * In salvationem. **V.** In caritate perpetua dilexi te, ideo attraxa te miserans. In.

Lectio Sexta.

ET nunc qui redempti sunt a domino revertentur, et venient in Syon laudantes, et leticia sempiterna super capita eorum. Gaudium et leticiam tenebunt, fugiet dolor et gemitus. Ego ego ipse consolabor

vos. Hec dicit.

R. Iuravi dicit dominus ut ubera iam non irascar super terram, montes enim et colles suscipient iusticiam meam, et testamentum pacis erit, * In Hierusalem. **V.** Iuxta est salus mea ut veniat, et iusticia mea ut reveletur, in Hierusalem. In. Gloria. In.

Quando Vigilia Natalis Domini in hac Dominica evenerit tres ultime lectiones fiant de omelia vigilie, haec autem omelia non legitur illo anno.

Lectio VII. Secundum Iohannem.

IN illo tempore: Miserunt Iudei ab Iherosolimis sacerdotes et Levitas ad Iohannem, ut interrogarent eum, tu quis es. Et reliqua.

Omelia Beati Gregorii Pape.

EX huius nobis lectionis verbis fratres karissimi Iohannis humilitas commendatur. Qui cum tante virtutis esset ut Christus credi potuisset, elegit solide subsistere in se, ne humana opinione raperetur inaniter super se.

R. Non discedimus a te, vivificabis nos domine, et nomen tuum invocabimus, ostende nobis faciem tuam, * Et salvi criminis. **V.** Memento nostri domine in beneplacito populi tui, visita nos in salutari tuo. Et.

Lectio VIII.

NAM confessus est et non negavit. Confessus est, quia non sum ego Christus. Sed

qui dixit, non sum, negavit plane quod non erat, sed non negavit quod erat, ut veritatem loquens eius membrum fieret: cuius sibi nomen fallaciter non usurparet.

R. Intuemini quantus sit iste qui ingreditur ad salvandas gentes, ipse est rex iusticie, * Cuius generatio non habet finem. **V.** Precursor pro nobis ingreditur secundum ordinem Melchisedech pontifex factus est in eternum. Cuius.

Lectio IX.

CUM ergo non vult appetere nomen Christi, factus est membrum Christi, quia dum infirmitatem suam studuit humiliter agnoscere, illius celsitudinem meruit veraciter obtinere.

R. Montes Israhel ramos vestros expandite, et florete, et fructus facite, * Prope est ut veniat dies domini. **V.** Rorate celi de super et nubes pluant iustum, aperiatur terra et germinet salvatorem. Prope. Gloria. Prope. Montes.

In Laudibus. Ant. Canite tuba in Syon quia prope est dies domini ecce veniet ad salvandum nos alleluya alleluya. **Ps.** Dominus regnavit. **Ant.** Ecce veniet desideratus cunctis gentibus et replebitur gloria domus domini alleluya. **Ps.** Iubilante deo. II. **Ant.** Erunt prava in directa et aspera in vias planas, veni domine et noli tardare alleluya. **Ps.** Deus deus meus. II.

Ant. Dominus veniet, occurrere illi, dicentes magnum principium et regni eius non erit finis, deus fortis dominator, princeps pacis alleluya alleluya.

Can. Benedicite. **Ant.** Omnipotens sermo tuus domine a regalibus sedibus venit alleluya.

Ps. Laudate dominum. **Ad Ben.**

Ant. Ave Maria gratia plena domini tecum, benedicta tu in mulieribus alleluya. **Ad Mag.**

Ant. O.

Lectiones feriales a quinquagesimo quarto capitulo usque ad finem ad libitum.

Feria Secunda. Ad Benedic-

tus Ant. Dicit dominus, penitentiam agite, appropinquabit enim regnum celorum alleluya.

Ad Mag. Ant. O.

Feria Tertia. Ad Ben. Ant. Consurge, consurge, induere fortitudinem brachium domini. **Ad**

Mag. Ant. O.

Feria Quarta. Ad Ben. Ant. Ponent domino gloriam, et laudem eius in insulis nunciabunt quia ecce veniet et non tardabit.

Ad Mag. Ant. O.

Feria Quinta. Ad Ben. Ant. Consolamini consolamini popule meus dicit deus vester. **Ad Mag.**

Ant. O.

Feria Sexta. Ad Ben. Ant. Dies domini sicut fur ita in nocte veniet, et vos estote parati quia qua hora non putatis filius hominis veniet. **Ad Mag. Ant.** O.

**Antiphona Dicende In
Laudibus Per Sex Ferias Ante
Vigiliam Natalis Domini**

Secundum Ordinem Feriarum

Feria Secunda. In Laudibus.

Ant. Ecce veniet dominus princeps regum terre beati qui parati sunt occurrere illi. **Ps.** Miserere. **Ant.** Dum venerit filius hominis putas inveniet fidem super terram. **Ps.** Verba mea. **Ant.** Ecce iam venit plenitudo temporis, in quo misit deus filium suum in terris. **Ps.** Deus deus meus. II. **Ant.** Haurietis aquas in gaudio de fontibus salvatoris. **Can.** Confitebor tibi. **Ant.** Egredietur dominus de loco sancto suo, veniet ut salvet populum suum. **Ps.** Laudate dominum.

Feria Tercia. In Laudibus. Ant. Rorate celi desuper et nubes pluunt iustum, aperiatur terra et germinet salvatorem. **Ps.** Miserere. **Ant.** Emitte angum domine dominatorem terre de petra deserti ad montem filie Syon. **Ps.** Iudica me deus. **Ant.** Ut cognoscamus domine in terra viam tuam, in omnibus gentibus salutare tuum. **Ps.** Deus deus meus. II. **Ant.** Da mercedem domine sustinentibus te, ut prophete tui fideles inveniantur. **Can.** Ego dixi. **Ant.** Lex per Moysen data est, gratia et veritas per Ihesum Christum facta est. **Ps.** Laudate dominum.

Feria Quarta. In Laudibus. Ant. Prophete predicaverunt nasci

salvatorem de virgine Maria. **Ps.** Miserere. **Ant.** Spiritus domini super me evangelizare pauperibus misit me. **Ps.** Te decet hymnus. **Ant.** Annunciate populis et dicite, ecce deus salvator noster veniet. **Ps.** Deus deus meus. II. **Ant.** Ecce veniet dominus ut sedeat cum principibus, et solium glorie teneat. **Can.** Exultavit cor meum. **Ant.** Propter Syon non tacebo donec egrediatur ut splendor iustus eius. **Ps.** Laudate dominum.

Feria Quinta. In Laudibus. Ant. De Syon veniet dominus omnipotens, ut salvum faciat populum suum. **Ps.** Miserere. **Ant.** Convertere domine aliquantulum, et ne tardes venire ad servos tuos. **Ps.** Domine refugium. **Ant.** De Syon veniet qui regnaturus est, dominus Emmanuel magnum nomen eius. **Ps.** Deus deus meus. II. **Ant.** Ecce deus meus et honorabo eum, deus patris mei et exaltabo eum. **Can.** Cantemus domino. **Ant.** Dominus legifer vester dominus rex noster, ipse veniet et salvabit nos. **Ps.** Laudate dominum.

Feria Sexta. In Laudibus. Ant. Constantes estote videbitis auxilium domini super vos. **Ps.** Miserere. **Ant.** Ad te domine levavi animam meam, veni et eripe me domine ad te confugi. **Ps.** Domine exaudi. II. **Ant.** Veni domine et noli tardare, relaxa facinora plebis tue Israel. **Ps.** Deus deus meus. II. **Ant.** Deus a

Libano veniet, et splendor eius sicut lumen erit. **Can.** Domini audiui. **Ant.** Ego autem ad dominum aspiciam et expectabo deum salvatorem meum. **Ps.** Laudate dominum.

Sabbato. In Laudibus. Ant. Intuemini quantus sit gloriosus iste, qui ingreditur ad salvandos populos. **Ps.** Miserere. **Ant.** Consurge consurge induere fortitudinem brachium domini. **Ps.** Bonum est confiteri. **Ant.** Elevare elevare consurge Hierusalem solve vincla colli tui captiva filia Syon. **Ps.** Deus deus meus. II. **Ant.** Expectetur sicut pluvia eloquium domini, et descendet sicut ros super nos deus noster. **Can.** Audite celi. **Ant.** Paratus esto Israel in occursum domini, quoniam venit. **Ps.** Laudate dominum.

O Antiphone

Sequentes antiphone sunt dicende septem proximas diebus ante Vigiliam Natalis Domini. Ad Mag. In diebus vero in quibus cantantur nec preces nec prostrationes sunt in Vesperis faciende, sed statim post antiphonam subiungatur Oratio. Ant.

O Sapientia que ex ore altissimi prodisti, attingens a fine usque ad finem fortiter, suaviterque disponens omnia, veni ad docendum nos, viam prudentie. **Ant.**

O Adonay et dux domus Israel qui Moysy in igne

flamme rubi apparuisti et ei in signa legem dedisti, veni ad redimendum nos in brachio extento. **Ant.**

O Radix Iesse qui stans in signum populorum super quem continebunt reges os suum, quem gentes deprecabuntur, veni ad liberandum nos, iam noli tardare. **Ant.**

O Clavis David et sceptrum domus Israhel, qui aperis et nemo claudit, claudus et nemo aperit, veni et educ vincitum de domo carceris sedentum in tenebris et umbra mortis. **Ant.**

O Oriens splendor lucis eterne et sol iusticie, veni et illumina sedentes in tenebris et umbra mortis. **Ant.**

O Rex gentium et desideratus earum lapisque angularis, qui facis utraque unum, veni salva hominem quem de limo formasti. **Ant.**

O Emmanuel rex et legifer noster, expectatio gentium, et salvator earum, veni ad salvandum nos domine deus noster.

Memoria de Adventu in die Sancti Thome. In Laudibus.

Ant. Nolite timere, quinta die veniet ab vos dominus noster. Quando autem festum transfertur in secundam feriam predicta Ant., Oratio dimittatur, et Antiphona ferialis scilicet, Dicit dominus. ad memoriam dicatur.

In Vigilia Natalis Domini

Ad Matutinas. Prostrationes non fiant. Invitat. Hodie scietis quia veniet dominus, * Et mane videbitis gloriam eius. **Ymnus.** Verbum supernum. Antiphona et psalmi ferialis. **℣.** Hodie scietis quia veniet dominus. **℞.** Et mane videbitis gloriam eius.

Lectio Prima vel Septima si Dominica fuerit. Secundum Matheum.

IN illo tempore: Cum esset desponsata mater eius Maria Ioseph: ante quam convenirent inventa est in utero habens de Spiritu Sancto. Et reliqua.

Omelia Origenis.

QUE fuit necessitas ut desponsata esset Maria Ioseph, nisi propterea quatenus hoc sacramentum diabolo celeretur, et ille malignus fraudis commenta adversus desponsatam virginem nulla penitus invenisset?

℞. Sanctificamini hodie et estote parati quia die crastina videbitis * Maiestatem dei in vobis. **℣.** Hodie scietis quia veniet dominus et Marie videbitis. Maiestatem.

Lectio Secunda vel Octava.

VEL ideo desponsata fuit Ioseph, ut nato infanti vel ipsi Marie curam videretur gerere Ioseph, sive in Egyptum iens, vel inde denuo veniens. Ideo desponsata fuit Ioseph, non tamen in concupiscentia iuncta. Mater inquite eius. Ma-

ter immaculata, mater incorrupta, mater intacta.

R. Constantes estote, videbitis auxilium domini super vos, Iudea et Hierusalem nolite timere, * Cras egrediemini et dominus erit vobiscum. **V.** Sanctificamini filii Israhel et estote parati. Cras.

Lectio Tertia vel Nona.

MATER eius. Cuius.eius? Mater dei unigeniti, domini et reges omnium, plasmatoris et creatoris cunctorum. Illius qui in excelsis sine matre, et in terra est sine patre. Illius qui in celis secundum deitatem in sinu est patris, et in terris secundum corporis susceptionem in sinu est matris.

R. Sanctificamini filii Israhel dicit dominus, in die enim crastina enim crastina descendet dominus, * Et auferet a vobis omnem langorem. **V.** Ex Syon species decoris eius, deus noster manifeste veniet. Et. Gloria. Et.

Hac die in Laudibus et deinceps usque ad versus exclusive fiat officium, sicut in festo dupplici.

V. Crastina die delebitur iniquitas terre.

R. Et regnabit super vos salvator mundi.

In Laudibus. Ant. Iudea et Hierusalem nolite timere, cras egrediemini et dominus erit vobiscum. **Ps.** Dominus regnavit. **Ant.** Crastina die erit vo-

bis salus, dicit dominus deus exercituum. **Ps.** Iubilate deo. **II. Ant.** Hodie scietis quia veniet dominus, et mane videbitis gloriam eius. **Ps.** Deus deus meus. **II. Ant.** Propter Syon non tacebo, donec egrediatur ut splendor iustus eius. **Can.** Benedicite. **Ant.** Crastina die delebitur iniquitas terre, et regnabit super vos salvator mundi. **Ps.** Laudate dominum. **Capitulum.**

PROPTER Syon non tacebo et propter Hierusalem non quiescam, donec egrediatur ut splendor iustus eius, et salvator eius ut lampas accendatur. **Ymnus.** Vox clara. **V.** Constantes estote. **R.** Videbitis auxilium domini super vos. **Ad Ben. Ant.** Cum esset desponsata mater eius Ihesu Maria Ioseph, ante quam convenirent inventa est in utero habens, quod enim in ea natum est de Spiritu Sancto est, alleluya. **Oratio.**

DEUS qui nos redemptionis nostre annua expectatione letificas, presta ut unigenitum tuum, quem redemptorem leti suscipimus, venientem quoque iudicem securi videamus. Dominum nostrum. Hec Oratio dicatur ad Terciam, Sextam, Nonam et Vesperas. Ad horas diei, antiphone Laudum.

Ad Terciam Cap. Propter Syon. **R.** Hodie scietis * Quia veniet dominus. **V.** Et mane videbitis

gloriam eius. Quia. Gloria. Hodie. **V.** Crastina die delebitur.

Ad Sextam Capitulum.

VIDEBUNT gentes iustum tuum, et cuncti reges inclitum tuum, et vocabitur tibi nomen novum, quod os domini nominavit.

R. Crastina die, * Delebitur iniquitas terre. **V.** Et regnabit super vos salvator mundi. Delebitur. Gloria. Crastina. **V.** Crastina die erit.

Ad Nonam Capitulum.

NON vocaberis ultra derelicta, et terra tua non vocabitur amplius desolata, sed vocaberis voluntas mea in ea, et terra tua inhabitabitur.

R. Crastina die, * Erit vobis salus. **V.** Dicit dominus exercituum. Erit. Gloria. Crastina. **V.** Constantes estote.

Si hec Vigilia in Dominica evenit hoc modo fiat officium.

Ad Matutinas. Invitat. Hodie scientes Ymnus ut supra. Super psalmos primi nocturni Ant. Scientes. Ps. Beatus vir. I. et cet. Cetera ad ceteros ut supra. In primo nocturno. V. Ex Syon. In secundo nocturno. V. Egredietur virga. Sex lectiones et sex responsoria de Dominica. In tertio nocturno. V. Hodie scietis. Tres ultime lectiones de expositione evangelii. Cum esset desponsata, et tria ultima responsoria de Vigilia. Expositio autem Dominicalis evangelii cum tribus ultimis responsoriis de hystoria. Canite, et

cum Laudibus: illo anno omitantur. V. Crastina. In Laudibus. Ant. Cap. V. et Ant., Ad Ben. et Oratio de Vigilia erunt. Post orationem de Vigilia memoria fiat de Dominica. Antiphone, Cap., responsoria, versiculi, et Oratio ad horas de Vigilia erunt.

Ad Vesperas. Ant. Rex pacificus magnificatus est, cuius vultum desiderat universa terra. **Ps.** Laudate pueri. **Ant.** Magnificatus est rex pacificus super omnes reges universe terre.

Ps. Laudate dominum o. g. **Ant.** Scitote quia prope est regnum dei amen dico vobis quia non tardabit. **Ps.** Lauda anima mea.

Ant. Levate capita vestra, ecce appropinquabit redemptio vestra. **Ps.** Laudate dominum. **II. Ant.** Completi sunt dies Marie ut pareret filium suum primogenitum. **Ps.** Lauda Hierusalem. **Capitulum.**

POPULUS qui ambulabat in tenebris vidit lucem magnam, habitantibus in regione umbre mortis lux orta est eis.

R. Iudea et Hierusalem nolite timere, * Cras egrediemini, * Et dominus erit vobiscum. **V.** Constantes estote, videbitis auxilium domini super vos. Cras. Gloria. Et dominus. **Ymnus.**

VENI redemptor gentium, ostende partum virginis, miretur omne seculum, talis decet partus deum.

Non ex virili semine sed misti-

co spiramine, verbum dei factum caro, fructus que ventris floruit.

Alvus tumescit virginis, claustra pudoris permanent, vexilla virtutum micant, versatur in templo deus.

Procedens de thalamo suo pudoris aula regia, gemine gigas substantie, alacris ut currat viam.

Egressus eius a patre, regressus eius ad patrem, excursus usque ad inferos, recursus ad sedem dei.

Equalis eterno patri carnis tropheo accingere, infirma nostri corporis virtute firmans perpeti.

Presepe iam fulget tuum lumenque nox spirat novum, quod nulla nox interpolet fideque iugi luceat.

Gloria tibi domine qui natus es de virgine, cum patre et sancto spiritu in sempiterna secula. Amen.

Iste versus dicatur ad omnes ymnos eiusdem in metri tam de tempore quam de sanctis usque ad Primas Vesperas Epiphannie exclusive.

V. Tanquam sponsus. **R.** Dominus procedens de thalamo suo. **Ad Mag. Ant.** Dum ortus fuerit sol de celo videbitis regem regum procedentem a patre tanquam sponsum de thalamo suo. **Oratio.** Deus qui nos redemp.

Ad Completorium super psal-

mos. Ant. Completi sunt. **Ad Nunc Dimittis. Ant.** Ecce completa sunt omnia que dicta sunt per angelum de virgine Maria.

In Natali Domini Ad Matutinas Invitat. Christus natus est nobis, * Venite adoremus. **Ymnus.**

CHRISTE redemptor omnium, ex patre patris unice, solus ante principium natus ineffabiliter.

Tu lumen, tu splendor patris, tu spes perennis omnium, intende quas fundunt preces tui per orbem famuli.

Memento salutis actor, quod nostri quondam corporis ex illibata virgine nascendo formam sumpseris.

Sic presens testatur dies currens per anni circulum, quod solus a sede patris mundi salus adveneris.

Hunc celum, terra, hunc mare, hunc omne quod in eis est, actorem adventus tui, laudat exultans cantico.

Nos quoque qui sancto tuo redempti sanguine sumus, ob diem natalis tui ymnum novum concinimus.

Gloria tibi domine qui natus es de virgine cum patre et sancto spiritu, in sempiterna secula. Amen.

In Primo Nocturno. Ant. Dominus dixit ad me, filius meus es tu, ego hodie genui te. **Ps.** Quare fremuerunt. **Ant.** Tanquam sponsus dominus pro-

cedens de thalamo suo. **Ps.** Celi enarrant. **Ant.** Diffusa est gratia in labiis tuis propterea benedixit te deus in eternum. **Ps.** Eructavit. **V.** Verbum caro factum est. **R.** Et habitavit in nobis.

Lectio Prima.

PRIMO tempore alleviata est terra Zabulon et terra Nephtali, et novissimo aggravata est via maris trans Iordanem Galilee gentium. Populus qui ambulabat in tenebris: vidit lucem magnam. Habitantibus in regione umbre mortis: lux orta est eis. Multiplicasti gentem, et non magnificasti leticiam. Letabuntur coram te sicut qui letantur in messe: sicut exultant victores capta preda, quando dividunt spolia. Iugum enim oneris eius, et virgam humeri eius, et sceptrum exactoris eius superasti: sicut in die Madian. Quia omnis violentia predatio cum tumultu, et vestimentum mixtum sanguine erit in combustionem, et cibus ignis. Parvulus enim natus est nobis: et filius datus est nobis. Hec dicit.

R. Hodie nobis celorum rex de virgine nasi dignatus est, ut hominem perditum ad celestia regna revocaret, gaudet exercitus angelorum, * Quia salus eterna humano generi apparuit. **V.** Gloria in excelsis deo, et in terra pax hominibus bone voluntatis. Quia.

Lectio Secunda.

CONSOLAMINI consolamini, opule meus, dicit Deus vester. Loquimini ad cor Hierusalem et advocate eam, quoniam completa est malicia eius: dimissa est iniquitas illius. Suscepit de manu domini duplicia: pro omnibus peccatis suis. Vox clamantis in deserto. Parate viam domini, rectas facite in solitudine semitas Dei nostri. Omnis vallis exaltabitur, et omnis mons et collis humiliabitur: et erunt prava in directa, et aspera in vias planas. Et revelabitur gloria domini: et videbit omnis caro pariter quod os Domini locutum est. Hec dicit.

R. Hodie nobis de celo pax vera descendit, * Hodie per totum maundum melliflui facti sunt celi. **V.** Hodie illuxit dies redemptionis nove, reparationis antque felicitatis, eterne. Hodie.

Lectio Tertia.

CONSURGE consurge, induere fortitudini tua Syon. induere vestimentis glorie tue Hierusalem civitas sancti, quia non adiciet ultra ut pertranseat per te incircuncisus et immundus. Excutere de pulvere, consurge, sede, Hierusalem. Solve vincla colli tui captiva filia Syon. Quia hec dicit dominus. Gratis venundati estis, et sine argento redimini. Quia hec dicit dominus Deus. In Egyptum descendit populus meus in principio, ut

colonus esset ibi: et Assur absque ulla causa calumniatus est eum. Et nunc quid michi est hic dicit dominus? Quoniam ablati est populus meus gratis. Dominatores eius inique agunt dicit dominus: et iugiter tota die nomen meum blasphemat. Propter hoc sciet populus meus nomen meum in die illa: quia ego ipse qui loquebar ecce adsum. Hec dicit.

R. Descendit de celis, deus verus a patre genitus, introivit in uterum virginis, nobis ut apparet visibilis, indutus carne humana prothoparente edita, et exivit per clausam portam deus et homo, * Lux et vita conditor mundi. **V.** Tanquam sponsus dominus procedens de thalamo suo. Lux. Gloria. Lux.

In Secundo Nocturno. Ant. Suscepimus deus misericordiam tuam in medio templi tui. **Ps.** Magnus dominus. **Ant.** Orietur diebus domini abundantia pacis, et dominabitur. **Ps.** Deus iudicium tuum. **Ant.** Veritas de terra orta est, et iusticia de celo prospexit. **Ps.** Benedixisti domine. **V.** Notum fecit dominus. **R.** Salutare suum.

Ysidorus in Sermone de Natali Domini. Natalis Domini dies. * **Lectio Quarta.**

POSTQUAM invidia diaboli parens primus cecidit, confestim ille exul et perditus in omni genere suo radicem malicie transduxit, cre-

scebatque in malum vehementius omne genus mortalium, diffusis ubique sceleribus. Volens ergo Deus terminare peccatum, consuluit, verbo, lege, prophetis, signis, plagis, prodigiis. Sed cum nec sic quidem errores suos admonitus agnosceret mundus, misit Deus filium suum ut carne indueretur, et hominibus appareret et peccatores sanaret. Qui ideo in hominem venit: quia per seipsum ab hominibus cognosci non potuit. Assumpsit autem humanitatem, non amisit divinitatem, manens quod erat, suscipiens quod non erat, ut liberaret quod fecerat. Hec est diei huius gloriosa festivitas.

R. Quem vidistis pastores dicite, annunciate nobis in terris quis apparuit, * Natum vidimus, et choros angelorum colaudantes dominum. **V.** Dicite quidnam vidistis et annunciate Christi nativitatem. Natum.

Augustinus in sermone de Natali Domini, legimus sanctum Moysen. **Lectio Quinta.**

QUID autem Sibilla vaticinando de Christo clamaverit, in medium proferans: ut ex uno lapide utrorumque frontes percutiantur, Iudeorum scilicet atque paganorum. Audite quid dixerit. Iudicii signum, tellus sudore madescet. E celo rex adveniet: per secla futurus. Scilicet in carnem

presens ut iudicet orbem. Unde Deum cernent incredulus atque fidelis, celsum cum sanctis. Evi iam termino in ipso, sic anime cum carne aderunt, quas iudicat ipse: cum iacet incultus densis in veperibus orbis. Reicient simulacra viri, cunctam quoque gazam. Exuret terras ignis: pontumque polumque. Inquirens tetri portas effringet Averni. Sanctorum sed enim cuncte lux libera carni tradetur: sontes eterna flamma cremabit. Occultos actus retegens tunc quisque loquetur. Secreta atque Deus reserabit pectora luci.

R. O magnum mysterium et admirabile sacramentum ut animalia viderent dominum natum, * Iacentem in presepio, beata virgo cuius viscera meruerunt, portate dominum Christum. **V.** Domine auidi auditum tuum et timui, consideravi opera tua et exapvi in medio duum animalium. Iacentem.

Post hec iterum subiungit dicens. **Lectio Sexta.**

TUNC erit et luctus, stridebunt dentibus omnes. Eripitur solis iubar et chorus interit astris. Solvetur celum: lunaris splendor obibit. Deiciet colles, valles extollet ab imo. Non erit in rebus hominum sublime vel altum. Iam equantur campis montes et cerula ponti. Omnia cessabunt tellus confracta peribit. Sic pari-

ter fontes torrentur, fluminaque igni. Et tuba tum sonitum tristem demittet ab alto. Orbe gemens facinus miserum, variosque labores Tartareumque chaos monstrabit terra dehiscens. Et coram hic domino reges sistentur ad unum. Decidet e celo, ignisque et sulphuris annis. Hec de Christi natiuitate, passione, et resurrectione, atque secundo eius adventu ita dicta sunt ut siquis in Greco capita horum versuum discernere voluerit, inueniet Ihesus Christus Yos Theu Sothet, quod et in Latinum translatis eisdem versibus apparet, preter quod Grecarum litterarum proprietas non adeo potuit observari.

R. Sancta et immaculata virginitas quibus te laudibus efferram nescio, * Quia quem celi capere non poterant tuo gremio constulisti. **V.** Benedicta tu in mulieribus et benedictus fructus ventris tui. Quia. Gloria. Quia.

In Tertio Nocturno. Ant. Ipse invocabit me alleluya, pater meus es tu alleluya. **Ps.** Misericordias domini. **Ant.** Tententur celi et exultet terra ante faciem domini quoniam venit. **Ps.** Cantate domino, I. **Ant.** Notum fecit dominus alleluya, salutare suum, alleluya. **Ps.** Cantate domino. II. **V.** Ipse invocabit me. **R.** Pater meus es tu.

Lectio VII. Secundum Lucam.

In illo tempore: Exiit edictum a Cesare Augusto ut describeretur universus orbis. Et reliqua.

Omelia Beati Gregorii Pape.

Quia largiente domino missarum sollemnia ter hodie celebraturi sumus: loqui diu de Evangelica lectione non possumus. Sed nos aliquid vel breviter dicere redemptoris nostri nativitas ipsa compellit. Quid est quod nascituro domino mundus describitur: nisi noc quod aperte monstratur quia ille veniebat in carne, qui electos suos ascriberet in eternitate? Quo contra de reprobis per prophetam dicitur. Deleantur de libro viventium, et cum iustis non scribantur. Qui bene etiam in Bethlehem nascitur. Bethlehem quippe: domus panis interpretatur. Ipse namque est qui ait. Ego sum panis vivus qui de celo descendi.

R. Beata dei genitrix Maria cuius viscera intacta permanent, * Hodie geniuit salvatorem seculi. **V.** Beata que credit quoniam perfecta sunt omnia que dicta sunt ei a domino. Hodie.

Lectio VIII. Secundum Lucam.

In illo tempore: Pastores loquebantur ad invicem. Transamus usque Bethlehem, et videamus hoc verbum quod factum est, quod fecit dominus, et ostendit nobis. Et reliqua.

Omelia Venerabilis Bede Presbiteri.

Nato in Bethlehem domino salvatore, sicut sacra Evangelii testatur hystoria, pastoribus qui in regione eadem erant vigilantes et custodientes vigilias noctis super gregem suum, angelus domini magna cum luce apparuit, exortumque mundo sSolem iusticie, non solum celestis voce sermonis, verum etiam claritate divine lucis astruxit. Nusquam enim in tota veteris instrumenti serie reperimus angelos qui tam sedulo apparuere patribus, cum luce apparuisse. Sed hoc privilegium recte hodierno tempori servatum est, quando exortum est in tenebris lumen rectis corde, misericors et miserator dominus.

R. Beata viscera Marie virginis que portaverunt eterni patris filium, et beata ubera que lactaverunt Christum dominum, * Quia hodie pro salute mundi de virgine nasci dignatus est. **V.** Dies sanctificatus illuxit nobis venite gentes et adorate dominum. Quia.

Lectio IX. Secundum Iohannem.

In principio erat verbum. Et verbum erat apud deum, et deus erat verbum. Et reliqua.

Omelia Venerabilis Bede Presbiteri.

Quia temporalem mediatoris Dei et hominum hominis Ihesu Christi nativita-

tem que hodierna die facta est sanctorum verbis evangelistarum, Matthei videlicet et Luce manifeste descriptam esse cognovimus: libet etiam de verbi id est divinitatis eius eternitate in qua patri manet semper equalis beati Iohannis evangeliste dicta scrutari, qui singularis privilegio meruit castitatis, ut ceteris altius divinitatis ipsius caperet, simul et patefaceret archanum. Alii igitur evangeliste Christum ex tempore natum describunt: Iohannes in principio eundem fuisse testatur, dicens. In principio erat verbum.

R. Verbum caro factum est et habitavit in nobis cuius gloriam vidimus quasi unigeniti a patre, * Plenum gratie et veritatis. **V.** In principio erat verbum, et verbum erat apud deum, et deus erat verbum. Plenum. Gloria. Plenum.

Postea sequitur. Dominus vobiscum. Et cum spiritu tuo.

Initium sancti Evangelium Secundum Matheum. Gloria tibi domine.

LIBER generationis Ihesu Christi filii David, filii Abraham. Abraham genuit Ysaac. Ysaac autem genuit Iacob. Iacob autem genuit Iudam, et fratres eius. Iudas autem genuit Phares et Zaram de Thamar. Phares autem genuit Esron. Esron autem genuit Aram. Aram autem genuit

Aminadab. Aminadab autem genuit Naason. Naason autem genuit Salmon. Salmon autem genuit Booz de Raab. Booz autem genuit Obeth ex Ruth. Obeth autem genuit Iesse. Iesse autem genuit David regem. David autem rex genuit Salomonem ex ea que fuit Urie. Salomon autem genuit Roboam. Roboam autem genuit Abiam. Abia autem genuit Asa. Asa autem genuit Iosaphath. Iosaphath autem genuit Ioram. Ioram autem genuit Oziam. Ozias autem genuit Ioathan. Ioathan autem genuit Achaz. Achaz autem genuit Ezechiam. Ezechias autem genuit Manassen. Manasses autem genuit Amon. Amon autem genuit Iosiam. Iosias autem genuit Iechoniam et fratres eius, in transmigratione Babilonis. Et post transmigrationem Babilonis, Iechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Elyachim. Elyachim autem genuit Azor. Azor autem genuit Sadoch. Sadoch autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Iacob. Iacob autem genuit Ioseph virum Marie. De qua natus est Ihesus: qui vocatur Christus. Te Deum.

Finito Te Deum., Si missa immediate non sequatur dicatur, V. Puer natus est nobis. R. Et filius datus est nobis. Deus in adiutorium, et dicantur Laudibus more solito.

In Laudibus. Ant. Quem vidistis pastores dicite, annunciate nobis in terris quis apparuit: natum vidimus, et choros angelorum collaudantes dominum alleluya alleluya. **Ps.** Dominus regnavit. **Ant.** Genuit puerpera regem cui nomen eternum et gaudium matris habes cum virginitatis honore nec primam similem visa est nec habere sequentem alleluya.

Ps. Iubilare deo. II. **Ant.** Angelus ad pastores ait: annuncio vobis gaudium magnum quia natus est vobis hodie salvator mundi alleluya. **Ps.** Deus deus meus. II. **Ant.** Facta est cum angelo multitudo celestis exercitus, laudantium et dicentium gloria in excelsis deo, et in terra pax hominibus bone voluntatis alleluya. **Can.** Benedicite. **Ant.** Parvulus filius hodie natus est nobis, et vocabitur deus fortis alleluya alleluya.

Ps. Laudate dominum. Non dicatur, Capitulum neque Ymnus, neque V, sed immediate post quintam antiphonam dicatur **Ad Ben. Ant.** Gloria in excelsis deo et in terra pax hominibus bone voluntatis alleluya alleluya. **Oracio.**

CONCEDE quesumus omnipotens deus, ut nos uni-

geniti tui nova per carnem nativitas liberet, quos sub peccati iugo vetusta servitus tenet. Per eundem.

Deinde Dominus vobiscum vel Domine exaudi et Benedicamus domino. Predicto modo dicantur Laudibus quando Missa non celebratur inter Matutinas et Laudibus, quando vero Missa fuerit celebranda statim post. Te Deum. inchoetur, et dicta communione absque versiculo et absque Deus in adiutorium, immediate inchoetur **Ant. in Laudibus.** Quem vidistis, finita vero post Benedictus. **Ant., dicat sacerdos post communione, et subiuncto Dominus vobiscum, dicatur, Ite missa est, et sic Missa et Laudibus simul terminentur. Ad horas diei antiphone Laudum.**

Ad Primam. R. Ihesu Christe fili dei vivi miserere nobis, * Alleluya alleluya. **V.** Qui natus es de virgine Maria, alleluya alleluya. Versus iste dicatur cotidie usque ad Epyphaniam exclusive.

Ad Terciam. Capitulum.

MULTIFARIE multisque modis olim deus loquens patribus in prophetis, novissime diebus istis locutus est nobis in filio quem constituit heredem universorum, per quem fecit et secula.

R. Verbum caro factum est, * Alleluya alleluya. **V.** Et habitavit in nobis. Alleluya. Gloria.

Verbum. **V.** Notum fecit dominus. **R.** Salutare suum. **Oracio.** Concede.

Ad Sextam. Capitulum.

APPARUIT benignitas, et humanitas salvatoris nostri dei, non ex operibus iusticie que fecimus nos, sed secundum suam misericordiam salvos nos fecit.

R. Notum fecit dominus * Alleluya alleluya. **V.** Salutare suum. Alleluya. Gloria. Notum. **V.** Ipse invocavit me. **R.** Pater meus es tu.

Ad Nonam. Capitulum.

APPARUIT gratia dei salvatoris nostri omnibus hominibus erudiens nos, ut abnegantes impietatem et secularia desideria sobrie, et iuste et pie vivamus in hoc seculo.

R. Ipse invocavit me, * Alleluya alleluya. **V.** Pater meus es tu. Alleluya. Gloria. Ipse. **V.** Benedictus qui venit in nomine domini. **R.** Deus dominus et iluxit nobis.

Ab hac die usque in crastinum Octavarum Epiphanie exclusive cotidie dicantur responsoria horarum cum alleluya, excepto festo innocentum quando extra dominicam evenierit. In Octava tamen eorum dicantur cum alleluya.

In Vesperas. Ant. Tecum principium in die virtutis tue, in splendoribus sanctorum ex utero ante luciferum genui te. **Ps.** Dixit dominus. **Ant.** Redemptionem misit dominus

populo suo, mandavit in eternum testamentum suum. **Ps.** Confitebor tibi. II. **Ant.** Exortum est in tenebris lumen rectis corde, misericors et miserator et iustus dominus. **Ps.** Beatus vir. II. **Ant.** Apud dominum misericordia et copiosa apud eum redemptio. **Ps.** De profundis. **Ant.** De fructu ventris tui ponam super sedem tuam. **Ps.** Memento domine. Predicte antiphone cum suis psalmis dicantur cotidie ad vespas usque ad Octavas Epyphanie, et in ipsis Octavas. Cap. Multifarie. Ymnus, V, ut supra in Primis Vesperis. Ad Mag. Ant. Hodie Christus natus est, hodie salvator apparuit, hodie in terra canunt angeli, letantur archangeli, hodie exultant iusti dicentes: gloria in excelsis deo alleluya. **Oracio.** Concede. Postea fiat memoria de Sancto Stephano.

Ad Completorium super psalmos. Ant. Alleluya verbum caro factum est alleluya, et habitavit in nobis alleluya alleluya. Predicte antiphone dicantur in Completorio usque ad Vigiliam Epyphanie exclusive. Subscripto modo fiat memoria de Natali. In Laudibus, et in Vesperas cotidie usque ad Primas Vesperas Circumcisionis exclusive.

Ad Laudibus. Ant. Nesciens mater virgo virum peperit sine dolore salvatorem seculo-

rum ipsum regem angelorum sola virgo lactabat ubere de celo pleno. **V.** Benedictus qui venit. **Oracio.** Concede. **In Vesperis. Ant.** Gaudeamus omnes fideles, salvator noster natus est in mundum, hodie processit proles magnifici germinis, et perseverat pudor virginitatis. **V.** Tanquam sponsus. **Oracio.** Concede.

Si festum Natalis Domini, vel sancti Stephani vel sancti Iohannis, vel sanctorum Innocentium, vel sancti Thome in Dominica evenerit illa die de Dominica nichil fiat, sed in crastino sancti Thome post memoria de sanctis. In Laudibus fiat memoria de Dominica per Ant. Dum medium, et per V. Notum fecit. et Orationem. Omnipotens sempiterna. In Vesperis vero per Ant. Erant Ioseph et V. Verbum caro. et Orationem predictam. Proxima die post festum sancti Thome, Ad Matutinas. Invitat. Christus natus. Ymnus Christe Redemptor. Super psalmos Ant. Dominus dixit. sola dicatur psalmi. Quare fremuerunt. et ceteri de Nativitate Domini, Versiculis et tria Responsoria de hystoria Nativitatis secundum feriam. Tres lectiones de expositione Dominicalis evangelii, que omittenda est quando festum sancti Silvestri in Dominica evenerit, et tunc in hac die. I. post festum sancti Thome, fiant tres lectiones de

aliquo sermone Natalis supra notato.

Lectio Prima.

IN illo tempore: Erant Ioseph et Maria mater Ihesu mirantes super iis que dicebantur de illo. Et reliqua.

Omelia Origenis.

CONGREGEMUS in unum ea que in ortu Domini Ihesu dicta scriptaque sunt de eo: Et tunc scire poterimus singula queque digna esse miraculo. Quam ob rem mirabatur et pater, sic enim appellatus est Ioseph, quia nutritus fuit, mirabatur et mater super omnibus que dicebantur de eo.

Lectio Secunda.

QUE nam ergo sunt que de parvulo Ihesu fama disperserat? Pastores erant in regione illa vigilantes et observantes vigilias noctis super gregem suum. Venit angelus sub ipsa hora nativitatis Ihesu, et ait ad eos. Annuntio vobis gaudium magnum. Ite, et invenietis infantem involutum pannis: et positum in presepio.

Lectio Tertia.

NEC dum angelus verba finierat, et ecce multitudo celestis exercitus laudare cepit et benedicere Deum. Cum hoc pastores trepidi perspexissent, et angelus recessisset ab eis: dixerunt ad se invicem. Eamus in Bethleem, et videamus hoc factum quod Dominus ostendit

nobis. Venerunt. et invenerunt parvulum.

Te Deum. dicantur. V. Puer natus. In Laudibus una Ant. Quem vidistis. Psalmis. Dominus regnavit. Cap. Multifarie. Ymnus.

A solis ortus cardine ad usque terre limitem, christum canamus principem, natum Maria virgine.

Beatus actor seculi servile corpus induit, ut carne carnem liberans non perderet quos condidit.

Caste parentis viscera celestis intrat gratia, venter puelle bauiulat secreta que non noverat.

Domus pudici pectoris, templum repente fit dei, intacta nesciens virum verbo concepit filium.

Enixa est puerpera quem Gabriel predixerat, quem matris alvo gestiens clausus Iohannes senserat.

Feno iacere pertulit, presepe non abhorruit, parvoque lacte pastus est, per quem nec ales esurit.

Gaudet chorus celestium, et angeli canunt deo, palamque fit pastoribus pastor creator omnium.

Gloria tibi domine Qui natus es de virgine Cum patre et sancto spiritu, in sempiterna secula. Amen.

V. Benedictus qui venit.

Ad Ben. Ant. Nesciens mater. Oracio. Concede. Memoria de sancti, ultimo de Dominica,

nisi hoc dies in Sabbato evenerit. Tunc enim memoria Dominicalis in crastino reservabitur.

Ad memoria de Dominica. Ant. Dum medium silentium tenebant omnia et nox in suo cursu iter perageret omnipotens sermo tuus domine a regalibus sedibus venit alleluya. **V.** Notum fecit.

OMNIPOTENS sempiternus deus, dirige actus nostros in beneplacito tuo, ut in nomine dilecti filii tui mereamur bonos operibus abundare. Per eundem.

Ad Primam. Ant. Quem vidistis. Cetera ad ceteras horas. Capitula, responsoria, versiculi, et oracio de die Natalis Domini.

Ad memoriam de Dominica in Vesperis. Ant. Erant Ioseph et Maria mater Ihesu mirantes super his que dicebantur de illo. **V.** Verbum caro. Oracio. Omnipotens sempiternus.

Si vero in hac die Dominica evenerit ad Matutinas, Invitat, Ymnus, Antiphone, psalmi, versiculi, responsoria, de Nativitate Domini, sex lectiones fiant de tribus mediis lectiones natalis tres ultime de omelia. Erant Ioseph. In Laudibus. Ant., psalmi, capitulum, ymnus, V, de Natali. Ad Ben. Ant. Nesciens. Oracio. Concede. Memoria de sanctis. Ultimo de Dominica, hore diei de Natali. Ad versus, Capitulum, et cetera que sequuntur de sanctis Silvestro erunt, et memoria

fiet de natali, deinde de sanctis ultimo de Dominica.

In Circumcisione Domini

Ad Vesperas. Capitulum. Multifarie. **R.** Verbum caro. **Ymnus.** Veni Redemptor. **V.** Tanquam sponsus. **Ad Mag. Ant.** Qui de terra est de terra loquitur, qui de celo venit super omnes est, et quod vidit et audivit hoc testatur, et testimonium eius nemo accipit. Qui autem acceperit eius testimonium signavit quia deus verax est. **Oracio.**

DEUS qui nobis nati saluatoris diem celerare concedis octavum, fac nos quesumus eius perpetua divinitate muniri, cuius sumus carnali commercio reparati. Qui tecum. Memoria de sancto Silvestro, deinde de sanctis. Postea de Dominica: si hac die evenerit.

Ad Matutinas Invit. Christus natus est. **Ymnus.** Christe Redemptor. **In Primo Nocturno. Ant.** Dominus dixit ad me filius meus es tu, ego hodie genui te. **Ps.** Quare fremuerunt. **Ant.** In sole posuit tabernaculum suum, et ipse tanquam sponsus procedens de thalamo suo. **Ps.** Celi enarrant. **Ant.** Elevamini porte eternas et introibit rex glorie. **Ps.** Domini est terra. **V.** Verbum caro.

Lectio Prima. Sermo Ambrosii. †

CIRCUMCIDITUR hodie puer ille qui natus est nobis. Factus est enim sub lege, ut

eos qui sub lege erant lucrificeret. Circumcisis autem Dominico dignus iudicabatur obtutu, quia oculi Domini super iustos. Circumcisio autem, purgationem significat delictorum. Sed quoniam humane carnis et mentis fragilitas, inextricabilibus vitiis implicatur, culpe totius futura purgatio resurrectionis prefigurabatur etate.

R. In principio erat verbum et verbum erat apud deum et deus erat verbum, hoc erat in principio apud deum, * Omnia per ipsum facta sunt et sine ipso factum est nichil. **V.** Quod factum est in ipso vita erat et vita erat lux hominum. Omnia.

Lectio Secunda. Origenes in sermone. Quod mortuus. †

SICUT autem Christo commortui sumus illo moriente, sic et cum eo circumcisi sumus, et sollemni purgatione mundati, nequaquam iam indigemus circumcisione carnali. Audi Paulum. In quo et circumcisi estis circumcisione sine manibus in expoliatione corporis carnis. Et mors igitur et circumcisio eius pro nobis facte sunt.

R. Benedictus qui venit in nomine domini, deus dominus, * Et illuxit nobis. **V.** Lapidem quem reprobaverunt edificantes hic factus est in caput anguli. Et.

Lectio Tertia.

ET cum impleti essent dies circumcidendi puerum, vocatum est nomen eius Ihesus. Vocabulum Ihesu gloriosum, omni adoratu cultuque dignissimum, nomen quod est super omne nomen non debuit primum ab hominibus appellari, neque ab eis efferri in mundum, sed ab excellentiori quadam maiori que natura. Unde signanter evangelista addidit dicens. Quod vocatum fuerat ab angelo ante quam conciperetur in utero.

R. Ecce agnus dei qui tollit peccata mundi, ecce de quo decemus vobis, * Qui post me venit ante me factus est, * Cuius non sum dignus corrigiam calciamento solvere. **V.** Hoc est testimonium quod perhibuit Iohannes dicens. Qui. Gloria. Cuius.

In Secundo Nocturno. Ant. Speciosus forma pre filiis hominum, diffusa est gratia in labiis tuis. **Ps.** Eructavit. **Ant.** Suscepimus deus misericordiam tuam in medio templi tui. **Ps.** Magnus dominus. **Ant.** Homo natus est in ea et ipse fundavit eam altissimus. **Ps.** Fundamenta eius. **V.** Notum fecit dominus.

Lectio Quarta. Sermo Augustini in Kalendis Ianuarii. ✠

ADMONEMUS caritatem vestram fratres, ut memineritis quomodo cantastis. Cantastis eni. Salva nos Do-

mine Deus noster: et congrega nos de Gentibus. Nolite misceri Gentibus, similitudine morum atque factorum. Dant illi strenas: date vos elemosinas. Advocantur illi cantionibus luxuriarum, advocemini vos sermonibus Scripturarum. Currunt illi ad theatrum, vos ad ecclesiam. Inebriantur illi, vos ieiunate. Si hodie non potestis ieiunare, saltem cum sobrietate prandete.

R. Nesciens mater virgo virum peperit sine dolore salvatorem seculorum, * Ipsum regem angelorum sola virgo lactabat ubere de celo pleno.

V. Beata viscera Marie virginis que portaverunt eterni patris filium. Ipsum.

Lectio Quinta.

MULTI luctabuntur hodie cum verbo quod audierunt. Diximus enim ut dicent. Nolite strenas dare pauperibus. Parum est ut tantum detis, etiam amplius date. Non vultis amplius, vel tantum date. Sed dicis michi. Quando strenas do, accipio et ego. Quid ergo? Quando das pauperi nichil accipies? Oblitus es illius promissionis ubi dicitur, qui dat pauperibus nunquam egebit? Oblitus es etiam illud quid dicitur est deus eis qui pauperibus dederunt, venite benedicti Patris mei, percipite regnum?

R. Sancta et immaculata virginitas quibus te laudibus effe-

ram nescio, * Quia quem celi capere non poterant tuo gremio contulisti. **V.** Benedicta tu in mulieribus et benedictus fructus ventris tui. Quia.

Lectio Sexta.

AUDITE fratres appellatum qui dixit. Nolo vos socios fieri demoniorum. Demonia delectantur canticis vanitatis nugatorio spectaculo, turpitudinibus variis theatrorum, insania circi, crudelitate amphiteatri, certaminibus animosis eorum qui pro pestilentibus hominibus lites suscipiunt, pro mimo, pro ystrione pro pantamimo, pro auriga, pro venatore. Ista facientes quasi thura ponunt demoniis. Nolite inquit effici participes eorum.

R. Confirmatum est cor virginis in quo divina mysteria angelo narrante suscepit, que speciosum forma pre filiis hominum castis concepit visceribus, * Et benedicta in eternum, * Deum nobis protulit et hominem. **V.** Domus pudici pectoris templum repente fit dei intacta nesciens virum, verbo concepit filium. Et. Gloria. Deum.

In Tertio Nocturno. Ant. Exultabunt omnia ligna silvarum ante faciem domini quoniam venit. **Ps.** Cantate domino, I. **Ant.** In principio et ante secula deus erat verbum, ipse natus est nobis salvator mundi. **Ps.** Dominus regnavit exultet.

Ant. Ante luciferum genitus et ante secula dominus, salvator noster hodie nasci dignatus est.

Ps. Cantate domino. II. **V.** Ipse invocabit.

Lectio VII. Secundum Lucam.

IN illo tempore: Postquam consummati sunt dies octo ut circumcideretur puer, vocatum est nomen eius Ihesus. Et reliqua.

Omelia Venerabilis Bede Presbiteri. †

SANCTAM venerandamque presentis festi memoriam: paucis quidem verbis evangelista comprehendit, sed non pauca celestis mysterii virtute gravidam reliquit. Ut autem nobis necessariam obediendi virtutem precipuo commendaret exemplo, factum sub lege filium suum misit deus in mundum: non quia ipse legi quicquam deberet, qui unus magister noster, unus est legislator et iudex, sed ut eos qui sub lege positi legis onera portare nequiverant, sua compassione iuvaret: ac de servili conditione que sub lege erat ereptos, in adoptionem filiorum que per gratiam est sua largitate reduceret.

R. O regem celi cui talia famulatur obsequia stabulo ponitur qui continet mundum, * Iacet in presepio et in nubibus tonat. **V.** Qui celum terramque regit in secula solus. Iacet.

Lectio VIII.

SUSCEPIT igitur circumcissionem lege decretam in carne: qui absque omni prorsus labe pollutionis apparuit in carne. Et qui in similitudine carnis peccati, non autem in carne peccati advenit, remedium quo caro peccati consueverat mundari non respuit: sicut etiam undam baptismatis qua nove gratie populos a peccatorum sorde lavari voluit, ipse non necessitatis sed exempli causa subiit.

R. Congratulamini michi omnes qui diligitis dominum quia cum essem parvula placui altissimo, * Et de meis visceribus enui deum et hominem. **V.** Beatam me dicent omnes generationes qui ancillam humilem respexit deus. Et.

Lectio IX.

SCIRE et enim debet vestra fraternitas quia idem salutare curationis auxilium circumcisio in lege contra originalis peccati vulnus agebat, quod nunc baptismus agere revelate gratie tempore consuevit, excepto quod regni celestis ianuam necdum intrare poterant. Qui enim nunc per evangelium suum terribiliter ac salubriter clamat nisi qui renatus fuerit ex aqua et spiritu sancto non potest introire in regnum Dei, ipse dudum per legem suam clamabat: Masculus cuius preputii caro circumcisa non fuerit, peribit anima il-

la de populo suo, quia pactum meum irritum fecit.

R. Verbum caro factum est et habitavit in nobis cuius gloriam vidimus quasi unigeniti a patre, * Plenum gratie et veritatis. **V.** In principio erat verbum et verbum erat apud deum et deus erat verbum. Plenum. Gloria. Plenum.

In Laudibus. Ant. O admirabile commercium creator generis humani animatum corpus sumens de virgine nasci dignatus est, et procedens homo sine semine, largitus est nobis suam deitatem. **Ps.** Dominus regnavit. **Ant.** Quando natus es ineffabiliter ex virgine, tunc implete sunt scripture, pluvia in vellus descendisti, ut salvum faceres genus humanum, te laudamus deus noster.

Ps. Iubilare deo. II. **Ant.** Rubum quem viderat Moyses incombustum, conservatam agnovimus tuam laudabilem virginitatem, dei genitrix intercede pro nobis. **Ps.** Deus deus meus. II. **Ant.** Germinavit radix Iesse, orta est stella ex Iacob, virgo peperit salvatorem, te laudamus deus noster.

Can. Benedicite. **Ant.** Ecce Maria genuit nobis salvatorem, quem Iohannes videns exclamavit dicens, ecce agnus dei ecce qui tollit peccata mundi alleluya. **Ps.** Laudate dominum. **Cap.** Multifarie. **Ymnus.** A Solis Ortus. **V.** Benedictus qui venit. **Ad Ben. Ant.** Mirabile my-

sterium declaratur, hodie innovantur nature, deus homo factus est id quod fuit permansit et quod non erat assumptus, non commixtionem passus neque divisionem. **Oracio.** Deus qui nobis. Memoria de sanctis, Capitula, Responsoria, V, ad horas sicut in die Natalis cum Oratione. Deus qui nobis. **Ad Vesperas.** Capitulum, Ymnus, V, ut in primis vespers. **Ad Mag. Ant.** Magnum hereditatis mysterium templum dei factus est uterus nesciens virum, non est pollutus ex ea carnem assumens, omnes gentes venient dicentes gloria tibi domine.

Memoria de sancto Stephano. Ant. Tu principatum. deinde de aliis sanctis. In vigilia Epiphannie si in dominica contigerit fiant, novem lectiones. Sex lectiones de tribus lectionibus mediis in Natali et tres de omelia sequenti. Invitat, Ymnus, Ant., Psalmi, V, Responsoria, Antiphone Laudum, Capitulum, Ymnus, V, de Circumcisione. Ad Ben. Ant. Revertere in terram Iuda mortui sunt enim qui querebant animam pueri. **Oracio.**

CORDA nostra quesumus domine venture festivitatis splendor illustret, quo mundi huius tenebris carere valeamus, et perveniamus ad patriam claritatis eterne. Per. Per horas diei, Ant., Cap., R, V, de Circumcisione, cum Ora-

cione. Corda. Si vero dominica non fuerit, ita fiat officium. Invitat. Christus natus. Ymnus. Christe Redemptor. Super psalmos. Ant. Dominus dixit. sola dicatur, psalmi, ut in Circumcisione. V. Notum fecit.

Lectio Prima. Secundum Mattheum.

IN illo tempore: Defuncto Herode, ecce angelus domini apparuit in somnis Ioseph in Egypto, dicens. Surge et accipe puerum et matrem eius: et vade in terram Israhel. Et reliqua.

Omelia Venerabilis Bede Presbiteri.

QUOD occisis pro domino pueris Herodes non longe post obiit, et Ioseph movente angelo dominum cum matre ad terram Israhel reduxit, significat omnes persecutiones que contra ecclesiam erant movende, ipsorum persecutorum morte vindicandas, eisdemque mulctatis persecutoribus pacem ecclesie denuo reddendam, et sanctos qui latuerant ad sua loca fuisse reversuros. **R.** Confirmatum.

Lectio Secunda.

POSSUMUS quoque odium Herodis quo perdere Ihesum voluit, super persecutionibus que apostolorum sunt temporibus facte in Iudea specialiter accipere, quando invalescente invidia, predicatorum verbi sunt pene omnes expulsi de provincia et in gentibus

predicaturi, sunt longe lateque dispersi. Sic et factum est, ut gentilitas que per Egyptum figuratur, peccatis ante tenebrosa lumen verbi perciperet. **R.** O regem celi.

Lectio Tertia.

HOC est autem puerum Ihesum et matrem eius per Ioseph in Egyptum transferri, dominice scilicet fidem incarnationis et ecclesie societatem per doctores sanctos gentibus committi. Quod erant in Egypto usque ad obitum Herodis: indicat figurate fidem Christi in gentibus mansuram donec plenitudo earum introeat, et sic omnis Israhel salvus fiat. **R.** Congratulamini. Te Deum. **V.** Puer natus.

In Laudibus sola Ant. O admirabile. Ps. Dominus regnavit. Capitulum. Multifarie. Ymnus. A Solis. **V.** Benedictus qui venit. Ad Ben. Ant. Revertere. Oracio Corda Nostra. Ad Primam. Ant. O admirabile. Cap. Regi. Oracio. In hac hora. Ad Terciam, Sextam, et Nonam. Ant., Cap., R., V., de Circumcisione cum oratione. Corda.

Ad Vesperas. Capitulum.

SURGE illuminare Hierusalem, quia venit lumen tuum, et gloria domini super te orta est. **R.** In columbe. **II. Ymnus.**

HOSTIS Herodes impie christum venire quid times, non eripit mortalia, qui regna dat celestia.

Ibant magi quam viderant stellam sequentes previam, lumen requirunt lumine, deum fatentur munere.

Lavacra puri gurgitis celestis agnus attigit, peccata que non detulit nos abluendo sustulit.

Novum genus potentie aque rubescunt ydrie, vinumque iussa fundere, mutavit unda originem.

Gloria tibi domine qui apparuisti hodie cum patre et sancto spiritu, in sempiterna secula. Amen.

Iste versus dicatur ad omnes ymnos per octavam Epiphanie.

V. Reges Tharsis et insule munera offerent.

R. Reges Arabum et Saba dona adduncent.

Ad Mag. Ant. Magi videntes stellam, dixerunt ad invicem, hoc signum magni regis est, eamus et inquiramus eum et offeramus ei munera aurum thus et miram. **Oracio.** Corda nostra.

Ad Completorium super psalmos. Ant. Lux de luce apparuisti Christe cui magi munera offerunt alleluya alleluya alleluya. **Ad Nunc Dimittis. Ant.** Alleluya, omnes de Saba venient alleluya aurum et thus deferentes alleluya, alleluya.

Predictae antiphone dicantur ad Completorium usque ad Octavam inclusive.

In Epiphania Ad Matutinas
Non dicatur invitatorium ne-

que ymnus, sed statim post, Domine labia et Deus in adiutorium, incipiatur, **Ant.** Affer te domino filii dei adorate dominum in aula sancta eius. **Ps.** Affer te domino. **Ant.** Fluminis impetus letificat alleluya, civitatem dei alleluya. **Ps.** Deus noster refugium. **Ant.** Psallite deo nostro psallite, psallite regi nostro psallite sapienter. **Ps.** Omnes gentes. **V.** Reges Tharsis.

Lectio Prima.

OMNES sitientes venite ad aquas: et qui non habetis argentum, properate, emite, et comedite. Venite emite absque argento, et absque ulla commutatione: vinum et lac. Quare appenditis argentum non in panibus, et laborem vestrum non in saturitate? Audite audientes me et comedite bonum: et delectabitur in crassitudine anima vestra. Hec dicit.

R. Hodie in Iordane baptizato domino aperti sunt celi, et sicut columba super eum spiritus mansit, et vox patris intonuit * Hic est filius meus dilectus in quo michi complacui.

V. Descendit Spiritus Sanctus corporali specie sicut columba in ipsum et vox de celo facta est. Hic.

Lectio Secunda.

INCLINATE aurem vestram et venite ad me: audite, et vivet anima vestra. Et feriam vobiscum pactum sempiter-

num: misericordias David fideles. Ecce testem populis dedi eum, ducem ac preceptorem gentibus. Ecce gentem quam nesciebas vocabis, et gentes que te non cognoverunt ad te current: propter Dominum Deum tuum, et Sanctum Israel, quia glorificavit te. Hec dicit.

R. In columbe specie Spiritus Sanctus visus est, paterna vox audita est, * Hic est filius meus dilectus in quo michi bene complacui. **V.** Celi aperti sunt super eum, et vox patris intonuit. Hic.

Lectio Tertia.

QUERITE Dominum dum inveniri potest, invocate eum dum prope est. Derelinquat impius viam suam, et vir iniquus cogitationes suas: et revertatur ad Dominum, et miserebitur eius, et ad Deum nostrum, quoniam multus est ad ignoscendum. Hec dicit.

R. Reges Tharsis et insule munera offerent, * Reges Arabum et Saba dona domino deo adducent. **V.** Omnes de Saba venient aurum et thus deferentes. Reges. Gloria. Reges.

In Secundo Nocturno. Ant. Omnis terra adoret te et psallat tibi psalmum dicat nomini tuo domine. **Ps.** Iubilate deo. **I. Ant.** Reges Tharsis et sinule munera offerent regi domino. **Ps.** Deus iudicium tuum. **Ant.** Omnes gentes quascumque fecisti venient et adorabunt coram

te domine. **Ps.** Inclina domine. **V.** Omnes de Saba venient. **R.** Aurum et thus deferentes.

Maximus in sermone. Cum plura. **Lectio Quarta.** ✠

SICUT posteritati sue fidelis mandavit antiquitas, hodie salvator celestibus ostensus indiciiis, a Chaldeis est adoratus. Hodie Christus beati Iohannis ministerio: fluentia Iordanis benedictione proprii baptismatis consecravit. Hodie invitatus ad nuptias divinitatis sue potentiam manifestans: aquam mutavit in vinum. Aquas inquam quas sanctificavit in baptismo, nobilitavit in nuptiis. Tria quidem hec mysteria unius diei, per unum Dominum dignatio Trinitatis implevit.

R. Illuminare illuminare Hierusalem, venit lux tua, * Et gloria domini super te orta est.

V. Et ambulabunt gentes in lumine tuo et reges in splendor ortus tui. Et.

Lectio Quinta.

HODIE magus per stellam reperit, quod Iudeus noluit credere per prophetas. Hodie gentilitas edocta de celo, redemptorem mundi inquit ut regem, muneratur ut fortem, adorat ut Deum. Recte autem nove stella resplenduit cuius gens perfida nec radium occultare possit nec abscondere veritatem: ubi celum ipsum universorum oculis sy-

dereo lumine fulgebat. Quam mirabile autem est hoc quod exiguus stelle radius alienigenarum corda permovet, cum illum Iudaicum populum cui mare divisum, cui prebitum manna de nubibus, nec ignea potuerit de celo micans columna convertere.

R. Omnes de Saba veniet naurum et thus deferentes et * Laudem domino annunciantes.

V. Reges Tharsis et insule munerera offerent, reges Arabum et Saba dona adducent. Laudem.

Lectio Sexta.

QUID hac sollemnitate sacratius, in qua partum virginis qui latebat in cunis, stella fulgentior ceteris coruscavit, in qua unigenitum Dei in sanctificationem sui Iordanis unda suscepit, homo Spiritum sanctum vidit, Patrem mundus audivit. In qua etiam sobrio illo vini mirabilis poculo peccatis ebrium mortale genus visitasse se Christus ostendit? Et ideo karissimi in spiritualibus donis, lubrice carnis voluptate deposita, spiritualiter gaudeamus, ut tenebras cordis nostri, lumen stelle celestis irradiet, benedictio paterne vocis illustret, et salutare nos vinum, Christo propinante letificet. Amen.

R. Magi veniunt ab oriente Hierosolimam querentes et dicentes, ubi est qui natus est cuius tellam vidimus, * Et venimus adorare eum. **V.** Vidi-

mus stellam eius in oriente. Et. Gloria. Et.

In Tertio Nocturno. Ant. Venite adoremus deum quia ipse est dominus deus noster. **Ps.** Venite. predicta antiphone cum psalmo non cantetur infra octavas, sed loco ipsius dicatur.

Ant. Homo natus est in ea et ipse fundavit eam altissimus. **Ps.** Fundamenta eius. **Ant.** Adorate dominum alleluya, in aula sancta eius alleluya. **Ps.** Cantate domino, I. **Ant.** Adorate deum alleluya omnes angeli eius alleluya. **Ps.** Dominus regnavit exultet. **V.** Omnes terra adoret te deus et psallat tibi. **R.** Psalmum dicat nomini tuo.

Lectio VII. Secundum Mattheum.

CUM natus esset Ihesus in Bethleem vide in diebus Herodis regis: Ecce magi ab oriente venerunt Hierosolimam dicentes. Ubi est qui natus est rex Iudeorum? Et reliqua.

Omelia Beati Gregorii Pape.

SICUT ex lectione evangelica fratres audistis, celi rege nato rex terre turbatus est, quia nimirum terrena altitudo confunditur cum celsitudo celestis aperitur. Sed querendum nobis est, quidnam sit quod redemptore nato, pastoribus in Iudea angelus apparuit, atque ad adorandum hunc ab oriente magos non angelus sed stella perduxit. Quia videlicet Iudeis tanquam ratione utentibus ra-

tionale animal id est angelus predicare debuit, gentiles vero quia uti ratione nesciebant ad cognoscendum deum non per vocem sed per signa perducuntur: quia et illis prophetie tanquam fidelibus non infidelibus, et istis signa tanquam infidelibus non fidelibus data sunt.

R. Stella quam viderant magi in oriente antecedeat eos, donec venirent ad locum ubi puer erat, videntes autem eam, * Gavisi sunt gaudio magno. **V.** Et intrantes domum invenerunt puerum cum Maria matre eius, et procidentes adoraverunt eum. Gavisi.

Lectio VIII.

ET notandum quod redemptorem nostrum, cum iam perfecte esset etatis eisdem gentilibus apostoli predicant, eumque parvulum et necdum per humani corporis officium loquentem stella gentibus denuntiat: quia nimirum rationis ordo poscebat, ut et loquentem iam dominum loquentes nobis predicatorum innotescerent, et necdum loquentem elementa muta predicarent.

R. Videntes stellam magi gavisi sunt gaudio magno, et intrantes domum invenerunt puerum cum Maria matre eius, et procidentes adoraverunt eum, * Et apertis thesauris suis obtulerunt ei munera, aurum thus et mirram. **V.** Stella quam

viderant magi in oriente antecede-
bat eos, usque dum veniens staret
supra ubi erat puer. Et.

Lectio IX.

SED in omnibus signis que
vel nascente domino vel
moriente monstrata sunt,
considerandum nobis est
quanta fuerit in quorundam
Iudeorum corde duritia, que
hunc nec per prophetie do-
num, nec per miracula agnovit.
Omnia quippe elementa deum
venisse testata sunt.

R. Tria sunt munera preciosa,
que obtulerunt magi domino
in die ista et habent in se divina
mysteria, * In auro ostenditur
regis potentia in thure sacer-
dotem magnum considera, *
Et in mirra dominicam sepul-
turam. **V.** Saltis nostre actorem
magi venerati sunt in cunabilis
et de thesauris suis mysticas ei
munerum species obtulerunt.
In. Gloria. Et in mirra.

Postea sequitur. Dominus vo-
biscum. Et cum spiritu tuo.

Sequencia sancti Evangelium Secundum Lucam.

FACTUM est autem cum bap-
tizaretur omnis populus,
et Ihesu baptizato et orante
apertum est celum, et descen-
dit Spiritus Sanctus corpora-
li specie sicut columba in ip-
sum. Et vox de celo facta est.
Tu es filius meus dilectus in te
complacui michi. Et ipse Ihe-
sus erat incipiens quasi anno-
rum triginta, ut putabatur fi-

lius Ioseph. Qui fuit Hely. Qui
fuit Mathan. Qui fuit Levi. Qui
fuit Melchi. Qui fuit Iamne. Qui
fuit Ioseph. Qui fuit Mathathie.
Qui fuit Amos. Qui fuit Naum.
Qui fuit Hesly. Qui fuit Nagge.
Qui fuit Maath. Qui fuit Matha-
thie. Qui fuit Semei. Qui fuit Io-
seph. qui fuit Iuda. Qui fuit Io-
hanna. Qui fuit Resa. Qui fuit
Zorobabel. Qui fuit Salathiel.
Qui fuit Neri. Qui fuit Melchi.
Qui fuit Addi. Qui fuit Chosan.
Qui fuit Elmadan. Qui fuit Her.
Qui fuit Ihesu. Qui fuit Heliezer.
Qui fuit Ioram. Qui fuit Matha-
th. Qui fuit Levi. Qui fuit Sym-
meon. Qui fuit Iuda. Qui fuit Io-
seph. Qui fuit Iona. Qui fuit He-
liachim. Qui fuit Melcha. Qui
fuit Menna. Qui fuit Matha-
thia. Qui fuit Nathan. Qui fuit
David. Qui fuit Iesse. Qui fuit
Obeth. Qui fuit Booz. Qui fuit
Salmon. Qui fuit Naason. Qui
fuit Aminadab. Qui fuit Aram.
Qui fuit Esron. Qui fuit Pha-
res. Qui fuit Iude. Qui fuit Iacob.
Qui fuit Ysaac. Qui fuit Abra-
he. Qui fuit Thare. Qui fuit Na-
chor. Qui fuit Saruch. Qui fuit
Ragau. Qui fuit Phalech. Qui
fuit Heber. Qui fuit Sale. Qui
fuit Caynan. Qui fuit Arphaxad.
Qui fuit Sem. Qui fuit Noe. Qui
fuit Lamech. Qui fuit Matusale.
Qui fuit Enoch. Qui fuit Iared.
Qui fuit Malaleel. Qui fuit Cay-
nan. Qui fuit Enos. Qui fuit Se-
th. Qui fuit Adam. Qui fuit Dei.
Ihesus autem plenus Spiritu
Sancto regressus est a Iordane.
Te Deum. **V.** Vidimus stellam
eius in oriente. **R.** Et venimus
adorare eum.

In Laudibus. Ant. Ante luciferum genitus et ante secula dominus, salvator noster hodie mundo apparuit. **Ps.** Dominus regnavit. **Ant.** Venit lumen tuum Hierusalem, et gloria domini super te orta est, et ambulabunt gentes in lumine tuo alleluya. **Ps.** Iubilare deo. II. **Ant.** Apertis thesauris suis obtulerunt magi domino aurum thus et mirram, alleluya. **Ps.** Deus deus meus. II. **Ant.** Maria et flumina benedicite domino, ymnum dicite fontes domino alleluya. **Can.** Benedicite. **Ant.** Tria sunt munera que obtulerunt magi domino aurum thus et mirram, filio de regi magno alleluya. **Ps.** Laudate dominum. **Cap.** Surge illuminare.

A patre unigenitus ad nos venit per virginem, baptisma cruce consecrans, cunctos fideles generans.

De celo celsus prodiit excepit formam hominis, facturam morte redimens gaudia vite largiens.

Hoc te redemptor quesumus. illabere propitius clarumque nostris sensibus lumen prebe fidelibus.

Mane vobiscum domine, noctem obscuram remove, omne delictum ablue, piam medelam tribue.

Quem iam venisse novimus redire item credimus, sub sceptro tuo inclito, tuum defende populum.

Gloria tibi domine qui apparuisti hodie cum patre et sancto spiritu, in sempiterna secula. Amen.

V. Adorate dominum. **R.** In aula sancta eius.

Ad Ben. Ant. Hodie celesti sponso iuncta est ecclesia, quoniam in Iordane lavit Christus eius crimina, currunt cum muneribus magi ad regales nuptias et ex aqua facto vino letantur convivere, alleluya.

Oracio.

DEUS qui hodierna die unigenitum tuum gentibus stella duce revelasti, concede propitius, ut qui iam te ex feide cognovimus, usque ad contemplandum speciem tue celsitudinis perducamur. Per eundem. Ad horas, antiphona laudum.

Ad Primam. R. Ihesu Christe. **V.** Qui Apparuisti hodie. Iste V. dicatur usque ad octavas inclusive.

Ad Terciam. Cap. Surge.

R. Reges Tharsis et insule munera offerent, * Alleluya alleluya. **V.** Reges Arabum et Saba dona adducent. Alleluya. Gloria. Reges. **V.** Omnes de Saba venient.

Ad Sextam. Capitulum.

SUPER te Hierusalem orientur dominus, et gloria eius in te videbitur, et ambulabunt gentes in lumine tuo, et reges in splendore ortus tui.

R. Omnes de Saba venient, *

Alleluya alleluya. **V.** Aurum et thus deferentes. Alleluya. Gloria. Omnes. **V.** Omnis terra adoret te deus et psallat tibi.

Ad Nonam. Capitulum.

OMNES de Saba venient aurum et thus deferentes et laudem domino annunciantes. **R.** Omnis terra adoret te deus et psallat tibi, * Alleluya alleluya. **V.** Psalmum dicat nomini tuo. Alleluya. Gloria. Omnis. **V.** Adorate dominum. **R.** In aula sancta eius.

Ad Vesperas. Capitulum, Ymnus, V, ut in Primis Vesperis

Ad Mag. Ant. Ab oriente venerunt magi in Bethleem adorare dominum et apertis thesauris suis preciosa munera obtulerunt aurum sicut regi magno thus sicut deo vero mirram sepulture eius, alleluya.

Per Octavas Epiphanie

Invitat. Christus apparuit nobis, Venite adoremus. **Ymnus.** Hostis Herodes. cotidie dicatur. In ferialibus diebus: una antiphona de novem super psalmos. Prima die post festum dicatur prima, secunda die, secunda, et sic deinceps quot fuerint necessarie. Psalmi de festo, excepto psalmo, Venite. loco cuius dicatur psalmi, Fundamenta eius. versiculi, antiphone, lectiones, et tria responsoria de hystoria secundum ordinem nocturnorum excepto quod quando dici contigerit ant. Omnis terra: dicendus est. **V.** Reges Tharsis,

et quando dicetur ant. Reges Tharsis, dicendus est V. Omnes de Saba. Te Deum. cotidie dicatur, V. Vidimus. In laudibus prima antiphona laudibus super psalmos, Cap., Ymnus, **V,** de die. **Ad Ben. Ant.** Descendit Spiritus Sanctus corporali specie sicut columba in ipsum, et vox de celo facta est hic est filius meus dilectus alleluya. Oratio sicut in die. Hore diei sicut in festo. Ad Vesperas. Cap., Ymnus, V, de die. Ad Mag. Ant. Videntes stellam magi gavisunt gaudio magno et intrantes domum obtulerunt domino autum thus et mirram. Oratio ut supra. Predictae due antiphone dicantur cotidie infra octavas, etiam in dominica. Descendit ad Ben. et Videntes Ad Mag.

Si dies Epiphanie in Dominica evenierit in sequenti feria quarta legatur ad Matutinas Omelia, Evangelii, Cum factus. In laudibus vero post orationem de Epyphania dicatur, ad memoria antiphone Fili cum **V,** Omnis terra et oratione Vota. In Vesperis vero similiter post orationem de Epyphania dicatur ad memoria ant. Puer Ihesus cum **V.** Omnes de Saba et oratione Vota. Sabbato autem sequenti post orationem, Deus cuius unigenitus fiat memoria de Dominica sequenti, per Ant. Peccata et **V.** Vespertina oratio. et per orationem Omnipotens sempiterne deus qui celestia.

Ad laudes vero diei sequentis in qua totum officium est de octava Epiphanie fiat memoria de dominica, per Ant. Nuptie et V. Dominus regnavit. et orationem, Omnipotens sempiterne. In vesperis autem per antiphona Deficiente et V. Dirigatur et orationem predictam. In quarta vero feria sequenti ad Matutinas legatur omelia de nuptiis, et totum officium fiat de feria, et de sancto Marcello fiat tantum memoria. Ad laudibus antiphone et ad horas diei dicetur Oracio, Omnipotens sempiterne. Quando vero infra octavas Epyphanie Dominica evenerit sicut fiat officium. Ad Matutinas. Invitat. Christus apparuit. Ymnus, Hostis. Ant, Psalmi, V, Responsoria, de die Epiphanie excepta Ant. Venite cum suo psalmo loco cuius dicatur Ant. Homo natus cum psalmo Fundamenta eius. In laudibus antiphone, Cap., Ymnus, V, de die. Ad Ben. Ant. Descendit. Oracio, Deus qui hodierna die. Deinde fiat memoria de dominica per Ant. Fili cum V. Omnis terra, et oratione, Vota. Hore sicut in die Epiphanie. Ad Vesperas, Cap., Ymnus, V, de Epiphania. Ad Mag. Ant. Videntes. Oracio, Deus qui hodierna. Deinde fiat memoria de Dominica, per Ant. Puer cum V. Omnes de Saba et oratione, Vota. Infra Octavas per ferias, et in Dominica et in Octava die repetantur tres lectiones de ser-

monibus supra notate in festo, et tres sequentes.

Maximus in sermone Salutare.
✠**Lectio.**

SICUT nascendo gloriosus est filius dei: ita apparendo mirabilis. Mirum quod processit ex virgine: magnificum quod ostensus est e celo. Apud Iudeam in presepi vagiebat, in Chaldea inter sydera coruscabat. Apud Iudeos sordebat in pannis: apud gentiles fulgebat in gloria, ut celorum dominum testimonium celeste precederet: et actorem lucis signum luminis revelaret. **Lectio.**

NULLUS ambigat quin Christus in terra degens fulgeret e celo: quia sic venit ad terras, ut non relinqueret celum. Inde est quod virginalem hunc puerum laudant angeli, mirantur pastores, celum attestatur, venerantur et magi, quia mystica eius natiuitas sempiterno gaudio et terram letificavit et celum. Hunc ergo regem celestium tremit Herodes: sed obcecata tenebris Iudea, sola videre non potest, quod omnibus splendet e celo. Idem in sermone. Ait prophetarum. ✠**Lectio.**

VIDIMUS iniquiunt magi stellam eius, bene eius: que specialiter eius nunciabat adventum. Et cetere quidem stelle facte sunt, ut mundi huius tempora cursusque distingerent: hec vero prodire

iussa est, ut ipsum mundi dominum, et regni celestis adesse tempus ostenderet. Stetit ait evangelista supra ubi erat puer. Nunquid non dicere videbatur, hic est puer quem natum testabar e celo? Hic est rex ille magnus, qui venit celesti imperio regnum sociare terrenum?

Dominica infra Octavas. Lectio VII. Secundum Lucam.

IN illo tempore: Cum factus esset Ihesus annorum duodecim, ascendentibus parentibus eius Hierosolimam secundum consuetudinem diei festi, consummatisque diebus cum redirent, remansit puer Ihesus in Hierusalem et non cognoverunt parentes eius. Et reliqua.

Omelia Venerabilis Bede Presbiteri. ✠

QUOD dominus per omnes annos cum parentibus in Pascha Hierosolimam venit, humane nimirum humilitatis est indicium. Hominis namque est ad offerenda Deo sacrificiorum spiritualium vota concurrere, et actorem suum orationibus lacrimisque sibi conciliare profusis.

Lectio VIII.

FECIT ergo dominus inter homines homo natus, quod faciendum hominibus per angelos imperaverat Deus. Servavit ipse legem quam dedit, ut nobis qui puri homines sumus, servandum per om-

nia quicquid Deus iubet ostenderet. Sequamur iter humane conversationis eius, si deitatis gloriam delectamur intueri: si optamus habitare in domo eius eterna in celis omnibus diebus vite nostre.

Lectio IX.

QUOD autem duodenis in templo sedit in medio doctorum audiens et interrogans illos, humane est humilitatis indicium, immo etiam eximium discende humilitatis exemplum. Dei quippe virtus et Dei sapientia eternaque divinitas que loquitur, Ego sapientia habito in consiliis, ipsa hominem induta ad audiendos homines venire dignata est: ut nimirum hominibus quamvis summo ingenio peditis necessariam discendi verbi formam prerogaret, ne si qui discipuli veritatis fieri refugerent: magistri efficerentur erroris.

Ad memoria de Dominica. Ant. Fili quid fecisti nobis sic, ego et pater tuus dolentes querebamus te, quid est quod me querebatis nesciebatis quia in his que patris mei sunt oportet me esse alleluia. **℣.** Omnis terra.

VOTA quesumus domine supplicantes populi celesti pietate prosequere, ut et que agenda sunt videant et ad implenda que viderint convalescant. Per.

In Vesperis. Ad memoria. Ant.

Puer Ihesus proficiebat etate et sapientia coram deo et hominibus. **V.** Omnes de Saba. **Ora-**
cio. Vota.

In Octava Epyphanie

In Primis Vesperis. Cap. Surge. **Ymnus.** Hostis. **V.** Reges. **Ad Mag. Ant.** Baptizat milles regem, servus dominum suum, Iohannes salvatorem, aqua Iordanis stupuit, columba protestata est, paterna vox audita est, hic est filius meus.

Oracio.

DEUS cuius unigenitus in substantia nostre carnis apparuit, presta quesumus ut per eum quem similem nobis foris agnovimus, intus reformari mereamur. Qui tecum.

Ad Matutinas. Invitat. Christus apparuit. **Ymnus, ant., psalmi, V, responsoria, sicut supra in die est notatum.**

Lectio VII. Secundum Mattheum.

IN illo tempore: Venite Ihesus a Galilea in Iordanem ad Iohannem ut baptizaretur ab eo. Et reliqua.

Omelia Venerabilis Bede Presbiteri. ✠

LECTIO sancti evangelii quam modo fratres audivimus, magnum nobis et in domino et in servo dat perfecte humilitatis exemplum. In domino quidem: quia cum sit dominus deus, non solum ab homine servo baptizari, verum etiam ipse ad hunc bapti-

zandus venire dignatus est. In servo autem, quia cum sciret precursorem se ac baptistam sui salvatoris esse destinatum, memor tamen proprie fragilitatis: iniunctum sibi officium humiliter recusavit dicens. Ego a te debeo baptizari, et tu venis ad me?

Lectio VIII.

VENIT filius Dei baptizari ab homine, non anxia necessitate abluendi alicuius sui peccati, qui peccatum non fecit ullum: sed pia dispensatione abluendi omnis nostri contagionem peccati, qui in multis offendimus omnes, et si dixerimus quia peccatum non habemus nos ipsos seducimus.

Lectio IX.

VENIT baptizari in aquis, ipsarum conditor aquarum, ut nobis qui in iniquitatibus concepti, et in delictis sumus generati, secunde natiuitatis, que per aquam et spiritum celebratur, appetendum insinuaret mysterium. Dignatus est lavari aquis Iordanicis qui mundus era a sordibus cunctis, ut ad diluendas nostrorum sordes scelerum: omnium fluentia sanctificaret aquarum. **V.** Vidimus.

In Laudibus. Ant. Veterem hominem renovans salvator venit ad baptismum, ut naturam que corrupta est per aquam recuperaret incorruptibili veste circumamictans nos. **Ps.** Dominus regnavit. **Ant.** Te qui in

spiritu et igne purificas humana contagia, deum ac redemptorem omnes glorificamus. **Ps.** Iubilare deo. II. **Ant.** Baptista contremuit, et non audet tangere sanctum dei verticem sed clamat cum tremore sanctifica me salvator. **Ps.** Deus deus meus. II. **Ant.** Caput draconis salvator contrivit in Iordanis flumine, ab eius potestate omnes eripuit. **Can.** Benedicite. **Ant.** Magnum mysterium declaratur hodie quia creator omnium in Iordane expurgat nostra facinora. **Ps.** Laudate dominum. **Cap., Ymnus, V, de die.** **Ad Ben. Ant.** Precursor Iohannes exultat cum Iordane baptizato domino facta est orbis terrarum exultatio, facta est peccatorum nostrorum remissio, sanctificans aquas, ipsi omnes clamemus miserere nobis. **Oratio.** Deus cuius unigenitus.

Ad horas diei ant. laudum, Capitula, R, V, de die Epiphanie, Oratio. Deus cuius. **Ad Vesperas, Cap., Ymnus, V, ut in primis vespis.** **Ad Mag. Ant.** Fontes aquarum sanctificati sunt Christo apparente in gloria, orbis terrarum haurite aquas de fonte salvatoris, sanctificavit enim nunc omnem creaturam, Christus deus noster. **Oratio.** Deus cuius. **Si hec octava in Sabbato evenierit, in vespis tantum fiat memoria de Dominica sequenti.**

NOTANDUM quod hystoria,

Domine ne in ira debet cantari in diebus dominicis usque ad Septuagesimam exclusive responsoria vero feriale, nisi festivitates impendant omnibus diebus infra ebdomadam sunt cantanda, usque ad Septuagesimam, preterquam in Sabbatis in quibus de Beata Virgine est agendum. Providendum tamen quod quando primum Sabbatum quod est post Octavam Epiphanie fuerit omnino vacans, ita quod non sit in eo festum trium lectionum vel maius, tunc in ipso Sabbato fiat Officium feriale et cantentur responsoria que pro Sabbato sunt signata. Hoc autem contingit quodcumque Octava Epiphanie est in Dominica, nisi Septuagesima fuerit in proxima Dominica immediate, videlicet in festo Fabiani et Sebastiani, quia tunc festum predictorum martirum est in Sabbato celebrandum. Alias vero nunquam contingit. Considerandum est autem diligenter utrum inter Octavas Epyphanie et Septuagesimam tot sint dies Dominici quod sunt Dominicalia Officia et orationes, ut in ipsis dicantur. Si vero non sint tot dies Dominici dicantur per ferias tali quidem die si fieri potest in quo nulla sit festivitas. Quod si necessitas coegerit ut in illa die dicatur Officium Dominicale in qua festum trium lectionum occurrerit, memoria tantum

fiat de festo. Ad Matutinum autem omelia, et antiphona ad Ben., et ad Mag., et Missa in die, de Dominica erunt. Quando vero inter Octavam Epiphanie et Septuagesimam nulla est Dominica vacans in qua possit cantari, hystoria, Domine in ira tunc responsoria de Psalmis que per ferias notata sunt vel eciam Officium de festis trium lectionum, si alie ferie non vacaverint sunt intermittenda, et hystoria, Domine in ira per easdem ferias cantetur. Propter orationes autem et Evangelia que post duo officia posita sunt, non debet intermitteri festum trium lectionum, nec in Sabbato Officium de Beata Virgine.

Sciendum igitur quod si Septuagesima evenerit decimo quinto kalendas Februarii, scilicet in festo Prisce, tunc in quarta feria precedenti, que est immediate post Octavas Epyphanie, hoc est in die Felicis, legendum est omelia de nuptiis et cantanda sunt tria ultima responsoria de hystoria Dominicali, et sequenti die scilicet in festo Mauri quod erit quinta feria legende sunt tres prime lectiones de Paulo ad Romanos, et cantanda tria prima responsoria hystorie Dominicalis. In sexta vero feria, scilicet in die Marcelli legenda est omelia, Cum descendisset et cantanda sunt tria media re-

sponsoria hystorie predicte. In Sabbato autem hoc est in die Antonii fiet de Beata Virgine.

Quando vero Septuagesima evenerit decimo quarto kalendas Februarii, tunc in tertia feria precedenti que erit immediate post Octavam Epiphanie, hoc est in die Felicis, legantur tres prime lectiones de Paulo, et contentur tria media responsoria hystorie Dominicalis. In quarta autem feria sequenti hoc est in die Mauri, legatur omelia de nuptiis, et contentur tria ultima responsoria hystorie Dominicalis. In quinta vero feria hoc est in die Marcelli, legatur omelia, Cum descendisset, et contentur tria prima responsoria hystorie predicte. In sexta feria fiat festum Antonii. In Sabbato vero fiat de Beata Virgine. Quando autem Septuagesima evenerit decimo tertio kalendas Februarii, tunc in secunda feria precedenti que erit immediate post Octavam Epyphanie, legantur prime tres lectiones de epistola Pauli ad Romanos, et contentur tria prima responsoria hystorie Dominicalis. In tertia feria fiat festum Mauri. In quarta feria hoc est in die Marcelli legatur omelia de nuptiis, et contentur tria ultima responsoria hystorie Dominicalis. In quinta feria fiat festum Antonii. In sexta feria hoc est in die Prisce legatur

omelia, Cum descendisset et contentur tria media responsoria hystorie predicte. In Sabbato fiet festum Fabiani et Sebastiani.

Dominica Prima Post Octavas Epyphanie Sabbato Precedenti

DOMINICA Prima post octavas Epyphanie, Sabbato precedenti sic inchoetur **Vespere**. Deus in adiutorium meum intende. **Responsio**. Domine ad adiuvandum me festina. Gloria Patri. Sicut erat. Alleluya. Hoc modo inchoentur omnes hore et laudes, nisi quod ad completorium premitendus est versiculus. Converte nos deus salutaris noster. Et averte ira tuam a nobis, et ad Matutinas, V. Domine labia mea aperies. Et os meum annunciabit laudem tuam. et ante Laudes dicitur versiculis. Excipitur totum triduum ante Pascha, et dies animarum et Vespere in die Pasche, et deinceps omnes Vespere usque ad Vesperas Sabbati in Albis exclusive, et quod Alleluya post Sicut Erat non dicitur in Completorio Sabbati ante Dominicam Septuagesime et deinceps usque ad Completorio Sabbati Pasche exclusive, deinde inchoetur. Ant. Benedictus dominus deus meus. Ps. Benedictus dominus. Ant. In eternum et in seculum seculi. Ps. Exaltabo te. II. Ant. Laudabo deum meum in vita mea. Lauda anima mea. Ant. Deo nostro io-

cunda sit laudatio. **Ps.** Laudate dominum. II. **Ant.** Lauda Hierusalem dominum. **Ps.** Lauda Hierusalem.

Predicte antiphone cum suis psalmis dicantur in omnibus Sabbatis per annum quando de dominica agitur nisi in tempore Paschali. Capitulum.

BENEDICTUS deus et pater domini nostri Ihesu Christi, pater misericordiarum et deus totius consolationis, qui consolatur nos in omni tribulatione nostra. **Responsio**. Deo gratias. **R.** Deus qui sedes. II. **Ymnus.**

Olux beata trinitas et principalis unitas, iam sol recedit igneus infunde lumen cordibus.

Te mane laudum carmine, te deprecemur vesperi, te nostra supplex gloria per cuncta laudet secula.

Deo patri sit gloria eiusque soli filio cum spiritu paraclito et nunc et in perpetuum. Amen.

V. Vespertina oratio ascendat ad te domine.

R. Et descendat super nos misericordia tua.

Capitulum precedens, Ymnus, Versiculus, dicantur omnibus Sabbatis ad Vesperas usque ad Quadragesimam exclusive et in Sabbato post festum Trinitatis et deinceps in omnibus Sabbatis usque ad Adventum exclusive quando de Dominica agitur.

Ad Mag. Ant. Peccata mea domine sicut sagitte infixae sunt in me sed antequam vulnera generent in me, sana me domine medicamento penitentiae deus.

Predicta antiphona dicatur in Sabbatis usque ad Septuagesimam inclusive ad Magnificat vel ad memoria de Dominica.

Finite antiphona post Mag. sequitur, Dominus vobiscum. Oremus. Oratio.

OMNIPOTENS sempiternae deus qui celestia simul et terrena moderaris supplicationes populi tui clementer exaudi, et pacem tuam nostris concede temporibus. Per dominum nostrum etc.

Finite orationem et responso, Amen, sequitur. Dominus vobiscum, nisi memoria fieri facienda tunc enim responso, Amen non dicatur, Dominus vobiscum nec Benedicamus sed immediate inchoetur antiphona ad memoriam, qua finita dicatur V, deinde absque, Dominus vobiscum premissis, Oremus, dicatur oratio, et si alia memoria fuerit faciendi terminetur oratio, Per Christum, vel Per eundem, vel Qui vivis et regnas per omnia, etc. Secundum varietatem terminationum, si vero non fuerit alia memoria facienda ultima oratio terminetur sicut prima et ea finita suniungatur, Dominus vobiscum, et, Benedi-

camus. Hoc idem in Laudibus observetur, responso, Deo gratias. Post Benedicamus dicatur Fidelium anime per misericordiam dei requiescant in pace. Quod semper dicendum est post quamlibet horam nisi in die Cene et deinceps usque ad Completorium Sabbati exclusive, et nisi post officium defunctorum. Quando vero plures, hore pariter sunt dicende, tunc solum in fine ultime hore dicatur Fidelium nisi ut dictum est post officium defunctorum. Dicto Fidelium vel Requiescant in pace, dicatur, Pater noster.

Ad Completorium

Super psalmos Ant. Miserere michi domine et exaudi orationem meam. **Ps.** Cum invocarem. **Ps.** In te domine. I. usque ad versum, Odisti observantes exclusive. **Ps.** Qui habitat. **Ps.** Ecce nunc.

TU in nobis es domine et nomen sanctum tuum invocatum est super nos, ne dereliquas nos domine deus noster.

R. In manus tuas domine * Commendo spiritum meum. **V.** Redemisti me domine deus veritatis. Commendo. Gloria. In. **Ymnus.**

TE lucis ante terminum rerum creator poscimus ut solita clementia sis presul ac custodia.

Procul recedant somnia et noctium fantasmata, hostemque nostrum comprime ne polluantur corpora.

Presta pater omnipotens per Ihesum dominum qui tecum in perpetuum regnat cum sancto spiritu. Amen.

V. Custodi nos domine ut pupillam oculi.

R. Sub umbra alarum tuarum protege nos.

Ad Nunc Dimittis. Ant. Salva nos domine vigilantes, custodi nos dormientes, ut vigilemus cum Christo et requiescamus in pace.

Kyrie eleyson. Christe eleyson. Kyrie eleyson. Pater noster. secreto. Quo dicto subiungatur alte. Et ne nos inducas in temptationem. **Responsio.** Sed libera nos a malo. **V.** In pace in idipsum. **Responsio.** Dormiam et requiescam.

Deinde dicatur. Credo. secreto. Quo dicto subiungatur alte. Carnis resurrectionem. **Responsio.** Vitam eternam. Amen.

Deinde, Dignare domine noctua ista. **Responsio.** Sine peccato nos custodire. Dominus vobiscum. **Oratio.** Oremus.

VISITA quesumus domine habitationem istam, et omnes insidias inimici ab ea longe repelle, et angeli tui sancti habitantes in ea nos in pace custodiant, et benedictio tua sit super nos semper. Per. Dominus vobiscum. Benedicamus domino. Deinde detur benedictio.

Predicta ant. Miserere dicatur ad Completorium super psalmos per totum annum nisi

in die Cene et deinceps usque ad Completorium Sabbati ante Trinitatem exclusive, et nisi in vigilia Natalis Domini et deinceps usque in crastinum octavarum Epyphanie exclusive, et nisi quando de Beata Virgine agitur in conventu.

Psalmi vero dicantur per totum annum, nisi quod in vigilia Pasche deinceps usque ad Completorium Sabbati in Albis exclusive, et in vigilia Pentecostes et deinceps usque ad Completorium Sabbati ante festum Trinitatis exclusive intermititur psalmus, Qui habitat.

Capitulum, Tu in nobis semper dicatur nisi in Cena Domini, et deinceps usque ad Completorium Sabbati in Albis exclusive.

Responsorium autem, In manus, per totum annum dicatur, nisi in Dominicis et in festis sanctorum ad utrumque Completorium in Quadragesima usque ad Completorium Sabbati ante Dominicam in Passione exclusive, et nisi in Cena Domini et deinceps usque ad Completorium Sabbati in Albis exclusive.

Ymnus, Te lucis, semper dicatur nisi in Sabbato ante prima Dominicam Quadragesime, et deinceps usque ad Sabbatum ante festum Trinitatis exclusive.

Versiculus, Custodi nos, dicatur semper nisi in Cena Domini

et deinceps usque ad Completorium Sabbati in Albis exclusive.

Canticum, Nunc dimittis. semper dicatur.

Antiphona, Salve nos, per totum annum dicatur, nisi in Sabbato ante primam Dominicam Quadragesime, et deinceps usque ad Sabbatum ante Trinitatem exclusive, et nisi in vigilia Natalis Domini, et deinceps usque in crastinum octavarum Epyphanie exclusive, et nisi quando de Beata Virgine agitur in conventu.

Preces vero cotidie dicantur nisi in Cena Domini et deinceps usque ad secundam feriam post Dominicam in Albis exclusive, et nisi in ebdomada Pentecostes, et nisi infra Octavam Nativitatis Domini, et nisi duplicibus et in totis duplicibus.

Versiculus, Dignare domine ante Dominus vobiscum, non dicatur quando preces non dicuntur, similiter nec in Prima. Oratio, Visita, semper dicatur, nisi in Cena Domini et deinceps usque ad terciam feriam post Pascha inclusive.

Benedictio semper detur nisi in die Cene et Parascheves.

Ad Matutinas. Invit. Venite exultemus domino, * Iubilemus deo salutaris nostro. Quo dicto sequitur versus, Preoccupemus. Predictum, Invit., dicatur Dominicis diebus usque

ad Septuagesimam exclusive quando de Dominica agitur. Quodcumque autem Invit., dicitur, dicatur etiam psalmus, Venite. Ymnus.

NOCTE surgentes vigilemus omnes semper in psalmis meditemur, atque viribus totis Domino canamus dulciter ymnos.

Ut pio regi pariter canentes cum suis sanctis mereamur aulam ingredi celi, simul et beatam ducere vitam.

Prestet hoc nobis deitas beata patris ac nati, pariterque sancti spiritus, cuius reboat in omni gloria mundo. Amen.

In Primo Nocturno. Ant. Servite domino in timore et exultate ei cum tremore. **Ps.** Beatus vir. I. Quare fremuerunt. Domine quid. Domine ne in. I. Gloria.

Ant. Domine deus meus in te speravi. **Ps.** Domine deus meus. Domine dominus noster. Confitebor tibi. I. In domino confido. Gloria. **Ant.** Tu domine servabis nos et custodies nos. **Ps.** Salvum me fac. Usquequo domine. Dixit insipiens. Domine quis habitabit. Gloria. **V.** Memor fui nocte nominis tui domine. **R.** Et custodi legem tuam. Deinde, Pater noster. Quo dicto subiungatur alte, Et ne nos. Et hoc generaliter observetur ante primam lectionem et quartam et septimam nisi in triduo ante Pascha.

Lectio Prima.

PAULUS servus Ihesu Chri-

sti, vocatus apostolus, se-
gregatus in evangelium Dei,
quod ante promiserat per pro-
phetas suos in scripturis sanc-
tis de filio suo, qui factus est
ei ex semine David secundum
carnem, qui predestinatus est
filius Dei in virtute secun-
dum spiritum sanctificationis
ex resurrectione mortuorum
Ihesu Christi Domini nostri,
per quem accepimus gratiam
et apostolatum ad obediendum
fidei in omnibus gentibus pro
nomine eius in quibus estis et
vos vocati Ihesu Christi: om-
nibus qui sunt Rome, dilec-
tis Dei, vocatis sanctis, gra-
tia vobis et pax a Deo patre
nostro, et domino Ihesu Chri-
sto. Tu autem domine miserere
nostri. **Responsio.** Deo gratias.
Per hanc clausulam. Tu autem
terminentur semper lectiones
nisi in triduo ante Pascha et ni-
si ubi aliud est signatum.

DOMINE ne in ira tua arguas
me neque in furore tuo
corripas me, * Miserere mi-
chi domine quoniam infirmus
sum. **V.** Timor et tremor vene-
runt super me et contexerunt
me tenebre, et dixi. Miserere.

Lectio Secunda.

PRIMUM quidem gratias ago
Deo meo per Ihesum Chri-
stum pro omnibus vobis, quia
fides vestra annuntiatur in
universo mundo. Testis enim
michi est Deus cui servio in
spiritu meo in evangelio filii
eius, quod sine intermissione

memoriam vestri facio semper
in orationibus meis, obsecrans
si quomodo tandem aliquando
prosperum iter habeam in vo-
luntate Dei veniendi ad vos.

R. Deus qui sedes super thro-
num et iudicas equitatem, esto
refugium pauperum in tribu-
latione, * Quia tu solus labo-
rem et dolorem consideras. **V.**
Tibi enim derelictus est pauper
pupillo tu eris adiutor. Quia.

Lectio Tertia.

DESIDERO enim videre vos,
ut aliquid impertiar vo-
bis gratie spiritualis ad confir-
mandos vos, id est simul con-
solari in vobis, per eam que in-
vicem est fidem vestram atque
meam. Nolo enim vos ignorare
fratres quia sepe proposui ve-
nire ad vos, et prohibitus sum
usque adhuc, ut aliquem fruc-
tum habeam et in vobis sicut et
in ceteris gentibus.

R. A dextris est michi dominus
ne commovear, * Propter hoc
dilatatum est cor meum, Et ex-
ultavit lingua mea. **V.** Conserva
me domine quoniam in te spe-
ravi, dixi domino deus meus es
tu. Propter. Gloria. Et exultavit.

In Secundo Nocturno. Ant. Bo-
norum meorum non indiges
in te speravi, conserva me do-
mine. **Ps.** Conserva me domi-
ne. **Ant.** Inclina domine au-
rem tuam michi et exaudi ver-
ba mea. **Ps.** Exaudi domine.
Ant. Dominus firmamentum
meum et refugium meum. **Ps.**

Diligam te. **V.** Media nocte surgebam ad confitendum tibi.
R. Super iudicia iustificationis tue.

Lectio Quarta.

GRECIS ac barbaris, sapientibus et insipientibus debitor sum, ita quod in me promptum est et vobis qui Rome estis evangelizare. Non enim erubesco evangelium. Virtus enim Dei est in salutem omni credenti, Iudeo primum et Greco. Iusticia enim Dei in eo revelatur ex fide in fidem, sicut scriptum est. Iustus autem ex fide vivit.

R. Notas michi fecisti domine vias vite, adimplebis me leticia cum vultu tuo, * Delectationes in dextera tua usque in finem.
V. Tu es domine qui restitues hereditatem meam michi. Delectationes.

Lectio Quinta.

REVELATUR enim ira Dei de celo super omnem impietatem, et iniustitiam hominum eorum qui veritatem Dei in iniustitia detinent, quia quod notum est Dei manifestum est in illis. Deus enim illis revelavit.

R. Diligam te domine virtus mea, * Dominus firmamentum meum et refugium meum.

V. Laudans invocabo dominum, et ab inimicis meis salvus ero. Dominus.

Lectio Sexta.

INVISIBILIA enim ipsius a creatura mundi per ea que

facta sunt intellecta conspiciuntur, sempiterna quoque eius virtus et divinitas, ita ut sint inexcusabiles. Quia cum cognovissent Deum non sicut Deum glorificaverunt aut gratias egerunt, sed evanuerunt in cogitationibus suis, et obscuratum est insipiens cor eorum. Dicentes enim se esse sapientes, stulti facti sunt.

R. Domini est terra et plenitudo eius, * Orbis terrarum et universi * Qui habitant in eo.
V. In manu eius sunt omnes fines terre et altitudines montium ipsius sunt. Orbis. Gloria. Qui habitant.

In Tertio Nocturno. Ant. Non sunt loquela neque sermones quorum non audiantur voces eorum. **Ps.** Celi enarrant. **Ant.** Exaudiet te dominus in die tribulationis. **Ps.** Exaudiet te. **Ant.** Domine in virtute tua letabitur rex. **Ps.** Domine in virtute. **V.** Exaltare domine in virtute tua. **R.** Cantabimus et psallemus virtutes tuas.

Lectio VII. Secundum Iohannem.

IN illo tempore: Nuptie facte sunt in Chana Galilee, et erat mater Ihesu ibi. Et reliqua.

Omelia Venerabilis Bede Presbiteri. ✠

QUOD Dominus noster atque salvator ad nuptias vocatus, non solum venire sed et miraculum ibidem quo convivas letificaret facere dignatus est, exceptis sacramentorum

celestium figuris, eciam iuxta litteram fidem recte creditum confirmat.

R. Ad domine levavi animam meam * Deus meus in te confido non erubescam. **V.** Neque irrideant me inimici mei etenim universum qui sustinent te non confundentur. Deus.

Lectio VIII.

PORRO Taciani et Marciani ceterorumque qui nuptiis detrahunt perfidia quam sit damnabilis insinuat. Si enim thoro immaculato et nuptiis debita castitate celebratis culpa inesset, nequaquam Dominus ad has venire, nequaquam eas signorum suorum initiis consecrare voluisset.

R. Audiam domine vocem laudis tue, * Ut enarrem universa mirabilia tua. **V.** Domine dilexi decorem domus tue et locum habitationis glorie tue. Ut.

Lectio IX.

NUNC autem quia bona est castitas coniugalitatis, melior continencia vidualis, optima perfectio virginalis: ad comprobendam omnium electionem graduum, discernendum tamen meritum singulorum: ex intemerato Marie virginis utero nasci dignatus est, a prophetico Anne vidue ore mox natus benedicitur, a nuptiarum celebratoribus iam iuvenis invitatur: et hos sue presentia virtutis honorat.

R. Abscondi tanquam aurum peccata mea et celavi in sinu

meo iniquitatem meam, * Miserere mei deus, * Secundam magnam misericordiam tuam.

V. Quoniam iniquitatem meam ego agnosco et delictum meum coram me est semper, tibi soli peccavi. Miserere. Gloria. Secundam.

V. Excelsus super omnes gentes dominus. **R.** Et super celos gloria eius.

In Laudibus. Super psalmos

Ant. Regnavit dominus precinctus fortitudine cum decore virtutum, cuius sedes parata est in eternum. **Ps.** Dominus regnavit. **Cum ceteris. Capitulum.**

BENEDICTIO et claritas et sapientia et gratiarum actio, honor virtus et fortitudo deo nostro, in secula seculorum. Amen. **Ymnus.**

ECCE iam noctis tenuatur umbra, lucis aurora rutilans coruscat, nisibus totis rogemus omnes cunctipotentem.

Ut noster miseratus omnem pellat languorem, tribuat salutem, donec et nobis pietate patris regna polorum.

Prestet hoc nobis deitas beata patris ac nati, pariterque sancti spiritus, cuius reboat in omni gloria mundo. Amen.

V. Dominus regnavit. **R.** Decorem induit.

Ad Ben. Ant. Nuptie facte sunt in Chana Galilee, et erat ibi Ihesus cum Maria matre eius. **Predicti ymni,** Nocte surgen-

tes et Ecce iam noctis, dicantur omnibus dominicis et feriis per totum annum quando de tempore agitur ad Matutinas et ad Laudibus nisi in Quadragesima, et in Paschali tempore et in Adventu Domini.

Antiphone nocturnorum cum psalmis, dicantur dominicis diebus usque ad Dominicam in Passione exclusive, quando de dominica agitur.

Versiculi nocturnorum, et versiculus ante Laudes dicantur in dominicis usque ad Quadragesimam exclusive.

Antiphona super psalmos, in Laudibus, et V, dicantur in dominicis usque ad Septuagesimam exclusive quando de Dominica agitur.

Capitulum vero, Benedictio, dicatur omnibus dominicis quando de Dominica agitur usque ad Quadragesimam exclusive.

Postquam predicta hystoria, Domine ne in ira in Dominica fuerit cantata, in reliquis dominicis si aliquae fuerint usque ad Septuagesimam exclusive, loco noni responsorii dicatur, R. Honor de Trinitate.

Ad Primam. Ymnus.

IAM lucis orto sydere deum precemur supplices, ut in diurnis actibus nos servet a nocentibus.

Linguam refrenans temperet ne litis horror insonet, visum

fovendo contegat, ne vanitates hauriat.

Sint pura cordis intima, assistat et vecordia, carnis terat superbiam potus cibique par-citas.

Ut cum dies abscesserit, noctemque sors reduxerit, mundi per abstinentiam ipsi canamus gloriam.

Deo patri sit gloria eiusque soli filio cum spiritu paraclito et nunc et in perpetuum. Amen.

Ant. Gloria tibi trinitas. **Ps.** Deus in nomine. Beati immaculati. Retribue servo tuo. Quicumque vult. **Capitulum.**

REGI seculorum immortalis invisibili soli deo honor et gloria: in secula seculorum. Amen.

R. Ihesu Christe fili dei vivi * Miserere nobis. **V.** Qui sedes ad dexteram patris. Miserere. Gloria. Ihesu.

V. Exurge domine adiuva nos.

R. Et libera nos propter nomen tuum.

Kyrie eleyson. Christe eleyson. Kyrie eleyson. Pater noster. Et ne nos. Sed libera. **V.** Vivet anima mea et laudabit te. Et iudicia tua adiuvabunt me. **V.** Erravi sicut ovis que periit. Quere servum tuum domine quia mandata tua non sum oblitus. Credo in deum. Carnis resurrectionem. Vitam eternam. **Deinde Confiteor.** Misereatur. **V.** Dignare domine die isto. Sine peccato. Dominus vobiscum. Oremus. **Oracio.**

IN hac hora huius diei tua nos

domine reple misericordia
ut per totum diem exultan-
tes in tuis laudibus iugiter de-
lectemur. Per. Dominus vobi-
scum. Benedicamus domino.
Et hoc modo terminentur Ter-
cia, Sexta et Nona.

Predictus ymnus, Iam lucis di-
catur per totum annum ad Pri-
mam, nisi in Cena domini et
deinceps usque ad Dominicam
in Albis exclusive et nisi die
animarum.

Psalmi vero semper dicantur
nisi quod in Septuagesima et
deinceps in Dominicis usque
ad Pascha exclusive adduntur
alii secundum quod in Domi-
nica Septuagesime sunt notati.
Quicumque vult. dicatur sem-
per in Dominicis, nisi festum
totum duplex evenierit.

Capitulum Regi dicatur ad Pri-
mam omnibus Dominicis et
festis etiam trium lectionum,
et per omnes octavas, nisi in
Cena Domini et in ebdomada
Pasche quando nullum capitu-
lum dicitur, et nisi in die ani-
marum. Dicitur etiam in Sab-
batis quando de Beata Virgine
agitur in conventu.

Responsorium, Ihesu Christe
semper dicatur, nisi in Domi-
nica in Passione et deinceps
usque ad Dominican in Albis
exclusive: quando de tempore
agitur.

V. Qui sedes, semper dicatur
nisi in Dominica in Passione et
deinceps usque ad diem Pente-

costes exclusive, et nisi in Ad-
ventu Domini et deinceps us-
que in crastinum oct. Epipha-
nie exclusive, et nisi quando
de Beata Virgine agitur in con-
ventu et non in die animarum.
Versiculus, Exurge semper di-
catur nisi in die Cene et dein-
ceps usque ad Dominicam in
Albis exclusive, et nisi in die
animarum.

Preces etiam cotidie dicende
sunt nisi in Cena Domini et
deinceps usque ad secundam
feriam post Dominicam in Al-
bis exclusive, et nisi in ebdo-
mada Pentecostes et nisi infra
Octavum Natalis Domini, et in
duplicibus et totis duplicibus,
et nisi in die animarum.

Confiteor in Prima semper di-
catur, nisi in triduo ante Pa-
scha.

Oratio In hac hora semper di-
catur quando dicitur Capitu-
lum. Regi seculorum. Dicitur
etiam in quatuor diebus ulti-
mis in ebdomada Pasche.

Ad Terciam. Ymnus.

NUNC sancte nobis spiritus
unum patri cum filio, di-
gnare promptus ingeri, nostro
refusus pectori.

Os, lingua, mens, sensus, vi-
gor, confessionem personent,
flammascat igne caritas ac-
cendat ardor proximos.

Presta pater piissime, patrique
compar unice, cum spiritu pa-
raclito regnans per omnes se-
culum. Amen.

Ant. Laus et perennis. **Ps.** Legem pone michi. Memor esto. Bonitatem fecisti. **Cap.**

DEUS caritas est, et qui manet in caritate in deo manet et deus in eo.

R. Inclina cor meum deus * In testimonia tua. **V.** Averte oculos meos ne videant vanitatem, in via tua vivifica me. In. Gloria. Inclina.

V. Adiutor meus esto domine ne derelinquas me.

R. Neque despicias me deus salutaris meus.

Ad Sextam. Ymnus.

RECTOR potens verax deus qui temperas rerum vires, splendore mane instruis, et ignibus meridiem.

Extingue flammam litium, aufer calorem noxium, confer salutem corporum, veramque pacem cordium.

Presta pater piissime, patrique compar unice, cum spiritu paraclito regnans per omnes seculum. Amen.

Ant. Gloria laudis. **Ps.** Defecit. Quomodo dilexi. Iniquos odio.

Capitulum.

GRATIA domini nostri Iesu Christi et caritas dei et communicatio sancti spiritus, sit semper cum omnibus nobis. Amen.

R. In eternum domine, * Permanet verbum tuum. **V.** In celo et in seculum seculi veritas tua. Permanet. Gloria. In.

V. Dominus regit me et nichil michi deerit.

R. In loco paschue ibi me collocavit.

Ad Nonam. Ymnus.

RERUM deus tenax vigor, immotus in te permanens, lucis diurne tempora succesibus determinans.

Largire clarum vespere, quo vita nusquam decidat, sed premium mortis sacre perennis instet gloria.

Presta pater piissime, patrique compar unice, cum spiritu paraclito regnans per omnes seculum. Amen.

Ant. Ex quo omnia. **Ps.** Mirabilia. Clamavi in toto. Principes persecuti. **Capitulum.**

TRES sunt qui testimonium dant in celo, Pater, Verbum et Spiritus Sanctus, et hi tres unum sunt.

R. Clamavi in toto corde, * Exaudi me domine. **V.** Iustificationes tuas requiram. Exaudi. Gloria. Clamavi.

V. Ab occultis meis munda me domine.

R. Et ab alienis parce servo tuo.

Predicti tres ymni ad Terciam, Sextam et Nonam semper dicantur, nisi in Cena Domini et deinceps usque ad Dominicam in Albis exclusive, et nisi quod in ebdomada Pentecostes ad Terciam loco de, Nunc sancte dicitur Veni creator. Et preterquam in die animarum.

Psalmi vero semper dicantur.

Antiphona, Gloria tibi trinitas ad Primam, et tres supra posi-

te ad Terciam, Sextam et Nonam, dicantur omnibus Dominicis usque ad Septuagesimam exclusive, quando de Dominica agitur. Nunc sancte dicitur Veni creator. Et preterquam in die animarum.

Tria vero Capitula precedentia ad Terciam, Sextam et Nonam dicantur in Dominicis usque ad Primam Dominicam Quadregesime exclusive, quando de Dominica agitur.

Responsoria autem horarum dicantur in Dominicis usque ad Septuagesimam exclusive, quando de Dominica agitur.

Versiculi autem dicantur in Dominicis et feriis quando de tempore agitur, usque ad Primam Dominicam in Quadregesima exclusive.

Ad Vesperas. Ant. Dixit dominus domino meo sede a dextris meis. **Ps.** Dixit dominus. **Ant.** Fidelia omnia mandata eius confirmata in seculum seculi. **Ps.** Confitebor tibi. II. **Ant.** In mandatis eius volet nimis. **Ps.** Beatus vir. II. **Ant.** Sit nomen domini benedictum in secula. **Ps.** Laudate pueri. **Ant.** Nos qui vivimus benedicimus domino. **Ps.** In exitu. **Capitulum.**

DOMINUS dirigat corda et corpora nostra in caritate dei et paciencia Christi. **Ymnus.**

LUCIS creator optime lucem dierum proferens, primordiis lucis nove mundi parans originem.

Qui mane iunctum vesperi diem vocari precipis, terrum chaos illabitur audi preces cum feltibus.

Ne mens gravata crimine, vite sit exul munere, dum nil perenne cogitat seseque culpis il ligat.

Celorum pulset intimum, vitale tollat premium, vitemus omne noxium purgemus omne pessimum.

Presta pater piissime, patrique compar unice, cum spiritu paraclito regnans per omnes seculum. Amen.

V. Dirigatur domine pratio mea.

R. Sicut incensum in conspectu tuo.

Ad Mag. Ant. Deficiente vino iussit Ihesus impleri ydrias aqua, que in vinum conversa est, alleluya.

Predicti psalmi dicantur omnibus Dominicis, in vespis quando de simplici Dominica agitur.

Antiphone vero super psalmos dicantur in Dominicis usque ad Dominicam in Ramis inclusive quando de Dominica agitur.

Capitulum Dominus dirigat, dicatur omnibus Dominicis in Secundis Vesperis et per ferias quando de tempore agitur usque ad diem Cinerum exclusive.

Ymnus Lucis creator et Versiculus Dirigatur, dicantur omnibus Dominicis in Secundis

Vesperis, et per ferias quando de tempore agitur, usque ad Vesperas Sabbati ante Primam Dominicam Quadragesime exclusive.

Feria Secunda

Ad Matutinas. Invit. Venite, * Exultemus domino.

Quo dicto sequitur, Iubilemus etc.

In Nocturno. Ant. Dominus defensor vite mee. **Ps.** Dominus illuminatio. **Ps.** Ad te domine. II. Gloria. **Ant.** Adorate dominum in aula sancta eius. **Ps.** Afferte domino. **Ps.** Exaltabo te. I. Gloria. **Ant.** In tua iusticia libera me domine. **Ps.** In te domine. I. **Ps.** Beati quorum. Gloria. **Ant.** Rectos decet collaudatio. **Ps.** Exultate iusti. **Ps.** Benedicam dominum. Gloria. **Ant.** Expugna impugnantes me. **Ps.** Iudica domine. **Ps.** Dixit iniustus. Gloria. **Ant.** Revela domino viam tuam. **Ps.** Noli emulari. **Ps.** Domine ne in. II. Gloria. **V.** Domine in celo misericordia tua. **R.** Et veritas tua usque ad nubes.

Lectiones feriales a secundo capitulo usque ad Epistolam ad Corinthios Primam, ad libitum. R.

QUAM magna multitudo dulcedinis tue domine, * Quam abcondisti timentibus te. **V.** Perfecisti eis qui sperant in te in conspectu filiorum hominum. Quam ab.

R. Benedicam dominum in omni tempore, * Semper laus eius in ore meo. **V.** In domino

laudabitur anima mea, audiant mansueti et letentur. Semper.

R. Delectare in domino, * Et dabit tibi petitiones cordis tui.

V. Spera in domino et fac bonitatem, et inhabita terram et pascaris in divitiis eius. Et. Gloria. Et.

V. Fiat misericordia tua domine super nos.

R. Quemadmodum speravimus in te.

In Laudibus. Ant. Miserere mei deus. **Ps.** Miserere. **Ant.** Intellige clamorem meum domine.

Ps. Verba mea. **Ant.** Deus deus meus ad te de luce vigilo. **Ps.** Deus deus meus. II. **Ant.** Conversus est furor tuus domine, et consolatus es me. **Can.** Confitebor tibi. **Ant.** Laudate dominum de celis. **Ps.** Laudate dominum. **Capit.**

NOX precessit dies autem appropinquavit, abiciamus ergo opera tenebrarum et induamur arma lucis, sicut in die honeste ambulemus. **V.** In matutinis domine meditabor in te. **R.** Quia fuisti adiutor meus. **Ad Ben. Ant.** Benedictus deus Israel. Dicta antiphone subiungatur. Kyrie eleyson. Christe eleyson. Kyrie eleyson. Pater noster. Et ne nos. Dominus vobiscum. Deinde Oracio. Hoc modo dicantur preces ad Terciam, Sextam, Nonam, et Vesperas quando fiunt prostrationes, nisi in Parascheve et Sabbato Pasche.

Ad Primam. Ant. Deus exaudi

orationem meam auribus percipe verba oris mei. **Capitulum.**

PACEM et veritatem diligite, ait dominus omnipotens.

Oratio.

DOMINE deus omnipotens qui nos ad principium huius diei pervenire fecisti, tua nos salva virtute, ut in hac die ad nullum declinemus peccatum, sed semper ad tuam iusticiam faciendam nostra procedant eloquia, dirigantur cogitationes et opera. Per. Cetera ut supra in Prima de Dominica est notatum. Capitulum Pacem et Oratio, Domine deus, dicantur omnibus diebus profestis ad Primam, nisi in Parascheve et in Sabbato Sancto.

Ad Terciam. Ant. Deduc me domine in semita mandatorum tuorum. **Capitulum.**

SANA me domine et sanabor, salvum me fac et salvus ero, quoniam laus mea tu es.

R. Sana animam meam, * Quia peccavi tibi. **V.** Ego dixi domine miserere mei. Quia. Gloria. Sana. **V.** Adiutor.

Ad Sextam. Ant. Adiuva me et salvus ero domine. **Capitulum.**

ALTER alterius onera portate, et sic adimplebitis legem Christi.

R. Benedicam dominum, * In omni tempore. **V.** Semper laus eius in ore meo. In. Gloria. Benedicam. **V.** Dominus regit.

Ad Nonam. Ant. Aspice in me

domine et miserere mei. **Capitulum.**

EMPTI estis precio magno, glorificate et portate deum in corpore vestro.

R. Redime me domine, * Et miserere mei. **V.** Pes enim meus stetit in via recta in ecclesiis benedicam te domine. Et. Gloria. Redime. **V.** Ab occultis meis.

Ad Vesperas. Ant. Inclinavit dominus aurem suam michi.

Ps. Dilexi. **Ant.** Credidi propter quod locutus sum. **Ps.** Credidi. **Ant.** Laudate dominum omnes gentes. **Ps.** Laudate dominum o. g. **Ant.** Clamavi et exaudivit me. **Ps.** Ad dominum.

Ant. Auxilium meum a domino.

Ps. Levavi oculos. **Ad Mag. Ant.**

Magnificat anima mea dominum.

Feria Tercia

Ad Matutinas. Invit. Iubilemus deo * Salutari nostro.

In Nocturno. Ant. Ut non delinquam in lingua mea. **Ps.** Dixi custodiam. **Ps.** Expectans expectavi. Gloria. **Ant.** Sana domine animam meam quia peccavi tibi. **Ps.** Beatus qui intelligit. **Ps.** Quemadmodum. Gloria. **Ant.** Eructavit cor meum verbum bonum. **Ps.** Deus auribus. **Ps.** Eructavit. Gloria. **Ant.** Adiutor in tribulationibus. **Ps.** Deus noster refugium. **Ps.** Omnes gentes. Gloria. **Ant.** Auribus percipite qui habitatis orbem. **Ps.** Magnus dominus. **Ps.** Audite hec. Gloria. **Ant.** Deus deorum dominus locutus est.

Ps. Deus deorum. **Ps.** Quid gloriaris. Gloria. **V.** Immola deo sacrificium laudis. **R.** Et redde altissimo vota tua. **Responsum.**

AURIBUS percipe domine lacrimas meas ne sileas a me, remitte michi, * Quoniam incola ego sum apud te et peregrinus. **V.** Dixi custodiam vias meas ut non delinquam in lingua mea. Quoniam.

R. Statuit dominus supra petram pedes meos et direxit gressus meos deus meus, * Et immisit in os meum canticum novum. **V.** Expectans expectavi dominum et respexit me. Et.

R. Ego dixi domine miserere mei, * Sana animam meam quia peccavi tibi. **V.** Domine ne in ira tua arguas me, neque in furore tuo corripas me. Sana. Gloria. Sana.

In Laudibus. **Ant.** Secundum magnam misericordiam tuam. **Ps.** Miserere. **Ant.** Salutare vultus mei deus meus. **Ps.** Iudica me deus. **Ant.** Ad te de luce vigilo deus. **Ps.** Deus deus meus. II. **Ant.** Cunctis diebus vite nostre salvos nos fac domine. **Can.** Ego dixi. **Ant.** Omnes angeli eius laudate dominum de celis. **Ps.** Laudate dominum. **Ad Ben.** **Ant.** Erexit dominus nobis cornu salutis in domo David pueri sui.

Ad Vesperas. **Ant.** In domum domini letantes ibimus. **Ps.** Letatus sum. **Ant.** Qui habitas in celis miserere nobis. **Ps.** Ad te levavi. **Ant.** Adiutorium no-

strum in nomine domini. **Ps.** Nisi quia dominus. **Ant.** Bene fac domine bonis et rectis corde. **Ps.** Qui confidunt. **Ant.** Facti sumus sicut consolati. **Ps.** In convertendo. **Ad Mag.** **Ant.** Exultavit spiritus meus in deo salutari meo.

Feria Quarta

Ad Matutinas. **Invit.** In manu tua domine, * Omnes fines terre.

In Nocturno. **Ant.** Avertet dominus captivitatem plebis sue.

Ps. Dixit insipiens. II. **Ps.** Exaudi deus. Gloria. **Ant.** Quoniam in te confidit anima mea. **Ps.** Miserere mei. II. **Ps.** Miserere mei. III. Gloria. **Ant.** Iuste iudicate filii hominum. **Ps.** Si vere utique. **Ps.** Eripe me. Gloria.

Ant. Da nobis domine auxilium de tribulatione. **Ps.** Deus repulisti. **Ps.** Exaudi deus. II. Gloria. **Ant.** A timore inimici eripe domine animam meam. **Ps.** **Ps.** Nonne deo. Exaudi deus. III. Gloria. **Ant.** In ecclesiis benedicite domino. **Ps.** Iubilare deo. I. **Ps.** Exurgat deus. Gloria. **V.** Deus vitam meam annunciaui tibi. **R.** Posuisti lacrimas meas in conspectu meo. **R.**

NE perdidideris me domine cum iniquitatibus meis, * Neque in finem iratus reserves mala mea. **V.** Miserere mei deus miserere mei, quoniam in te confidit anima mea. Neque. **R.** Paratum cor meum deus paratum cor meum, * Cantabo et psalmum dicam domino. **V.** Exurge gloria mea exur-

ge psalterium et cythara exurgam diluculo. Cantabo.

R. Adiutor meus tibi psallam quia deus susceptor meus es, * Deus meus misericordia mea. **V.** Eripe me de inimicis meus deus meus et ab insurgentibus in me libera me. Deus. Gloria. Deus.

In Laudibus. Ant. Amplius lava me domine ab iniusticia mea. **Ps.** Miserere. **Ant.** Te decet ymnus deus in Syon. **Ps.** Te decet hymnus. **Ant.** Labia mea laudabunt te in vita mea deus meus. **Ps.** Deus deus meus. II. **Ant.** Dominus iudicabit fines terre. **Can.** Exultavit cor meum. **Ant.** Celi celorum laudate deum. **Ps.** Laudate dominum. **Ad Ben. Ant.** Salutem ex inimicis nostris et de manu omnium qui nos oderunt libera nos domine.

Ad Vesperas. Ant. Beatus vir qui implevit desiderium suum. **Ps.** Nisi dominus. **Ant.** Beati omnes qui timent dominum. **Ps.** Beati omnes. **Ant.** Benediximus vobis in nomine domini. **Ps.** Sepe expugnaverunt. **Ant.** De profundis clamavi ad te domine. **Ps.** De profundis. **Ant.** Speret Israhel in domino. **Ps.** Domine non est. **Ad Mag. Ant.** Respexisti humilitatem meam domine deus meus.

Feria Quinta

Ad Matutinas. Invit. Adoremus dominum, * Quoniam ipse fecit nos.

In Nocturno. Ant. Domine deus in adiutorium meum inten-

de. **Ps.** Salvum me. Deus in adiutorium. Gloria. **Ant.** Esto michi domine in deum protectorem. **Ps.** In te domine. II. **Ps.** Deus iudicium tuum. Gloria. **Ant.** Liberasti virgam hereditatis tue. **Ps.** Quam bonus Israhel. **Ps.** Confitebimur tibi. Gloria. **Ant.** In Israhel magnum nomen eius. **Ps.** Confitebimur tibi. **Ps.** Notus in iudea. Gloria. **Ant.** Tu es deus qui facis mirabilia. **Ps.** Voce mea ad dominum. **Ps.** Attendite popule meus. Gloria. **Ant.** Propitius esto peccatis nostris domine. **Ps.** Deus venerunt gentes. **Ps.** Qui regis Israhel. Gloria. **V.** Gaudebunt labia mea, cum cantavero tibi. **R.** Et anima mea quam redemisti. **Responsorium.**

DEUS in te speravi domine non confundar in eternum in tua iusticia, * Libera me et eripe me. **V.** Esto michi in deum protectorem et in locum munitum ut salvum me facias. Libera.

R. Repleatur os meum laude, ut ymnum dicam glorie tue, tota die magnificentie tue, noli me proicere in tempore senectutis, cum defecerit virtus mea, * Deus ne derelinquas me. **V.** Deus ne elongeris a me, deus meus in auxilium meum respice. Deus.

R. Gaudebunt labia mea dum cantavero tibi, * Et anima mea quam redemisti domine. **V.** Sed et lingua mea meditabitur iu-

sticiam tuam, tota die laudem tuam. Et. Gloria. Et.

In Laudibus. Ant. Tibi soli peccavi domine miserere mei. **Ps.** Miserere. **Ant.** Domine refugium factus es nobis. **Ps.** Domine refugium. **Ant.** In matutinis domine meditabor in te. **Ps.** Deus deus meus. II. **Ant.** In eternum dominus regnabit et ultra. **Can.** Cantemus domino. **Ant.** In sanctis eius laudate deum. **Ps.** Laudate dominum. **Ad Ben. Ant.** In sanctitate serviamus domino et liberabit nos ab inimicis nostris.

Ad Vesperas. Ant. Et omnis mansuetudinis eius. **Ps.** Memento domine. **Ant.** Ecce quam bonum et quam iocundum. **Ps.** Ecce quam bonum. **Ant.** Omnia quaecumque voluit dominus fecit. **Ps.** Laudate nomen domini. **Ant.** Quoniam in eternum misericordia eius. **Ps.** Confitemini domino. V. **Ant.** Ymnus cantate nobis de canticis Syon. **Ps.** Super flumina. **Ad Mag. Ant.** Deposuit potentes sanctos persequentes et exaltavit humiles Christum confidentes.

Feria Sexta

Ad Matutinas. Invit. Dominum qui fecit nos, * Venite adoremus.

In Nocturno. Ant. Exultate deo adiutori nostro. **Ps.** Exultate deo. **Ps.** Deus stetit. Gloria. **Ant.** Tu solus altissimus super omnem terram. **Ps.** Deus quis similis. **Ps.** Quam dilecta. Gloria. **Ant.** Benedixisti domine ter-

ram tuam. **Ps.** Benedixisti domine. **Ps.** Inclina domine. Gloria. **Ant.** Fundamenta eius in montibus sanctis. **Ps.** Fundamenta eius. **Ps.** Domine deus salutis. Gloria. **Ant.** Benedictus dominus in eternum. **Ps.** Misericordias domini. **Ps.** Deus ultionum. Gloria. **Ant.** Cantate domino et benedicite nomini eius. **Ps.** Cantate domino, I. **Ps.** Dominus regnavit exultet. Gloria. **V.** Beatus homo quem tu erudieris domine. **R.** Et de lege tua docueris eum. **Responso-rium.**

CONFITEBOR tibi domine deus in toto corde meo et honorificabo nomen tuum in eternum, * Quia misericordia tua domine magna est super me. **V.** Et eripuisti animam meam ex inferno inferiori. Quia.

R. Misericordia tua domine magna est super me, * Et liberasti animam meam ex inferno inferiori. **V.** Deus iniqui insurrexerunt in me, et fortes quesierunt animam meam. Et.

R. Factus est michi dominus in refugium et deus meus, * In auxilium spei mee. **V.** Deus ultionum dominus, deus ultionum libere egit. In. Gloria. In.

In Laudibus. Ant. Spiritu principali confirma cor meum deus. **Ps.** Miserere. **Ant.** In veritate tua exaudi me domine. **Ps.** Domine exaudi. II. **Ant.** Illumina domine vultum tuum super nos. **Ps.** Deus deus meus.

II. **Ant.** Domine audivi auditum tuum et timui. **Can.** Domini audivi. **Ant.** In tympano et choro, in cordis et organo laudate deum. **Ps.** Laudate dominum. **Ad Ben. Ant.** Per viscera misericordie dei nostri in quibus visitavit nos oriens ex alto.

Ad Vesperas. Ant. In conspectu angelorum psallam tibi deus meus. **Ps.** Confitebor tibi. III. **Ant.** Domine probasti me et cognovisti me. **Ps.** Domine probasti. **Ant.** A viro iniquo libera me domine. **Ps.** Eripe me domine. **Ant.** Domine clamavi ad te exaudi me. **Ps.** Domine clamavi. **Ant.** Porcio mea domine sit in terra vivencium. **Ps.** Voce mea. **Ad Mag. Ant.** Suscepit deus Israhel puerum suum sicut locutus est Abraham et semini eius et exaltavit humiles usque in seculum.

Sabbato

Ad Matutinas. Invit. Dominum deum nostrorum, * Venite adoremus.

In Nocturno. Ant. Quia mirabilia fecit dominus. **Ps.** Cantate domino. II. **Ps.** Dominus regnavit irascantur. Gloria. **Ant.** Iubilare deo omnis terra. **Ps.** Iubilare deo. II. **Ps.** Misericordiam et iudicium. Gloria. **Ant.** Clamor meus ad te veniat deus. **Ps.** Domine exaudi. I. **Ps.** Benedic anima. I. Gloria. **Ant.** Benedic anima mea domino. **Ps.** Benedic anima. II. **Ps.** Confitemini domino. I. Gloria. **Ant.** Visita nos domine in salutari tuo. **Ps.** Confitemini domino.

II. **Ps.** Confitemini domino. III. Gloria. **Ant.** Confitebor domino nimis in ore meo. **Ps.** Paratum cor meum. **Ps.** Deus laudem meam. Gloria. **V.** Domine exaudi orationem meam. **R.** Et clamor meus ad te veniat. **R.**

MISERICORDIAM et iudicium cantabo tibi domine, * Psallam et intelligam in via immaculata quando venies ad me. **V.** Perambulabam in innocentia cordis mei, in medio domus mee.

R. Domine exaudi orationem meam et clamor meus ad te perveniat, * Quia non spernis deus preces pauperum. **V.** De profundis clamavi ad te domine domine exaudi vocem meam. Quia.

R. Velociter exaudi me domine, * Quia defecerunt sicut fumus * Dies mei. **V.** Dies mei sicut umbra declinaverunt et ego sicut fenum arui. Quia. Gloria. Dies.

In Laudibus. Ant. Benigne fac in bona voluntate tua domine. **Ps.** Miserere. **Ant.** Bonum est confiteri domino. **Ps.** Bonum est confiteri. **Ant.** Metuant dominum omnes fines terre. **Ps.** Deus deus meus. II. **Ant.** Et in servis suis dominus miserebitur. **Can.** Audite celi. **Ant.** In cimbali benesonantibus laudate dominum. **Ps.** Laudate dominum. **Ad Ben. Ant.** In viam pacis dirige nos domine.

Sciendum quod ordo precentis ebdomade de Invitat., antiphonis, psalmis, et canticis. Capitulum, Versicu-

lum, et horarum Responsoriis ita servandus est, quando de feria agitur. Videlicet ut Invitoria dicantur ab Octava Epyphanie usque ad Dominicam in Passione. Capitula usque ad feriam quartam in capite ieiunii exclusive. Versiculi et Responsoria ad horas usque ad Dominicam Primam Quadragesime. Singula predictorum quatuor. A Deus omnium. usque ad Adventum. Item antiphone et psalmi de nocturnis usque ad Cenam Domini exclusive, et a Deus omnium. usque ad Nativitatem Domini. Item antiphone laudum usque ad Ramos Palmarum et a Deus omnium. usque ad feriam in qua incipiuntur antiphone laudum notate ante Vigiliam Natalis Domini exclusive. Item psalmi et cantica laudum usque ad Sabbatum Pasche exclusive, et a Deus omnium. usque ad Vigiliam Natalis exclusive. Item antiphone et psalmi ad Vesperis usque ad Cenam Domini exclusive, et a Deus omnium. usque ad Vigiliam Natalis domini. Item antiphone Ad Ben. et ad Mag. dicuntur usque ad Septuagesimam et a Deus omnium. usque ad Adventum.

Dominica Secunda Post Octavas Epyphanie

Oracio.

OMNIPOTENS sempiternus deus infirmitatem nostram propicius respice, atque

ad protegendum nos dexteram tue maiestatis extende. Per.

Ad Matutinas. Lectio Prima.

PAULUS vocatus apostolus Ihesu Christi per voluntatem Dei et Sostenes frater, ecclesie Dei que est Corinthi, sanctificatis in Christo Ihesu, vocatis sanctis, cum omnibus qui invocant nomen domini nostri Ihesu Christi in omni loco ipsorum et nostro, gracia vobis et pax a Deo patre nostro et domino Ihesu Christo.

Lectio Secunda.

GRACIAS ago Deo meo semper pro vobis in gratia Dei que data est vobis in Christo Ihesu, quia in omnibus divites facti estis in illo, in omni verbo et in omni scientia: sicut testimonium Christi confirmatum est in vobis, ita ut nichil vobis desit in ulla gratia expectantibus revelationem domini nostri Ihesu Christi, qui et confirmabit vos usque in finem sine crimine in die adventus Domini nostri Ihesu Christi.

Lectio Tertia.

FIDELIS Deus per quem vocati estis in societatem filii eius Ihesu Christi Domini nostri. Obsecro autem vos fratres per nomen Domini nostri Ihesu Christi, ut idipsum dicatis omnes, et non sint in vobis scismata. Sitis autem perfecti in eodem sensu et in eadem scientia.

Lectio Quarta.

SIGNIFICATUM est enim mi-

chi fratres mei de vobis ab his qui sunt Cloes, quia contentiones sunt inter vos. Hoc autem dico: quod unusquisque vestrum dicit. Ego quidem sum Pauli, ego autem Appollo, ego vero Cephe, ego autem Christi. Divisus est Christus. Nunquid Paulus crucifixus est pro nobis? aut in nomine Pauli baptizati estis?

Lectio Quinta.

GRATIAS ago Deo quod neminem vestrum baptizavi nisi Crispum et Gaium, ne quis dicat quod in nomine meo baptizati estis. Baptizavi autem et Stephane domum. Ceterum nescio si quem alium baptizaverim. Non enim misit me Christus baptizare, sed evangelizare. Non in sapientia verbi: ut non evacuetur crux Christi.

Lectio Sexta.

VERBUM enim crucis pereuntibus quidem stulticia est, his autem qui salvi fiunt id est nobis virtus Dei est. Scriptum est enim. Perdam sapientiam sapientium: et prudentiam prudentium reprobo. Ubi sapiens? Ubi scriba? Ubi conquisitor huius seculi? Nonne stultam fecit Deus sapientiam huius mundi?

Lectio VII. Secundum Matheum.

IN illo tempore: Cum descendisset Ihesus de monte: secute sunt eum turbe multe. Et ecce leprosus veniens adorabat

eum dicens. Domine si vis potes me mnudare. Et reliqua.

Omelia Origenis.

DOCENTE in monte domino, discipuli venerunt ad eum, sicut alacres, sicut domestici, sicut proximi, sicut amici vel fratres. Ideo et Dominus ait ad illos. Vos estis sal terre, vos estis lux mundi. Nunc vero descendente eo de monte turbe secute sunt eum, que in montem ascendere non potuerunt, ut pigri populi, ut negligentes, ut imperfecti.

Lectio VIII.

ITA et filii Israhel primitus in montem ascendere non valuerunt, ad obviandum Deo pergere non potuerunt propter suam irreligiositatem et impietatem, sed solus Moyses ascendit, et pauci cum eo seniorum Israhel. Ita et cum Domino discipuli soli in montem ascenderunt, et tardiores deorsum steterunt.

Lectio IX.

DESCENDENTE nunc Domino hoc est inclinante se ad infirmitatem et impotentiam ceterorum, miserto quod imperfectioni eorum vel infirmitati, secute sunt eum turbe multe: aliquanti propter caritatem, aliquanti propter doctrinam, aliquanti propter admirationem et curationem. Et ecce homo leprosus unus ex illis qui curam querebant qui levamen desiderabant: Ecce leprosus veniens adorabat eum

dicens. Domine, si vis, potes me mundare.

Ad Ben. Ant. Cum autem descendisset Ihesus de monte, ecce leprosus veniens adorabat eum dicens, domine si vis potes me mundare, et extendens manum tetigit eum dicens, volo mundare. **Ad Mag. Ant.** Domine si vis potes me mundare, et ait Ihesus, volo mundare.

Lectiones feriales a secundo Capitulo usque ad Epistolam ad Galathas ad libitum.

Dominica Tertia Post Octavas Epyphanie

Oracio.

DEUS qui nos in tantis periculis constitutos pro humana scis fragilitate non posse subsistere, da nobis salutem mentis et corporis, ut ea que pro peccatis nostris patimur, te adiuvante vincamus. Per.

Ad Matutinas. Lectio Prima.

PAULUS apostolus non ab hominibus neque per hominem, sed per Ihesum Christum et Deum Patrem qui suscitavit eum a mortuis, et qui mecum sunt omnes fratres: ecclesiis Galathie. Gratia vobis et pax a Deo Patre nostro et domino nostro Ihesu Christo, qui dedit semetipsum pro peccatis nostris, ut eriperet nos de presenti seculo nequam secundum voluntatem Dei et Patris nostri, cui est gloria in secula seculorum. Amen.

Lectio Secunda.

MIROR quod sic tam cito transferimini ab eo qui vos vocavit in gratiam Christi in aliud Evangelium, quod non est aliud: nisi sint aliqui qui vos conturbant, et volunt convertere Evangelium Christi.

Lectio Tertia.

SED licet nos aut angelus de celo evangelizet vobis preterquam quod evangelizavimus vobis, anathema sit. Sicut predixi, et nunc iterum dico. Siquis vobis evangelizaverit preter id quod accepistis, anathema sit. Modo enim hominibus suadeo, an Deo? An quero hominibus placere? Si adhuc hominibus placerem, Christi servus non essem.

Lectio Quarta.

NOTUM enim vobis facio fratres evangelium quod evangelizatum est a me, quia non est secundum hominem. Neque enim ego ab homine accepi illud, neque didici: sed per revelationem Ihesu Christi. Audistis enim conversationem meam aliquando in Iudaismo quoniam supra modum persequabar ecclesiam dei, et expugnabam illam, et proficiebam in Iudaismo supra multos coetaneos meos in genere meo, abundantius emulator existens paternarum mearum traditionum.

Lectio Quinta.

CUM autem placuit ei qui me segregavit ex utero ma-

tris mee, et vocavit per gratiam suam, ut revelaret filium suum in me, ut evangelizarem illum in gentibus, continuo non adquievi carni et sanguini, neque veni Hierosolimam ad antecessores meos apostolos, sed abii in Arabiam, et iterum reversus sum Damascum.

Lectio Sexta.

DEINDE post annos tres veni Hierosolimam videre Petrum, et mansi apud eum diebus quindecim. Alium autem apostolorum vidi neminem: nisi Iacobum fratrem Domini. Que autem scribo vobis, ecce coram Deo, quia non mencior. Deinde veni in partes Syrie et Cilicie. Eram autem ignotus facie ecclesiis Iudee que erant in Christo. Tantum autem auditum habebant, quoniam qui persequabatur nos aliquando, nunc evangelizat fidem quam aliquando expugnabat, et in me clarificabant Deum.

Lectio VII. Secundum Matheum.

IN illo tempore: Ascendente Ihesu in naviculam, secuti sunt eum discipuli eius. Et ecce motus magnus factus est in mari, ita ut navicula operiretur fluctibus. Et reliqua.

Omelia Origenis.

INGREDIENTE domino in naviculam, secuti sunt eum discipuli eius, non imbecilles, sed firmi et stabiles in fide, mansueti et pii, spernen-

tes mundum, non duplici corde sed simplici. Hi ergo secuti sunt eum: non tantum gressus eius sequentes, sed magis sanctitatem comitantes, et iusticiam eius consecrantes.

Lectio VIII.

ET ecce tempestas magna facta est in mari, ita ut navicula operiretur fluctibus. Cum enim multa magna et miranda ostendisset in terra transiit ad mare, ut et ibidem adhuc excellentiora opera demonstraret, quatinus terre marisque Dominum se esse cunctis ostenderet.

Lectio IX.

INGRESSUS ergo naviculam fecit turbari mare, commovit ventos, concitavit fluctus. Cur hoc? Ideo ut discipulos mitteret in timorem, et suum auxilium postularent, suamque potenciam rogantibus manifestaret. Illa tempestas non ex sese oborta est, sed potestati paruit imperantis, eius qui educit ventos de thesauris suis, qui terminum mari harenam constituit.

Ad Ben. Ant. Ascendente Ihesu in naviculam ecce motus magnus factus est in mari, et suscitaverunt eum discipuli eius dicentes domine salva nos perimus. **Ad Mag. Ant.** Domine salva nos perimus impera et fac deus tranquillitatem.

Lectiones feriales a tercio ca-

pitulo usque ad Epistolam ad
Thessalonicenses ad libitum.

**Dominica Quarta Post Octavas
Epyphanie**

Oracio.

FAMILIAM tuam quesumus domine continua pietate custodi, ut que in sola spe gratie celestis innititur, tua semper protectione muniatur. Per.

Ad Matutinas. Lectio Prima.

PAULUS et Silvanus, et Timotheus: ecclesie Thessalonicensium in Deo Patre et Domino Ihesu Christo: gratia vobis et pax. Gracias agimus Deo semper pro omnibus vobis, memoriam vestri facientes in orationibus nostris sine intermissione memores operis fidei vestre, et laboris, et caritatis, et sustinentie spei Domini nostri Ihesu Christi ante Deum et Patrem nostrum. Scientes fratres dilecti a Deo electionem vestram, quia evangelium nostrum non fuit apud vos in sermone tantum, sed in virtute et in Spiritu Sancto et in plenitudine multa, sicut scitis quales fuerimus in vobis propter vos.

Lectio Secunda.

ET vos imitatores nostri facti estis et Domini, excipientes verbum in tribulatione multa cum gaudio Spiritus Sancti, ita ut facti sitis forma omnibus credentibus in Macedonia et in Achaia. A vobis enim diffamatus est sermo Domini non solum in Mace-

donia et in Achaia, sed in omni loco fides vestra que est ad Deum profecta est, ita ut non sit vobis necesse quicquam loqui.

Lectio Tertia.

IPSI enim de vobis annunciant qualem introitum habuerimus ad vos, et quomodo conversi estis ad Deum a simulacris servire Deo vivo et vero, et expectare filium eius de celis quem suscitavit a mortuis Ihesum, qui eripuit nos ab ira ventura.

Lectio Quarta.

NAM ipsi scitis fratres introitum nostrum ad vos, quia non inanis fuit, sed ante passi et contumeliis affecti sicut scitis in Philippis: fiduciam habuimus in Deo nostro loqui ad vos Evangelium Dei in multa sollicitudine.

Lectio Quinta.

EXORTATIO enim nostra non de errore, neque de immundicia, neque in dolo, sed sicut probati sumus a Deo ut crederetur nobis Evangelium: ita loquimur, non quasi hominibus placentes, sed Deo qui probat corda nostra.

Lectio Sexta.

NEQUE enim aliquando fuimus in sermone adulationis sicut scitis, neque in occasione avaritie, Deus testis est, nec querentes ab hominibus gloriam, neque a vobis neque ab aliis, cum possemus oneri

vobis esse ut Christi apostoli, sed facti sumus parvuli in medio vestrum tanquam si nutrix foveat filios suos. Ita desiderantes vos cupide, volebamus tradere vobis non solum Evangelium Dei, sed etiam animas nostras, quoniam karissimi nobis facti estis.

Lectio VII. Secundum Mattheum.

IN illo tempore: Dixit Ihesus discipulis suis, parabolam hanc. Simile factum est regnum celorum, homini qui seminavit bonum semen in agro suo. Et reliqua.

Omelia Beati Iheronimi Presbiteri.

DIMITTIT turbas Ihesus, et domum revertitur, ut accedant ad eum discipuli, et interrogent que nec populus merebatur audire, nec poterat. Nam dimissis turbis venit in domum, et accesserunt ad eum discipuli eius dicentes. Edissere nobis parabolam zizaniorum agri. Qui respondens ait. Qui seminat bonum semen: est filius hominis.

Lectio VIII.

PERSPICUE vero exposuit quod ager mundus sit, sator filius hominis, bonum semen filii regni, zizania filii pessimi, zizaniorum sator diabolus, messis consummatio mundi, messoris angeli. Omnia ergo scandala referun-

tur ad zizania: iusti reputantur in filios regni.

Lectio IX.

ERGO que exposita sunt a Domino, his debemus accommodare fidem. Que autem tacita et nostre intelligentie derelicta, breviter sunt intelligenda. Nam homines dormientes significant ecclesiarum magistros: et servi patrisfamilias angelos, qui cotidie vident faciem Patris.

Ad Ben. Ant. Doine nonne bonum semen seminasti in agro tuo, unde habet zizania, et ait, hoc fecit inimicus homo. **Ad Mag. Ant.** Colligite primum zizania, et alligate ea fasciculos ad comburendum, triticum autem congregare in orreum meum.

Lectiones feriales a tercio capitulo usque ad epistolam ad Thimotheum. II.

Dominica Quinta Post Octavas Epyphanie

Oracio. Familiam.

Ad Matutinas. Lectio Prima.

PAULUS Apostolus Ihesu Christi per voluntatem Dei, secundum promissionem vite que est in Christo Ihesu Thymotheo karissimo filio, gratia, misericordia, pax a Deo Patre, et Christo Ihesu Domino nostro. Gratias ago Deo meo cui servio a progenitoribus meis in conscientia pura, quod sine intermissione habeam tui memoriam in

orationibus meis nocte ac die desiderans te videre, memor lacrimarum tuarum, ut gaudio implear, recordationem accipiens eius fidei que est in te non ficta, que et habitavit primum in avia tua Loyde, et matre tua Euniche, certus sum autem quod et in te.

Lectio Secunda.

PROPTER quam causam admoneo te, ut resuscites gratiam Dei que est in te per impositionem manuum mearum. Non enim dedit nobis Deus spiritum timoris, sed virtutis et dilectionis et sobrietatis.

Lectio Tertia.

NOLI itaque erubescere testimonium Domini nostri, neque me vinctum eius, sed collabora Evangelio secundum virtutem Dei qui nos liberavit, et vocavit vocatione sua sancta, non secundum opera nostra, sed secundum propositum suum et gratiam que data est nobis in Christo Iesu ante tempora secularia. Manifestata est autem nunc per illuminationem Salvatoris nostri Iesu Christi, qui destruxit quidem mortem, illuminavit autem vitam et incorruptionem, per evangelium in quo positus sum ego predicator et Apostolus et magister gentium.

Lectio Quarta.

OB quam causam etiam hec patior: sed non confun-

dor. Scio enim cui credidi, et certus sum quia potens est depositum meum servare in illum diem. Formam habens sanctorum verborum que a me audisti in fide et in dilectione in Christo Iesu, bonum depositum custodi per Spiritum Sanctum qui habitat in nobis.

Lectio Quinta.

SCIS hoc quod aversi sunt a me omnes qui in Asia sunt, ex quibus est Phygelus et Hermogenes. Det misericordiam Dominus Onesiphori domui, quia sepe me refrigeravit et catenam meam non erubuit, sed cum Romam venisset sollicitate me quesivit, et invenit. Det illi Dominus invenire misericordiam a Domino in illa die. Et quanta Ephesi ministravit michi: tu melius nosti.

Lectio Sexta.

TU ergo fili mi confortare in gratia que est in Christo Iesu, et que audisti a me per multos testes hec commenda fidelibus hominibus, qui ydonei erant et alios docere. Labora sicut bonus milles Christi Iesu. Nemo militans Deo implicat se negociis secularibus, ut ei placeat cui se probavit. Nam et qui certat in agone, non coronatur nisi legitime certaverit.

Tres ultime lectiones de de omelia precedentis Dominice. Ad Ben. et ad Mag. antiphone sicut in Dominica precedenti. Lectiones feriales a tercio ca-

pitulo usque ad finem epistolarum ad libitum.

**Dominica in Septuagesima
Sabbato Precedenti**

Ad Vesperas. R. Igitur. **III. Ad Mag. Ant.** Peccata. **Oracio.**

PRECES populi tui quesumus domine clementer exaudi, ut qui iuste pro peccatis nostris affligimur, pro tui nominis gloria misericorditer liberemur. Per. Benedicamus domino alleluya alleluya.

Ab hinc usque ad Missam Vigilie Pasche non dicatur alleluya, sed in principio horarum post sicut erat dicatur laus tibi domine rex eterne glorie.

Ad Matutinas. Invit. Preoccupemus faciem domini * Et in psalmis iubilemus ei.

Predictum invitat. non resumatur post salutari nostro sed post iubilemus ei.

Lectio Prima.

IN principio creavit Deus celum et terram. Terra autem erat inanis et vacua, et tenebre erant super faciem abyssi, et spiritus Dei ferebatur super aquas. Dixitque Deus. Fiat lux. Et facta est lux. Et vidit Deus lucem quod esset bona: et divisit lucem a tenebris. Appellavitque lucem diem, et tenebras noctem. Factumque est vespere et mane dies unus. **Responsorium.**

IN principio fecit deus celum et terram, et creavit in ea hominem * Ad ymaginem et

similitudinem suam. **V.** Formavit igitur dominus hominem de limo terre, et inspiravit in faciem eius spiraculum vite. Ad ymaginem.

Lectio Secunda.

DIXIT quoque Deus. Fiat firmamentum in medio aquarum, et dividat aquas ab aquis. Et fecit Deus firmamentum, divisitque aquas que erant sub firmamento ab his que erant super firmamentum. Et factum est ita. Vocavitque Deus firmamentum celum. Et factum est vespere et mane dies secundus.

R. In principio deus creavit celum et terram et spiritus domini ferebatur super aquas, et vidit deus cuncta que fecerat, * Et erant valde bona. **V.** Igitur perfecti sunt celi et terra et omnis ornatus eorum. Et.

Lectio Tertia.

DIXIT vero Deus. Congregentur aque que sub celo sunt in locum unum, et appareat arida. Factumque est ita. Et vocavit Deus aridam Terram, congregationesque aquarum appellavit Maria. Et vidit Deus quod esset bonum, et ait. Germinet terra herbam virentem et facientem semen: et lignum pomiferum faciens fructum iuxta genus suum, cuius semen in semetipso sit super terram. Et factum est ita.

R. Igitur perfecti sunt celi et terra, et omnis ornatus eorum

complevitque deus die septimo opus suum quod fecerat, * Et requievit, * Ab omni opere quod patrarat. **V.** Viditque deus cuncta que fecerat et erant valde bona. Et. Gloria. Ab omni.

Lectio Quarta.

ET protulit terra herbam virentem, et facientem semen iuxta genus suum, lignumque faciens fructum et habens unumquodque semen secundum speciem suam. Et vidit Deus quod esset bonum, factumque est vespere et mane dies tercius.

R. Formavit igitur dominus hominem de limo terre et inspiravit in faciem eius spiraculum vite, et factus est homo, * In animam viventem. **V.** In principio fecit deus celum et terram et creavit in ea hominem. In.

Lectio Quinta.

DIXIT autem Deus. Fiant luminaria in firmamento celi, et dividant diem ac noctem, et sint in signa et tempora et dies et annos: ut luceant in firmamento celi, et illuminent terram. Et factum est ita.

R. Tulit ergo dominus hominem et posuit eum in paradiso voluptatis, * Ut operaretur et custodiret illum. **V.** Plantaverat autem dominus deus paradysum voluptatis a principio in quo posuit hominem quem formaverat. Ut.

Lectio Sexta.

FECITQUE Deus duo magna

luminaria, luminare maius ut preesset diei, et luminare minus ut preesset nocti. Et stellas. Et posuit eas in firmamento celi, ut lucerent super terram, et preessent diei ac nocti, et dividerent lucem ac tenebras. Et vidit Deus quod esset bonum: et factum est vespere et mane dies quartus.

R. Dixit dominus deus non est bonum esse hominem solum, * Faciamus ei adiutorium simile sibi. **V.** Ade vero non inveniebatur adiutor similis sibi dixit quoque deus. Faciamus. Gloria. Faciamus.

Lectio VII. Secundum Mattheum.

IN illo tempore: Dixit Ihesus discipulis suis, parabolam hanc. Simile est regnum celorum homini patrifamilias: qui exiit primo mane conducere operarios in vineam suam. Et reliqua.

Omelia Beati Gregorii Pape.

IN explanatione sua multa ad loquendum sancti Evangelii lectio postulat, quam volo si possum sub brevitate perstringere, ne vos et extensa processio et prolixa expositio videatur onerare. Regnum celorum patrifamilias simile dicitur, qui ad excollendam vineam suam operarios conducit.

R. Immisit dominus soporem in Adam, et tulit unam de costis eius, et edificavit co-

stam quam tulerat de Adam in mulierem, et adduxit eam ad Adam ut videret quid vocaret eam, * Et vocavit nomen eius virago quia de viro suo sumpta est. **V.** Cumque obdormisset tulit unam de costis eius et replevit carnem pro ea. Et.

Lectio VIII.

QUIS vero patrisfamilias similitudinem rectius tenet quam conditor noster, qui regit quos condidit, et electos suos sic in hoc mundo possidet, quasi subiectos dominus in domo? Qui habet vineam, universalem scilicet ecclesiam que ab Abel iusto usque ad ultimum electum qui in fine mundi nasciturus est, quot sanctos protulit: quasi tot palmites misit.

R. Ecce Adam quasi unus ex nobis factus est sciens bonum et malum, * Videte ne forte summat de ligno vite et vivat in eternum. **V.** Cherubin collocavit dominus et flammeum gladium atque versatilem ad custodiendam viam ligni vite et ait. Videte.

Lectio IX.

HIC itaque paterfamilias ad excolendam vineam suam mane, hora tertia, sexta, nona, et undecima operarios conducit, quia a mundi huius inicio usque in finem ad erudiendam plebem fidelium predicatorum congregare non destitit. Mane etenim mundi: fuit ab Adam usque ad Noe.

R. Ubi est Abel frater tuus dixit dominus ad Chaim, nescio domine nunquid custos fratris mei sum ego et dixit ad eum, quid fecisti, * Ecce vox sanguinis fratris tui Abel clamat ad me de terra. **V.** Maledictus eris super terram que aperuit os suum, et suscepit sanguinem fratris tui de manu tua. Ecce. Gloria. Ecce.

Non dicatur Te Deum. nec deinceps usque ad Pascha nisi in totis duplicibus, sed nonum responsorium repetatur.

In Laudibus. Ant. Miserere mei deus, et a delicto meo munda me, quia tibi soli peccavi. **Ps.** Miserere. **Ant.** Confitebor tibi domine quoniam exaudisti me. **Ps.** Confitemini domino. IIII. **Ant.** Deus deus meus ad te de luce vigilo, quia factus es adiutor meus. **Ps.** Deus deus meus. II. **Ant.** Benedictus es in firmamento celi et laudabilis in secula deus noster. **Can.** Benedicite. **Ant.** Laudate dominum de celis. **Ps.** Laudate dominum. **V.** Domine refugium factus es nobis. **R.** A generatione et progenie. **Ad Ben. Ant.** Simile est regnum celorum homini patrifamilias qui exiit primo mane conducere operarios in vineam suam, dicit dominus.

Ad Primam. Ant. Conventio-ne autem facta cum operariis ex denario diurno misit eos in vineam suam. **Ps.** Deus deus meus. I. Dominus regit me. **Gloria.** Domini est terra. Ad te domine. I. **Gloria.** Iudi-

ca me domine. Deus in nomine. **Gloria.** Dominus regnavit. Beati immaculati. **Gloria.** Re-tribue servo tuo. **Gloria.** Quicumque vult. **Gloria.** Predicti psalmi dicantur predicto modo Dominicis diebus ad Primam usque ad Ramos inclusive quando de Dominica agitur.

Ad Terciam. Ant. Ite et vos in vineam meam et quod iustum fuerit dabo vobis.

R. Spes mea domine * A iuventute mea. **V.** In te confirmatus sum ex utero de ventre matris mee tu es meus protector. A. **Gloria.** Spes.

V. Adiutor meus.

Ad Sextam. Ant. Quid hic statis tota die ociosi responderunt et dixerunt nemo nos conduxit.

R. Esto nobis domine, * Turris fortitudinis. **V.** A facie inimici. Turris. **Gloria.** Esto.

V. Dominus regit me.

Ad Sextam. Ant. Voca operarios et redde illis mercedem suam dicit dominus.

R. Educ de carcere animam meam, * Ut confiteatur nomini tuo domine. **V.** Periit a fuga a me et non est qui requirat animam meam. Ut. **Gloria.** Educ.

V. Ab occultis

Ad Mag. Ant. Dixit paterfamilias operariis suis, quid hic statis tota die ociosi at illi respondentes dixerunt, qui nemo nos conduxit, ite et vos in vineam meam et quod iustum fuerit dabo vobis.

Per ebdomadam quando de tempore agitur.

Ad Ben. Ant. Hi novissimi una hora fecerunt et pares illos nobis fecisti, qui portavimus pondus diei et estus.

Ad Mag. Ant. Erunt primi novissimi et novissimi primi, multi enim sunt vocati, pauci vero electi, dicit dominus.

Lectiones feriales a secundo capitulo usque ad sextum ad libitum.

**Dominica in Sexagesima
Sabbato Precedenti**

Ad Vesperas. R. Benedicens. **IX.**

Ad Mag. Ant. Erunt primi. **Ora-**

DEUS qui conspicias quia ex nulla nostra actione confidimus, concede propicius ut contra adversa omnia doctoris gentium protectione muniamur. Per.

Ad Matutinas. Invit. Preoccupemus.

Lectio Prima.

CUM cepissent homines multiplicari super terram, et filias procreassent, videntes filii Dei filias hominum quod essent pulchre, acceperunt uxores sibi ex omnibus quas elegerant. Dixitque Deus. Non permanebit spiritus meus in homine in eternum: quia caro est. Eruntque dies illius centum viginti annorum. **R.**

NOE vir iustus atque perfectus cum deo ambulavit, * Et fecit omnia quecumque pre-

cepit a deus. **¶** Noe autem invenit gratiam ante dominum deum. Et fecit.

Lectio Secunda.

GIGANTES autem erant super terram in diebus illis. Postquam enim ingressi sunt filii Dei ad filias hominum, illeque genuerunt: isti sunt potentes a seculo, viri famosi.

R. Quadraginta dies et noctes aperti sunt a celi, et ex omni carne habente spiritum vite, * Ingressi sunt in archam et clausit a foris hostium dominus. **¶** Noe vero et filii eius exor eius et uxores filiorum eius. Ingressi.

Lectio Tertia.

VIDENS autem Deus quod multa malicia hominum esset in terra, et cuncta cogitatio cordis intenta esset ad malum omni tempore, penituit eum quod hominum fecisset in terra, et precavens in futurum, et tactus dolore cordis intrinsecus, delebo inquit hominem quem creavi a facie terre ab homine usque ad animantia, a reptili usque ad volucres celi. Penitet enim me fecisse eos.

R. Requievit archa mense septimo super montes Armenie, * Et aque ibant et decrescebant usque ad decimum mensem. **¶** Decimo enim mense primo die mensis cacumina montium apparuerunt. Et. Gloria. Et.

Lectio Quarta.

NOE vero invenit gratiam

coram Domino. He sunt generationes Noe. Noe vir iustus atque perfectus fuit in generationibus suis. Cum Deo ambulavit, et genuit tres filios, Sem, Cham, et Iaphet. Corrupta est autem terra coram Deo, et repleta est iniquitate.

R. Volens Noe scire si iam cessassent aque emisit columbam que ramum virentis olive in ore suo deferens, * Ad archam reversa est. **¶** Deferens autem signum clementie dei columba in ore suo. Ad.

Lectio Quinta.

CUMQUE vidisset Deus terram esse corruptam, omnis quippe caro corruperat viam suam super terram: dixit ad Noe. Finis universe carnis venit coram me. Repleta est terra iniquitate a facie eorum, et ego disperdam eos cum terra. Fac tibi archam de lignis levigatis.

R. Edificavit Noe altare domino offerens super illud holocaustum, odoratus est dominus odorem suavitatis et benedixit eis, * Crescite et multiplicamini et replete terram. **¶** Ecce ego statuam pactum meum vobiscum et cum semino vestro post vos. Crescite.

Lectio Sexta.

MANSIUNCULAS in archa facies, et bitumine linies intrinsecus et extrinsecus, et sic facies eam. Trecentorum cubitorum erit longitudo archae, quinquaginta cubitorum

latitudo, et triginta cubitorum altitudo illius. Fenestram in archa facies, et in cubito consummabis summitatem eius. Ostium autem arche pones in latere deorsum. Cenacula et tristega facies in ea.

R. Ponam arcum meum in nubibus celi dixit dominus ad Noe, * Et recordabor federis mei quod pepigi tecum. **V.** Cumque obduxero nubibus celum apparebit arcus meus in nubibus. Et. Gloria. Et.

Lectio VII. Secundum Lucam.

IN illo tempore: Cum turba plurima conveniret, et de civitatibus properarent ad Ihesum: dixit per similitudinem. Exiit qui seminat seminare semen suum. Et reliqua.

Omelia Beati Gregorii Pape.

LECTIO sancti Evangelii quam modo fratres karissimi audistis, expositione non indiget sed admonitione. Quam enim per semetipsam veritas exposuit, hanc discutere humana fragilitas non presumit.

R. Per memetipsum iuravi dixit dominus, non adiciam ultra aquas diluvii super terram, pacti mei recordabor, * Ut non perdam aquis diluvii omnem carnem. **V.** Arcum meum ponam in nubibus, et erit signum federis inter me et inter terram. Ut.

Lectio VIII.

SED est quod sollicite in hac ipsa expositione dominica

pensare debeatis. Quia si nos vobis, semen verbum, agrum mundum, volucres demonia, spinas divitias significare diceremus, ad credendum nobis mens forsitan vestra dubitaret. Unde et idem Dominus per semetipsum dignatus est exponere quod dicebat, ut sciatis rerum significationes querere, in his eciam que per semetipsum noluit explanare.

R. Ecce ego statuam pactum meum vobiscum et cum semine vestro post vos, * Neque erit deinceps diluvium dissipans terram. **V.** Erit arcus meus in nubibus, et videbo illum, et recordabor federis mei sempiterni. Neque.

Lectio IX.

EXPONENDO ergo quod dixit, figurate se loqui innuit: quatenus certos vos redderet cum vobis nostra fragilitas verborum illius figuras aperiret. Quis enim michi unquam crederet si spinas divitias interpretari voluissem, maxime cum ille pungant, iste delectent? Et tamen spine sunt, quia cogitationum suarum punctionibus mentem lacerant, et cum usque ad peccatum pertrahunt, quasi inflicto vulnere cruentant.

R. Benedicens ergo deus Noe ait, nequaquam ultra maledicam terre propter hominem, * Ad ymaginem quippe dei factus est homo. **V.** Hoc erit si-

gnum federis inter me et terram, arcum meum ponam in nubibus celi. Ad. Gloria. Ad. Benedicens.

In Laudibus. Ant. Secundum multitudinem miserationum tuarum domine dele iniquitatem meam. **Ps.** Miserere. **Ant.** Deus meus es tu et confitebor tibi, deus meus es tu et exaltabo te. **Ps.** Confitemini domino. IIII. **Ant.** Ad te de luce vigilo deus ut videam virtutem tuam. **Ps.** Deus deus meus. II. **Ant.** Ymnum dicite et superexaltate eum in secula. **Can.** Benedicite. **Ant.** Omnes angeli eius laudate dominum de celis. **Ps.** Laudate dominum. **V.** Domine refugium. **Ad Ben. Ant.** Cum turba plurima conveniret ad Ihesum et de civitatibus properarent ad eum, dixit per similitudinem exiit qui seminat seminare semen suum.

Ad Primam. Ant. Semen cecidit in terram bonam, et attulit fructum, aliud centesimum et aliud sexagesimum. **Ps.** Deus deus meus. I.

Ad Terciam. Ant. Semen cecidit in terram bonam et attulit fructum in patientia. **R.** Spes mea domine.

Ad Sextam. Ant. Ihesus hec dicens clamabit qui habet aures audiendi audiat. **R.** Esto nobis.

Ad Nonam. Ant. Qui verbum dei retinent corde perfecto et optimo fructum afferunt in patientia. **R.** Educ de carcere.

Ad Mag. Ant. Vobis datum est nosse mysterium regni dei, ce-

teris autem in parabolis dixit Ihesus discipulis suis.

Per ebdomadam quando de tempore agitur.

Ad Ben. Ant. Semen est verbum dei sator autem Christus omnis qui audit eum manebit in eternum.

Ad Mag. Ant. Quod autem cecidit in terram bonam hi sunt qui in corde bono et optimo verbum retinent et fructum afferunt in patientia.

Lectiones feriales ab octavo Capitulo usque ad duodecimum ad libitum.

**Dominica in Quinquagesima
Sabbato Precedenti**

Ad Vesperas. R. Dum staret. IIII.

Ad Mag. Ant. Quod autem. **Ora-**

PRECES nostras quesumus domine clementer exaudi, atque a peccatorum vinculis absolutos, ab omni nos adversitate custodi. Per.

Ad Matutinas. Invit. Preoccupemus.

Lectio Prima.

DIXIT Dominus ad Abram. Egredere de terra tua, et de cognatione tua, et de domo patris tui, et veni in terram quam monstravero tibi. Faciamque te in gentem magnam, et benedicam tibi, et magnificabo nomen tuum: erisque benedictus. Benedicam benedicientibus tibi, et maledicam maledicentibus tibi: at-

que in te benedicentur universae cognationes terre. **R.**

LOCUTUS est dominus ad Abraham dicens egredere de terra et de cognatione tua, et veni in terram quam monstravero tibi, et faciam te crescere, * In gentem magnam. **V.** Benedicens benedicam tibi et multiplicabo te. In gentem.

Lectio Secunda.

EGRESSUS est itaque Abram sicut preceperat ei Dominus, et ivit cum eo Loth. Septuaginta quinque annorum erat Abram, cum egrederetur de Haran. Tulitque Sarai uxorem suam, et Loth filium fratris sui, universamque substantiam quam possederant, et animas quas fecerant in Haran, et egressi sunt ut irent in terram Chanaan.

R. Revertenti Abraham a cede quatuor regum occurrit rex Salem Melchisedech, offerens panem et vinum erat enim dei sacerdos, * Et benedixit illi. **V.** Benedictus Abraham deo altissimo qui creavit celum et terram. Et.

Lectio Tertia.

CUMQUE venissent in eam, pertransivit Abram terram usque ad locum Sichem, et usque ad convallem illustrem. Chananeus autem tunc erat in terra. Apparuit autem Dominus Abram, et dixit ei. Semini tuo dabo terram hanc. Qui edificavit ibi altare Domino qui apparuerat, ei.

R. Dixit autem dominus ad Abraham ego sum et pactum meum tecum, sanctificetur in vobis omne masculinum, * Et erit signum inter me et semen tuum. **V.** Ex te namque egredietur in quo omnes gentes benedicentur. Et. Gloria. Et.

Lectio Quarta.

ET inde transgrediens ad montem qui erat contra orientem Bethel, tetendit ibi tabernaculum suum, ab occidente habens Bethel, et ab oriente Hay. Edificavit quoque ibi altare Domino, et invocavit nomen eius. Perrexitque Abram vadens et ultra progrediens ad meridiem.

R. Dum staret Abraham ad ilicem Mambre, vidit tres viros descendentes per viam, tres vidit, * Et unum adoravit. **V.** Cumque elevasset oculos apparuerunt ei tres viri stantes iuxta eum. Et.

Lectio Quinta.

FACTA est autem fames in terra. Descenditque Abram in Egyptum, ut peregrinaretur ibi. Prevaluerat enim fames in terra. Cumque prope esset ut ingrederetur Egyptum, dixit Sarai uxori sue. Novi quod pulchra sis mulier, et quod cum viderint te Egyptii, dicturi sunt, uxor ipsius est, et interficient me, et te reservabunt. Dic ergo obsecro te quod soror mea sis, ut bene sit michi propter te, et vivat anima mea ob gratiam tui.

R. Clamor inquit dominus Sodomorum et Gomore venit ad me, * Descendam et videbo utrum clamorem opere compleverint. **V.** Abraham stabat coram deo et ait, absit a te domine ut perdas iustum cum impiis. Descendam.

Lectio Sexta.

CUM itaque ingressus esset Abram Egyptum, viderunt Egyptii mulierem quod esset pulchra nimis. Et nuntiaverunt principes Pharaoni, et laudaverunt eam apud illum. Et sublata est mulier in domum Pharaonis. Abram vero bene usi sunt propter illam. Fueruntque ei oves et boves et asini, et servi, et famule, et asine, et cameli. Flagellavit autem Dominus Pharaonem plagis maximis, et domum eius, propter Sarai uxorem Abram.

R. Ascendens ergo deus ab Abraham pluit ignem et sulphur super Sodomam, * Abraham mane consurgens stet, et eversas urbes a longe conspexit. **V.** Recordatus est deus Abraham et liberavit Loth de subversione Sodome. Abraham. Gloria. Abraham.

Lectio VII. Secundum Lucam.

IN illo tempore: Assumpsit Ihesus duodecim discipulos suos: et ait illis. Ecce ascendimus Iherosolimam, et consummabuntur omnia que scripta sunt per prophetas de filio hominis. Et reliqua.

Omelia Beati Gregorii Pape.

REDEMPTOR noster previcens ex passione sua discipulorum animos perturbandos, eis longe ante, et eiusdem passionis penam et resurrectionis sue gloriam predicit, ut cum eum morientem sicut predictum est cernerent, etiam resurrecturum non dubitarent.

R. Temptavit deus Abraham et dixit ad eum, * Tolle filium tuum quem diligis Ysaac, et offeres illum ibi in holocaustum super unum montium quem dixero tibi. **V.** Vocatus quoque a domino respondit assum, et ait ei dominus. Tolle.

Lectio VIII.

SED quia carnales adhuc discipuli nullo modo valebant capere verba mysterii, venit ad miraculum. Ante eorum oculos cecus lumen recipit, ut qui celestis mysterii verba non caperent eos ad fidem celestia facta solidarent. Sed miracula Domini et salvatoris nostri sic accipienda sunt fratres mei, ut et in veritate credantur facta, et tamen per significationem nobis aliquid innuant. Opera quippe eius et per potentiam aliud ostendunt, et per mysterium aliud loquuntur.

R. Angelus domini vocavit Abraham dicens, * Ne extendas manum tuam super puerum eo quod timeas dominum.

℣. Cumque extendisset manum ut immolaret filium, ecce angelus domini de celo clamavit dicens. Ne.

Lectio IX.

ECCE quis iuxta hystoriam cecus iste fuerit ignoramus: sed tamen quem per mysterium significet, novimus. Cecus quippe est genus humanum quod in parente primo a paradisi gaudiis expulsum, claritatem superne lucis ignorans, damnationis sue tenebras patitur, sed tamen per redemptoris sui presentiam illuminatur, ut interne lucis gaudia iam per desiderium videat, atque in via vite boni operis gressus ponat.

℞. Deus domini mei Abraham dirige viam meam, * Ut cum salute revertar, * In domum domini mei. **℣.** Obsecro domine fac misericordiam cum servo tuo. Ut. Gloria. In domum.

In Laudibus. Ant. Averte domine faciem tuam a peccatis meis, et omnes iniquitates meas dele. **Ps.** Miserere. **Ant.** Fortitudo mea et laus mea dominus, factus est michi in salutem. **Ps.** Confitemini domino. III. **Ant.** In matutinis domine meditabor in te quia factus es adiutor meus. **Ps.** Deus deus meus. II. **Ant.** Benedicamus patrem et filium in secula cum sancto spiritu. **Can.** Benedicite.

Ant. Iuvenes et virgines senes cum iunioribus laudent nomen domini. **Ps.** Laudate dominum.

℣. Domine refugium. **Ad Ben. Ant.** Ecce ascendimus Hierosolimam, et consummabuntur omnia que scripta sunt de filio hominis tradetur enim gentibus et illudetur et flagellabitur et conspuetur, et postquam flagellaverint occident eum et die tertia resurget.

Ad Primam. Ant. Iter faciente Ihesu dum appropinquaret Hiericho cecus clamabat ad eum ut lumen recipere mereretur. **Ps.** Deus deus meus. I.

Ad Terciam. Ant. Transeunte domino clamabat cecus ad eum, miserere mei fili David. **℞.** Spes mea.

Ad Sextam. Ant. Cecus sedebat secus viam et clamabat miserere mei fili David. **℞.** Esto nobis.

Ad Nonam. Ant. Cecus magis ac magis clamabat ut eum dominus illuminaret. **℞.** Educ de carcere.

Ad Mag. Ant. Stans autem Ihesus iussit eum adduci ad se, et ait illi quid vis ut faciam tibi, domine ut videam, et Ihesus ait illi, respice fides tua te salvum fecit et confestim vidit et sequebatur illum magnificans deum.

Lectiones feriales a terciodecimo capitulo ad sextumdecimum ad libitum.

Feria secunda et tertia quando de tempore agitur.

Ad Ben. Ant. Tradetur enim gentibus ad illudendum et flagellandum et crucifigendum.

Ad Mag. Ant. Omnis plebs ut vidit dedit laudem deo.

Feria Quarta In Capite Ieiunii

Ad Matutinas. Lectio I. Secundum Matheum.

IN illo tempore: Dixit Ihesus discipulis suis. Cum ieiunatis nolite fieri sicut ypocrite tristes. Et reliqua.

Omelia Beati Maximi Episcopi.

QUIA nonnullorum est consuetudo advenientes quadragesime dies devotionis ieiunio prevenire, necessarie presens Evangelii decursa est lectio, in qua Dominus noster virtutum spiritualium retributor sacratam nobis perfectamque dedit regulam ieiunandi dicens. Cum ieiunatis, nolite fieri sicut ypocrite tristes. Exterminant enim facies suas, ut appareant hominibus ieiunantes.

Lectio Secunda.

NON enim Deo ieiunat sed hominibus, quicumque ostentatione sui ieiunii gloriam requirit humanam. Exterminant autem facies suas, qui merore simulato religiosum vultum populorum oculis mentiuntur. Non vult enim discipline celestis magister irreligiose agi, quod fieri pro religione precipitur, nec patitur invocantium se laborem quibus eternam parat mercedem: infructuose iactantie vitio deperire.

Lectio Tertia.

NON eritis inquit sicut ypocrite tristes. Si enim vere tristis et mestus es quia ieiunas, nullam tibi ut ingratus: apud Deum gratiam reservabis, quia quamvis opus facias bonum: pravitatem tamen degeneris animi invitus operaris. Si autem pro quadam sanctitatis ymagine tristitiam simulas: omnem fructum promissionis divine obsequii tui ostentator amittis.

In Laudibus. Cap.

CONVERTIMINI ad me in toto corde vestro, in ieiunio et fletu et planctu, et scindite corda vestra et non vestimenta vestra, ait dominus omnipotens. **Ad Ben. Ant.** Cum ieiunatis nolite fieri sicut ypocrite tristes. **Oracio.**

PRESTA domine fidelibus tuis, ut ieiuniorum veneranda sollemnia, et congrua pietate suscipiant, et segura devotione percurrant. Per.

Hac die et deinceps usque ad Cenam Domini exclusive orationes que in singulis feriis sunt notate ad Laudes, dicantur ad Terciam Sextam et Nonam quando de tempore agitur, ad Vesperas vero dicantur proprie que notate sunt per singulas ferias nisi in Sabbatis, in quibus semper dicitur Oratio sequentis Dominice.

Ad Terciam. Cap. Convertimini.

Ad Sextam. Cap.

DERELINQUAT impius viam suam, et vir iniquus cogitationes suas, et revertatur ad dominum et miserebitur eius, et ad deum nostrum quoniam multus est ad ignoscendum.

Ad Nonam. Capitulum.

FRANGE esurienti panem tuum, et ege nos vagosque induc in domum tuam, cum videris nudum operi eum, et carnem tuam ne despexeris, ait dominus omnipotens.

Ad Vesperas. Capitulum. Convertimini. *Ad Mag. Ant.* Thesaurizate vobis thesauros in celo ubi nec erugo nec tinea demolitur. *Oratio.*

INCLINANTES se domine maeiati tue propitiatus intende ut qui divino mundere sunt refectione, celestibus semper nutrantur auxiliis. Per.

Predicta tria capitula dicantur cotidie ad horas in quibus notata sunt, diebus profestis usque ad Dominicam in Passione. Hac die et deinceps cotidie per totam Quadragesimam dicantur Vespere ante prandium nisi in Dominicis diebus.

Feria Quinta. Ad Ben. Ant. Domine puer meus iacet paralyticus in domo, et male torquetur, amen dico tibi ego veniam et curabo eum. *Oratio.*

DEUS qui culpa offenderis penitentia placaris, preces populi tui supplicantis propicius respice, et flagella tue iracundie que pro peccatis no-

stris meremur averti. Per. *Ad Mag. Ant.* Domine non sum dignus ut intres sub tectum meum, sed tantum dic verbo et sanabitur puer meus. *Oratio.*

PARCE domine parce populo tuo, ut dignis flagellationibus castigatus in tua miseratione respiret. Per.

Feria Sexta. Ad Ben. Ant. Cum facis elemosinam nesciat sinistra tua quid faciat dextera tua. *Oratio.*

INCHOATA ieiunia quesumus domine benigno favore proseguere, ut observantiam quam corporaliter exhibemus, mentibus eciam sinceris exercere valeamus. Per. *Ad Mag. Ant.*

Tu autem cum oraveris intra in cubiculum et clauso ostio ora patrem tuum. *Oratio.*

TUERE domine populum tuum, et ab omnibus peccatis clementer emunda, quia nulla ei nocebit adversitas si nulla dominetur iniquitas. Per.

Sabbato. Ad Ben. Ant. Quare ieiunavimus et non aspexisti humiliavimus animas nostras et nescisti. *Oratio.*

ADESTO domine supplicationibus nostris, et concede ut hoc sollemne ieiunium quod animis corporibusque curandis salubriter institutum est, devoto servitio celebremus. Per.

**Dominica Prima in
Quadragesima Sabbato
Precedenti**

Ad Vesperas. Capitulum.

HORTAMUR vos ne in vacuum gratiam dei recipiatis, ait enim tempore accepto exaudivi te, et in die salutis adiuvi te. **R.** Emendemus.

III. Ymnus.

AUDI benigne conditor nostras preces cum fletibus in hoc sacro ieiunio fusas quaderagenario.

Scrutator alme cordium infirma tu scis virium, ad te reversis exhibe remissionis gratiam.

Multum quidem peccavimus, sed parce confitentibus ad laudem tui nominis confer medellam languidis.

Sic corpus extra conteri dona per abstinenciam, ieiunet ut mens sobria a labe prorsus criminum.

Presta beata trinitas concede simplex unitas, ut fructuosa sint tuis ieiuniorum munera. Amen.

V. Angelis suis deus mandavit de te.

R. Ut custodiant te in omnibus viis tuis.

Ad Mag. Ant. Ecce nunc tempus acceptabile ecce nunc dies salutis in his ergo diebus exhibeamus nos sicut dei ministros in multa patientia, in vigiliis, in ieiuniis, et in caritate non ficta. **Oratio.**

DEUS qui ecclesiam tuam annua quadragesimali observatione purificas, presta

familie tue, ut quod a te obtinere abstinendo nititur, hoc bonis operibus exequatur. Per.

Ad Completorium.

R. In pace in idipsum * Dormiam et requiescam. **V.** Si dero somnum oculis meis et palpebris meis dormitationem. Dormiam. Gloria. In.

Hoc responsorium dicatur tantum in Sabbatis et Dominicis diebus et festivis in utroque Completorio, usque ad Sabbatum ante Dominicam in Passione exclusive. Ceteris autem diebus dicatur responsorium. In manus. **Ymnus.**

CHRISTE qui lux es et dies, noctis tenebras detegis, lucisque lumen crederis, lumen beatum predicans.

Precamur sancte domine, defende nos in hac nocte, sit nobis in te requies, quietam noctem tribue.

Ne gravis omnus irruat, nec hostis nos subripiat, nec caro illi consentiens nos tibi reos statuatur.

Oculi somnum capiant cor ad te semper vigilet, dextera tua protegat famulos qui te diligunt.

Defensor noster aspice insidiantes reprime, governa tuos famulos quos sanguine mercatus es.

Memento nostri domine in gravi isto corpore, qui es defensor anime ad esto nobis domine.

Presta pater omnipotens per

Ihesum dominum qui tecum in perpetuum regnat cum sancto spiritu. Amen.

Predictus ymnus dicatur cotidie usque ad diem Cene exclusive.

Ad Nunc Dimittis. Ant. Evigila super nos eterne salvator ne nos apprehendat callidus temptator quia tu factus es nobis sempiternus adiutor.

Hec ant. dicatur super Nunc dimittis. per quindecim dies, nisi in Annunciatione quando infra hoc tempus venerit.

Ad Matutinas. Invitat. Non sit vobis vanum mane surgere ante lucem, * Quia promissit dominus coronam vigilantibus. **Ymnus.**

SUMMI largitor premii spes qui es unica mundi, preces intende servorum ad te devote clamantium.

Noster te conscientia grave offendisse monstrat, quam emundes supplicamus ab omnibus piaculis.

Si renius quis tribuet indulgere quia potens es, te corde rogare mundo fac nos precamur domine.

Ergo nunc accepta nostrum qui sacraستی ieiunium, quo mystice paschalia capiamus sacramenta.

Summa nobis hoc conserat in deitate trinitas, in qua glorietur unus, per cuncta secula deus. Amen.

In Primo Nocturno. V. Dicit do-

mino susceptor meus es tu. **R.** Et refugium meum deus meus. **Gregorii in Omelia super Evangelium.** Ductus est Ihesus in desertum.

Lectio Prima.

QUIA quadragesime tempus inchoamus, discutiendum est cur hec abstinentia custoditur. Moyses enim ut legem acciperet secundo: Helyas eciam in deserto, quadraginta diebus abstinuit. Ipse quoque actor hominum, quadraginta diebus nullum cibum sumpsit. Nos quoque annuo quadragesime tempore, carnem nostram per abstinentiam affligere conamur. Cur ergo in abstinentia hic numerus custoditur, nisi quia virtus Decalogi per libros quatuor sancti evangelii impletur? Denarius enim quater ductus in quadragenarium surgit. Quia tunc mandata Decalogi perficimus, cum quatuor libros sancti evangelii custodimus.

Responsorium.

ECCE nunc tempus acceptabile ecce nunc dies salutis, commendemus nosmetipsos in multa patientia in ieiuniis multis, * Per arma iusticie virtutis dei. **V.** In omnibus exhibeamus nosmetipsos sicut dei ministris in multa patientia. Per arma.

Lectio Secunda.

IN hoc etenim mortali corpore ex quatuor elementis

subsistimus, et per voluptates eiusdem corporis preceptis dominicis contrahimus, que per Decalogum sunt accepta. Qui ergo per carnis desideria Decalogi mandata contempsimus: dignum est ut eandem carnem quaterdecies affligamus. A presenti ecenim die usque ad Paschalis sollemnitatis gaudia sex ebdomade veniunt quarum dies quadraginta duo fiunt, ex quibus dum sex dies Dominici ab abstinence subtrahuntur, non plus in abstinence quam triginta et sex dies remanent. Dum vero per trecentos et sexaginta sex dies annus ducitur, nos autem per triginta et sex dies affligimur quasi anni nostri decimas Deo damus, ut qui nobis per annum viximus, actori nostro in eius decimis mortificemus.

R. In omnibus exhibeamus nos sicut dei ministros in multa patientia, * Ut non vituperetur ministerium nostrum. **V.** Ecce nunc tempus acceptabile ecce nunc dies saltis nemini dantes ullam offensionem. Ut.

Lectio Tertia.

SICUT igitur in lege fratres offerre iubemini decimas rerum, ita offerre contendite et decimas dierum. Unusquisque carnem maceret, eiusque desideria affligat, ut hostia viva fiat. Hostia quippe et immolatur et viva est, quando et ab hac vita homo non deficit, et

tamen se carnalibus desideriis occidit. Caro nos leta traxit ad culpam afflicta reducat ad veniam. A paradisi gaudiis per cibum cecidimus, ad hec per abinentiam resurgamus.

R. Emendemus in melius que ignorantur peccavimus ne subito preoccupati die mortis queramus spatium penitentie et invenire non possimus, * Attende domine et miserere quia peccavimus tibi. **V.** Peccavimus cum patribus nostris iniuste egimus iniquitatem fecimus. Attende. Gloria. Attende.

In Secundo Nocturno. V. Ipse liberavit me de laqueo venantium. **R.** Et a verbo aspero.

Lectio Quarta.

NEMO sibi abinentiam solum credat posse sufficere, cum dominus per prophetam dicat. Nonne hoc est ieiunium quod elegi? Frange esurienti panem tuum. Illud ergo ieiunium Deus approbat, quod ad eius oculos manus elemosinarum levat, quod cum proximi dilectione agitur, quod ex pietate conditur.

R. Paradisi portas aperiat nobis ieiunii tempus suscipiamus illud ornties et deprecantes, * Ut in die resurrectionis cum domino gloriemur. **V.** Ecce nunc tempus acceptabile ecce nunc dies salutis, commendemus nosmetipsos in multa patientia. Ut.

Lectio Quinta.

HOC ergo quod tibi subtrahis, alteri largire, et unde caro tua affligitur, inde egen-
tis proximi caro recreetur. Hinc
est quod per prophetam Do-
minus dicit. Cum ieiunaretis
nunquid ieiunium ieiunastis
michi? Sibi quippe quisque ie-
iunat, si ea que sibi ad tem-
pus subtrahit, non pauperibus
tribuit, sed ventri postmodum
offerenda custodit. Hinc per
Ioel dicitur. Sanctificate ieu-
nium. Ieiunium quippe sanc-
tificare est, adiunctis aliis bo-
nis dignam Deo abstinentiam
carnis ostendere.

R. Scindite corda vestra et non
vestimenta vestra, * Et con-
vertimini ad dominum deum
quia benignus et misericors
est. **V.** Revertimini unusquis-
que a via sua mala et a pessimis
cogitationibus vestris. Et.

Lectio Sexta.

CESSET ira, sopiantur iur-
gia. In cassum enim caro
atteritur si a suis voluptatibus
animus non refrenatur, cum
per prophetam Dominus dicat.
Ecce in die ieiunii vestri inve-
nitur voluntas vestra, et om-
nes debitores vestros repetitis,
neque enim qui debitorem se
in penitentia macerat, etiam
hoc quod sibi iuste competit
interdicat. Sic sic nobis afflic-
tis a Deo dimittitur quod iniu-
ste egimus, si pro amore illius
hoc quod iuste competit rela-
xemus.

R. Abscondite elemosinam in

sinu pauperis, et ipsa orat pro
vobis ad dominum, * Quia si-
cut aqua extinguit ignem, ita
elemosina extinguit peccatum.
V. Date elemosinam dicit do-
minus et ecce omnia munda
sunt vobis. Quia. Gloria. Quia.

In Tertio Nocturno. **V.** Scapulis
suis obumbrabit tibi. **R.** Et sub
pennis eius sperabis.

Lectio VII. Secundum Ma- theum.

IN illo tempore: Ductus est
Ihesus in desertum a spiri-
tu ut temptaretur a diabolo. Et
reliqua.

Omelia Beati Gregorii Pape.

DUBITARI a quibusdam so-
let, a quo spiritu ductus
sit Ihesus in desertum, propter
hoc quod subditur, assumpsit
eum diabolus in sanctam ci-
vitatem, et rursus, assump-
sit eum in montem excelsum.
Sed vere et absque ulla que-
stione convenienter accipitur,
ut a spiritu sancto in desertum
ductus credatur, ut illuc eum
suus spiritus duceret, ubi nunc
ad temptandum malignus spi-
ritus inveniret.

R. In ieiunio et fletu orabant
sacerdotes dicentes, * Parce
domine parce populo tuo et ne
des hereditatem tuam in per-
ditionem. **V.** Inter vestibulum
et altare plorabant sacerdotes
dicentes, Parce.

Lectio VIII.

SED ecce cum dicitur Deus
homo vel in excelsum

montem vel in sanctam civitatem a diabolo assumptus, mens refugit, humane hoc audire aures expavescent. Qui tamen non esse incredibilia ista cognoscimus, si in illo et alia facta pensamus.

R. Tribularer si nescirem misericordias tuas domine tu dixisti, nolo mortem peccatoris, sed convertatur et vivat, * Qui Chananeam et publicanum vocasti ad penitentiam. **V.** Et Petrum lacrimantem suscepisti misericors domine. Qui.

Lectio IX.

CERTE iniquorum omnium diabolus caput est, et huius capitis membra sunt omnes iniqui. An non diaboli membrum fuit Pilatus? An non diaboli membra Iudei persecuentes et milites crucifigentes fuerunt? Quid ergo mirum, si se ab illo permisit in montem duci, qui se perculit etiam a membris illius crucifigi? Non est indignum redemptori nostro quod temptari voluit, qui venerat occidi.

R. Ductus est Ihesus in desertum a spiritu ut temptaretur a diabolo, * Et accedens temptator dixit ei, * Si filius dei es, dic ut lapides isti panes fiant. **V.** Et cum ieiunasset quadraginta diebus et quadraginta noctibus postea esuriit. Et. Gloria. Si filius. Ductus est. **V.** In manibus portabunt te. **R.** Ne forte offendas ad lapidem pedem tuum.

In Laudibus. Ant. Cor mundum crea in me deus et spiritum rectum innova in visceribus meis. **Ps.** Miserere. **Ant.** O domine salvum me fac, o domine bene prosperare. **Ps.** Confitemini domino. IIII. **Ant.** Sic benedicam te in vita mea domine, et in nomine tuo levabo manus meas. **Ps.** Deus deus meus. II. **Ant.** In spiritu humilitatis et in animo contrito suscipiamur domine a te, et sicut fiat sacrificium nostrum ut a te suscipiatur hodie, et placeat tibi domine deus. **Can.** Benedicite. **Ant.** Laudate deum celi celorum et aque omnes. **Ps.** Laudate dominum. **Cap.** Hortamur. **Ymnus.**

IAM Christe sol iusticie mentis dehiscant tenebre, virtutum ut lux redeat terris diem cum reparas.

Da tempus acceptabile et penitens cor tribue, convertat ut benignitas quos longa suffert pietas.

Quiddamque penitentie da ferre quamvis grandium maiori tuo munere quo demptio sit criminum.

Dies venit dies tua, in qua relorent omnia, letemur in hac ut tue per hanc reducti gratie.

Te rerum universitas clemens adoret trinitas, et nos novi per veniam novum canamus canticum. Amen.

V. Scuto circumdabit te veritas eius. **R.** Non timebis a timore nocturno. **Ad Ben. Ant.** Ductus est Ihesus in desertum a spi-

ritu ut temptaretur a diabolo, et cum ieiunasset quadraginta diebus et quadraginta nobilibus postea esuriit.

Ad Primam. Ant. Ihesus autem cum ieiunasset quadraginta diebus et quadraginta noctibus postea esuriit.

Ad Terciam. Ant. Non in solo pane vivit homo, sed in omni verbo quod procedit de ore dei. **Cap.** Hortamur.

R. Participem me fac deus omnium timentium te, * Et custodientium mandata tua. **V.** Aspice in me et miserere mei secundum iudicium diligentium nomen tuum. Et. Gloria. Participem. **V.** Dicit domino.

Ad Sextam. Ant. Tunc assumpsit eum diabolus in sanctam civitatem, et statuit eum supra pinnaculum templi, et dixit ei, si filius dei es mitte te deorsum.

Capitulum.

ECCE nunc tempus acceptabile, ecce nunc dies salutis, nemini dantes ullam offensionem ut non vituperetur ministerium nostrum.

R. Ab omni via mala prohibui pedes meos, * Ut custodiam mandata tua domine. **V.** A iudiciis tuis non declinavi quia tu legem posuisti michi. Ut. Gloria. Ab. **V.** Ipse liberavit me.

Ad Nonam. Ant. Vade Sathana non temptabis dominum deum tuum. **Capitulum.**

IN omnibus exhibeamus nosmetipsos sicut dei ministros in multa patientia in ie-

iuniis multis per arma iusticie.

R. Septies in die laudem dixi tibi domine deus meus, * Ne perdas me. **V.** Erravi sicut ovis que perierat, require servum tuum domine quia mandata tua non sum oblitus. Ne. Gloria. Septies.

Ad Vesperas. Capitulum. Hortamur.

Predicta tria Capitula dicantur ad horas in quibus notata sunt in Dominicis diebus usque ad Vesperas Sabbati ante Dominicam in Passione exclusive.

Ymnus. Audi benigne. **V.** Angelis suis.

Predicta Ymni et Versiculi ad Matutinas et Vesperas, et ad alias horas in quibus notati sunt dicantur usque ad Vesperas Sabbati ante Dominicam in Passione exclusive, quando de tempore agitur.

Ad Mag. Ant. Reliquit eum temptator et accesserunt angeli et ministrabant ei.

Lectiones supra posite de sermonibus in Dominica repetantur per ferias.

Feria Secunda. Ad Benedictus. Antiphona. Venite benedicti patris mei percipite regnum quod vobis paratum est ab origine mundi. **Oratio.**

CONVERTE nos deus salutaris noster, et ut ieiunium nobis quadragesimale proficiat, mentes nostras celestibus instrue disciplinis. Per.

Ad Primam. Ant. Vivo ego dicit

dominus, nolo mortem peccatoris, sed ut magis convertatur et vivat.

Ad Terciam. Ant. Advenerunt nobis dies penitentie ad redimenda peccata et salvandas animas.

Ad Sextam. Ant. Commendemus nosmetipsos in multa patientia in ieiuniis multis per arma iusticie.

Ad Nonam. Ant. Per arma iusticie virtutis dei commendemus nosmetipsos in multa patientia.

Antiphone predicte ad horas dicantur cotidie in profestis diebus usque ad Passionem Domini.

Ad Mag. Ant. Quod uni ex minimis meis fecistis michi fecistis dicit dominus. **Oratio.**

ABSOLVE quesumus domine nostrorum vincula peccatorum, et quicquid pro eis meremur propitiatus averte. Per.

Feria Tercia. Ad Ben. Ant. Intravit Ihesus in templum dei, et eiciebat omnes vendentes et ementes, et mensas nummulariorum, cathedras vendentium columbas evertit. **Oratio.**

RESPICE domine familiam tuam, et presta ut aput te mens nostra tuo desiderio fulgeat, que se carnis maceratione castigat. Per.

Ad Mag. Ant. Abiit Ihesus foras extra civitatem in Bethaniam ibique docebat eos de regno dei. **Oratio.**

ASCENDANT ad te domine

preces nostre, et ab ecclesia tua cunctam repelle nequitiam. Per.

Feria Quarta. Ad Ben. Ant. Generatio hec prava et perversa signum querit et signum non dabitur ei nisi signum Ione prophete. **Oratio.**

PRECES nostras quesumus domine clementer exaudi, et contra cuncta nobis adversantia, dexteram tue maiestatis extende. Per.

Ad Mag. Ant. Sicut fuit Ionas in ventre ceti tribus diebus et tribus noctibus ita erit filius hominis in corde terre. **Oratio.**

MENTES nostras quesumus domine lumine tue claritatis illustra, ut videre possimus que agenda sunt, et que recta sunt agere valeamus. Per.

Feria Quinta. Ad Ben. Ant. Si vos manseritis in sermone meo vere discipuli mei eritis, et cognoscetis veritatem, et veritas liberabit vos. **Oratio.**

DEVOTIONEM populi tui quesumus domine benignus intende, ut qui per abstinentiam macerantur in corpore, per fructum boni operis reficiantur in mente. Per.

Ad Mag. Ant. Ego enim ex deo processi et veni, neque enim a me ipso veni, sed pater meus ille me misit. **Oratio.**

DA quesumus domine populus Christianis et que profitentur agnoscere, et celeste munus diligere quod frequentant. Per.

Feria Sexta. Ad Ben. Ant. Angelus domini descendebat de celo, movebatur aqua et sanabatur unus. **Oratio.**

ESTO domine propitius plebi tue, et quam tibi facis esse dovatam benigno refove miseratus auxilio. Per.

Ad Mag. Ant. Qui me sanum fecit ille michi precepit tolle grabatum tuum et ambula in pace.

Oratio.

EXAUDI nos misericors deus et mentibus nostris gratie tue lumen ostende. Per.

Sabbato. Ad Ben. Ant. Assumpsit Ihesus discipulos suos et ascendit in montem et transfiguratus est ante eos. **Oratio.**

POPULUM tuum quesumus domine propitius respice, atque ab eo flagella tue iracundie clementer averte. Per.

**Dominica Secunda in
Quadragesima Sabbato
Precedenti**

Ad Vesperas. R. Det tibi deus.

III. Ad Mag. Ant. Domine bonum est nos hic esse, si vis faciamus hic tria tabernacula, tibi unum, Moysi unum, et Helye unum. **Oratio.**

DEUS qui conspicias omni nos virtute destitui, interius exteriusque custodi, ut et ab omnibus adversitatibus muniamur in corpore, et a pravis cogitationibus mundemur in mente. Per.

Ad Matutinas. Invitat. Quoniam deus magnus dominus,

* Et rex magnus super omnes deos.

Hic versus in Psalmo intermittatur postquam secunda vice dictum fuerit Invitatorium.

Lectio Prima.

SENUIT Ysaac et caligaverunt oculi eius, et videre non poterat. Vocavitque Esau filium suum maiorem, et dixit ad eum. Fili mi. Qui respondit. Assum. Cui pater. Vides inquit quod senuerim, et ignorem diem mortis mee? Sume arma tua, pharetram, et arcum, et egredere foras. Cumque venatu aliquid apprehenderis, fac michi inde pulmentum sicut velle me nosti, et affer ut comedam, et benedicat tibi anima mea antequam moriar. **R.**

TOLLE arma tua pharetram et arcum et affer de venatione tua ut comedam, * Et benedicat tibi anima mea. **V.** Cumque venatu aliquid attuleris fac michi inde pulmentum ut comedam. Et benedicat.

Lectio Secunda.

QUOD cum audisset Rebecca, et ille abisset in agrum ut iussionem patris expleret, dixit filio suo Iacob. Audivi patrem tuum loquentem cum Esau fratre tuo, et dicentem ei. Affer michi de venatione tua, et fac cibos ut comedam, et benedicam tibi coram Domino antequam moriar.

R. Ecce odor filii mei sicut odor agri pleni quem benedixit do-

minus, crescere te faciat deus meus sicut arenam maris, * Et donet tibi de rore celi benedictionem. **℣.** Qui maledixerit tibi sit ille maledictus, et qui benedixerit tibi benedictionibus repleatur. Et.

Lectio Tertia.

NUNC ergo fili mi adquiesce consiliis meis, et pergens ad gregem affer michi duos edos optimos, ut faciam ex eis escas patri tuo quibus libenter vescitur. Quas cum intuleris et comederit, benedicat tibi priusquam moriatur.

R. Det tibi deus de rore celi et de pinguedine terre abundantiam, serviant tibi tribus populi, * Esto dominus fratrum tuorum. **℣.** Et incurventur ante te filii matris tue. Esto. Gloria. Esto.

Lectio Quarta.

CUI ille respondit. Nosti quod Esau frater meus homo pilosus sit, et ego lenis? Si attrectaverit me pater meus et senserit, timeo ne putet sibi me voluisse illudere, et inducat super me maledictionem pro benedictione.

R. Quis igitur ille est qui dum captam venationem attulit michi, et comedi ex omnibus priusquam tu venires, * Benedixique ei et erit benedictus. **℣.** Dominum tuum illum constitui, et omnes fratres eius servituti illius subiugavi. Benedixique.

Lectio Quinta.

AD quem mater. In me sit ait ista maledictio fili mi. Tantum audi vocem meam, et pergens affer que dixi. Abiit et attulit, deditque matri. Paravit illa cibos sicut velle noverat patrem illius: et vestibus Esau valde bonis quas apud se habebat domi induit eum. Pelluculasque hedorum circumdedit manibus, et colli nuda protexit.

R. Dum exiret Iacob de terra sua, vidit gloriam dei et ait quam terribilis est locus iste, * Non est hic aliud nisi domus dei et porta celi. **℣.** Vere dominus est in loco isto et ego nesciebam. Non.

Lectio Sexta.

DEDITQUE pulmentum, et panes quos coxerat tradidit. Quibus illatis, dixit. Pater mi. Et ille respondit. Audio. Quis es tu fili mi? Dixitque Iacob. Ego sum Esau primogenitus tuus, feci sicut precepisti michi. Surge, sede, et comede de venatione mea, ut benedicat michi anima tua.

R. Si dominus deus meus fuerit mecum in via ista per quam ego ambulo et custodierit me, et dederit michi panem ad edendum et vestimentum quo operiar, et revocaverit me cum salute, * Erit michi dominus in refugium, * Et lapis iste in signum. **℣.** Surgens mane Iacob tulit lapidem et erexit in titulum fundensque oleum desuper ait. Erit. Gloria. Et lapis.

Lectio VII. Secundum Matheum.

In illo tempore: Egressus Iesus secessit in partes Tyri et Sydonis. Et ecce mulier Chananea a finibus illis egressa clamavit dicens ei. Misere mei domine fili David: filia mea male a demonio vexatur. Et reliqua.

Omelia lectiones eiusdem. ✠

ET ecce mulier Chananea. Mira res. Mulier caput peccati, arma diaboli, expulsio paradisi, mater dilecti, corruptio legis antique veniebat ad dominum Ihesum.

R. Erit michi dominus in deum et lapis iste quem exegi in titulum vocabitur domus dei, et de universis que dederis michi, * Decimas et hostias pacificas offeram tibi. **V.** Si dominus deus meus fuerit mecum in via ista per quam ego ambulo et custodierit me. Decimas.

Lectio VIII.

MIRUM negotium. Iudei fungiunt, Chananea sequitur. Domestici derelinquunt, alienigena heret. Et ecce mulier. Cherubin aspectum eius tremunt in celo, angeli metuunt in excelsis, et mulier non veretur in terris, sed loquitur cum eo. O miranda res. Sursum tremor, deorsum fiducia.

R. Dixit angelus ad Iacob, dimitte me aurora est, respondit ei, non dimittam te nisi benedixeris michi, * Et benedixit eum in eodem loco. **V.** Nequa-

quam vocaberis Iacob sed Israel erit nomen tuum. Et.

Lectio IX.

PROPTEREA inquit descendit, propterea carnem assumpsit, et homo factus est: ut et ego audeam ei loqui. Non perrexit ad divinos, non vocavit magos, non alligaturas quesivit, non impostatrices mulieres adduxit, non ad falsa confugit presidia, sed reliquit omnes diaboli falsitates, et venit ad dominum Ihesum omnium salvatorem.

R. Oravit Iacob et dixit domine qui dixisti michi, revertere in terram nativitatis tue, * Erue me de manu fratris mei, quia valde eum timeo. **V.** Deus in cuius conspectu ambulaverunt patres nostri, domine qui pascis ma iuventute mea. Erue. Gloria. Erue. **Oravit.**

In Laudibus. Ant. Domine labia mea aperies, et os meum annuntiabit laudem tuam. **Ps.** Miserere. **Ant.** Dexter a domini fecit virtutem, dextera domini exaltavit me. **Ps.** Confitemini domino. **III. Ant.** Factus est adiutor meus deus meus. **Ps.** Deus deus meus. **II. Ant.** Trium puerorum cantemus ymnum quem cantabant in camino ignis benedicentes dominum. **Can.** Benedicite. **Ant.** Statuit ea in eternum et in seculum seculi preceptum posuit et non preteribit. **Ps.** Laudate dominum. **Ad Ben. Ant.** Egressus Ihesus secessit in partes Tyri et Sido-

nis, et ecce mulier Chananea a finibus illis egressa clamabat dicens, miserere mei domine fili David.

Ad Primam. Ant. Accedentes discipuli Ihesu ad eum, rogabant eum dicentes, dimitte eam quia clamat post nos.

Ad Terciam. Ant. Non sum missus nisi ad oves que perierant domus Israhel dicit dominus.

Ad Sextam. Ant. O mulier magna est fides tua fiat tibi sicut petisti.

Ad Nonam. Ant. Vade mulier semel tibi dixi, si credideris videbis mirabilia.

Ad Mag. Ant. Dixit dominus mulieri Chananee, non est bonum sumere panem filiorum et mittere canibus ad manducandum, utique domine, nam et catelli edunt de micis que cadunt de mensa dominorum suorum, ait illi Ihesus mulier magna est fides tua fiat tibi sicut petisti.

Lectiones feriales a duodeticesimo capitulo usque ad trigesimo secundo ad libitum.

Feria Secunda. Ad Ben. Ant. Ego principium qui et loquor vobis. **Oratio.**

PRESTA quesumus omnipotens deus, ut familia tua que se affligendo carne ab alimentis abstinet, sectando iusticiam a culpa ieiunet. Per.

Ad Mag. Ant. Qui me misit mecum est, et non reliquit me so-

lum, quia que placita sunt ei facio semper. **Oratio.**

ADESTO supplicationibus nostris omnipotens deus et quibus fiduciam sperande pietatis indulges, consuete misericordie tribue benignus effectum. Per.

Feria Tercia. Ad Ben. Ant. Unus est enim magister vester qui in celis est, dicit dominus. **Oratio.**

PERFICE quesumus domine benignus in nobis observantie sancte subsidium, ut que te actore facienda cognovimus te operante impleamus. Per.

Ad Mag. Ant. Qui maior est vestrum erit minister vester, quia omnis qui se exaltat humiliabitur, dicit dominus. **Oratio.**

PROPICIARE domine supplicationibus nostris, et animarum nostrarum medere languoribus ut remissione percepta, in tua semper benedictione letemur. Per.

Feria Quarta. Ad Ben. Ant. Ecce ascendimus Iherosolimam et filius hominis tradetur ad crucifigendum. **Oratio.**

POPULI tuum domine propicius respice, et quos ab escis carnalibus precipis abstinere, a noxiis quoque vitiis cessare concede. Per.

Ad Mag. Ant. Sedere autem mecum non est meum dare vobis sed quibus paratum est a patre meo. **Oratio.**

DEUS innocentie restitutor

et amator, dirige ad te tuorum corda servorum, ut spiritus tui fervore concepto et in fide inveniantur stabiles et in opere efficaces. Per eiusdem.

Feria Quinta. Ad Ben. Ant. Pater Abraham miserere mei et mitte Lazarum ut intingat extremum digiti sui in aquam ut refrigeret linguam meam. **Oratio.**

PRESTA nobis domine quesumus auxilium gratie tue, ut ieiuniis et orationibus convenienter intenti, libermur ab hostibus mentis et corporis. Per.

Ad Mag. Ant. Fili recordare quia recepisti bona in vita tua, et Lazarus similiter mala. **Oratio.**

ADESTO domine famulis tuis, et perpetuam benignitatem largire poscentibus, ut hiis qui te actore et gubernatore gloriantur, et congregata restaures, et restaurata conserves. Per.

Feria Sexta. Ad Ben. Ant. Malos male perdet, et vineam suam locabit aliis agricolis, qui reddant ei fructum temporibus suis. **Oratio.**

DA quesumus omnipotens deus, ut sacro nos purificante ieiunio sinceris mentibus ad sancta ventura facias pervenire. Per.

Ad Mag. Ant. Querentes eum tenere timuerunt turbas, quia sicut prophetam eum habebant. **Oratio.**

DA quesumus domine po-

pulo tuo salutem mentis et corporis, ut bonis operibus inherendo tue semper virtutis mereatur protectione defendi. Per.

Sabbato. Ad Ben. Ant. Vadam ad patrem meum et dicam ei, pater, fac me sicut unum ex mercenariis tuis. **Oratio.**

DA quesumus domine nostris effectum ieiuniis salutarem, ut castigatio carnis assumpta ad nostrarum vegetationem transeat animarum. Per.

Dominica Tertia in Quadragesima Sabbato Precedenti

Ad Vesperas. R. Loquens Ioseph. IX. **Ad Mag. Ant.** Dixit autem pater ad servos uos, cito proferte stolam primam et induite illum, et date anulum in manu eius et calciamenta in pedibus eius. **Oratio.**

QUESUMUS omnipotens deus, vota humilium respice, atque ad defensionem nostram dexteram tue maiestatis extende. Per.

In Completorio. Ad Nunc Dimittis. Ant. Media vita in mortua sumus, quem querimus adiutorem nisi te domine qui pro peccatis nostris iuste irascaris, * Sancte deus, sancte fortis, sancte et misericors salvator amare morti ne tradas nos. **¶.** Ne proicias nos in tempore senectutis, cum defecerit virtus nostra ne de relinquo nos domine. Sancte deus.

Precedens ant. cum suo versu dicatur per quindecim dies super Nunc dimittis. nisi in Annunciatione si infra hoc tempus evenerit.

Ad Matutinas. Invitat. Ploremus coram domino deo nostro, * Qui fecit nos.

Lectio Prima.

IOSEPH cum sexdecim esset annorum, pascebat gregem cum fratribus suis adhuc puer. Et erat cum filiis Bale et Zelphe uxorum patris sui. Accusavitque fratres suos apud patrem crimine pessimo. Israhel autem diligebat Ioseph super omnes filios suos, eo quod in senectute genuisset eum. Fecitque ei tunicam polimitam. **R.**

VIDENTES Ioseph a longe loquebantur mutuo fratres dicentes, ecce somniator venit, * Venite occidamus eum, et videamus si prosint illi somnia sua. **V.** Cumque vidissent Ioseph fratres sui quod a patre cunctis fratribus plus amaretur oderant eum nec poterant ei quicquam pacifice loqui unde et dicebant. Venite.

Lectio Secunda.

VIDENTES autem fratres eius quod a patre plus cunctis filiis amaretur, oderant eum, nec poterant ei quicquam pacifice loqui. Accidit quoque ut visum somnium referret fratribus suis. Que causa maioris odii seminarium fuit.

R. Dixit Iudas fratribus suis,

ecce Ismaelite transeunt, venite venundetur et manus nostre non polluantur, * Caro enim et frater noster est. **V.** Quid enim prodest si occiderimus fratrem nostrum, et celaverimus sanguinem ipsius, melius est ut venundetur. Caro.

Lectio Tertia.

DIXITQUE ad eos. Audite somnium meum quod vidi. Putabam nos ligare manipulos in agro, et quasi consurgere manipulum meum et stare, vestrosque manipulos circumstantes adorare manipulum meum. Responderunt fratres eius. Nunquid rex noster eris, aut subiciemur ditio-
ni tue? Hec ergo causa somniorum atque sermonum invidie et odii fomitem ministravit.

R. Videns Iacob vestimenta Ioseph, scidit vestimenta sua cum fletu et dixit, * Fera pessima devoravit, * Filium meum Ioseph. **V.** Congregatis autem cunctis liberis eius ut delinirent dolorem patris noluit eos audire sed dixit. Fera. Gloria. Filium.

Lectio Quarta.

ALIUD quoque vidit somnium, quod narrans fratribus ait. Vidi per somnium quasi solem et lunam et stellas undecim adorare me. Quod cum patri suo et fratribus retulisset, increpavit eum pater et ait. Quid sibi vult hoc somnium quod vidisti? Nunquid ego et mater tua et fratres tui adora-

bimus te super terram? Invidabant ei igitur fratres sui, pater vero rem tacitus considerabat.

R. Ioseph dum intraret in terram Egypti linguam quam non novit audivit, * Manus eius in laboribus servierunt, et lingua eius inter principes loquebatur sapientiam. **V.** Divertit ab oneribus dorsum eius. Manus.

Lectio Quinta.

CUMQUE fratres illius in pascendis gregibus patris sui morarentur in Sichem, dixit ad eum Israhel. Fratres tui pascunt oves in Sichimis, veni mittam te ad eos. Quo respondente presto sum, ait. Vade et vide si cuncta prospera sint erga fratres tuos et pecora, et renuncia michi quid agatur.

R. Memento mei dum bene tibi fuerit, * Ut suggeras Pharaoni, ut educat me de isto carcere, quia furtim sublatus sum, et hic inoncens in lacum missus sum. **V.** Tres enim adhuc dies sunt post quos recordabitur Pharaon ministerii tui et restituet te in gradum pristinum, tunc memento mei. Ut.

Lectio Sexta.

MISSUS de valle Ebron, venit in Sichem. Invenitque eum vir errantem in agro, et interrogavit quid quereretur. At ille respondit. Fratres meos quero. Indica michi ubi pascant greges. Dixitque ei vir. Recesserunt de loco isto. Audi vi autem eos dicentes, eamus in Dothaim. Perexit ergo Iose-

ph post fratres suos, et invenit eos in Dothaim.

R. Dixit Ruben fratribus suis, nunquid non dixi vobis, nolite peccare in puerum et non audistis me, * En sanguis eius exquiritur. **V.** Merito hec patimur quia peccavimus in fratrem nostrum videntes angustiam anime eius dum deprecaretur nos et non audivimus. En. Gloria. En.

Lectio VII. Secundum Lucam.

IN illo tempore: Erat Ihesus eiiciens demonium, et illud erat mutum. Et reliqua.

Omelia Venerabilis Bede Presbiteri.

DEMONIACUS iste apud Ma-
theum non solum mutus sed et cecus fuisse narratur, curatusque dicitur a domino, ita ut loqueretur et videret. Tria generalia signa simul in uno homine perpetrata sunt. Cecus videt? mutus loquitur, possessus a demone liberatur.

R. Merito hec patimur quia peccavimus in fratrem nostrum, videntes angustiam anime eius dum deprecaretur nos et non audivimus, * Idcirco venit super nos tribulatio. **V.** Dixit Ruben fratribus suis nunquid non dixi vobis nolite peccare in puerum et non audistis me. Idcirco.

Lectio VIII.

HOC tunc quidem carnaliter factum est: sed et cotidie impletur in conversione credentium, ut expulso primum

demone, fidei lumen aspiciant, deinde ad laudem dei tacentia prius ora laxentur. Quidam autem ex eis dixerunt. In Beelzebub principe demoniorum eicit demonia. Non hoc aliqui de turba, sed Pharisei callumniantes dicebant et scribe, sicut alii evangeliste testantur.

R. Tollite hinc nobiscum munera et ite ad dominum terre, et dum inveneritis adorate eum super terram, * Deus autem meus faciat vobis eum placabilem et remittat et hunc fratrem vestrum vobiscum, et eum quem tenet in vinculis. **V.** Sumite de optimis et de frugibus in vasis vestris et deferite viro munera. Deus.

Lectio IX.

TURBIS quippe que minus erudite videbantur domini semper facta mirantibus, illi contra vel negare hec, vel que negare nequiverant sinistra interpretatione pervertere laborabant, quasi hec non divinitatis sed immundi spiritus opera fuissent, idest Beelzebub, qui deus erat Acharon.

R. Loquens Ioseph fratribus suis dixit, * Pax vobis nolite timere, * Per salute ei vestra misit me dominus ante vos. **V.** Elevavitque vocem cum fletu, quam audierunt Egypťii omnisque domus Pharaonis, et dixit fratribus suis. Pax. Gloria. Per salute. Loquens.

In Laudibus. Ant. Fac benigne in bona voluntate tua ut edifi-

centur domine muri Hierusalem. **Ps.** Miserere. **Ant.** Dominus in adiutor est, non timebo quid faciat michi homo. **Ps.** Confitemini domino. IIII. **Ant.** Deus miseratur nostri et benedicat nobis. **Ps.** Deus deus meus. II. **Ant.** Vim virtutis sue oblitus est ignis ut pueri tui liberarentur illesi. **Can.** Benedicite. **Ant.** Sol et luna laudate deum quia exaltatum est nomen eius solius. **Ps.** Laudate dominum. **Ad Ben. Ant.** Et cum eiecisset demonium locutus est mutus, et admirentur turbe.

Ad Primam. Ant. Si in digito dei eicio demonia profecto venit in vos regnum dei.

Ad Terciam. Ant. Dum fortis armatus custodit atrium suum in pace sunt omnia que possidet.

R. Bonum michi domine quod humiliasti me, * Bonum michi lex oris tui super milia auri et argenti. **V.** Manus tue fecerunt me et plasmaverunt me da michi intellectum ut discam mandata tua. Bonum. Gloria. Bonum. **V.** Dicet domino.

Ad Sextam. Ant. Qui non colligit mecum dispergit et qui non est mecum contra me est.

R. Servus tuus ego sum, * Da michi intellectum, domine. **V.** Ut discam mandata tua. Da. Gloria. Servus. **V.** Ipse libera.

Ad Nonam. Ant. Cum immundus spiritus exierit ab homine ambulat per loca inaquosa querens requiem et non inve-

nit.

R. Declara super nos deus, *
Tuam misericordiam. **V.** De-
claratio sermonum tuorum dat
intellectum domine. Tuam.
Gloria. Declara. **V.** Scapulis
suis.

Responsoria prenotata dican-
tur per quindecim dies ad ho-
ras quando de tempore agitur.

Ad Mag. Ant. Extollens que-
dam mulier vocem de turba di-
xit beatus venter qui de porta-
vit, et ubera que suxisti, at Ihe-
sus dixit ei, quinimo beati qui
audiunt verbum dei et custo-
diunt illud.

Lectiones feriales a trigesimo-
nono capitulo usque ad finem
ad libitum.

Feria Secunda. Ad Ben. Ant.
Amen dico vobis quia nemo
propheta acceptus est in patria
sua. **Oratio.**

CORDIBUS nostris quesu-
mus domine gratiam
tuam benignus infunde: ut si-
cut ab escis corporalibus ab-
sinemus, ita sensus quoque
nostros a noxiis retrahamus
excessibus. Per.

Ad Mag. Ant. Ihesus autem
transiens per medium illorum
ibat. **Oratio.**

SUBVENIAT nobis domine
misericordia tua, ut ab im-
minentibus peccatorum no-
strorum periculis te mereamur
protegente salvari. Per.

Feria Tercia. Ad Ben. Ant. Si
duo ex vobis consenserint su-
per terram de omni re quam-

cumque pecierint fiet illis a pa-
tre meo qui in celis est, dicit
dominus. **Oratio.**

EXAUDI nos omnipotens et
misericors deus, et conti-
nentie salutaris propitius no-
bis dona concede. Per.

Ad Mag. Ant. Ubi duo vel tres
congregati fuerint in nomine
meo, in medio eorum sum di-
cit dominus. **Oratio.**

TUA nos domine protectione
defende, et ab omni sem-
per iniquitate te custodi. Per.

Feria Quarta. Ad Ben. Ant. Au-
dite et intelligite traditiones
quas dominus dedit vobis.
Oratio.

PRESTA nobis quesumus do-
mine, ut salutaribus ieiu-
niis eruditi, a noxiis quoque
vitiis abstinentes, propitiatio-
nem tuam facilius impetre-
mus. Per.

Ad Mag. Ant. Non lotis mani-
bus manducate non conquinat
hominem. **Oratio.**

CONCEDE quesumus omni-
potens deus, ut qui pro-
tectionis tue gratiam queri-
mus, liberati a malis omnibus
secura tibi mente serviamus.
Per.

Feria Quinta. Ad Ben. Ant. Ex-
ibant autem demonia a multis
clamantia et dicentia quia tu es
filius dei, et increpans non si-
nebat ea loqui quia sciebant ip-
sum esse Christum. **Oratio.**

CONCEDE quesumus omni-
potens deus, ut ieiunio-

rum nobis sancta devotio, et purificationem tribuat, et maiestati tue nos reddat acceptos. Per.

Ad Mag. Ant. Omnes qui habebant infirmos ducebant illos ad Ihesum et curabantur. **Oratio.**

SUBIECTUM tibi populum quesumus domine propitatio celestis amplificet et tuis semper faciat servire mandatis. Per.

Feria Sexta. Ad Ben. Ant. Domine ut video propheta es tu, patres nostri in monte hoc adoraverunt. **Oratio.**

IEIUNIA nostra quesumus domine benigno favore proseguere, ut sicut ab alimentis in corpore, ita a vitiis ieiunemus in mente. Per.

Ad Mag. Ant. Veri adoratores adorabunt patrem in spiritu et veritate. **Oratio.**

PRESTA quesumus omnipotens deus, ut qui in tua protectione confidimus, cuncta nobis adversantia te adiuvante vincamus. Per.

Sabbato. Ad Ben. Ant. Inclinauit se Ihesus et scribebat in terra siquis sine peccato est mittat in eam lapidem. **Oratio.**

PRESTA quesumus omnipotens deus, ut qui se affligendo carne ab alimentis abstinent, sectando iusticiam a culpa ieiunent. Per.

**Dominica Quarta in
Quadragesima Sabbato
Precedenti**

Ad Vesperas. R. Audi Israhel. **IX. Ad Mag. Ant.** Nemo te condemnavit mulier nemo domine, nec ego te condemnabo, iam amplius noli peccare. **Oratio.**

CONCEDE quesumus omnipotens deus, ut qui ex merito nostre actionis affligimur, tue gratie consolatione respiramus. Per.

Ad Matutinas. Invitat. Populus domini et oves paschue eius, * Venite adoremus dominum.

Lectio Prima.

HEC sunt nomina filiorum Israhel, qui ingressi sunt in Egiptum cum Jacob. Singuli cum domibus suis introierunt. Ruben, Simeon, Levi, Iudas, Ysachar, Zabulon, et Benjamin, Dan et Neptalim, Gad et Aser. Erant igitur omnes anime eorum qui egressi sunt de femore Iacob septuaginta. Ioseph autem in Egipto erat. Quo mortuo et universis fratribus eius, omnique cognatione sua, filii Israhel creverunt, et quasi germinantes multiplicati sunt, ac roborati nimis impleverunt terram. **R.**

LOCUTUS est dominus ad Moysen dicens descende in Egiptum, dic Pharaoni ut dimittat populum meum, induratum est cor Pharaonis non vult dimittere populum meum nisi, * In manu forti. **V.** Videntis vidi afflictionem populi mei qui est in Egipto, et gemi-

tum eius audivi, et descendi liberare eum. In manu.

Lectio Secunda.

SURREXIT interea rex novus super Egiptum, qui ignorabat Ioseph. Et ait ad populum suum. Ecce populus filiorum Israhel multus et fortior nobis est. Venite, sapienter opprimamus eum, ne forte multiplicetur, et si ingruerit contra nos bellum addatur inimicis nostris, expugnatisque nobis egrediatur e terra.

R. Stetit Moyses coram Pharaone et dixit, hec dicit dominus, * Dimitte populum meum ut sacrificet michi in deserto. **V.** Dominus deus Hebreorum misit me ad te dicens. Dimitte.

Lectio Tertia.

PREPOSUIT itaque eis magistros operum, ut affligerent eos oneribus. Edificaveruntque urbes tabernaculorum Pharaoni, Phiton et Ramesse. Quantoque opprimebant eos, tanto magis multiplicabantur et crescebant. Oderantque filios Israhel Egiptii, et affligebant illudentes eis, atque ad amaritudinem perducebant vitam eorum operibus duris luti et lateris, omnique famulatu quo in terre operibus premebantur.

R. Cantemus domine gloriose enim honorificatus est, equum et ascensorem proiecit in mare, * Adiutor et protector factus est michi dominus in salutem. **V.** Dominus quasi vir

pugnator omnipotens nomen eius. Adiutor. Gloria. Adiutor.

Lectio Quarta.

DIXIT autem rex Egipti obstetricibus Hebreorum, quarum una vocabatur Sephora, altera Phua, precipiens eis. Quando obstetricabitis Hebreas et tempus partus advenierit, si masculus fuerit interficite illum, si femina servate.

R. In mari via tua et semite tue in aquis multis, deduxisti sicut oves populum tuum, * In manu Moysi et Aaron. **V.** Transulisti illos per mare rubrum et transvexisti eos per aquam nimiam. In.

Lectio Quinta.

TIMUERUNT autem obstetrices Deum, et non fecerunt iuxta preceptum regis Egipti, sed conservabant mares. Quibus ad se accersitis, rex ait. Quidnam est hoc quod facere voluistis ut pueros servaretis? Que responderunt. Non sunt Hebreæ sicut Egiptie mulieres. Ipse enim obstetricandi habent scientiam, et priusquam veniamus ad eas pariunt.

R. Qui persequiebantur populum tuum domine demersisti eos in profundum, * Et in columna nubis ductor eorum fuisti domine. **V.** Deduxisti sicut oves populum tuum in manu Moysi et Aaron. Et.

Lectio Sexta.

BENE ergo fecit Deus obste-

tricibus, et crevit populus, confortatusque est nimis. Et quia timuerunt obstetrices Deum, edificavit illis domos. Precepit ergo Pharao omni populo suo dicens. Quicquid masculini sexus natum fuerit, in flumen proicite, quicquid feminei servate.

R. Moyses famulus domini ieiunavit quadraginta diebus et quadraginta noctibus, * Ut legem domini mereretur accipere. **V.** Ascendit Moyses in montem Sinai. Ut. Gloria. Ut.

Lectio VII. Secundum Iohannem.

IN illo tempore: Abiit Ihesus transmare Galilee quod est Tyberiadis, et sequebatur eum multitudo magna quia videbant signa que faciebat super his qui infirmabantur. Et reliqua.

Omelia Beati Augustini Episcopi.

MIRACULA, que fecit Dominus noster Ihesus Christus sunt quidem divina opera, et ad intelligendum Deum de visibilibus admonent humanam mentem. Quia enim ille non est talis substantia que videri oculis possit, et miracula eius quibus totum mundum regit, universamque creaturam administrat, assiduitate viluerunt, ita ut pene nemo dignetur attendere opera Dei mira et stupenda, in quolibet seminis grano secundum

suam misericordiam servavit sibi quedam que faceret oportuno tempore preter usitatum cursum ordinemque nature, ut non maiora sed insolita videndo stuperent quibus cotidiana viluerunt.

R. Splendida facta est facies Moysi dum aspiceret in eum dominus, * Videntes seniores claritatem vultus eius admirantes timuerunt valde. **V.** Descendit Moyses de monte portans duas tabulas lapideas in manibus suis scriptas utrasque digito dei. Videntes.

Lectio VIII.

MAIUS quippe miraculum est gubernatio totius mundi, quam saturatio quinque milium hominum de quinque panibus. Et tamen hoc nemo miratur? Illud mirantur homines: non quia maius est, sed quia rarum est. Quis enim et nunc pascit universum mundum, nisi ille qui de paucis granis segetes creat?

R. Ecce mitto angelum meum qui precedat te et custodiat semper, observa et audi vocem meam: et inimicus ero inimicis tuis et affligentes te affligam, * Et precedet te angelus meus. **V.** Israhel si me audieris non erit in te deus recens neque adorabis deum alienum, ego enim dominus. Et.

Lectio IX.

FECIT ergo quomodo Deus. Unde enim multiplicat de

paucis granis segetes, inde in manibus suis multiplicavit quinque panes. Potestas enim erat in manibus suis. Panes autem illi quinque, quasi semina erant, non quidem terre mandata, sed ab eo qui terram fecit multiplicata.

R. Audi Israhel precepta domini et ea in corde tuo quasi in libro scribe, * Et dabo tibi terram fluentem lac et mel. **V.** Observa igitur et audi vocem meam et inimicus ero inimicis tuis. Et. Gloria. Et. Audi.

In Laudibus. Ant. Tunc acceptabis sacrificium iusticie si averteris faciem tuam a peccatis meis. **Ps.** Miserere. **Ant.** Bonum est sperare in domino quam sperare in principibus.

Ps. Confitemini domino. IIII.

Ant. Benedicat nos deus deus noster, benedicat nos deus. **Ps.**

Deus deus meus. II. **Ant.** Potens es domine eripere nos de manu mortis, liberare nos deus noster. **Can.** Benedicite. **Ant.** Reges terre et omnes populi laudate deum. **Ps.** Laudate dominum. **Ad Ben. Ant.** Abiit Ihesus transmare Galilee quod est Tyberiadis, et sequebatur eum multitudo magna, quia videbant signa super his qui infirmabantur, subiit ergo in montem Ihesus, et ibi sedebat cum discipulis suis, erat autem proximum pascha dies festus Iudeorum.

Ad Primam. Ant. Accepit ergo Ihesus panes, et cum gratias

egisset distribuit discumbentibus.

Ad Terciam. Ant. De quinque panibus et duobus piscibus satiavit dominus quinque milia hominum.

Ad Sextam. Ant. Satiavit dominus quinque milia hominum de quinque panibus et duobus piscibus.

Ad Nonam. Ant. Illi homines cum signum vidissent quod factum fuerat glorificabant deum et dicebant, quia hic est salvator mundi.

Ad Mag. Ant. Cum sublevasset oculos Ihesus et vidisset maximam multitudinem venientem ad se, dixit ad Philippum, unde ememus panes ut manducent hi? hoc autem dicebat temptans eum, ipse enim sciebat quid esset factururus.

Lectiones feriales a secundo capitulo usque ad finem ad libitum.

Feria Secunda. Ad Ben. Ant. Auferte ista hinc dicit dominus, et nolite faceris domum patris mei domum negotiationis. **Oratio.**

PRESTA quesumus omnipotens deus ut observationes sacras annua devotione recolentes, et corpore tibi placeamus et mente. Per.

Ad Mag. Ant. Solvite templum hoc dicit dominus, et post triduum reedificabo illud, hoc autem dicebat de templo corporis sui. **Oratio.**

DEPRECACTIONEM nostram

quesumus domine benignus exaudi, et quibus supplicandi prestas affectum, tribue defensionis auxilium. Per.

Feria Tercia. Ad Ben. Ant. Quid me queritis interficere hominem qui vera locutus sum vobis. **Oratio.**

SACRE nobis domine quesumus observationis ieiunia, et pie conversationis augmentum, et tue propitiationis continuum prestant auxilium. Per.

Ad Mag. Ant. Unum opus feci et admiramini, quia totum hominem sanum feci in Sabbato. **Oratio.**

MISERERE domine populo tuo, et continuis tribulationibus laborantem propitius respirare concede. Per.

Feria Quarta. Ad Ben. Ant. Rabbi quis peccavit, hic aut parentes eius quod cecus natus est, respondit Ihesus et dixit, neque hic peccavit, neque parentes eius, sed ut manifestentur opera dei in illo. **Oratio.**

DEUS qui et iustis premia meritorum, et peccatoribus per ieiunium veniam prebes, miserere supplicibus tuis, ut reatus nostri confessio, indulgentiam valeat percipere delictorum. Per.

Ad Mag. Ant. Ille homo qui dicitur Ihesus lutum fecit ex sputo et linivit oculos meos et modo video. **Oratio.**

PATEANT aures misericordie tue domine precibus

supplicantium, et ut petentibus desiderata concedas, fac eos que tibi sunt placita postulare. Per.

Feria Quinta. Ad Ben. Ant. Accessit Ihesus et tetigit loculum, ii autem qui portabant steterunt, et ait, adolescens tibi dico surge, et resedit qui erat mortuus et cepit loqui. **Oratio.**

PRESTA quesumus omnipotens deus, ut quos ieiunia votiva castigant, ipsa quoque devotio sancta letificet, ut terrenis affectibus mitigatis, facilius celestia capiamus. Per.

Ad Mag. Ant. Propheta magnus surrexit in nobis, et quia deus visitavit plebem suam. **Oratio.**

POPULI tui deus institutor et rector peccata quibus impugnatur expelle, ut semper tibi placitus, et tuo munimine sit securus. Per.

Feria Sexta. Ad Ben. Ant. Lazarus amicus noster dormit, eamus et a somno excitemus eum. **Oratio.**

DEUS qui ineffabilibus mundum renovas sacramentis, presta quesumus ut ecclesia tua eternis proficiat institutis, et temporalibus non destituatur auxiliis. Per.

Ad Mag. Ant. Domine si hic fuisses Lazarus non esset mortuus, ecce iam fetet quatrduagenus in monumento. **Oratio.**

DA quesumus omnipotens deus, ut qui infirmitatis nostre conscii de tua virtute

confidimus, sub tua semper pietate gaudeamus. Per.

Sabbato. Ad Ben. Ant. Ego sum lux mundi qui sequitur me non ambulat in tenebris sed habebit lumen vite dicit dominus.

Oratio.

FIAT quesumus domine per gratiam tuam fructuosus nostre devotionis affectus, quia tunc nobis proderunt suscepta ieiunia, si tue sint placita pietati. Per.

Dominica in Passione Sabbato
Precedenti

Ad Vesperas. Capitulum.

TU autem domine Sabaoth, qui iudicas iuste, et probas renes et corda, videam ultionem tuam ex eis, tibi enim revelavi causam meam domine deus meus. **R.** Multiplicati.

II.

Non dicatur, Gloria sed repetatur responsorium. Et notandum quod ab hac die usque ad Pascha exclusive post versum responsorii Gloria non dicitur nec ad Matutinas, nec ad alias horas canonicas, sed loco, Gloria repetatur responsorium, nisi festum evenerit.

Ymnus.

VEXILLA regis prodeunt, fulget crucis mysterium, quo carne carnis conditor suspensus est patibulo.

Quo vulneratus insuper mucrone diro lancee, ut nos lavaret crimine manavit unda sanguine.

Impleta sunt que concinit David fidei carmine, dicendo nationibus regnavit a ligno deus.

Arbor decora et fulgida ornata regis purpura, electa digno stipite tam sancta membra tangere.

Beaata cuius brachiis seculi pendit precium, statera facta corporis, predamque tulit tartari.

O crux ave spes unica, hoc passionis tempore, auge piis iusticiam, reisque dona veniam.

Te summa deus trinitas collaudet omnis spiritus, quos per crucis mysterium salvas rege per secula. Amen.

V. Eripe me domine ab homine malo.

R. A viro iniquo eripe me.

Ad Mag. Ant. Ego sum qui testimonium perhibeo de me ipso et testimonium perhibet de me qui misit me pater. **Oratio.**

QUESUMUS omnipotens deus familiam tuam propitius respice, ut te largiente regatur in corpore et te servante custodiatur in mente. Per.

Ad Completorium. R. In manus.

Ad Nunc Dimittis. Ant. O rex gloriose inter sanctos tuos qui semper es laudabilis et tamen ineffabilis, tu in nobis es domine et nomen sanctum tuum invocatum est super nos, ne derelinquas nos deus noster, ut in die iudicii nos collcare di-

gneris inter sanctos et electos
tuos rex benedicte.

Hec antiphona dicatur cotidie
ad Nunc dimittis., usque ad
Cenam Domini exclusive nisi
in Annunciatione si infra hoc
tempus evenierit.

Ad Matutinas. Invitat. Hodie
si vocem domini audieritis, *
Nolite obdurare corda vestra.
Hic versus intermittatur in
psalmo, et eo dicto sequitur,
Sicut in exacerbatione, in fi-
nem, Venite, Gloria non dica-
tur, sed post ultimum versum,
invitatorium bis ex integro re-
petatur. Ymnus.

PANGE lingua gloriosi pre-
lium certaminis, et super
crucis tropheum dic trium-
phum nobilem qualiter re-
demptor orbis immolatus vi-
cerit.

De parentis prothoplasti frau-
de facta condolens, quando po-
mi noxialis morte morsu cor-
ruit ipse lignum tunc notavit
damna ligni ut solveret.

Hoc opus nostre salutis or-
do depoposcerat, multiformis
proditoris ars ut artem falleret,
et medelam ferret inde hostis
unde leserat.

Quando venit ergo sacri ple-
nitude temporis, missus est ab
arce patris natus orbis condi-
tor, ac de ventre virginali caro
factus prodiit.

Vagit infans inter arta con-
ditus presepia: membra pan-
nis involuta virgo mater alli-

gat, manus pedes atque crura
stricta cingit fascia.

Gloria et honor deo, usque-
quo altissimo, una patri filio-
que, inclito paraclito, cui laus
est et potestas per eterna secu-
la. Amen.

In Primo Nocturno. Ant. Quid
molesti estis huic mulieri,
opus enim bonum operata est
in me.

Hec antiphona dicatur super
psalmos primi nocturni cum
triplici, Gloria.

℣. Erue a framea deus animam
meam. **℞.** Et de manu canis
unicam meum.

Lectio Prima.

VERBA Ieremie filii Helchie
de sacerdotibus qui fue-
runt in Anathot, in terra Be-
niamin. Quod factum est ver-
bum Domini ad eum in die-
bus Iosie filii Amon regis Iu-
da, in tertiodecimo anno re-
gni eius. Et factum est in die-
bus Ioachim filii Iosie regis Iu-
da, usque ad consummatio-
nem undecimi anni Sedechie
filii Iosie regis Iuda, usque ad
transmigrationem Hierusalem
in mense quinto. Hec dicit. **℞.**

ISTI sunt dies quos observa-
re debetis temporibus suis,
* Quarta decima die ad vespe-
rum Pascha domini est et in
quinta decima sollemnitatem
celebrabitis altissimo domi-
no. **℣.** Locutus est dominus ad
Moysen dicens, loquere filiis
Israhel et dices ad eos. Quar-
ta.

Lectio Secunda.

ET factum est verbum Domini ad me dicens. Priusquam te formarem in utero novi te, et antequam exires de vulva sanctificavi te: et prophetam in gentibus dedi te. Et dixi. A a, a, Domine Deus, ecce nescio loqui, quia puer ego sum. Et dixit Dominus ad me. Noli dicere puer sum, quoniam ad omnia que mittam te ibis, et universa quecumque mandavero tibi loqueris. Ne timeas a facie eorum, quia ego tecum sum, ut eruam te dicit Dominus. Hec dicit.

R. Multiplicati sunt qui tribulant me et dicunt, non est salus illi in deo eius, * Exurge domine salvum me fac deus meus. **V.** Nequando dicat inimicus meus prevalui adversus eum. Exurge.

Lectio Tertia.

ET misit Dominus manum suam, et tetigit os meum. Et dixit Dominus ad me. Ecce dedi verba mea in ore tuo. Ecce constitui te hodie super gentes et super regna, ut evellas et destruas et disperdas, et dissipas, et edifices, et plantes. Hec dicit.

R. Qui custodiebant animam meam consilium fecerunt in unum dicentes, deus dereliquit eum, persequimini et comprehendite eum, quia non est qui liberet eum, deus meus ne elonges a me, * Deus meus in adiutorium meum intende.

V. Omnes inimici mei adversum me cogitabant mala michi, verbum iniquum mandaverunt adversum me. Deus. Qui custodiebant.

Super psalmos Secundi Nocturni cum triplici, Gloria. Ant.

Mittens hec mulier in corpus meum hoc unguentum ad sepeliendum me fecit. **V.** De ore leonis libera me domine. **R.** Et a cornibus unicornium humilitatem meam.

Lectio Quarta.

ET factum est verbum Domini ad me dicens. Quid tu vides Ieremia? Et dixi. Virgam vigilantem ego video. Et dixit Dominus ad me. Bene vidisti, quia vigilabo ego super verbo meo ut faciam illud. Et factum est verbum Domini secundo ad me dicens. Quid tu vides? Et dixi. Ollam succensam ego video, et faciem eius a facie aquilonis. Hec dicit.

R. Deus meus es tu ne discendas a me, * Quoniam tribulatio proxima est et non est qui adiuvet. **V.** Deus deus meus respice in me. Quoniam.

Lectio Quinta.

ET dixit Dominus ad me. Ab aquilone pandetur malum super omnes habitatores terre. Quia ecce ego convocabo omnes cognationes regnorum aquilonis, ait Dominus, et venient, et ponent unusquisque solium suum in introitu portarum Hierusalem, et super omnes muros eius in circuitu, et

super universas urbes Iuda, et loquar iudicia mea cum eis super omnem malicia eorum qui dereliquerunt me, et libaverunt diis alienis, et adoraverunt opus manuum suarum. Hec dicit.

R. Tota die constrictatus ingrediebar domine, quoniam anima mea impleta est illusionibus, * Et vim faciebant qui querebant animam meam. **V.** Et qui iniquirebant mala michi locuti sunt vanitates et dolos tota die meditabantur Et.

Lectio Sexta.

TU ergo accinge lumbos tuos, et surge, et loquere ad eos omnia que ego precipio tibi. Ne formides a facie eorum. Nec enim timere te faciam vulgum eorum. Ego quippe dedi te hodie in civitatem munitam, et in columnam ferream, et in murum eneum super omnem terram, regibus Iuda, principibus eius, sacerdotibus et populo terre. Et bellabunt adversum te, et non prevalebunt, quia ego tecum sum dicit Dominus: ut liberem te. Hec dicit.

R. Deus meus eripe me de manu peccatoris, et de manu contra legem agentis et iniqui, * Quoniam tu es patientia mea. **V.** Eripe me de inimicis meis deus meus et ab insurgentibus in me libera me. Quoniam. Deus meus.

Super psalmos Tertii Nocturni cum triplici, Gloria. Ant. Magister dicit, tempus meum pro-

pe est apud te facio Pascha cum discipulis meis. **V.** Ne perdas cum impiis deus animam meam. **R.** Et cum viris sanguinum vitam meam.

Lectio VII. Secundum Iohannem.

IN illo tempore: Dicebat Iesus turbis Iudeorum, et principibus sacerdotum. Quis ex vobis arguet me de peccato? Et reliqua.

Omelia Beati Gregorii Pape.

PENSATE fratres karissimi mansuetudinem Dei. Relaxare peccata venerat, et dicebat. Quis ex vobis arguet me de peccato? Non dedignatur ex ratione ostendere se peccatorem non esse, qui ex virtute divinitatis poterat peccatores iustificare.

R. Adiutor et susceptor meus tu es domine et in verbum tuum speravi, * Declinate a me maligni, et scrutabor mandata dei mei. **V.** Iniquos odio habui et legem tuam dilexi. Declinate.

Lectio VIII.

SED terribile est valde quod subditur. Qui est ex Deo, verba Dei audit. Propterea vos non auditis, quia ex Deo non estis. Si enim ipse verba Dei audit qui ex Deo est, et audire verba dei non potest quisquis ex illo non est: interroget se unusquisque si verba Dei in aure cordis percipit, et intelliget unde sit.

R. In te iactatus sum ex ute-

ro de ventre matris mee deus meus es tu, ne discedas a me, * Quoniam tribulatio proxima est, et non est qui adiuvet. **V.** Salve me ex ore leonis et a cornibus unicornium humilitatem meam. Quoniam.

Lectio IX.

CELESTEM patriam desiderare veritas iubet, carnis desideria conteri, mundi gloriam declinare, aliena non appeti, propria largiri. Penset ergo apud se unusquisque vestrum si hec vox Dei in cordis eius aure convaluit, et quia iam ex Deo sit agnoscit. Nam sunt nonnulli qui precepta Dei nec aure corporis percipere dignantur.

R. In proximo est tribulatio mea domine et non est qui adiuvet ut fodiant manus meas et pedes meos libera me de ore leonis, * Ut enarrem nomen tuum fratribus meis. **V.** Erue a framea deus animam meam et de manu canis uncam meam. Ut. In proximo.

V. Intende anime mee et libera eam. **R.** Propter inimicos meos eripe me.

In Laudibus. Ant. Vide domine afflictionem meam quoniam erectus est inimicus meus. **Ps.** Miserere. **Ant.** In tribulatione invocavi dominum et exaudivit me in latitudine. **Ps.** Confite mini domino. IIII. **Ant.** Iudicasti domine causam anime mee, defensor vite mee domine deus meus. **Ps.** Deus deus meus. II. **Ant.** Popule meus quid feci ti-

bi aut quid molestus fui responde michi. **Can.** Benedicite. **Ant.** Nunquid redditur pro bono malum, quia foderunt foveam anime mee. **Ps.** Laudate dominum. **Cap.** Tu autem domine Sabaoth. **Ymnus.**

LUSTRA sex qui iam peracta tempus implens corporis, se volente natus ad hoc passioni deditus, agnus in cruce levatur immolandus stipite.

Hic acetum, fel, arundo, sputa, clavi, lancea mite corpus perforatur: sanguis, unda profluit, terra, pontus, astra, mundus, quo lavantur flumine.

Crux fidelis inter omnes arbor una nobilis, nulla silva talem profert fronde, flore, germine, dulce lignum dulces clavos dulce pondus sustinens.

Flecte ramos arbor alta tensa laxa viscera, et rigor lentescat ille quem dedit nativitas, ut superni membra regis mitiendas stipite.

Sola digna tu fuisti ferre secli precium atque portum preparare nauta mundo naufrago, quem sacer cruor perunxit fusus agni corpore.

Gloria et honor deo, usquequo altissimo, una patri filioque, inclito paraclito, cui laus est et potestas per eterna secula. Amen.

V. Eripe me de inimicis meis deus meus.

R. Et ab insurgentibus in me libera me.

Ad Ben. Ant. Quis ex vobis arguet me de peccato si veritatem dico quare vos non creditis michi, qui est ex deo verba dei audit, propterea vos non auditis quia ex deo non estis.

Ad Primam. Ant. Ego demonium non habeo sed honorifico patrem meum dicit dominus.

In hac die et deinceps usque ad Dominican in Albis exclusive non dicatur ad Primam R, Ihesu Christe, nisi in festis sanctorum si occurrerint. Sed in hac die et deinceps usque ad Cenam Domini exclusive quando de tempore agitur: post Cap. immediate subiungatur Versiculus: Exurge domine adiuva nos.

Ad Terciam. Ant. Ego gloriam meam non quero, est qui querat et iudicet. **Cap.** Tu autem domine.

R. Erue a framea deus animam meam, * Et de manu canis unicam meam. **V.** Salva me ex ore leonis, et a cornibus unicornium humilitatem meam. Et. Erue. **V.** De ore leonis libera me domine.

Ad Sextam. Ant. Amen amen dico vobis, si quis sermonem meum servaverit mortem non gustabit in eternum. **Cap.**

FACIEM meam non averti ab increpantibus et conspuentibus in me, dominus deus auxiliator meus, et ideo non sum confusus.

R. De ore leonis libera me domine, * Et a cornibus unicornium humilitatem meam. **V.** Erue a framea deus animam meam et de manu canis unicam meam. Et. De ore. **V.** Ne perdas cum impiis.

Ad Nonam. Ant. Abraham pater vester exultavit ut videret diem meum, vidit et gavisus est. **Capitulum.**

CONFUNDANTUR qui me persequuntur et non confundar ego, paveant illi et non paveam ego, induc super eos diem afflictionis, et duplici contritione contere eos domine deus noster.

R. Principes persecuti sunt me gratis et a verbis tuis formidavit cor meum, * Letabor ego super eloquia tua. **V.** Quasi qui invenit spolia multa. Letabor. Principes. **V.** Eripe me de inimicis meis deus meus.

Ad Vesperas. Capitulum, Ymnus, V, ut in Primis Vesperis.

Ad Mag. Ant. Tulerunt lapides Iudei ut iacerent in Ihesum, Ihesus autem abscondit se et exivit de templo.

Ordo huius diei Capitulorum, Ymnorum, Versiculorum, Responsorium ad horas servetur cotidie usque ad Cenam Domini exclusive: quando de tempore agitur.

Lectiones feriales a secundo capitulo usque ad duodecimum ad libitum.

Feria Secunda. Ad Matutinas.

Invitat. Adoremus dominum,
* Qui nos redemit per crucem.

Hoc invitatorium dicatur cotidie usque ad Cenam Domini in ferialibus diebus quando de tempore agitur, et in fine Psalmi, Venite, bis ex integro repetatur.

R. Isti sunt dies cum duobus sequentibus, et dicantur similiter in quinta feria.

Ad Ben. Ant. In die magno festivitatis stabat Ihesus et clamabat dicens, siquis sitit veniat ad me et bibat. **Oracio.**

SANCTIFICA quesumus domine nostra ieiunia, et cunctarum nobis propitius indulgentiam largire culparum. Per.

Ad Primam. Ant. Anime impiorum fremebant adversum me, et gravatum est cor meum super eos.

Ad Terciam. Ant. Iudicasti. **Ad Sextam. Ant.** Popule meus. **Ad Nonam. Ant.** Nunquid redditur.

Predicte tres antiphone querantur in Laudibus precedentiibus dominice et dicantur ad horas in profestis diebus usque ad Cenam Domini.

Ad Mag. Ant. Siquis sitit veniat et bibat, et de ventre eius fluent aque vive. **Oratio.**

DA quesumus domine populo tuo salutem mentis et corporis, ut bonis operibus inherendo, tua semper mereatur protectione defendi. Per.

Feria Tercia. Ad Ben. Ant. Tempus meum nondum advenit,

tempus autem vestrum semper est paratum. **Oratio.**

NOSTRA tibi quesumus domine sint accepta ieiunia, que nos et expiando gratia tua dignos efficiant, et ad remedia perducant eterna. Per.

Ad Mag. Ant. Vos ascendite ad diem festum hunc, ego non ascendam, quia tempus meum nondum advenit. **Oratio.**

DA nobis quesumus domine perseverantem in tua voluntate famulatum, ut in diebus nostris et merito et numero populus tibi serviens augeatur. Per.

Feria Quarta. Ad Ben. Ant. Oves mee vocem meam audiunt, et ego dominus agnosco eas. **Oratio.**

SANCTIFICATO hoc ieiunio deus tuorum corda fidelium miserator illustra, et quibus devotionis prestas affectum, prebe supplicantibus pium benignus auditum. Per.

Ad Mag. Ant. Multa bona opera operatus sum vobis propter quod opus vultis me occidere. **Oratio.**

ADESTO supplicationibus nostris omnipotens deus, et quibus fiduciam sperande pietatis indulges, consuete misericordie tribuet benignus effectum. Per.

Feria Quinta. Ad Ben. Ant. Quid molesti estis huic mulieri, opus enim bonum operata est in me. **Oratio.**

PRESTA quesumus omnipotens deus ut dignitas conditionis humane per immoderantiam sauciata medicinalis parsimonie studio reformetur. Per.

Ad Mag. Ant. Mittens hec mulier in corpus meum hoc unguentum ad sepeliendum me fecit. **Oratio.**

ESTO quesumus domine propitius plebi tue, ut que tibi non placent respuens, tuorum potius repleatur delectationibus mandatorum. Per.

Feria Sexta. Ad Ben. Ant. Appropinquabat autem dies festus, et querebant principes sacerdotum quomodo Ihesum interficerent, sed timebant plebem. **Oratio.**

CORDIBUS nostris quesumus domine auxilium gratie tue benignus infunde, ut peccata nostra castigatione voluntaria cohibentes, temporaliter potius maceremur, quam suppliciis deputemur eternis. Per.

Ad Mag. Ant. Principes sacerdotum consilium fecerunt ut Ihesum occiderent, dicebant autem non in die festo, ne forte tumultus fieret in populo. **Oratio.**

CONCEDE quesumus omnipotens deus, ut qui protectionis tue gratiam querimus, liberati a malis omnibus secura tibi mente serviamus. Per.

Sabbato. Ad Ben. Ant. Desiderio desideravi hoc Pascha manducare vobiscum antequam patiar. **Oratio.**

PROFICIAT quesumus domine plebs tibi dicata pie devotionis affectu: ut sacris actionibus erudita, quanto maiestati tue fit gratior, tanto donis potioribus augeatur. Per.

**Dominica in Ramis Palmarum
Sabbato Precedenti**

Ad Vesperas. R. Circumdederunt. **IX. Ad Mag. Ant.** Clarifica me pater apud temet ipsum claritate quam habui priusquam mundus fieret. **Oratio.**

OMNIPOTENS sempiternus deus qui humano generi ad imitandum humilitatis exemplum, salvatorem nostrum carnem sumere et crucem subire fecisti, concede propitius ut et patientie ipsius habere documenta, et resurrectionis consortia mereamur. Per eundem.

Ad Matutinas. Invitat. Ipsi vero non cognoverunt vias meas, * Quibus iuravi in ira mea si introibunt in requiem meam.

Dicto ultimo versu psalmi, Venite, usque hi errant corde. Invitatorium bis ex integro repetatur.

Antiphone in nocturnis ut in precedenti Dominica.

Lectio Prima.

IUSTUS quidem tu es Domine, si disputem tecum. Veruntamen iusta loquar ad te. Qua-

re via impiorum prosperatur, bene est omnibus qui prevaricantur et inique agunt? Plantasti eos et radicem miserunt: proficiunt et faciunt fructum. Prope es tu ori eorum, et longe a renibus eorum. Hec dicit. **R.**

IN die qua invocavi te domine, dixisti noli timere, iudicasti causam meam et liberasti me, * Deus meus. **V.** In die tribulationis mee clamavi ad te quia exaudisti me. Deus meus.

Lectio Secunda.

ET tu Domine nosti me vidisti me, et probasti cor meum tecum. Congrega eos quasi gregem ad victimam, et sanctifica eos in die occisionis. Usquequo lugebit terra, et herba omnis regionis siccabitur? Propter malitiam habitantium in ea, consumptum est animal et volucre, quoniam dixerunt, non videbit novissima nostra. Hec dicit.

R. Fratres mei elongaverunt a me et noti mei, * Quasi alieni recesserunt a me. **V.** Dereliquerunt me proximi mei, et qui me noverunt. Quasi.

Lectio Tertia.

SI cum peditibus currens laborasti: quomodo poteris contendere cum equis? Cum autem in terra pacis securus fueris, quid facies in superbia Iordanis? Nam et fratres tui et domus patris tui, etiam ipsi pugnaverunt adversus te, et clamaverunt post te plena voce.

Ne credas eis, cum locuti fuerint tibi bona. Hec dicit.

R. Attende domine ad me et audi voces adversariorum meorum, * Nunquid redditur pro bono malum quia foderunt foveam anime mee. **V.** Recordare quod steterim in conspectu tuo ut loquerer pro eis bonum, et averterem in dignationem tuam ab eis. Nunquid. Attende.

Lectio Quarta.

RELIQUI domum meam, dimisi hereditatem meam, dedi dilectam animam meam in manu inimicorum eius. Facta est michi hereditas mea quasi leo in silva, dedit contra me vocem, ideo odivi eam. Nunquid avis discolor hereditas mea michi? Nunquid avis tincta per totum? Hec dicit.

R. Conclusit vias meas inimicus, insidiator factus est michi sicut leo in abscondito, replevit et inebriavit me amaritudine, deduxerunt in lacum mortis vitam meam, et posuerunt lapidem contra me, * Vide domine iniquitates illorum et iudica causam anime mee defensor vite mee. **V.** Factus sum in derisum omni populo meo canticum eorum tota die. Vide.

Lectio Quinta.

VENITE congregamini omnes bestie terre, properate ad devorandum. Pastores multi demoliti sunt vineam meam, conculcaverunt par-

tem meam, dederunt portionem meam desiderabilem in desertum solitudinis, posuerunt eam in dissipationem: luxitque super me. Hec dicit.

R. Salvum me fac deus quoniam intraverunt aque usque ad animam meam, ne avertas faciem tuam a me, quoniam tribulor exaudi me, * Deus meus. **V.** Intende anime mee et libera eam. Deus.

Lectio Sexta.

VE michi mater mea. Quare genuisti me virum rixe, virum discordie in universa terra? Non feneravi, nec feneravit michi quisquam. Ones maledicunt michi. Dicit Dominus. Si non reliquie tue in bonum, si non occurri tibi in tempore afflictionis, et in tempore tribulationis et angustie adversus inimicum. Hec dicit.

R. Noli esse michi domine alienus, parce michi in die mala, confundantur omnes qui me persequuntur, * Et non confundar ego. **V.** Confundantur omnes inimici mei qui querunt animam meam ut auferant eam. Et. Noli esse.

Lectio VII. Secundum Matheum.

IN illo tempore: Cum appropinquasset Ihesus Hierosolimis et venisset Bethphage ad montem Oliveti, tunc misit duos discipulos dicens eis. Ite in castellum quod contra vos est. Et reliqua.

Omelia Venerabilis Bede Presbiteri.

MEDIATOR Dei et hominum homo Christus Ihesus, qui pro humani generis salute passurus de celo descenderat ad terras, appropinquante hora passionis, appropinquare voluit loco passionis, ut etiam per hoc claresceret quia non invitatus sed sponte pateretur.

R. Dominus mecum est tanquam bellator fortis, propterea persecuti sunt me: et intelligere non potuerunt, domine probans renes et corda, * Tibi revelavi causam meam. **V.** Vidisti domine iniquitates eorum adversum me iudica iudicium meum. Tibi.

Lectio VIII.

IN asino venire, et a turbis rex appellari ac laudari voluit, ut etiam per hoc eruditus quisque agnosceret ipsum esse Christum, quem sic illo venturum propheta olim premissa signaverat. Ante quinque dies pasche venire voluit, sicut ex Iohannis evangelio didicimus, ut etiam per hoc ostenderet se esse agnum immaculatum qui peccata tolleretur mundi.

R. Dixerunt impii apud se non recte cogitantes, circumveniamus iustum quoniam contrarius est operibus nostris, promittit se scientiam dei habere filium dei se nominat, et gloriatur patrem se habere deum, videamus si sermones illius veri sint, et si est verus filius

dei liberet illum de manibus nostris, * Morte turpissima condemnemus eum. **V.** Tanquam nugaces estimati sumus ab illo, et abstinet se a viis nostris tanquam ab immundiciis, et prefert novissima iustorum. Morte.

Lectio IX.

AGNUS quippe paschalis cuius immolatione populus Israhel est ab Egiptia servitute liberatus, ante quinque dies pasche, idest quarta decima luna domum inferri, et ipsa die pasche, idest quartadecima luna ad vesperam iussus est immolari, significans eum qui nos suo sanguine redempturus, ante quinque dies pasche, idest hodierno die magno precedencium sequentiumque populorum gaudio ac laudatione deductus venit in templum Dei, et erat cotidie docens in eo.

R. Circumdederunt me viri mendaces sine causa, flagellis ceciderunt me, * Sed tu domine defensor vindica me. **V.** Quoniam tribulatio proxima est et non est qui adiuvet. Sed. Circumdederunt. **V.** Intende anime mee.

In Laudibus. Ant. Dominus deus auxiliator meus et ideo non sum confusus. **Ps.** Miserere. **Ant.** Circumdantes circumdederunt me, et in nomine domini vindicabor in eis. **Ps.** Confitemini domino. **III.** **Ant.** Iudica causam meam, defen-

de quia potens es domine. **Ps.** Deus deus meus. **II.** **Ant.** Cum angelis et pueris fideles inveniantur, triumphatori mortis clamantes osanna in excelsis. **Can.** Benedicite. **Ant.** Confundantur qui me persequuntur et non confundar ego domine deus meus. **Ps.** Laudate dominum. **Ad Ben. Ant.** Turba multa que convenerat ad diem festum, clamabat domino, benedictus qui venit in nomine domini.

Ad Primam. Ant. Osanna filio David, benedictus qui venit in nomine domini.

Ad Terciam. Ant. Pueri Hebreorum vestimenta prosternebant in via, et clamabant dicentes osanna filio David benedictus qui venit in nomine domini. **R.** Erue.

Ad Sextam. Ant. Pueri Hebreorum tollentes ramos olivarum obviaverunt domino clamantes et dicentes osanna in excelsis. **R.** De ore.

Ad Nonam. Ant. Occurrunt turbe cum floribus et palmis redemptori obviam, et victori triumphanti digna dant obsequia, filium dei ore gentes predicant, et in laude Christi voces tonant per nubila osanna. **R.** Principes.

Ad Mag. Ant. Ceperunt omnes turbe descendentium gaudentes laudare deum voce magna super omnibus quas viderant virtutibus, dicentes benedictus qui venit rex in nomine do-

mini, pax in celo et gloria in excelsis.

Lectiones per secunda et tertia et quarta feriales a octodecimo capitulo usque ad Trenos ad libitum.

Feria Secunda. In Laudibus.

Ant. Faciem meam non averti ab increpantibus et conspuentibus in me. **Ps.** Miserere. **Ant.** Framea suscitare adversus eos qui dispergunt gregem meum.

Ps. Verba mea. **Ant.** Appenderunt mercedem meam triginta argenteis, quos appreciatus sum ab eis. **Ps.** Deus deus meus.

II. **Ant.** Inundaverunt aque super caput meum, dixi perii invocabo nomen tuum domine deus. **Can.** Confitebor tibi. **Ant.** Labia insurgentium et cogitationes eorum vide domine.

Ps. Laudate dominum. **Ad Ben.**

Ant. Non haberes in me potestatem nisi desuper datum tibi fuisset. **Oratio.**

DA quesumus omnipotens deus, ut qui in tot adversis ex nostra infirmitate defecimus, intercedente unigeniti filii tui passione respiremus. Per eundem.

Ad Mag. Ant. Potestatem habeo ponendi animam meam et iterum sumendi eam. **Oratio.**

ADIUVA nos deus salutaris noster, et ad beneficia recolenda quibus nos instaurare dignatus es: tribue venire gaudentes. Per.

Feria Tercia. In Laudibus. Ant. Vide domine et considera quo-

niam tribulor velociter exaudi me. **Ps.** Miserere. **Ant.** Discerne causam meam domine ab homine iniquo et doloso eripe me. **Ps.** Iudica me deus.

Ant. Dum tribularer clamavi ad dominum de ventre inferi et exaudivit me. **Ps.** Deus deus meus. II. **Ant.** Domine vim pa-

cior responde pro me, quia nescio quid dicam inimicis meis. **Can.** Ego dixi. **Ant.** Dixerunt impii opprimamus virum iustum quoniam contrarius est operibus nostris. **Ps.** Laudate dominum. **Ad Ben. Ant.** Nemo tollet a me animam meam sed ego pono eam et iterum sumo eam. **Oratio.**

OMNIPOTENS sempiternus deus, da nobis ita domine passionis sacramenta peragere, ut indulgentiam percipere mereamur. Per eundem.

Ad Mag. Ant. Cotidie apud vos eram in templo docens et non me tenuistis, et ecce flagellatum ducitis ad crucifigendum.

Oratio.

TUA nos misericordia deus et ab omni subreptione vetustatis expurget, et capaces sancte novitatis efficiat. Per.

Feria Quarta. In Laudibus. Ant. Libera me de sanguinibus deus deus meus et exultabit lingua mea iusticiam tuam. **Ps.** Miserere. **Ant.** Contumelias et terrores passus sum ab eis, et dominus mecum est tanquam bellator fortis. **Ps.** Te decet hymnus. **Ant.** Ipsi vero

in vanum quesierunt animam meam, introibunt in inferiora terre. **Ps.** Deus deus meus. II. **Ant.** Omnes inimici mei audierunt malum meum domine letati sunt quoniam tu fecisti. **Can.** Exultavit cor meum. **Ant.** Alliga domine in vinculis nationes gencium et reges earum in compedibus. **Ps.** Laudate dominum. **Ad Ben. Ant.** Simon dormis non potuisti una hora vigilare mecum. **Oratio.**

PRESTA quesumus omnipotens deus, ut qui nostris excessibus incessanter affligimur, per unigeniti tui passionem liberemur. Qui tecum. Ad Vesperas non dicantur preces, nec fiat prostratio nec aliqua memoria.

Ad Mag. Ant. Tanto tempore vobiscum eram docens vos in templo et non me tenuistis, modo flagellatum ducitis ad crucifigendum. **Oratio.**

RESPICE quesumus domine super hanc familiam tuam, pro qua dominus noster Ihesus Christus non dubitavit manibus tradi nocencium et crucis subire tormentum. Qui tecum.

Conplectorium solite more absque prostratione dicatur, et benedictio post Conplectorium detur. In duobus vero diebus sequentibus non detur benedictio.

Antiphona de Beata Virgine hac die et duobus sequentibus non dicatur.

Feria Quinta in Cena Domini

FERIA Quinta in Cena Domini, et duabus sequentibus ad Matutinas non dicatur Domine labia, nec Deus in adiutorium, neque himpnus. Sed dicto Pater noster, et Credo, postquam signaverint se fratres, quod etiam fiat ad alias horas, statim incipiatur.

In Primo Nocturno. Ant. Zelus domus tue comedit me et obprobria exprobrantium tibi ceciderunt super me. **Ps.** Salvum me. Non dicatur, Gloria patri, in fine psalmorum, nec anticorum. **Ant.** Avertantur retrorsum et erubescant qui cogitant michi mala. **Ps.** Deus in adiutorium. **Ant.** Deus meus eripe me de manu peccatoris. **Ps.** In te domine. II. **V.** Exurge domine. **R.** Et iudica causam meam. Non pronuncietur. Et ne nos, sed dicto, Pater noster, lector incipiat legere, et hoc etiam fiat ante quartam et septimam lectionem. Iube domne, et Tu autem non dicantur, sed finita lectione sive Lamentatione immediate inchoetur responsorium. Iste modus ad Matutinas in duobus diebus sequentibus observetur.

Lectio Prima. Aleph.

QUOMODO sedet sola civitas plena populo, facta est quasi vidua domina gentium, princeps provintiarum facta est sub tributo. **Beth.** Plorans ploravit in nocte, et lacrimae

eius in maxillis eius. Non est qui consoletur eam, et omnibus caris eius. Omnes amici eius spreverunt eam, et facti sunt ei inimici. Hierusalem Hierusalem convertere ad dominum deum tuum. **Responsorium.**

IN monte Oliveti oravi ad patrem pater si fieri potest transeat a me calix iste, spiritus quidem promptus est caro autem infirma, * Fiat voluntas tua. **V.** Veruntamen non sicut ego volo sed sicut tu vis. Fiat.

Lectio Secunda. Gimel.

MIGRAVIT Iuda propter afflictionem, et multitudinem servitutis, habitavit inter gentes, nec invenit requiem. Omnes persecutores eius apprehenderunt eam inter angustias. **Deleth.** Vie Syon lugent, eo quod non sint qui veniant ad sollemnitatem. Omnes porte eius destructe, sacerdotes eius gementes: virgines eius squalide, et ipsa oppressa amaritudine. Hierusalem Hierusalem, etc.

R. Tristis est anima mea usque ad mortem, sustinete hic et vigilate mecum nunc videbitis turbam que circumdabit me, * Vos fugam capietis et ego vadam immolari pro vobis. **V.** Ecce appropinquabit hora et filius hominis tradetur in manus peccatorum. Vos.

Lectio Tertia. He.

FACTI sunt hostes eius in capite, inimici eius locuple-

tati sunt, quia Dominus locutus est super eam propter multitudinem iniquitatum eius. Parvuli eius ducti sunt in captivitatem, ante faciem tribulantis. **Vau.** Et egressus est a filia Sion, omnis decor eius. Facti sunt principes eius velut arietes non invenientes pascua, et abierunt absque fortitudine ante faciem subsequen- tis. Hierusalem Hierusalem.

R. Ecce vidimus eum non habentem speciem neque decorem aspectus eius in eo non est, hic peccata nostra portavit et pro nobis dolens, ipse autem vulneratus est propter iniquitates nostras, * Cuius livore sanati sumus. **V.** Vere langores nostros ipse tulit et dolores nostros ipse portavit. Cuius. Ecce.

In Secundo Nocturno. Ant. Liberavit dominus pauperem a potente, et inopem cui non erat adiutor. **Ps.** Deus iudicium tuum. **Ant.** Cogitaverunt impii et locuti sunt nequiciam, iniquitatem in excelso locuti sunt. **Ps.** Quam bonus Israhel. **Ant.** Exurge domine et iudica causam meam. **Ps.** Ut quid deus. **V.** Deus meus eripe me de manu peccatoris. **R.** Et de manu contra legem agentis et iniqui.

Beda in Omelia super Evangelia ante diem festum Pasche. ✠

Lectio Quarta.

SCRIPTURUS evangelista Iohannes, memorabile illud Domini ministerium, quo di-

scipulis in Pascha priusquam ad passionem iret, pedes lavare dignatus est: primo ipsum nomen Pasche quid mystice signaret, aperire curavit, ita incipiens. Ante diem autem festum Pasche sciens Ihesus quia venit hora eius ut transeat ex hoc mundo ad Patrem. Pascha quippe transitus interpretatur, nomen ex eo vetus habens quod transierit in eo Dominus per Egiptum, percutiens primogenita, et filios Israhel liberans, et quod ipsi filii Israhel transierint illa nocte de Egiptia servitute, ut venirent ad terram promisse olim hereditatis et pacis.

R. Amicus meus osculi me tradidit signo, quem osculatus fuero ipse est tenere eum hoc malum fecit signum qui per osculum adimplevit homicidium, * Infelix pretermisit precium sanguinis et in fine laqueo se suspendit. **V.** Filius quidem hominis vadit sicut scriptum est de illo ve autem homini illi per quem tradetur. Infelix.

Lectio Quinta.

MYSTICE autem significans quod in eo Dominus transiturus esset ex hoc mundo ad Patrem, et quod eius exemplo, fideles abiectis temporalibus desideriis, abiecta viciorum servitute, continuis virtutum studiis transire debent ad promissionem pa-

trie celestis. Quomodo autem transierit Ihesus ex hoc mundo ad Patrem, pulchro sermone designat evangelista cum dicit. Cum dilexisset suos qui erant in mundo, in finem dilexit eos, id est in tantum dilexit, ut ipsa dilectione vitam ad tempus finiret corporalem, mox de morte ad vitam, de hoc mundo transiturus ad Patrem. Unde recte uterque transitus legalis videlicet et evangelicus sanguine consecratus est, iste sanguine fuso in cruce, ille in crucis modum asperso in medio limine.

R. Unus ex vobis tradet me hodie ve ille per quem tradar ego, * Melius illi erat si natus non fuisset. **V.** Qui intingit mecum manum in parapside hic me traditurus est in manus peccatorum. Melius.

Lectio Sexta.

ET cena inquit facta, cum diabolus misisset in cor ut traderet eum Iudas Simonis Scariothis, sciens quia omnia dedit ei Pater in manus, et quia a Deo exivit, et ad Deum vadit, surgit a cena, et ponit vestimenta sua. Locuturus de maxima humilitate assumpte humanitatis, prius commemorat eternitatem divine potestatis, ut ipsum verum Deum hominemque demonstraret, et ut nos illius precepti admoneat, ut quanto magni sumus humillemur in omnibus. Homo erat verus qui hominum pedes la-

vare, ac per hominem tradi poterat? Deus erat verus, cui omnia dedit Pater in manus, qui a Deo exivit, et ad Deum rediit.

R. Eram quasi agnus innocens, ductus sum ad immolandum et nesciebam, consilium fecerunt inimici mei adversum me dicentes, * Venite mittamus lignum in panem eius, et eradamus eum de terra viventium. **V.** Omnes inimici mei adversum me cogitabant mala michi, verbum iniquum mandaverunt adversum me dicentes. Venite. Eram.

In Tertio Nocturno. Ant. Dixi iniquis nolite loqui adversus deum iniquitatem. **Ps.** Confitebimur tibi. **Ant.** Terra tremuit et quievit dum resurgeret in iudicium deus. **Ps.** Notus in iudea. **Ant.** In die tribulationis mee deum exquisivi manibus meis. **Ps.** Voce mea ad dominum. **V.** Homo pacis mee in quo speravi. **R.** Ampliavit ad verum me supplantationem.

Lectio VII.

S CIEBAT Dominus quia diabolus iam miserat in cor Iude ut traderet eum, sciebat quia omnia dedit ei Pater in manus, et inter omnia ipsum traditorem, et eos quibus tradendus erat, et mortem quam erat passurus, ut de his omnibus que vellet. Sciebat quia per humilitatem incarnationis a Deo exivit, et per victoriam resurrectionis ad Deum erat rediturus. Sciebat hec om-

nia, et tamen in magne exemplum humilitatis surgit a cena, et non Dei Domini sed hominis servi implet officium, eius pedes abluens, cuius manus in sua traditione noverat esse polluendas.

R. Una hora non potuistis vigilare mecum qui exortabamini mori per me, * Vel Iudam non videtis quomodo non dormit sed festinat tradere me Iudeis. **V.** Dormite iam et requiescite ecce appropinquabit qui me tradet. Vel.

Lectio VIII.

I N sententia vero qua Petro dictum est, si non laverote non habebis partem mecum, aperte monstratum est, quod hec pedum lotio spiritualem purificationem sine qua ad consortium Christi nemo pervenire potest insinuat, non illam que semel in baptismo datur, sed illam qua cotidiani reatus sine quibus in hac vita non vivitur, cotidiana Dei gratia mundantur. Pedes namque quibus terram tangimus, ideoque eos a contagione pulveris custodire nequimus, terrene inhabitationis necessitatem designant, qua in tantum etiam magni viri a celestium contemplatione revocantur, ut si dixerimus quia peccatum non habemus, nosmetipsos seducamus.

R. Seniores populi consilium fecerunt, * Ut Ihesum dolo te-

nerent et occiderent, cum gladiis et fustibus exierunt tanquam ad latronem. **V.** Collegerunt ergo Pontifices et Pharisei concilium. Ut.

Lectio IX.

OB horum ergo sordidationem simul et emundationem cotidie dicimus, et dimitte nobis debita nostra. Verum hec de apostolis eorumque similibus dicta sunt. At nos qui divini amoris obliti, iter levum incedimus: non illa levi oratione possumus liberari. Sed maior necesse est inquinatio maiori orationum, vigiliarum, ieiuniorum, lacrimarum, atque elemosinarum exercitio purgetur, ipso nimirum interius vestigia cordis nostri mundante, qui sedens in dextra Dei per assumpte habitum humanitatis cotidie interpellat pro nobis.

R. Revelabunt celi iniquitatem Iude et terra adversus eum consurget et manifestum erit peccatum illius in die furoris domini, * Cum iis qui dixerunt domino deo recede a nobis, scienciam viarum tuarum nolumus. **V.** In diem perditionis servabitur et ad diem ultionis ducetur. Cum Revelabunt. Finito nono responsorio, non dicatur, V. ante Laudes, sed statim inchoetur.

In Laudibus. Ant. Iustificeris domine in sermonibus tuis et vincas cum iudicaris. **Ps.** Miserere. **Ant.** Dominus tanquam

ovis ad victimam ductus est, et non aperuit os suum. **Ps.** Domine refugium. **Ant.** Contritum est cor meum in medio mei, contremuerunt omnia ossa mea. **Ps.** Deus deus meus. II. **Ant.** Exhortatus es in virtute tua et in refectione sancta tua domine. **Can.** Cantemus domino. **Ant.** Oblatus est quia ipse voluit et peccata nostra ipse portavit. **Ps.** Laudate dominum. Capitulum non dicatur, neque Ymnus, neque Versiculus, sed finita quinta antiphona inchoetur.

Ad Ben. Ant. Traditor autem dedit eis signum dicens quem osculatus fuero ipse est tenete eum.

Finita antiphona post Benedictus, duo fratres stantes ante gradum altaris dicant, Kyrie eleyson, et choro idem respondente iterum illi duo fratres dicant, Kyrie eleyson. Deinde alii duo fratres stantes in medio chori dicant, Domine misere-re, et chorus respondeat, Christus dominus factus est obediens usque ad mortem. Item fratres qui sunt ante gradus cantent versum, Qui passurus advenisti propter nos. Et chorus dicat, Christe eleyson. Item fratres ante gradus versum, Qui expansis in cruce manibus traxisti omnia ad te secula. Item chorus, Christe eleyson. Item fratres ante gradus, V, Qui prophetice prompsisti ero mors tua o mors. Item chorus,

Christe eleyson. Deinde fratres in medio chori stantes dicant, Domine miserere, et chorus respondeat, Christus dominus. Item fratres ante gradus dicant, Kyrie eleyson, et chorus Kyrie eleyson. Et fratres ante gradus Kyrie eleyson. Deinde duo fratres in medio chori stantes dicant, Domine miserere, et chorus respondeat, Christus dominus. Item fratres ante gradus dicant alta voce, V, Mortem autem crucis. Finito versu Mortem autem, prosternant se et unusquisque dicat Pater noster. Quo dicto duo et duo dicant privatim psalmum, Miserere, cum oratione, Respice quesumus domine, si ne, Dominus vobiscum, et si ne Oremus, et absque, Qui tecum, et non dicatur, Amen, nec Benedicamus, neque Fidelium. Sed dicto post orationem Pater noster, surgant omnes.

Hac die non fiant prostrationes ad horas propter sollemnitatem Cene, nisi in hoc hora tantum.

Usque ad Completorium Sabbati exclusive non dicatur, Deus in adiutorium, in principio horarum nec, Converte nos, ad Completorium nec Gloria in fine psalmorum nec canticorum, nec Capitulum, nec Ymnus, nec Versiculus, nec, Dominus vobiscum, nec Oremus, nec Qui tecum, nec Benedicamus, nec Fidelium,

post horas. More tamen solito dicatur Pater noster.

Ad Primam dicto Pater et Credo, inchoetur.

Ant. Christus factus est pro nobis obediens usque ad mortem, mortem autem crucis. **Ps.** Deus in nomine. **Ps.** Beati immaculati. **Ps.** Retribue servo tuo. Dicta post psalmos antiphona absque, Kyrie eleyson, et precibus, et sine psalmo, Miserere. dicatur Oratio, Respice. Confiteor non dicatur usque ad Completorium Sabbati exclusive. Preciosa solito more dicatur, sine Gloria patri. Tercia, Sexta et Nona dicantur supradicto modo cum ant. Christus factus, et oratione, Respice.

Ad Vesperas si missa precesse-rit immediate finita communionem incipiatur, Ant. Calicem salutaris accipiam, et nomen domini invocabo. Ps. Credidi. Ant. Cum iis qui oderunt pacem eram pacificus, cum loquebar illis impugnabant me gratis. Ps. Ad dominum. Ant. Ab hominibus iniquis libera me domine. Ps. Eripe me domine. Ant. Custodi me a laqueo quem statuerunt michi et a scandalis operantium iniquitatem. Ps. Domine clama- vi. Ant. Considerabam ad dexteram et videbam et non erat qui cognosceret me. Ps. Voce mea. Finita quinta antiphona inchoetur

Ad Mag. Ant. Cenantibus autem accepit Ihesus panem, be-

nedixit ac fregit, dedit discipulis suis.

Finia post canticum atiphona sequitur, Dominus vobiscum et post communio, Refecti si missa precesserit. Deinde, Benedicamus domino. Qui vero misse non interfuerint, dicant oratione Respice eo modo quo ad alias horas.

Ad Completorium non dicatur Lectio, Fratres sobrii, sed dicto Pater noster inchoetur ant. Christus factus, psalmi Cum invocarem. In te domine. Qui habitat. Ecce nunc. Canti. Nunc dimittis. Postea dicatur ant. Christus factus est. Post ant. Oratio Respice.

Feria Sexta in Parascheve

FERIA Sexta in Parascheve ante Matutinas proster-
nant se fratres et dicto Pater
noster, et Credo surgant. Et
postquam signaverint se inci-
piatur.

In Primo Nocturno. Ant. Astiterunt reges terre et principes convenerunt in unum adversus dominum et adversus Christum eius. **Ps.** Quare fremuerunt. **Ant.** Diviserunt sibi vestimenta mea, et super vestem meam miserunt sortem. **Ps.** Deus deus meus. I. **Ant.** Insurrexerunt in me testes iniqui et mentita est iniquitas sibi. **Ps.** Dominus illuminatio. **V.** Diviserunt sibi vestimenta mea. **R.** Et super vestem meam miserunt sortem.

Lectio Prima. Aleph.

QUOMODO obtexit caligine in furore suo Dominus filiam Syon: proiecit de celo in terram inclitam Israhel, et non est recordatus scabelli pedum suorum in die furoris sui? **Be-th.** Precipitavit Dominus nec pepercit omnia speciosa Iacob, destruxit in furore suo munitiones virginis Iuda, deiecit in terram. Polluit regnum et principes eius. Hierusalem Hierusalem. **R.**

OMNES amici mei dereliquerunt me, et prevaluerunt insidiantes michi, tradidit me quem diligebam, et terribilibus oculis plaga crudeli percuciens, * Aceto potabunt me. **V.** Et dederunt in escam meam fel, et in siti mea. Acceto.

Lectio Secunda. Gimel.

CONFREGIT in ira furoris sui omne cornu Israhel, avertit retrorsum dexteram suam a facie inimici, et succendit in Iacob quasi ignem flamme devorantis in giro. **Deleth.** Tendet arcum suum quasi inimicus, firmavit dexteram suam quasi hostis, et occidit omne quod pulchrum erat visu in tabernaculis filie Syon: effudit quasi ignem indignationem suam. Hierusalem Hierusalem.

R. Velum templi scissum est et omnis terra tremuit, latro de cruce clamabat dicens, * Memento mei domine dum veneris in regnum tuum. **V.** Amen

dico tibi, hodie mecum eris in paradiso. Memento.

Lectio Tertia. He.

FACTUS est Dominus velut inimicus, precipitavit Israhel. Precipitavit omnia menia eius, dissipavit munitiones eius, et replevit in filia Iuda humiliatum et humiliatam. **Vau.** Et dissipavit quasi ortum tentorium suum, demolitus est tabernaculum suum. Oblivioni tradidit Dominus in Syon festivitatem et sabbatum, et in obprobrium et indignationem furoris sui regem et sacerdotem. Hierusalem Hierusalem.

R. Vineam mea electa ego te plantavi, * Quomodo conversa es in amaritudinem, ut me crucifigeres et Barrabam dimitteres. **V.** Ego quidem plantavi te vineam meam electam, omne semen verum. Quomodo Vineam.

In Secundo Nocturno. Ant. Vim faciebant qui querebant animam meam. **Ps.** Domine ne in II. **Ant.** Confundantur et reveantur qui querunt animam meam ut afuerant eam. **Ps.** Expectans expectavi. **Ant.** Alieni insurrexerunt in me et fortes quesierunt animam meam. **Ps.** Deus in nomine. **V.** Ab insurgentibus in me. **R.** Libera me domine.

Iohannes episcopus in sermone hodie incipiamus. ✠

Lectio Quarta.

HODIE karissimi crux fixa

est, et seculum sanctificatum est. Hodie crux fixa est, et mors submersa est. Hodie crux fixa est, et demones dispersi sunt. Hodie crux vicit, et mors devicta est. Hodie diabolus victus est, et homo absolutus est, et Deus glorificatus est. Hodie apud Iudeos terra contremuit, et apud nos orbis terre firmatus est. Hodie apud Iudeos petre scisse sunt: hodie amabilis Deo pietas, universum consuit orbem. Decebat enim ea que pietatis erant coniungi, ea que infidelitatis disiungi.

R. Tanquam ad latronem existis cum gladiis comprehendere me, cotidie apud vos eram in templo docens et non me tenuistis, et ecce flagellatum ducitis, * Ad crucifigendum.

V. Filius quidem hominis vadit sicut scriptum est de illo, ve autem homioni illi per quem tradetur. Ad.

Lectio Quinta.

HODIE apud Iudeos sol obscuratus est. Non enim ferre poterat creatura iniurias creatoris. Retraxit sol radios suos ne videret impiorum facinora: apud nos autem nox in diem conversa est. Fidelibus enim nox in diem mutatur, infidelibus autem etiam lux ipsa tenebrescit. Hodie Adam eiectus est de paradiso: et hodie latro paradysum ingreditur. Exiit fur, et introivit fur. exivit contemptor verbi, et introivit

confitens verbum. Exivit contempnens salutem, et introivit de cruce mercans salutem.

R. Tenebre facte sunt dum crucifixissent Ihesum Iudei, et circa horam nonam exclamavit Ihesus voce magna, deus meus ut quid me dereliquisti, * Et inclinato capite emisit spiritum.

V. Cum ergo accepisset acetum dixit consummatum est. Et.

Lectio Sexta.

VIDE iustum Dei iudicium. Propter unum peccatum damnatus est Adam, et propter unam fidei vocem, latro salvatus est. Unum peccatum deiecit illum, et una iusticia introduxit istum. Adam factus est exul, et latro habitator factus est paradisi. O admiranda rerum materie. Nullum ante latronem invenies paradisi repromissionem meruisse: non Abraham, non Ysaac, non Iacob, non Moysen, nec prophetas, nec apostolos, sed ante omnes reperies latronem. Hodie inquit dominus, tecum eris in paradiso. Nusquam autem repromissionem paradisi ante latronem invenies.

R. Barrabas latro dimittitur, et innocens Christus occiditur, nam et Iudas armis ductus sceleris, qui per pacem didicit facere bellum, * Osculando tradidit dominum Ihesum Christum. **V.** Ecce turba et qui vocabatur Iudas venit, et dum appropinquaret ad Ihesum. Osculando. Barrabas.

In Tertio Nocturno. Ant. Ab insurgentibus in me libera me domine quia occupaverunt animam meam. **Ps.** Eripe me.

Ant. Longe fecisti notos meos a me traditus sum et non egrediebar. **Ps.** Domine deus salutis. **Ant.** Captabunt in animam iusti et sanguinem innocentem condempnabunt. **Ps.** Deus ultionum. **V.** Locuti sunt adversum me lingua dolosa. **R.** Et sermonibus odii circumdederunt me.

Lectio VII.

NCESSARIUM est querere, cur latroni ante alios et tales viros, dominus paradisi repromisit. Credidit quidem illi, sed modo diverso Dominum glorie sicut possibile fuit intuentes. Iste autem vidit salvatorem, non super thronum regaliem, non adorari in templo, non loquentem de celis, non per angelos disponentem, sed in pena sociatum cum latrone. Videt in tormento et tanquam in gloria adoratur, vidit in cruce, et rogat quasi in celis sedentem. Vidit condemnatum, et regem invocat dicens. Domine memento mei cum veneris in regnum tuum.

R. Tradiderunt me in manus impiorum et inter iniquos proiecerunt me et non pepercerunt anime mee congregati sunt adversum me fortes, * Et sicut gigantes steterunt contra me. **V.** Astiterunt reges ter-

re et principes convenerunt in unum. Et.

Lectio VIII.

O admiranda latronis confessio. Crucifixum vides, et regem predicas? In ligno pendere cernis et celorum regna meditaris? Nunquid nam scripturas legisti ab iniquitate non cessans? Iudei crucifixerunt qui noverunt legem et prophetas, et tu horum ignarus Deum vides crucifixum et adoras condemnatum? Quis te erudit talia dicere? Non me inquit lex docuit, sed sol occultans lumen suum. Vidi quidem crucifixum, sed terre motum sensi, et propter patricidas elementa indignantia intellexi.

R. Ihesum tradidit impius summis principibus sacerdotum et senioribus populi, Petrus autem sequebatur a longe, * Ut videret finem. **V.** Et ingressus est Petrus in atrium principis sacerdotum. Ut.

Lectio IX.

ET Petre quidem scindebantur, sed corda hominum non metuebant. Et surrexerunt mortui, et intraverunt in sanctam civitatem, ut inexcusabilem redderent causam eorum. Dicebant autem Iudei. Non habemus regem nisi Cesarem. Abnuerunt Dei regnum, et traditi sunt regno Romanorum quod pecierunt, et sanguis Christi factus est illis ad condemnationem: nobis autem ad iustificationem.

Et decuit splendore Crucis obcecari infideles, et illuminari credentes. Sola enim Christi crux vere solvit tenebras, et regnum demonum dissipavit, et omnes terrorem malignantium abstulit. Crux sanctitatem prodit crux sol iustitie facta est, ut illuminati misericordia illius qui pependit in ea, perveniamus ad eum qui est lux eterna et vera. Amen.

R. Sicut ovis ad occisionem ductus est et dum male tractaretur non apperuit os suum, traditus est ad mortem, * Ut vivificaret populum suum. **V.** Ipse vulneratus est propter iniquitates nostras, attritus est propter scelera nostra. Ut.

In Laudibus. Ant. Proprio filio suo non pepercit deus, sed pro nobis omnibus tradidit illum. **Ps.** Miserere. **Ant.** Anxiatu est in me spiritus meus, in me turbatum est cor meum. **Ps.** Domine exaudi. II. **Ant.** Ait latro ad latronem, nos quidem digna factis recipimus, hic autem quid fecit, memento mei domine dum veneris in regnum tuum. **Ps.** Deus deus meus. II. **Ant.** Dum conturbata fuerit anima mea domine misericordie memor eris. **Can.** Domini audi. **Ant.** Memento mei domine deus dum veneris in regnum tuum. **Ps.** Laudate dominum.

Ad Ben. Ant. Posuerunt super capud eius causam ipsius

scriptam Ihesus Nazarenus rex Iudeorum.

Finita antiphona sequitur, Kyrie eleyson, et cetera sicut in precedenti nocte cum his versibus, V. Agno miti basia cui lupus dedit venenosa. V. Vita in ligno moritur, infernus et mors lugens spoliatur. V. Te qui vinciri voluisti, nosque a mortis vinculis eripuisti.

Ad Primam. Ant. Christus factus. Ps. Deus in nomine. Ps. Beati immaculati. Ps. Retribue servo tuo. finita post psalmos antiphona dicatur, Pater noster, et psalmus, Miserere. Quo dicto statim subsequatur oratio Respice supradicto modo. Hic modus servetur ad Terciam, Sextam, et Nonam, hac die et in Sabbato.

Ad Vesperas. Ant. Calicem. Ps. Credidi. Cetera antiphone cum suis psalmis sicut in die Cene.

Ad Mag. Ant. Cum accepisset acetum dixit, consummatum est, et inclinato capite tradidit spiritum.

Finita post canticum antiphona dicatur Pater noster, et psalmus, Miserere. post psalmum dicatur oratio, Respice, et sic Vespere finiantur.

Ad Completorium ant., psalmi, et canticum sicut in die Cene. Post antiphonam dicatur Pater noster, et psalmus, Misere-re. et oratio Respice.

In Sabbato Sancto Pasche

IN Sabbato Sancto Pasche an-

te Matutinas fiat sicut in sexta feria dictum est, et postmodum incipiatur,

In Primo Nocturno. Ant. In pace in idipsum dormiam et requiescam. **Ps.** Cum invocarem. **Ant.** Habitabit in tabernaculo tuo requiescet in monte sancto tuo. **Ps.** Domine quis habitabit. **Ant.** Caro mea requiescet in spe. **Ps.** Conserva me domine. **V.** In pace in idipsum. **R.** Dormiam et requiescam.

Lectio Prima. Aleph.

QUOMODO obscuratum est aurum, mutatus est color optimus, dispersi sunt lapides sanctuarii in capite omnium platearum? **Beth.** Filii Syon incliti et amicti auro primo, quomodo reputati sunt in vasa testea, opus manuum figuli? **Gimel.** Sed et lamie nudaverunt mammam, lactaverunt catulos suos. Filia populi mei crudelis, quasi strutio in deserto. Hierusalem Hierusalem. **R.**

SEPULTO domino signatum est monumentum, volventes lapidem ad ostium monumenti, * Ponentes milites qui custodirent illud. **V.** Ne forte veniant discipuli eius et furentur eum et dicant plebi surrexit a mortuis. Ponentes.

Lectio Secunda. Deleth.

ADHESIT lingua lactentis ad palatum eius in siti. Parvuli pecierunt panem, et non erat qui frangeret eis. **He.** Qui vescebantur voluptuose, inte-

rierunt in viis: qui nutriebantur in croceis, amplexati sunt stercora. **Vau.** Et maior effecta est iniquitas filie populi mei peccato Sodomorum, que subversa est in momento, et non ceperunt in ea manus. Hierusalem Hierusalem.

R. Hierusalem luge et exue te vestibus iocunditatis, induere cinere et cilicio, * Quia in te est occisus salvator Israhel. **Y.** Deduc quasi torrentem lacrimas per diem et noctem et non taceat pupilla oculi tui. Quia.

Lectio Tertia. Zai.

CANDIDIORES Nazarei eius nive, nitidiores lacte, rubicundiores ebore antiquo, saphyro pulchriores. **Heth.** Denigrata est super carbones facies eorum, et non sunt cogniti in plateis. Adhesit cutis eorum ossibus, aruit, et facta est quasi lignum. **Theth.** Melius fuit occisis gladio quam interfectis fame, quoniam isti extabuerunt consumpti ab sterilitate terre. Hierusalem Hierusalem.

R. Plange quasi virgo plebs mea, ululate pastores in cinere et cilicio, * Quia veniet dies domini magna et amara valde. **Y.** Ululate pastores et clamate aspergite vos cinere. Quia. Plange.

In Secundo Nocturno. Ant. Elevamini porte eternas et introibit rex glorie. **Ps.** Domini est terra. **Ant.** Credo videre bona domini in terra vivencium.

Ps. Dominus illuminatio. **Ant.** Domine abstraxisti, ab inferis animam meam. **Ps.** Exaltabo te. **I. Y.** Tu autem domine misere-re mei. **R.** Et resuscita me, et retribuam eis.

Sermo Augustini in Sabbato Sancto. ✠

Lectio Quarta.

EXULTA celum, et in leticia esto terra, quoniam iste dies nobis amplius ex sepulchro radiavit quam de sole refulsit. Dolet infernus quia resolutus est, gaudet quia visitatus est. Resultat quia ignotam lucem post secula longa vidit, et post profunde noctis caliginem respiravit. O pulchra lux que de candido celi fastigio promicasti, et post noctem perpetuam, sedentes in tenebris et umbra mortis subita claritate vestisti. Confestim igitur Christo descendente siluit stridor ille lugentium, dirupta cecidere vincula damnatorum? Attonite mentes obstupescunt tortorum, omnisque simul impia officina contremuit.

R. Recessit pastor noster fons aque vive, ad cuius transitum sol obscuratus est, nam et ille captus est qui captivum tenebat primum hominem, * Hodie portas mortis et seras pariter salvator noster dirupit. **Y.** Construxit quidem claustra inferni, et subvertit potentias diaboli. Hodie.

Lectio Quinta.

QUISNAM est inquit iste terribilis et niveo splendore coruscus? Nunquam talem noster excepit Tartarus, nunquam in nostram cavernam talem evomit mundus. Invasor est iste non debitor. Effractor est non peccator. Iudicem videmus non supplicem. Pugnare venit non succumbere, eripere non manere. Periiit potestas illa cunctis semper populis formidata. Nullus subcede nostra captivus palpitat, sed quod est gemendum insultat. Nulli iam resonant eiulatus, omnis gemencium mugitus obmutuit. Mox igitur Christus in ipsos crudeles penarum ministros aciem dirigit, atque implacabiles turmas fra-mea divina concidit.

R. O vos omnes qui transitis per viam attendite et videte, * Si est dolor similis sicut dolor meus. **V.** Attendite universi populi et videte dolorem meum. Si.

Lectio Sexta.

TRISTES igitur mox lugentesque diuturno squalore turbe, populique vexati concurrunt, et ad salvatoris sui vestigia volutantur, Succurre inquit fessis, miserandos resolve gemitus. Redemisti vivos cruce tua, eripe mortuos morte tua. Pari nobiscum sorte mundus perierat, et ad adventum tuum omnis creatura pendebat. Tibi nostra tormenta su-

spirabant, te semper infernus iste pavebat. Dum hic es absolute reos, dum ascenderis defende tuos. Dum hic es universa claustra solvantur, dum ascenderis non claudantur. Et si redieris ad corpus maiestate tua, non privetur infernus potentia tua. Post auditas preces, post compositas leges, post demersos alta voragine fossa tortores: iudex noster ab inferis laureatus exivit. Sed et leca cum principe suo omnis beatorum toga processit. Repedat igitur ad stadium suum triumphator iterum vivus, ut noverit omnis mundus quod redivit ab inferis dominus Christus.

R. Caligaverunt oculi mei a fletu meo quia elongatus est a me qui consolabatur me, videte omnes populi, * Si est dolor similis sicut dolor meus. **V.** Quos omnes qui transitis per viam attendite et videte. Si. Caligaverunt.

In Tertio Nocturno. Ant. Deus adiuvat me et dominus susceptor est anime mee. **Ps.** Deus in nomine. **Ant.** In pace factus est locus eius et in Syon habitatio eius. **Ps.** Notus in iudea. **Ant.** Factum sum sicut homo sine adiutorio inter mortuos liber. **Ps.** Domine deus salutis. **V.** In pace factus est locus eius. **R.** Et habitatio eius in Syon.

Sequeris omelia legatur sine titulo scilicet ut nec Secundum Matheum, nec Omelia Beati Hieronimi, dicatur,

Lectio VII. Secundum Matheum.

IN illo tempore: Vespere sabbati que lucescit in prima sabbati, venit Maria Magdalene et altera Maria videre sepulchrum. Et reliqua.

Omelia Beati Hieronimi. Prebiteri.

QUOD diversa tempora istarum mulierum in evangeliiis describuntur, non mendacii signum est ut impii obiciunt, sed sedule visitationis officia, dum crebro abeunt ac recurrunt, et non paciuntur sepulchro Domini diu abesse vel longius.

R. Ecce quomodo moritur iustus et nemo percipit corde, et viri iusti tolluntur et nemo considerat, a facie iniquitatis sublatus est iustus, * Et erit in pace memoria eius. **V.** In pace factus est locus eius, et in Syon habitatio eius. Et.

Lectio VIII.

ET ecce terremotus factus est magnus, angelus enim Domini descendit de celo. Dominus noster atque idem filius Dei et filius hominis iuxta utramque naturam divinitatis et carnis, nunc magnitudinis sue, nunc humilitatis signa demonstrat.

R. Estimatus sum cum descendentibus in lacum, * Factus sum sicut homo sine adiutorio inter mortuos liber. **V.** Posuerunt me in lacu inferiori, in

tenebrosis et in umbra mortis. Factus.

Lectio IX.

UNDE in presenti loco quamquam homo sit qui crucifixus est, qui sepultus, qui clausus tumulo, quem lapidis oppositus cohibet, tamen que foris aguntur ostendunt filium Dei, sol fugiens, tenebre ingruentes, terra mota, velum scissum, saxa diruta, mortui suscitati, angelorum ministeria que et ab inicio nativitatis eius Deum probabant.

R. Agnus dei Christus immolatus est pro salute mundi, nam de parentis prothoplasti fraude facta condolens quando pomi noxialis morte morsu corruit ipse lignum tunc notavit, * Damna ligni ut solveret.

V. Lustra sex qui iam peracta tempus implens corporis se volente natus ad hoc passioni deditus, agnus in cruce lavatur immolandus stipite. Damna. Agnus.

In Laudibus. Ant. O mors ero mors tua, morsus tuus ero inferne. **Ps.** Miserere. **Ant.** Plangent eum quasi unigenitum, quia innocens dominus occisus est. **Ps.** Iudica me deus. **Ant.** Attendite universi populi et videte dolorem meum. **Ps.** Deus deus meus. II. **Ant.** A porta inferi erue domine animam meam. **Can.** Ego dixi. **Ant.** O vos omnes qui transitis per viam attendite et videte si est dolor sicut dolor meus. **Ps.** Laudate

dominum. **Ad Ben. Ant.** Mulieres sedentes ad monumentum lamentabantur flentes dominum.

Kyrie eleyson, et cetera omnia sicut in nocte Cene. Hac die Prima et Tercia et Sexta et Nona, dicantur sicut in die hesternae.

Ad Vesperas. Ant. Alleluya alleluya alleluya, tota dicatur ante psalmum, Ps. Laudate dominum o. g. Gloria patri. Repetita antiphona post psalmum, sequitur,

Ad Mag. Ant. Vespere autem sabbati que lucescit in prima sabbati venit Maria Magdalene et altera Maria videre sepulchrum, alleluya. Dicto Mag. et antiphona repetita: sequitur, Dominus vobiscum. Oremus. Oratio.

SPIRITUM nobis domine tue caritatis infunde, ut quos sacramentis Paschalibus satiasti, tua facias pietate concordet. Per eiusdem. Deinde, Dominus vobiscum, et Benedicamus domino alleluya alleluya: nisi quando Vespere et Missa simul terminantur.

Completorium hac die dicatur hoc modo. Dicto, Confiteor dicatur Converte nos. Deus in adiutorium, postea incipiatur antiphona, Alleluya. Ps. Cum invocarem. **Ps.** In te domine. **I. Ps.** Ecce nunc. **Can.** Nunc dimittis. Cum Gloria patri, dicantur psalmi et canticum postea sequitur, Ant. Alleluya al-

leluya alleluya alleluya alleluya. Deinde, Dominus vobiscum. Oremus. Oratio Spiritum nobis ut supra in Vesperis. Deinde, Dominus vobiscum, et Benedicamus. Postea sequitur antiphona de Beata Virgine.

In Die Pasche

IN Die Pasche. Ad Matutinas. Domine labia. Deus in adiutorium. Invitat. Alleluya alleluya, * Alleluya.

Hac die et per totam ebdomadam usque ad Vesperas sequentis sabbatis exclusive ad horas tam diei quam noctis nullus dicatur Ymnus.

In Nocturno. Ant. Ego sum qui sum et consilium meum non est cum impiis sed in lege domini voluntas mea est alleluya. **Ps.** Beatus vir. **I. Ant.** Postulavi patrem meum alleluya, dedit michi gentes alleluya, in hereditatem alleluya. **Ps.** Quare fremuerunt. **Ant.** Ego dormivi et sonum cepi, et resurrexi quia dominus suscepit me, alleluya, alleluya. **Ps.** Domine quid. **V.** Resurrexit dominus alleluya. **R.** Sicut dixit vobis alleluya.

Hic versiculus dicatur in nocturno, in dominica et feria secunda et quinta usque ad Ascensionem quando de tempore agitur.

Lectio Prima. Secundum Marcum.

IN illo tempore: Maria Magdalene et Maria Iacobi et Sa-

lome emerunt aromata: ut venientes ungerent Ihesum. Et valde mane una sabbatorum veniunt ad monumentum: orto iam sole. Et reliqua.

Omelia Beati Gregorii Pape. ✠

AUDISTIS fratres karissimi quod sancte mulieres que Dominum fuerant secute cum aromatibus ad monumentum venerunt, et ei quem viventem dilexerant, eciam mortuo studio humanitatis obsequuntur. Sed res gesta aliquid in sancta ecclesia signat gerendum. Sic quippe necesse est, ut audiamus que facta sunt: quatenus cogitemus eciam que nobis sunt ex eorum imitatione facienda. **Responsorium.**

ANGELUS domini descendit de celo et accedens revolvit lapidem et super eum sedit, et dixit mulieribus, nolite timere, scio enim quia crucifixum queritis, * Iam surrexit, venite et videte locum ubi positus erat dominus, alleluya. **V.** Angelus domini locutus est mulieribus dicens quem queritis an Ihesum queritis. Iam.

Lectio Secunda.

ET nos ergo in eum qui est mortuus credentes, si odore virtutum referti, cum opinione bonorum operum Dominum querimus: ad monumentum profecto illius cum aromatibus venimus. Ille autem mulieres angelos vident que cum aromatibus venerunt, quia videlicet ille men-

tes supernos cives aspiciunt, que cum virtutum odoribus ad Deum per sancta desideria proficiscuntur.

R. Angelus domini locutus est mulieribus dicens quem queritis, an Ihesum queritis iam surrexit, * Venite et videte alleluya alleluya. **V.** Ihesum queritis Nazarenum crucifixum surrexit non est hic. Venite.

Lectio Tertia.

NOTANDUM vero nobis est, quidnam sit quod in dextris sedere angelus cernitur. Quid namque per sinistram nisi vita presens? quid vero per dexteram nisi perpetua vita signatur? Unde scriptum est. Leva eius sub capite meo, et dextera illius amplexabitur me. Quia igitur redemptor noster iam presentis vite corruptionem transierat, recte angelus qui nunciare perennem eius vitam venerat: in dextera sedebat.

R. Dum transisset sabbatum Maria Magdalene et Maria Iacobi et Salome emerunt aromata, * Ut venientes ungerent Ihesum, * Alleluya alleluya. **V.** Et valde mane una sabbatorum veniunt ad monumentum orto iam sole. Ut. Gloria. Alleluya. Te Deum. et dicatur per totam ebdomadam.

V. In resurrectione tua Christe, alleluya. **R.** Celi et terra letentur alleluya.

Hic versiculus dicatur cotidie

ante Laudes usque ad Ascensionem exclusive nisi in festis sanctorum.

In Laudibus. Ant. Angelus autem domini descendit de celo et accedens revolvit lapidem, et sedebat super eum alleluya alleluya. **Ps.** Dominus regnavit.

Ant. Et ecce terremotus factus est magnus angelus autem domini descendit de celo alleluya.

Ps. Iubilare deo. II. **Ant.** Erat autem aspectus eius sicut fulgar, vestimenta eius sicut nix, alleluya alleluya. **Ps.** Deus deus meus. II. **Ant.** Pre timore autem eius exterriti sunt custodes et facti sunt velut mortui alleluya.

Can. Benedicite. **Ant.** Respondens autem angelus dixit mulieribus nolite timere scio enim quod Ihesum queritis alleluya.

Ps. Laudate dominum.

Post predictam antiphonam statim incipiatur,

Ad Ben. Ant. Et valde mane una sabbatorum veniunt ad monumentum orto iam solo, alleluya. **Oratio.**

DEUS qui hodierna die per unigenitum tuum eternitatis nobis aditum devicta morte reserasti, vota nostra que preveniendo aspiras, etiam adiuvando proseguere. Per eundem. Benedicamus domino alleluya alleluya. Deo gratias alleluya alleluya.

Benedicamus domino cum duplici alleluya dicantur in Laudibus et in Vesperis per totam ebdomadam, et per ebdoma-

dam Pentecostes, et in omnibus dominicis et festis simplicibus et supra usque ad Vesperas sabbati ante Trinitatem exclusive. In profestis autem diebus et festis trium lectionum et infra octavas quando de octavis agitur preterquam in dominica, dicatur tantum cum uno alleluya. Ad ceteras autem horas nunquam dicatur, cum alleluya.

Ad Primam dicto, Deus in adiutorium, et Gloria patri, statim inchoetur antiphona similiter, et ad alias horas. Et sciendum quod per totam ebdomadam, usque ad Vesperas sequentis sabbati exclusive, nec Capitula nec Responsoria ad horas nec Versiculi dicuntur nisi in nocturnis et ante Laudes, et in memoriis.

Ant. Angelus. Cetera ad ceteras horas. **Ps.** Deus in nomine.

Ps. Beati immaculati. **Ps.** Re-tribue servo tuo. Finita antiphona post psalmos statim inchoetur R. Hec dies quam fecit dominus exultemus et letemur in ea, sine versu. Et sic dicatur cotidie ad omnes horas per ebdomadam usque ad sabbatum exclusive preterquam ad Matutinas. Ad Vesperas autem dicatur cum versu illius diei.

Finito Responsorio, Hec dies Ad Primam, dicatur, Confiteor. Deinde, Dominus vobiscum, et Oratio, Deus qui hodierna, Dominus vobiscum, Benedicamus domino. Predicta ora-

tio dicatur ad Primam hac die et duobus sequentibus. Et hoc modo dicatur prima per totam septimanam nisi quod in quarta feria et deinceps dicatur Oratio. In hac hora, et in sabbato loco. Responsorii, Hec dies, dicatur Alleluya, hec dies. Ad Vesperas non dicatur, Deus in adiutorium, sed dicto Pater noster, sic incipiantur, Kyrie eleyson, Kyrie eleyson, Kyrie eleyson, Christe eleyson, Christe eleyson, Christe eleyson, Kyrie eleyson, Kyrie eleyson, Kyrie eleyson, Kyrie eleyson. Et hoc modo incipiantur usque ad sabbatum exclusive. Post ultimum, Kyrie, statim inchoetur Ant. Angelus autem. **Ps.** Dixit dominus. **Ps.** Confitebor tibi. II. **Ps.** Beatus vir. II. Predicta antiphona et predicti tres psalmi dicantur ad Vesperas cotidie usque ad Vesperas sequentis sabbati exclusive. Finita antiphona post psalmos sequitur, **R.** Hec dies. **V.** Confitemini domino quoniam bonus, quoniam in seculum misericordia eius. Responsorium non repetatur. Deinde dicatur, Alleluya, **V.** Pascha nostrum immolatus est Christus.

Alleluya, post versum repetatur. Postea sequitur, Prosa.

VICTIME Paschali laudes immolent Christiani, Agnus redemit oves, Christus innocens patri reconciliavit peccatores. Mors et vita duello conflixere mirando, dux vite mor-

tuus regnat vivus. Dic nobis Maria quid vidisti in via. Sepulchrum Christi viventis et gloriam vidi resurgentis. Angelicos testes sudarium et vestes. Surrexit Christus spes mea, precedet suos in Galilea. Credendum est magis soli Marie veraci, quam Iudeorum tube fallaci. Scimus Christum surrexisse ex mortuis vere, tu nobis victor rex miserere, alleluya.

Precedens Prosa dicatur tantum hac die et duabus sequentibus. Postea sequitur,

Ad Mag. Ant. Et respicientes viderunt revolutum lapidem erat quippe magnus valde, alleluya. Oratio, Deus qui hodierna. Dicta Oratione sequitur.

Ant. Christus resurgens ex mortuis iam non moritur mors illi ultra non dominabitur, * Quod enim vivit vivit deo, alleluya alleluya. **V.** Dicant nunc Iudei quomodo milites custodientes sepulchrum perdiderunt regem ad lapidis positionem, quare non servabant Petram iusticie, aut sepultum reddant aut resurgentem adorent nobiscum dicentes. Quod enim. **V.** Dicite in nationibus alleluya. **R.** Quia dominus regnavit a ligno alleluya. **Oratio.**

DEUS qui pro nobis filium tuum crucis patibulum subire voluisti, ut inimici a nobis expelleres potestatem, concede nobis famulis tuis,

ut resurrectionis gratiam consequamur. Per eundem Christum. Deinde dicatur,

Ant. Regina celi letare alleluya, quia quem meruisti portare alleluya resurrexit sicut dixit alleluya, ora pro nobis deum alleluya. **V.** Ora pro nobis sancta dei genitrix alleluya. **R.** Ut digni. **Oratio.**

GRATIAM tuam quesumus domine mentibus nostris infunde, ut qui angelo nunciante Christi filii tui incarnationem cognovimus, per passionem eius et crucem ad resurrectionis gloriam perducamur. Per eundem dominum nostrum, etc. Dominus vobiscum. Benedicamus domino alleluya alleluya. Deo gratias alleluya alleluya.

Et hoc modo his tribus diebus Vespere terminentur. Et sciendum, quod Invitoria et antiphona et responsoria horarum cum suis versiculis, et omnes alii versiculi usque ad festum Sancte Trinitatis exclusive debent terminari cum alleluya.

Ad Completorium. Ant. Alleluya alleluya alleluya alleluya. **Ps.** Cum invocarem. **Ps.** In te domine. **Ps.** Ecce nunc. Finita post psalmos antiphona dicatur R, Hec dies. Ad Nunc Dimittis. Ant. Alleluya resurrexit dominus alleluya, sicut dixit vobis alleluya alleluya. Post antiphona Oratio, Spiritum nobis, cum, Benedica-

mus domino, hoc modo dicatur Completorium per totam ebdomadam, usque ad sabbatum exclusive excepto quod predicta oratio non dicitur nisi in duobus diebus sequentibus.

Feria Secunda. Ad Matutinas. Invitat. Surrexit dominus vere, * Alleluya.

Super Nocturnum. Ant. Surrexit Christus et illuxit populo suo quem redemit sanguine suo alleluya. Hec antiphona dicatur per ebdomadam super nocturnum. Ps. Cum invocarem. **Ps.** Verba mea. **Ps.** Domine ne in. I. **V.** Resurrexit dominus alleluya.

Lectio Prima. Secundum Lucam.

IN illo tempore: Duo ex discipulis Ihesu ibant ipsa die in castellum quod erat in spatio stadiorum sexaginta ab Hierusalem: nomine Emaus. Et reliqua.

Omelia Beati Gregorii Pape.

IN cotidiana sollemnitate nobis laborantibus pauca loquenda sunt. Et fortasse hec utilius proderunt, quia sepe et alimenta que minus sufficiunt, avidius sumuntur. Ecce audistis fratres karissimi quia duobus discipulis ambulanti-bus in via, non quidem credentibus sed tamen de se loquentibus Dominus apparuit, sed eis speciem quam recognoscerent non ostendit. **Responsorium.**

MARIA Magdalene et altera

Maria ibant diluculo ad monumentum, Ihesum quem queritis non est hic, surrexit sicut locutus est, * Precedet vos in Galileam ibi eum videbitis alleluya alleluya. **℣.** Cito euntes dicite discipulis eius et Petro quia surrexit dominus. Precedet.

Lectio Secunda.

HOC ergo egit foris Dominus in oculis corporis, quod apud ipsos agebatur intus in oculis cordis. Ipsi namque apud semetipsos intus et amabant et dubitabant. Eis autem Dominus foris et presens aderat, et quis esset non ostendebat. De se ergo loquentibus presentiam exhibuit, sed de se dubitantibus cognitionis sue speciem abscondit.

℞. Surgens Ihesus dominus noster et stans in medio discipulorum suorum dixit, * Pax vobis alleluya gavisii sunt discipuli viso domino alleluya. **℣.** Una ergo sabbatorum cum fores essent clausae ubi erant discipuli congregati venit Ihesus et stetit in medio et dixit eis. Pax.

Lectio Tertia.

VERBA quidem contulit, duritiam intellectus increpavit, scripture sacre misteria quae de ipso erant aperuit, et tamen quia adhuc in eorum cordibus peregrinus erat a fide, ire se longius finxit. Fingere namque componere dicimus. Unde

et compositores luti figulos vocamus. Nichil ergo simplex Veritas per duplicitatem fecit, sed talem se eis exhibuit in corpore: qualis apud illos erat in mente.

℞. Congratulamini michi omnes qui diligitis dominum, quia quem querebam apparuit michi, * Et dum flerem ad monumentum vidi dominum meum, * Alleluya. **℣.** Recedentibus discipulis non recedebam et amoris eius igne succensa ardebam desiderio. Et. Gloria. Alleluya.

In Laudibus. Ant. Angelus autem. Hec sola antiphona dicatur cotidie per octavas in Laudibus super psalmos. Dicta post psalmos antiphona, statim incipiatur antiphona ad Ben., et hoc per totam ebdomadam observetur.

Ad Ben. Ant. Qui sunt hi sermones quos confertis ad invicem ambulantes et estis tristes, alleluya alleluya. **Oratio.**

DEUS qui sollemnitate Paschali mundo remedia contulisti, populum tuum quesumus celesti dono proseguere, ut et perfectam libertatem consequi mereatur, et ad vitam proficiat sempiternam. Per.

Hac die et sequentibus diebus per ebdomadam nisi in sabbato: Tercia et Sexta et Nona dicantur sicut in die Pasche cum propriis orationibus.

Ad Vesperas. ℞. Hec dies. **℣.**

Dicat nunc Israhel quoniam bonus, quoniam in seculum misericordia eius, Alleluya. **℣.** Nonne cor nostrum ardens erat in nobis de Ihesu dum nobis loqueretur in via. **Sequentia.** Victime.

Ad Mag. Ant. Nonne sic oportuit pati Christum et intrare in gloriam suam alleluya. **Postea sequitur antiphona, Christus et cetera sicut in precedenti die.**

Feria Tercia. In Nocturno. Ps. Domine deus meus. **Ps.** Domine dominus noster. **Ps.** In domino confido. **℣.** Surrexit dominus vere alleluya. **R.** Et apparuit Simoni alleluya.

Hic versiculus dicatur in nocturno feria tertia et sexta usque ad Ascensionem quando de tempore agitur.

Lectio Prima. Secundum Lucam.

IN illo tempore: Stetit Ihesus in medio discipulorum suorum, et dicit eis. Pax vobis. Et reliqua.

Omelia Venerabilis Bede Presbiteri.

GLORIAM resurrectionis sue paulatim discipulis et per incrementa temporis dominus et redemptor noster ostendit, quia nimirum tanta erat virtus miraculi, ut hanc repente totam capere fragilia mortalium pectora non possent.

R. Surrexit dominus de sepulchro alleluya, * Qui pro nobis peependit in ligno alleluya.

℣. Letentur celi et exultet terra ante faciem domini. Qui.

Lectio Secunda.

CONSULENS igitur ipse imbecillitati querentium, primo venientibus ad monumentum et feminis suo amore ferventibus et viris, revolutum lapidem, et ablato suo corpore linteamina quibus involutum erat, sola posita monstravit. Deinde curiosius inquirentibus feminis, et de eo quod invenerant mente consternatis, angelorum visionem ostendit, qui illum resurrexisse certa manifestatione patefacere, ac sic precurrente fama patrate resurrectionis, tandem ipse Dominus virtutum et rex glorie apparens, quanta potentia mortem quam ad horam gustaverat, devicisset, aperuit.

R. Tulerunt dominum meum et nescio ubi posuerunt eum, dicit ei angelus noli flere Maria, * Surrexit sicut dixit, precedet vos in Galileam ibi eum videbitis alleluya alleluya. **℣.** Dum ergo fleret inclinavit se et prospexit in monumentum et vidit duos angelos in albis sedentes qui dicunt ei. Surrexit.

Lectio Tertia.

QUANTUM autem ex evangelice lectionis serie invenimus, quinquies ipsa qua resurrexit die visus est hominibus. Primo Marie Magdalene ad monumentum, quando ei desideranti pedes eius amplex-

ti, dictum est, noli me tangere, nondum enim ascendi ad Patrem meum. Deinde apparuit duabus a monumento currentibus nunciare discipulis quae ab angelis de perfecta eius resurrectione didicerant, de quibus scriptum est, quia accesserunt et tenuerunt pedes eius, et adoraverunt eum.

R. Expurgate vetus fermentum ut sitis nova conspersio, etenim Pascha nostrum immolatus est Christus, * Itaque epulemur in domino alleluya. **V.** Non in fermento malicie et nequitie sed in azimis sinceritatis et veritatis. Itaque. Gloria. Alleluya.

Ad Ben. Ant. Stetit Ihesus in medio discipulorum suorum et dixit eis, pax vobis alleluya alleluya. **Oratio.**

DEUS qui ecclesiam tuam novo semper fetu multiplicas, concede famulis tuis, ut sacramentum vivendo teneant quod fide perceperunt. Per.

Ad Vesperas. Ant. R. Hec dies. **V.** Dicant nunc qui redempti sunt a domino quos redemit de manu inimici, de regionibus congregavit eos. Alleluya. **V.** Surrexit dominus et occurrens mulieribus ait, avete, tunc accesserunt et tenuerunt pedes eius.

Sequentia. Victimae.

Ad Mag. Ant. Videte manus meas et pedes meos quia ego ipse sum alleluya alleluya.

Post orationem sequitur ant.

Christus et cetera sicut in die Pasche.

Feria Quarta. In Nocturno. Ps. Salvum me fac. **Ps.** Usquequo domine. **Ps.** Dixit insipiens. **V.** Surrexit dominus de sepulchro alleluya. **R.** Qui pro nobis pendit in ligno alleluya.

Hic versiculus dicatur in nocturno feria quarta et sabbato usque ad Ascensionem quando de tempore agitur.

Lectio Prima. Secundum Iohannem.

IN illo tempore: Manifestavit se iterum Ihesus discipulis suis ad mare Tyberiadis: manifestavit autem sic. Erant simul Simon Petrus et Thomas qui dicitur Didimus et Nathanael qui erat Chana Galilee, et filii Zebedei, et alii ex discipulis eius duo. Et reliqua.

Omelia Beati Gregorii Pape.

LECTIO sancti evangelii quae modo in auribus vestris lecta est fratres karissimi questione animum pulsat, sed pulsatione sua vim discretionis indicat. Queri etenim potest cur Petrus qui piscator ante conversionem fuit, post conversionem ad piscationem rediit. Et cum Veritas dicat nemo mittens manum suam in aratrum et aspiciens retro aptus est regno Dei, cur repetiit quod dereliquit? **Responsorium.**

ECCE vicit leo de tribu Iuda radix David aperire librum et solvere septem signa-

culu eius, * Alleluya alleluya alleluya. *℣.* Et unus de senioribus dixit michi ne fleveris, dignus est agnus qui occisus est accipere virtutem et fortitudinem. Alleluya.

Lectio Secunda.

SED si virtus discretionis inspicitur, citius videtur quia nimirum negotium quod ante conversionem sine peccato extitit, hoc eciam post conversionem repetere culpa non fuit. Nam piscatorem Petrum, Matheum, vero thelonearium scimus. Post conversionem suam Petrus ad piscationem rediit, Matheus vero ad thelonei negotium non resedit, quia aliud est victum per piscationem querere, aliud autem thelonei lucris pecunias augere.

℞. Si consurrexistis cum Christo que sursum sunt querite ubi Christus est in dextera dei sedens, * Que sursum sunt sapite non que super terram, alleluya. *℣.* Mortui enim estis et vita vestra abscondita est cum Christo. Que.

Lectio Tertia.

SUNT enim pleraque negotia que sine peccato exerteri aut vix aut nullatenus possunt. Que ergo ad peccatum implicant, ad hec necesse est, ut post conversionem animus non recurat. Queri eciam potest cur discipulis in mari laborantibus post resurrectionem suam Dominus in littore stetit, qui ante resurrectionem suam

coram discipulis suis in maris fluctibus ambulavit.

℞. Surrexit pastor bonus qui posuit animam suam pro ovibus suis, * Et pro suo grege mori dignatus est, * Alleluya alleluya. *℣.* Etenim Pascha nostrum immolatus est Christus. Et. Gloria. Alleluya.

Ad Ben. Ant. Mittite in dexteram navigii rete et invenietis, alleluya. *Oracio.*

DEUS qui nos resurrectionis dominice annua sollemnitate letificas concede propicius, ut per temporalia festa que agimus, pervenire ad gaudia eterna mereamur. Per eundem.

Ad Vesperas. ℞. Hec dies. *℣.* Dexteram domini fecit virtutem, dextera domini exaltavit me. Alleluya. *℣.* Christus resurgens ex mortuis iam non moritur mors illi ultra non dominabitur.

Ad Mag. Ant. Hoc iam tercio manifestavit se Ihesus postquam resurrexit a mortuis alleluya.

Post orationem fiat memoria de cruce sicut in die Pasche excepto quod versus antiphone scilicet Dicant nunc Iudei, non dicatur, et hoc cotidie fiat in Vesperis usque ad Vesperas sabbati exclusive, memoria vero de Beata Virgine non fiat.

Feria Quinta. In Nocturno. Ps. Domine quis habitabit. *Ps.* Conserva me domine. *Ps.* Ex-

audi domine. **℣.** Resurrexit dominus.

Lectio Prima. Secundum Mattheum.

IN illo tempore: Maria stabat ad monumentum foris plorans, et reliqua.

Omelia Beati Gregorii Pape.

MARIA Magdalene que fuerat in civitate peccatrix, amando veritatem lavit lacrimis maculas criminis, et vox Veritatis impletur qua dicitur. Dimissa sunt ei peccata multa, quoniam dilexit multum. Que enim prius frigida peccando remanserat, postmodum amando fortiter ardebat. Responsorium sicut in secunda feria.

Lectio Secunda.

NAM postquam venit ad monumentum, ibique corpus dominicum non invenit, sublatum credidit, atque discipulis nunciavit. Qui venientes viderunt atque ita esse ut mulier dixerat crediderunt. Et de eis protinus scriptum est. Abierunt ergo discipuli ad semetipsos. Deinde subiungitur. Maria stabat ad monumentum foris plorans. Qua in re pensandum est huius mulieris mentem quanta vis amoris accenderat, que a monumento Domini etiam discipulis recedentibus non recedebat.

Lectio Tertia.

EXQUIREBAT Maria quem non invenerat. Flebat inquirendo, et amoris sui igne

succensa, eius quem ablatum credidit ardebat desiderio. Unde contigit, ut eum sola tunc videret que remansit ut quereretur, quia nimirum virtus boni operis perseverantia est.

Ad Ben. Ant. Maria stabat ad monumentum plorans, vidit duos angelos in albis sedentes, et sudarium quod fuerat super caput Ihesu alleluya.

DEUS qui diversitatem gentium in confessione tui nominis adunasti, da ut renatis fonte baptismatis, una sit fides mentium et pietas actionum. Per.

Ad Vesperas. R. Hec dies. **℣.** Lapidem quem reprobaverunt edificantes hic factus est in caput anguli a domino factum est et est mirabile in oculis nostris. **Alleluya. ℣.** In die resurrectionis mee dicit dominus precadam vos in Galileam.

Ad Mag. Ant. Tulerunt dominum meum et nescio ubi posuerunt eum, si tu sustulisti eum dicito michi alleluya, et ego eum tollam alleluya.

Feria Sexta. In Nocturno. Ps. Celi enarrant. **Ps.** Exaudiet te. **Ps.** Domine in virtute. **℣.** Surrexit dominus vere.

Lectio Prima. Secundum Mattheum.

IN illo tempore: Undecim discipuli abierunt in Galileam, in montem ubi constituerat illis Ihesus. Et reliqua.

Omelia Beati Hieronimi Presbiteri.

POST resurrectionem Ihesus in Galilea in monte conspicitur, ibique adoratur, licet quidam dubitent, et dubitatio eorum nostram augeat fidem. Tunc manifestius ostendit Thome et latus lancea vulneratum, et manus fixas demonstrat clavis. Responsoria ut in tertia feria.

Lectio Secunda.

ET accedens Ihesus: locutus est eis dicens. Data est michi omnis potestas, in celo et in terra. Illi potestas data est, qui paulo ante crucifixus, qui sepultus in tumulo, qui mortuus iacuerat, qui postea resurrexit. In celo autem et in terra ei potestas data est, ut qui ante regnabat in celo: per fidem credentium regnet in terris.

Lectio Tertia.

EUNTES ergo docete omnes gentes, baptizantes eos in nomine Patris et Filii et Spiritus sancti. Primum docent omnes gentes, deinde doctas intingunt aqua. Non enim potest fieri ut corpus baptismi recipiat sacramentum, nisi ante anima fidei susceperit veritatem.

Ad Ben. Ant. Undecim discipuli in Galilea videntes dominum adoraverunt alleluya. **Oratio.**

OMNIPOTENS sempiterne deus qui Paschale sacramentum in reconciliationis humane federe contulisti, da mentibus nostris ut quod pro-

fessione celebramus imitemur effectu. Per.

Ad Vesperas. R. Hec dies. **V.** Benedictus qui venit in nomine domini, deus dominus et illuxit nobis. **Alleluya. V.** Angelus domini descendit de celo et accedens revolvit lapidem et sedebat super eum.

Ad Mag. Ant. Data est michi omnis potestas in celo et in terra alleluya alleluya.

Sabbato. In Nocturno. Ps. Dominus regit me. **Ps.** Domini est terra. **Ps.** Iudica me domine. **V.** Surrexit dominus de sepulchro.

Lectio Prima. Secundum Iohannem.

IN illo tempore: Una sabbati Maria Magdalene venit mane cum adhuc tenebre essent ad monumentum, et vidit lapidem sublatum a monumento. Et reliqua.

Omelia Beati Gregorii Pape. ✠

LECTIO sancti Evangelii quam modo fratres audistis valde in superficie hystorica aperta est, sed eius nobis sunt mysteria sub brevitate requirenda. Maria Magdalene cum adhuc tenebre essent venit ad monumentum. Responsoria sicut in feria quarta.

Lectio Secunda.

IUXTA hystoriam notatur hora: iuxta intellectum vero mysticum requirentis signatur intelligentia. Maria enim actorem omnium quem carne

viderat mortuum, querebat in monumento. Et quia hunc minime invenit: furatum credit.

Lectio Tertia.

ADHUC ergo erant tenebre, cum venit ad monumentum. Cucurrit citius, discipulis nuntiavit. Sed illi pre ceteris cucurrerunt, qui pre ceteris amaverunt: Petrus videlicet et Iohannes. Currebant autem duo simul: sed Iohannes precucurrit citius Petro. Venit prior ad monumentum, sed ingredi non presumpsit. Venit vero posterior Petrus, et intraivit.

Ad Ben. Ant. Currebant duo simul et ille alius discipulus precucurrit citius Petro et venit prior ad monumentum alleluya.

CONCEDE quesumus omnipotens deus, ut qui festa Paschalia venerando egimus, per hec contingere ad gaudia eterna mereamur. Per.

Hac die non dicatur Responsorium, Hec dies ad horas sed ad Primam et alias horas dicatur post antiphonam loco Responsorii, Alleluya. V. Hec dies quam fecit dominus exultemus et letemur in ea. Post versum, Alleluya, non repetatur.

**Dominica in Octavis Pasche
Sabbato Precedenti**

Ad Vesperas. Deus in adiutorium. **Super psalmos Ant.** Alleluya alleluya alleluya. **Ps.** Benedictus dominus. **Ps.** Exalta-

bo te. II. **Ps.** Lauda anima mea. **Ps.** Laudate dominum. II. **Ps.** Lauda Hierusalem. **Capitulum.**

CHRISTUS resurgens ex mortuis iam non moritur, mors illi ultra non dominabitur, quod enim mortuus est peccato mortuus est semel quod autem vivit, vivit deo. **Ymnus.**

AD cenam agni providi et stolis albis candidi, post transitum maris rubri Christo canamus principi.

Cuius corpus sanctissimum in ara crucis torridum, cruore eius roseo gustando vivimus deo.

Protecti Pasche vespere a devastante angelo, erepti de durissimo Pharaonis imperio.

Iam Pascha nostrum Christus est, qui immolatus agnus est sinceritatis azima caro eius oblata est.

O vere digna hostia per quam fracta sunt Tartara, redempta plebs captivata reddita vite premia.

Consurgit Christus tumulo, victor redit de baratro, tyrannum trudens vinculo et reserans paradisum.

Quesumus actor omnium in hoc Paschali gaudio ab omni mortis impetu tuum defende populum.

Gloria tibi domine qui surrexisti a mortuis cum patre et sancto spiritu, in sempiterna secula. Amen.

Isti duo versus scilicet, Que-

sumus actor, et Gloria tibi domine qui surrexisti, dicantur in fine omnium Ymnorum eiusdem metri usque ad Primas Vesperas Ascensionis, nisi in Ymnis, Quem terra, et O Gloriosa, quando Annuntiatio post Pascha celebratur, et nisi in Ymnis Beati Petri Martiris, et Corone Domini, qui predicti omnis dicantur secundum quod in suis locis signatum est.

V. Mane nobiscum domine alleluya.

R. Quoniam advesperascit alleluya.

Hic ordo servetur omni die sabbati ad Vesperas usque ad Ascensionem scilicet de antiphona super psalmos, et de psalmis et de Capitulo, et de Ymno, et de Versiculo, quando de Dominica agitur.

Ad Mag. Ant. Cum esset sero die illa una sabbatorum et fores essent clause ubi erant discipuli congregati, stetit Ihesus in medio et dixit eis, pax vobis alleluya. **Oratio.**

PRESTA quesumus omnipotens deus, ut qui Paschalia festa peregrimus, hec te largiente moribus et vita teneamus. Per.

Postea fiat memoria de cruce. **Ant.** Crucem sanctam subiit qui infernum confregit accinctus est potentia surrexit die tertia alleluya. **V.** Dicite in nationibus alleluya. **Oratio,** Deus qui pro nobis.

Ad Completorium. Ant. Alleluya alleluya alleluya alleluya.

Ps. Cum invocarem. In te domine. Qui habitat. Ecce nunc. Predicta antiphona dicatur ad Completorium super psalmos per totum tempus Paschale nisi in Annuntiatione quando post Pascha celebrabitur. **Cap.** Tu in nobis.

R. In manus tuas domine commendo spiritum meum, * Alleluya alleluya. **V.** Redemisti me domine deus veritatis. Alleluya. Gloria. In manus. **Ymnus.**

IHESU nostra redemptio, amor et desiderium, deus creator omnium, homo in fine temporum.

Que te vicit clementia ut ferres nostra crimina, crudelem mortem patiens, ut nos a morte tolleres.

Inferni claustra penetrans, tuos captivos redimens, victor triumpho nobili ad dexteram patris residens.

Ipsa te cogat pietas, ut mala nostra superes parcendo, et voti compotes nos tuo vultu saties. Quesumus actor. Gloria tibi.

Iste Ymnus dicatur usque ad festum Sancte Trinitatis exclusive.

V. Custodi. **Ad Nunc. Ant.** Alleluya resurrexit. Predicta antiphona dicatur ad Nunc dimittis. usque ad Ascensionem exclusive nisi in Annuntiatione

quando post Pascha celebrabitur. Oratio Visita.

Ad Matutinas. Invitat. Alleluya, surrexit domine vere, * Venite adoremus alleluya.

Hoc invitatorium dicatur singulis Dominicis diebus usque ad Ascensionem quando de tempore agitur. Ymnus.

AURORA lucis rutilat celum laudibus intonat, mundus exultans iubilat, gemens infernus ululat.

Cum rex ille fortissimus mortis confractis viribus pede conculcans Tartara soluit a pena miseros.

Ille qui clausus lapide custoditur sub milite, triumphans pompa nobili victor surgit de funere.

Solutis iam gemitibus et inferni doloribus, quia surrexit dominus resplendens clamat angelus.

Tristes erant apostoli de nece sui domini, quem pena mortis crudeli servi damnarant impii.

Quesumus actor omnium in hoc Paschali gaudio ab omni mortis impetu tuum defende populum.

Gloria tibi domine qui surrexisti a mortuis cum patre et sancto spiritu, in sempiterna secula. Amen.

Antiphone psalmi, V, Responsoria, sicut in die Pasche.

Lectio Prima. Secundum Iohannem.

IN illo tempore: Cum esset sero

die illo una sabbatorum et fores essent clausae, ubi erant discipuli congregati propter metum Iudeorum, venit Iesus et stetit in medio et dicit eis. Pax vobis, et reliqua.

Omelia Beati Gregorii Pape.

PRIMA lectionis huius evangelice questio animum pulsatur, quomodo post resurrectionem corpus dominicum verum fuit quod clausis ianuis ad discipulos ingredi potuit. Sed sciendum nobis est quod divina operatio si ratione comprehenditur non est admirabilis, nec fides habet meritum cui humana ratio prebet experimentum.

Lectio Secunda.

SED hec ipsa redemptoris nostri opera que ex semetipsis comprehendi nequaquam possunt, ex alia eius operatione pensanda sunt, ut rebus mirabilibus fidem prebeant facta mirabiliora. Illud enim corpus Domini intravit ad discipulos ianuis clausis, quod videlicet ad humanos oculos per nativitatem suam clauso exiit utero Virginis.

Lectio Tertia.

QUID ergo mirum si ianuis clausis post resurrectionem suam in eternum iam victurus intravit, qui moriturus veniens non aperto utero Virginis exivit? Sed quia ad illud corpus quod videri poterat fides intuentium dubitabat,

ostendit eis protinus manus et latus. Palpandam carnem prebuit, quam clausis ianuis introduxit.

V. In resurrectione tua. In Laudibus antiphone sicut in die Pasche que etenim dicantur ad horas. **Cap.** Christus resurgens. **Ymnus.**

SERMONE blando angelus predixit mulieribus in Galilea dominus videndus est quam totius.

Ille dum pergunt concite apostolis hoc dicere, videntes eum vivere osculantur pedes domini.

Quo agnito discipuli in Galileam propere pergunt videre faciem desideratam domini.

Claro Paschali gaudio sol mundo nitet radio, cum Christum iam apostoli visu cernunt corporeo.

Ostensa sibi vulnera in Christi carne fulgida resurrexisse dominum voce fatentur publica.

Rex Christe clementissime tu corda nostra posside, ut tibi laudes debitas reddamus omni tempore.

Quesumus actor omnium in hoc Paschali gaudio ab omni mortis impetu tuum defende populum.

Gloria tibi domine qui surrexisti a mortuis cum patre et sancto spiritu, in sempiterna secula. Amen.

V. Gavisi sunt discipuli alleluya.

R. Viso domino alleluya.

Ad Ben. Ant. Post dies octo ianuis clausis ingressus dominus dixit eis pax vobis alleluya alleluya. **Oratio.** Presta quesumus, **Memoria de cruce.** **Ant.** Crucifixus surrexit a mortuis redemit nos alleluya alleluya. **V.** Dicite in nationibus. **Oratio.** Deus qui pro nobis.

Predicto modo in Vesperis et in Laudibus, post alias memorias que occurrerint preterquam de Beato Dominico: fiat memoria de cruce cotidie usque ad Vigiliam Ascensionis in Vesperis exclusive, nisi in Inventione Sancte Crucis et in festis totis duplicibus.

Ad Primam. R. Ihesu Christe fili dei vivi miserere nobis, * Alleluya alleluya. **V.** Qui surrexisti a mortuis alleluya.

Iste Versus dicatur cotidie usque ad Ascensionem exclamavit nisi in festo Annuntiationis quando post Pascha celebrabitur.

V. Exurge domine.

Ad Terciam. Cap. Christus resurgens.

R. Resurrexit dominus, * Alleluya alleluya. **V.** Sicut dixit vobis. Alleluya. Gloria. Resurrexit. **V.** Surrexit dominus vere.

Ad Sextam. Capitulum.

SI consurrexistis cum Christo que sursum sunt querite ubi Christus est in dextera dei sedens, que sursum sunt sapite non que super terram.

R. Surrexit dominus vere, * Alleluya alleluya. **V.** Et apparuit

Simoni. Alleluya. Gloria. Surrexit. **V.** Surrexit dominus de sepulchro.

Ad Nonam. Capitulum.

CUM autem Christus apparuerit vita vestra, tunc et vos apparebitis cum ipso in gloria.

R. Surrexit dominus de sepulchro, * Alleluya alleluya. **V.** Qui pro nobis pependit in ligno. Alleluya. Gloria. Surrexit. **V.** Gavi sunt.

Ad Vesperas. Super psalmos. Ant. Alleluya alleluya alleluya alleluya. **Ps.** Dixit dominus. Confitebor tibi. II. Beatus vir. II. Laudate pueri. In exitu.

Predicta antiphona cum psalmis dicatur omnibus Dominicis diebus usque ad Ascensionem quando de tempore agitur. Cap., Ymnus, V, ut in Primis Vesperis.

Ordo huius diei scilicet Ymnorum, Versiculorum, Capitulorum, Responsorium ad horas servetur usque ad Ascensionem exclusive tam in Dominicis quam in ferialibus diebus quando de tempore agitur.

Ad Mag. Ant. Quia vidisti me Thoma credidisti beati qui non viderunt et crediderunt alleluya.

Per ebdomadam quando de tempore agitur.

Ad Ben. Ant. Multa quidem et alia signa fecit Ihesus in conspectu discipulorum suorum

alleluya, que non sunt scripta in libro hoc alleluya.

Ad Mag. Ant. Hec autem scripta sunt ut credatis quia Ihesus est Christus filius dei, et ut credentes vitam habeatis in nomine ipsius alleluya.

FERIA Secunda et deinceps usque ad secundam feriam post Dominicam, Deus Omnium: non fiant prostrationes ad Matutinas nec ad alias horas.

Ad Matutinas. Invitat. Alleluya alleluya, * Alleluya. **Super psalmos Ant.** Alleluya.

Invitorium et antiphona predicta dicantur omnibus ferialibus diebus usque ad Ascensionem quando de feria agitur.

Ebdomada Prima post Octavas Pasche Psalmi ad Matutinas sunt hi.

Feria Secunda. Ps. Dominus illuminatio. **Ps.** Ad te domine. II. **Ps.** Afferte domino.

Feria Tercia. Ps. Dixi custodiam. **Ps.** Expectans expectavi. **Ps.** Beatus qui intelligit.

Feria Quarta. Ps. Dixit insipiens. II. **Ps.** Exaudi deus. **Ps.** Miserere mei. II.

Feria Quinta. Ps. Salvum me. **Ps.** Deus in adiutorium. **Ps.** In te domine. II.

Feria Sexta. Ps. Exultate deo. **Ps.** Deus stetit. **Ps.** Deus quis similis.

Sabbato. Ps. Cantate domino. II. **Ps.** Dominus regnavit irascantur. **Ps.** Iubilare deo. II.

Ebdomada Secunda. Feria Se-

cunda. **Ps.** Exaltabo te. I. **Ps.** In te domine. I. **Ps.** Beati quorum.

Feria Tercia. Ps. Quemadmodum. **Ps.** Deus auribus. **Ps.** Eructavit.

Feria Quarta. Ps. Miserere mei. III. **Ps.** Si vere utique. **Ps.** Eripe me.

Feria Quinta. Ps. Deus iudicium tuum. **Ps.** Quam bonus Israel. **Ps.** Ut quid deus.

Feria Sexta. Ps. Quam dilecta. **Ps.** Benedixisti domine. **Ps.** Inclina domine.

Sabbato. Ps. Misericordiam et iudicium. **Ps.** Domine exaudi. I. **Ps.** Benedic anima. I.

Ebdomada Tercia. Feria Secunda. Ps. Exultate iusti. **Ps.** Benedicam dominum. **Ps.** Iudica domine.

Feria Tercia. Ps. Deus noster refugium. **Ps.** Omnes gentes. **Ps.** Magnus dominus.

Feria Quarta. Ps. Deus repulisti. **Ps.** Exaudi deus. II. **Ps.** Nonne deo.

Feria Quinta. Ps. Confitebimur tibi. **Ps.** Notus in iudea. **Ps.** Voce mea ad dominum.

Feria Sexta. Ps. Fundamenta eius. **Ps.** Domine deus salutis. **Ps.** Misericordias domini.

Sabbato. Ps. Benedic anima. II. **Ps.** Confitemini domino. I. **Ps.** Confitemini domino. II.

Ebdomada Quarta. Feria Secunda. Ps. Dixit iniustus. **Ps.** Noli emulari. **Ps.** Domine ne in. II.

Feria Tercia. Ps. Audite hec. **Ps.** Deus deorum. **Ps.** Quid gloriaris.

Feria Quarta. Ps. Exaudi deus.

III. **Ps.** Iubilare deo. I. **Ps.** Exurgat deus.

Feria Quinta. Ps. Attendite popule meus. **Ps.** Deus venerunt gentes. **Ps.** Qui regis Israel.

Feria Sexta. Ps. Deus ultionum. **Ps.** Cantate domino, I. **Ps.** Dominus regnavit exultet.

Sabbato. Ps. Confitemini domino. III. **Ps.** Paratum cor meum. **Ps.** Deus laudem meam.

Feria secunda et tertia et quarta ebdomade quinte dicantur psalmi sicut in primis tribus feriis prime ebdomade post Octavas Pasche, quando de tempore agitur.

Feria secunda post Octavas Pasche incipitur hystoria, Dignus es, nisi festum impediat, et cantatur in hac ebdomada et duabus sequentibus quando de tempore agitur, et legitur de Apocalipsi.

Lectio Prima.

APOCALIPSIS Ihesu Christi quam dedit illi Deus palam facere servis suis que oportet fieri cito, et significavit mittens per angelum suum servo suo Iohanni, qui testimonium perhibuit verbo Dei, et testimonium Ihesu Christi quemcumque vidit. Beatus qui legit et audiunt verba prophetie huius, et servant ea que in ea scripta sunt. Tempus enim prope est. **Responsorium.**

DIGNUS es domine accipere librum et aperire signa-

cula eius, quoniam occisus es et redemisti nos deo, * In sanguine tuo alleluya. **V.** Fecisti enim nos deo nostro regnum et sacerdotes. In sanguine.

Lectio Secunda.

IOHANNES septem ecclesiis que sunt in Asia, gratia vobis et pax ab eo qui est, et qui erat, et qui venturus est, et a septem spiritibus qui in conspectu throni eius sunt, et a Ihesu Christo qui est testis fidelis, primogenitus mortuorum, et princeps regum terre. Qui dilexit nos, et lavit nos a peccatis nostris in sanguine suo, et fecit nos regnum et sacerdotes Deo et Patri suo. Ipsi gloria et imperium in secula seculorum. Amen.

R. Ego sicut vitis fructificavi suavitatem odoris alleluya, * Transite ad me omnes qui concupiscitis me, et a generationibus meis adimplemini alleluya alleluya. **V.** Ego diligentes me diligo, et qui mane vigilaverint ad me invenient me. Transite.

Lectio Tertia.

ECCE venit cum nubibus, et videbit eum omnis oculus, et qui eum pupugerunt. Et plangent se super eum omnes tribus terre. eciam amen. Ego sum alpha et ω , principium et finis dicit Dominus Deus: qui est, et qui erat, et qui venturus est omnipotens.

R. Audivi vocem in celo tanquam vocem tonitruum magni

alleluya, regnabit deus noster in eternum alleluya, * Quia facta est salus et virtus et potestas Christi eius, * Alleluya alleluya. **V.** Et vox de throno exivit dicens, laudem dicite deo nostro omnes sancti eius, et qui timetis deum pusilli et magni. Quia. Gloria. Alleluya.

In Laudibus. Ant. Alleluya alleluya. Hec antiphona dicatur in Laudibus usque ad Ascensionem tam in Dominicis diebus quam in ferialibus quando de tempore agitur. **Ps.** Dominus regnavit. et ceteri. Et dicantur per totum tempus Paschale.

Ad Primam. Ant. Cognoverunt dominum alleluya, in fractione panis alleluya.

Ad Terciam. Ant. Pax vobis ego sum alleluya nolite timere alleluya.

Ad Sextam. Ant. Ecce ego vobiscum sum alleluya omnibus diebus alleluya.

Ad Nonam. Ant. Noli flere Maria alleluya, resurrexit dominus alleluya.

Predictae antiphonae dicantur tam in Dominicis quam in ferialibus diebus ad horas usque ad Ascensionem quando de tempore agitur.

Ad Vesperas. Super psalmos. Ant. Alleluya.

Predicta antiphona dicatur super psalmos ad Vesperas, in ferialibus diebus usque ad

Ascensionem quando de tempore agitur.

Feria Tercia. Lectio Prima.

EGO Iohannes frater vester et particeps in tribulatione et regno et patientia in Ihesu, fui in insula que appellatur Pathmos propter verbum Dei et testimonium Ihesu, fui in spiritu in dominica die. Et audiui post me vocem magnam tanquam tube dicentis. Quod vides scribe in libro, et mitte septem ecclesiis, Epheso et Smirne, et Pergamo et Thyatyre et Sardis et Phyladelphie et Laodicie. **R.**

LOCUTUS est ad me unus de septem angelis dicens, veni ostendam tibi novam nuptam sponsam agni, * Et vidi Hierusalem descendentem de celo ornatam monilibus suis alleluya alleluya alleluya. **V.** Et sustulit me in spiritu, in montem magnum et altum. Et vidi.

Lectio Secunda.

ET conversus sum ut viderem vocem que loquebatur mecum. Et conversus vidi septem candelabra aurea, et in medio septem candelabrorum aureorum similem filio hominis vestitum podere, et precinctum ad mammillas zona aurea.

R. Audiui vocem in celo angelorum multorum dicentium, * Timete dominum et date claritatem illi, et adorete eum qui fecit celum et terram, mare et fontes aquarum alleluya alleluya. **V.** Vidi angelum dei vo-

lantem per medium celi, voce magna clamantem et dicentem. Timete.

Lectio Tertia.

CAPUT autem eius et capilli erant candidi tanquam lana alba, et tanquam nix, et oculi eius tanquam flamma ignis: et pedes eius similes auricalco sicut in camino ardenti. Et vox illius tanquam vox aquarum multarum. Et habebat in dextera sua stellas septem, et de ore eius gladius utraque parte acutus exhibat, et facies eius sicut sol lucet in virtute sua.

R. Ostendit michi angelus fontem aque vive, et dixit ad me alleluya, * Hic deum adora, * Alleluya alleluya alleluya. **V.** Postquam audissem et vidissem cecidi ut adorarem ante pedes angeli qui michi hec ostendebat et dixit michi. Hic. Gloria. Alleluya.

Sex premissae lectiones possunt resumari in aliis feriis. Vel potest legi a quarto capitulo usque ad sextum ad libitum.

Feria Quarta. Responsorium.

VIDI portam civitatis ad orientem positam, et apostolorum nomina et agni super eam scripta, * Et super muros eius angelorum custodiam, alleluya. **V.** Vidi civitatem sanctam Hierusalem descendentem de celo, ornatam tanquam sponsam viro suo. Et super.

R. Vidi Hierusalem descen-

dentem de celo ornatam auro mundo, * Et lapidibus preciosis intextam, alleluya alleluya.

V. Ab intus in fimbriis aureis circumamicta varietate. Et.

R. In diademate capitis Aaron lapides preciosi fulgebant, * Dum perficeretur opus dei, * Alleluya alleluya alleluya **V.** Corona aurea super caput eius expressa signo sanctitatis. Dum. Gloria. Alleluya.

Dominica Prima post Octavas

Pasche Sabbato Precedenti

Ad Magnificat. Antiphona. Hec autem. **Oratio.**

DEUS qui in filii tui humilitate iacentem mundum erexisti, fidelibus tuis perpetuam concede leticiam, ut quos perpetue mortis eripuisti casibus, gaudiis facias sempiternis perfrui. Per eundem.

Ad Matutinas. Super psalmos.

Ant. Surrexit Christus et illuxit populo quo quem redemit sanguine suo alleluya. **Ps.** Beatus vir. I. **Ps.** Quare fremuerunt. **Ps.** Domine quid.

Predicta antiphona cum suis psalmis dicatur in Dominicis diebus usque ad Ascensionem quando de tempore agitur.

Lectio Prima. Secundum Iohannem.

IN illo tempore: Dixit Ihesus discipulis suis. Ego sum pastor bonus. Bonus pastor animam suam dat pro ovibus suis. Et reliqua.

Omelia Beati Gregorii Pape.

AUDISTIS fratres karissimi ex lectione evangelica eruditionem vestram, audistis et periculum nostrum. Ecce enim is qui non ex accidenti dono sed essentialiter bonus est, dicit. Ego sum pastor bonus. Atque eiusdem bonitatis formam quam nos imitemur, adiungit, dicens. Bonus pastor animam suam ponit pro ovibus suis. **R.** Dignus.

Lectio Secunda.

FECIT quod monuit: ostendit quod iussit. Bonus pastor animam suam pro ovibus suis posuit, ut in sacramento nostro corpus suum et sanguinem verteret, et oves quas redemerat carnis sue alimento satiaret. Ostensa nobis est de contemptu mortis, via quam sequamur, apposita forma cui imprimamur. **R.** Ego sicut.

Lectio Tertia.

PIMUM nobis est exteriora nostra misericorditer ovibus impendere, postremum vero si necesse sit, etiam mortem nostram pro eisdem ovibus ministrare. A primo autem hoc minimo pervenitur ad postremum maius. Sed cum incomparabiliter longe sit melior anima qua vivimus, terrena substantia quam exterius posidemus: qui non dat pro ovibus substantiam suam, quando pro his daturus est animam suam? **R.** Audi.

Ad Ben. Ant. Ego sum pastor bonus qui pasco oves meas, et

pro ovibus meis pono animam
meam alleluya.

Ad Mag. Ant. Ego sum pastor
ovium, ego sum via et veritas,
ego sum pastor bonus, et co-
gnosco meas et cognoscunt me
mee alleluya alleluya.

Per ebdomadam quando de
tempore agitur.

Ad Ben. Ant. Pastor bonus ani-
mam suam ponit pro ovibus
suis alleluya.

Ad Mag. Ant. Alias oves ha-
beo que non sunt ex hoc ocu-
li et illas oportet me adducere,
et vocem meam audient, et fiet
unum ovile et unus pastor al-
leluya.

Feria Secunda. Lectio Prima.

ET vidi quod aperuisset
agnus unum de septem
signaculis, et audivi unum
de quatuor animalibus dicens
tanquam vocem tonitruum. Veni,
et vide. Et vidi, et ecce equus
albus, et qui sedebat super il-
lum habebat arcum. Et data est
ei corona: et exivit vincens ut
vinceret.

Lectio Secunda.

ET cum aperuisset sigillum
secundum, audivi secun-
dum animal dicens. Veni, et vi-
de. Et exivit alius equus rufus,
et qui sedebat super eum da-
tum est illi ut sumeret pacem
de terra, et ut invicem se inter-
ficiant. Et datus est illi gladius
magnus.

Lectio Tertia.

ET cum aperuisset sigillum

tercium, audivi tercium
animal dicens, Veni, et vide.
Et ecce equus niger, et qui se-
debat super eum habebat sta-
teram in manu sua. Et audivi
tanquam vocem in medio qua-
tuor animalium dicentium. Bi-
libris tritici denario, et tres bi-
libres ordeï denario: et vinum
et oleum. Ne leseris.

Feria Tercia. Lectio Prima.

ET cum aperuisset sigillum
quartum, audivi vocem
quarti animalis dicentis. Veni,
et vide. Et ecce equus pallidus,
et qui sedebat super eum no-
men illi mors, et infernus se-
quebatur eum. Et data est illi
potestas super quatuor partes
terre, interficere gladio, fame,
et morte, et bestiis terre.

Lectio Secunda.

ET cum aperuisset sigillum
quintum, vidi subtus alta-
re animas interfectorum prop-
ter verbum Dei, et propter te-
stimonium quod habebant. Et
clamabant voce magna dicen-
tes. Usquequo Domine sanctus
et verus non iudicas et vindi-
cas sanguinem nostrum de his
qui habitant in terra?

Lectio Tertia.

ET date sunt illis singule sto-
le albe, et dictum est illis
ut requiescerent tempus adhuc
modicum, donec compleantur
conservi eorum, et fratres eo-
rum, qui interficiendi sunt si-
cut et illi.

Lectiones alie feriales a sex-

to capitulo usque ad decimum octavum ad libitum.

**Dominica Secunda post
Octavas Pasche Sabbato
Precedenti**

Ad Mag. Ant. Alias. Oratio.

DEUS qui errantibus ut in viam possint redire iustitie veritatis tue lumen ostendis, da cunctis qui Christiana professione censentur, et illa respuere que huic inimica sunt nomini, et ea que sunt apta sectari. Per.

Lectio Prima. Secundum Iohannem.

IN illo tempore: Dixit Ihesus discipulis suis. Modicum et iam non videbitis me, et iterum modicum et videbitis me, quia vado ad patrem. Et reliqua.

Omelia Beati Augustini Episcopi.

HEC Domini verba ubi ait, modicum et iam non videbitis me, et iterum modicum et videbitis me, quia vado ad patrem, ita erant obscura discipulis antequam id quod dicit esset impletum, ut querentes inter se quid esset quod diceret omnino se nescire faterentur. Responsoria que in precedenti Dominica.

Lectio Secunda.

HOC est enim quod eos movebat, quia dixit modicum et non videbitis me, et iterum modicum et videbitis me. Nam in precedentibus, quia non dixerat modi-

cum, sed dixerat ad patrem vado, et iam non videbitis me, tanquam aperte illis visus est locutus, nec inter se de hoc aliquid quesierunt.

Lectio Tertia.

NUNC ergo quod illis tunc obscurum fuit, et mox manifestatum est, iam nobis utique manifestum est. Post paululum enim passus est, et non viderunt eum: rursus post paululum resurrexit, et viderunt eum.

Ad Ben. Ant. Modicum et non videbitis me dicit dominus, iterum modicum et videbitis me quia vado ad patrem alleluya alleluya.

Ad Mag. Ant. Iterum autem videbo vos et gaudebit cor vestrum alleluya, et gaudium vestrum nemo tollet a vobis alleluya.

Per ebdomadam quando de tempore agitur.

Ad Ben. Ant. Amen amen dico vobis quia plorabitis et flebitis vos mundus autem gaudebit, vos autem constribimini, sed tristitia vestra vertetur in gaudium alleluya.

Ad Mag. Ant. Tristitia implevit cor vestrum et gaudium vestrum nemo tollet a vobis alleluya alleluya.

Feria Secunda. Lectio Prima.

ET vidi angelum descendentem de celo, habentem potestatem magnam, et terra illuminata est a gloria eius, et

exclamavit in forti voce dicens. Cecidit, cecidit Babilon magna, et facta est habitatio demoniorum et custodia omnis spiritus immundi, et custodia omnis volucris immunde et odibilis, quia de ire fornicationis eius biberunt omnes gentes, et reges terre cum illa fornicati sunt, et mercatores terre de virtute deliciarum eius divites facti sunt.

Lectio Secunda.

ET audiavi aliam vocem de celo dicentem. Exite de illa populus meus, et ne participes sitis delictorum eius, et de plagis eius non accipiatis, quoniam pervenerunt peccata eius usque ad celum, et recordatus est Dominus iniquitatum eius.

Lectio Tertia.

REDDITE illi sicut ipsa reddidit vobis, et duplicate duplicia secundum opera eius. In poculo quo miscuit vobis, miscete illi duplum. Quantum glorificavit se, et in deliciis fuit, tantum date illi tormentum et luctum, quia in corde suo dicit. Sedeo regina, et vidua non sum, et luctum non videbo. Ideo in una die venient plage eius, mors et luctus et fames, et igni comburetur, quia fortis est Deus qui iudicabit illam.

Feria Tercia. Lectio Prima.

ET flebunt et plangent se super illam reges terre qui cum illa fornicati sunt et in deliciis vixerunt, cum viderint

fumum incendii eius, longe stantes propter timorem tormentorum eius dicentes. Ve ve civitas illa magna Babilon, civitas illa fortis, quoniam una hora venit iudicium tuum.

Lectio Secunda.

ET negotiatores terre flebunt, et lugebunt super illam, quoniam merces eorum nemo emet amplius, merces auri, et argenti, lapidis preciosi et margariti, et bissi, et purpure, et serici, et cocci, et omne lignum thyinum, et omnia vasa eboris, et omnia vasa de lapide precioso, et eramento et ferro et marmore, et cynamomum, et amomum, odoramentorum et unguenti, et thuris et vini, et olei, et simile, et tritici, et iumentorum et ovium et equorum, et redarum, et mancipiorum et animarum hominum.

Lectio Tertia.

ET poma desiderii anime tue discesserunt a te, et omnia pingua et preclara perierunt a te. Et amplius illa non invenient mercatores horum. Qui divites facti sunt ab ea longe stabunt propter timorem tormentorum eius, flentes ac lugentes ac dicentes. Ve ve civitas illa magna que amicta erat bysso et purpura et cocco, et deaurata est auro et lapide precioso et margaritis, quoniam una hora destitute sunt tante divitie.

Lectiones alie feriales a decimonono capitulo usque ad finem ad libitum.

Dominica Tercia post Octavas Pasche Sabbato Precedenti

Ad Vesperas. R. Viderunt. II. **Ad Magnificat. Antiphona.** Tristitia. **Oratio.**

DEUS qui fidelium mentes unius efficis voluntatis, da populis tuis id amare quod precipis, id desiderare quod promittis ut inter mundanas varietates ibi nostra fixa sint corda, ubi vera sunt gaudia. Per.

Ad Matutinas. Lectio Prima. Secundum Iohannem.

IN illo tempore: Dixit Ihesus discipulis suis. Vado ad eum qui me misit, et nemo ex vobis interrogat me quo vadis. Et reliqua.

Omelia Venerabilis Bede Prebiteri.

VADO inquit dominus ad eum qui me misit: et nemo ex vobis interrogat me quo vadis. Ac si aperte dicat. Revertar ascendendo ad eum qui me incarnari constituit, et tanta tamque manifesta erit eiusdem ascensionis claritas, ut nemini vestrum opus sit interrogare quo vadam, videntibus cunctis quia ad celos pergam.

Responsorium.

SI oblitus fuero tui alleluya, obliviscatur me dextera mea, * Adhereat lingua mea faucibus meis si non memine-

ro tui alleluya alleluya. **V.** Super flumina Babilonis illic sedimus et flevimus dum recordaremur tui Sion. Adhereat.

Lectio Secunda.

BENE autem cum de ascensione sua dixisset. vado ad eum qui me misit: addidit. Et nemo ex vobis interrogat me. quo vadis. Superius namque cum de sua passione protestaretur dicens, quo ego vado vos non potestis venire, interrogavit eum Petrus et ait. Domine quo vadis? Responsumque est ei. Quo ego vado non potes me modo sequi, sequeris autem postea. Quia nimirum passionis mortisque eius mysterium necdum intelligere: necdum poterant imitari. Maiestatem vero ascensionis statim ut viderunt cognoverunt, totisque animi votis, ut sequi mererentur optabant.

R. Viderunt te aque deus, viderunt te aque et timuerunt, * Multitudo sonitus aquarum vocem dederunt nubes alleluya alleluya alleluya. **V.** Illuxerunt coruscationes tue orbi terre, commota est et contremuit terra. Multitudo.

Lectio Tertia.

SED quia hec locutus sum vobis, tristitia implevit cor vestrum. Sciebat ipse Dominus quid hec sua verba in discipulorum cordibus agerent, quia videlicet tristitiam magis de abcessu quo eos desere-ret, quam de ascensu quo Pa-

trem peteret, leticiam generarent. Unde benigne consolando subiunxit. Sed ego veritatem dico vobis. Expedit vobis ut ego vadam. Expedit ut forma servi vestris subtrahatur aspectibus, quatenus amor divinitatis artius vestris infigatur mentibus.

R. Narrabo nomen tuum fratribus meis, alleluya in medio ecclesie, * Laudabo te, * Alleluya alleluya. **V.** Confitebor tibi in ecclesia magna, in populo gravi. Laudabo. Gloria. Alleluya.

Ad Ben. Ant. Vado ad eum qui misit me, sed quia hec loctus sum vobis tristitia implevit cor vestrum alleluya.

Ad Mag. Ant. Ego veritatem dico vobis, expedit vobis ut ego vadam, si enim non abiero Paracletus non veniet alleluya.

Per ebdomadam quando de tempore agitur.

Ad Ben. Ant. Adhuc multa habeo vobis dicere sed non potestis portare modo, cum autem venerit ille spiritus veritatis docebit vos omnem veritatem, alleluya.

Ad Mag. Ant. Ille me clarificabit quia de meo accipiet et annuntiabit vobis alleluya.

Feria Secunda. Lectio Prima.

IACOBUS Dei et Domini nostri Ihesu Christi servus, duodecim tribubus que sunt in dispersione, salutem. Omne gaudium existimate fratres

mei, cum in temptationes varias incideritis, scientes quod probatio fidei vestre patientiam operatur. Patientia autem opus perfectum habeat, ut sitis perfecti et integri in nullo deficientes. **R.** Si oblitus.

Lectio Secunda.

SQUIS autem vestrum indiget sapientia postulet a Deo, qui dat omnibus affluenter et non impropere: et dabitur ei. Postulet autem in fide nichil hesitans. Qui enim hesitat, similis est fluctui maris qui a vento movetur et circumfertur. Non ergo estimet homo ille, quod accipiat aliquid a Domino. Vir duplex animo: inconstans est in omnibus viis suis. **R.** Viderunt.

Lectio Tertia.

GLORIETUR autem frater humilis in exaltatione sua, dives autem in humilitate sua, quoniam sicut flos feni transibit. Exortus est enim sol cum ardore, et arefecit fenum, et flos eius decidit, et decor vultus eius deperiit. Ita et dives in itineribus suis marcescet. **R.** Narrabo.

Feria Tercia. Lectio Prima.

BEATUS vir qui suffert temptationem, quoniam cum probatus fuerit, accipiet coronam vite, quam repromisit Deus diligentibus se. Nemo cum temptatur, dicat quoniam a Deo temptor. Deus enim in-temptator malorum est. Ipse autem neminem temptat.

Unusquisque vero temptatur a concupiscentia sua, abstractus et illectus. Deinde concupiscentia cum conceperit parit peccatum. Peccatum vero cum consummatum fuerit, generat mortem. **R.**

IN toto corde meo alleluya, exquisivi te alleluya, * Ne repellas me a mandatis tuis alleluya alleluya. **V.** Benedictus es tu domine doce me iustificationes tuas. Ne repellas.

Lectio Secunda.

NOLITE itaque errare fratres mei dilectissimi. Omne datum optimum et omne donum perfectum desursum est, descendens a Patre luminum, apud quem non est transmutatio, nec vicissitudinis obumbratio. Voluntarie enim genuit nos verbo veritatis, ut simus initium aliquod creature eius.

R. In ecclesiis benedicite deo domino de fontibus Israhel, * Alleluya alleluya. **V.** Cantate domino canticum novum cantate dominio omnis terra. Alleluya.

Lectio Tertia.

SCITIS fratres mei dilectissimi. Sit autem omnis homo velox ad audiendum, tardus ad loquendum: et tardus ad iram. Ira enim viri iusticiam Dei non operatur. Propter quod abicientes omnem immundiciam et abundantiam malitie, in mansuetudine suscipite insitum verbum, quod potest salvare animas vestras.

R. Ymnum cantate nobis alleluya, * Quomodo cantabimus canticum domini in terra aliena, * Alleluya alleluya. **V.** Illic interrogaverunt nos qui captivos duxerunt nos verba cantionum. Quomodo. Gloria. Alleluya.

Lectiones alie feriales usque in finem canonicarum ad libitum.

Feria Quarta. Responsorium.

DEUS canticum novum cantabo tibi alleluya, * In psalterio decem cordarum psallam tibi alleluya alleluya. **V.** Deus meus es tu et confitebor tibi, deus meus es tu et exaltabo te. In psalterio.

R. Alleluya audivimus eam in Efrata invenimus eam in campis silve, * Introibimus in tabernaculum eius, adorabimus in loco ubi steterunt pedes eius alleluya alleluya. **V.** Surge domine in requiem tuam, tu et archa sanctificationis tue. Introibimus.

R. Deduc me in semita mandatorum tuorum alleluya, quoniam ipsam volui alleluya, * Inclina cor meum in testimonia tua, * Alleluya alleluya alleluya. **V.** Averte oculos meos ne videant vanitatem in via tua vivifica me. Inclina. Gloria. Alleluya.

Dominica Quarta post Octavas Pasche Sabbato Precedenti

Ad Mag. Ant. Ille me clarificabit. **Oratio.**

DEUS a quo bona cuncta pro-

cedunt largire supplicibus, ut cogitmus te inspirante que recta sunt et te gubernante eadem faciamus. Per.

Ad Matutinas. Lectio Prima. Secundum Iohannem.

IN illo tempore: Dixit Ihesus discipulis suis. Amen amen dico vobis, si quid pecieritis patrem in nomine meo, dabit vobis. Et reliqua.

Omelia Venerabilis Bede Presbiteri. ✠

POTEST movere infirmos auditores, quomodo in capite lectionis huius evangelice discipulis salvator promittat, si quid inquires pecieritis Patrem in nomine meo dabit vobis: cum non solum nostri similes multa que Patrem in Christi nomine videntur petere non accipiant, verum etiam ipse apostolus Paulus tercio Dominum rogaverit ut a se angelus Sathane a quo tribulabatur abscederet, nec impetrare potuerit. Responsoria que in precedenti Dominica.

Lectio Secunda.

SED huius motio questionis antiqua iam Patrum explanatione reserata est, qui veraciter intellexerunt illos solum in nomine Salvatoris petere, qui ea que ad perpetuam salutem pertinent, petunt, ideoque apostolum non in nomine salvatoris petisse ut temptatione careret quam ob custodiam humilitatis acceperat, quia si

hac caruisset salvus esse non posset.

Lectio Tertia.

QUOTIESCUNQUE ergo petentes non exaudimur, ideo fit: quia vel contra auxilium nostre salutis petimus, ac propterea a misericorde Patre beneficii gratia nobis quod inepte petimus negatur, vel utilia quidem et que ad veram salutem respiciant petimus, sed ipsi male vivendo auditum a nobis iusti Iudicis avertimus, vel dum pro peccantibus quibusquam ut resipiscant oramus, et si salubriter petimus, atque ex nostro merito digni sumus auditu, ipsorum tamen perversitas ne impetremus: obsistit.

Ad Ben. Ant. Usque modo non petistis quicquam in nomine meo, petite et accipietis alleluya.

Ad Mag. Ant. Petite et accipietis ut gaudium vestrum plenum sit, ipse enim pater amat vos quia vos me amastis et credidistis alleluya.

Feria Secunda in Rogationibus.

Ad Mat. Lectio Prima. Secundum Lucam.

IN illo tempore: Dixit Ihesus discipulis suis. Quis vestrum habebit amicum, et ibit ad illum media nocte, et dicet illi. Amice commoda michi tres panes quoniam amicus meus veniet de via ad me, et non ha-

beo quod ponam ante illum. Et reliqua.

Omelia Venerabilis Bede Presbiteri.

ROGATUS a discipulis salvator non modo formam orationis, sed et instantiam frequentiamque tradit orandi. Amicus ergo ad quem media nocte venit, ipse Deus intelligitur, cui in media tribulatione supplicare, et tres panes, id est intelligentiam Trinitatis qua presentis vite consolentur labores: efflagitare debemus. **R.** Si oblitus.

Lectio Secunda.

AMICUS qui venit de via, ipse noster est animus, qui toties a nobis recedit, quoties ad appetenda terrena et temporalia foris vagatur. Redit ergo, celestique alimonia refici desiderat, cum in se reversus superna ceperit ac spiritualia meditari. De quo pulchre qui petierat adiungit, non se habere quod ponat ante illum, quoniam anime post seculi tenebras Deum suspiranti: nil preter eum cogitare, nil loqui, nil libet intueri. Solum quod recognovit summe Trinitatis gaudium contemplari, atque ad hoc plenius intuendum pervenire satagit. **R.** Viderunt.

Lectio Tertia.

SEQUITUR. Et ille deintus respondens dicat. Noli michi molestus esse, iam ostium clausum est, et pueri mei

mecum sunt in cubili, non possum surgere, et dare tibi. Ostium amici, divini est intelligentia sermonis, quod sibi Apostolus orat aperiri ad loquendum mysterium Christi. Quod clausum est tempore famis verbi, cum intelligentia non datur. **R.** Narrabo.

Ad Ben. Ant. Petite et dabitur vobis, querite et invenietis pulsate et aperietur vobis alleluia. **Oratio.**

PRESTA quesumus omnipotens deus: ut qui in afflictione nostra de tua pietate confidimus, contra adversa omnia tua semper protectione muniamur. Per.

Hec oratio in hac die et sequenti ad Laudes dicantur, ad alias horas et ad Vesperas, oratio Dominicalis. Si festum simplex vel maius in hac feria secunda evenierit, predicta omelia legatur in tertia feria sequenti nisi aliud festum immediate occurrerit tunc enim omittitur.

Ad Mag. Ant. Omnis qui petit accipit, et qui querit invenit et pulsanti aperietur alleluia.

Avitus archiepiscopus Vionensis quem Gingnadius nominat inter viros illustres, et fuit successor beati Mammeriti qui tempore Clodovei regis invenit observantiam rogationum. ✠

Feria Tercia. Lectio Prima.

TEMPORIBUS beati Mammeriti archiepiscopi Vion-

nensis apud Viennam contigerunt incendia crebra, terremotus assidui, nocturni sonitus, populosis hominum conventibus fere silvestres se ingerebant, in tantum ut pavidi cervi per angusta portarum usque ad fori loca penetrarent. Tracta sunt hec usque ad noctem vigiliarum dominice Resurrectionis. In qua cum sperarent homines hec finem habere, edes publica quam precelsa in civitatis vertice sublimitas in immensum pretulerat: flammis terribilibus conflagrare crepusculo cepit. **R.** In toto corde.

Lectio Secunda.

INTERPOLATUR sollemnitas, pleno timoribus populo ecclesia vacuatur. Perstitit autem invictus antistes festivis altaribus, et calore fidei succensus: flumine lacrimarum permissam ignibus potestatem compescuit, et tunc concepit animo: quicquid hodie psalmis ac precibus mundus inclamat. **R.** In ecclesiis.

Lectio Tertia.

EVOLUTA autem sollemnitate, secreta collatione tractavit quomodo aut quando fieri deberet quod animo conceperat. Eligitur tempus inter Ascensionem Domini et Dominicam precedentem, et cum maxima compunctione et devotione et multitudine populi huiusmodi observantia inchoatur. Secute sunt tandem quedam ecclesie Gallia-

rum rem tam commendabilis exempli, licet non eisdem temporibus. Tandem crescente sacerdotum concordia, ad idem tempus observantia est redacta. **R.** Ymnum cantate.

Antiphona ad Ben. et oratio sicut in precedenti feria secunda.

Ad Mag. Ant. Omnis qui petit. Ut supra in secunda feria.

In Vigilia Ascensionis

Ad Mat. Invitatorium, Ymnus, **V,** Ut supra.

Lectio Prima. Secundum Iohannem.

IN illo tempore: Sublevatus Ihesus oculis in celum: dixit. Pater venit hora: clarifica filium tuum ut filius tuus clarificet te. Et reliqua.

Omelia Beati Augustini Episcopi.

POTERAT Dominus noster unigenitus et coeternus Patri in forma servi et ex forma servi si hoc opus esset orare silentio, sed ita se Patri exhibere voluit precatorem, ut meminisset se esse nostrum doctorem. Proinde quam fecit orationem pro nobis, notam fecit et nobis: quoniam tanti magistri nostri non solum apud ipsos sermocinatio, sed etiam pro ipsis ad Patrem oratio discipulorum est edificatio. **R.** Deus canticum.

Lectio Secunda.

IN hoc autem quod dicit venit hora, ostendit omne tempus, et quid quando faceret vel

fieri sineret, ab illo esse dispositum qui tempori subditus non est, quoniam que futura fuerant per singula tempora, in Dei sapientia causas efficientes habent in qua nulla sunt tempora. **R.** Alleluya audivimus.

Lectio Tertia.

NON ergo credatur hec hora fato urgente venisse, sed Deo potius ordinante, nec sidera necessitas Christi connexuit passionem. Absit enim ut sidera mori cogerent siderum conditorem. Non itaque Christum tempus ut moreretur impegit, sed tempus Christus quo moreretur elegit: qui etiam tempus quo de Virgine natus est cum Patre constituit de quo sine tempore natus est.

R. Deduc me.

Ad Ben. Ant. Clarifica me pater apud temet ipsum claritate quam habui priusquam mundus fieret alleluya. **Oratio.**

PRESTA quesumus omnipotens deus: ut nostre mentis intentio quo sollemnitatis ventura gloriosus actor ingressus est semper intendat, et quo fide pergit: conversatione perveniat. Per eundem. Hore diei ut supra cum oratione de vigilia.

Ad Vesperas. Super psalmos.

Ant. Ascendens Christus in altum captivam duxit captivitatem dedit dona hominibus al-

leluya. **Ps.** Laudate pueri. cum ceteris. **Capitulum.**

PPRIMUM quidem sermonem feci de omnibus o Theophile que cepit Ihesus facere et docere, usque in diem qua precipiens Apostolis per spiritum sanctum quos elegit, assumptus est. **R.** Omnis pulchritudo.

II. Ymnus.

ETERNE rex altissime redemptor et fidelium, quo mors soluta deperit, datur triumphus gratie.

Scandens tribunal dextere patris, potestas omnium collata est Ihesu celitus que non erat humanitus.

Ut trina rerum machina celestium terrestrium, et infernorum condita flectat genu iam subdita.

Tremuit videntes angeli versa vice mortalium, culpat caro purgat caro, regnat deus dei caro.

Tu esto nostrum gaudium qui es futurus premium, sit nostra in te gloria per cuncta semper secula.

Gloria tibi domine qui scandis supra sidera cum patre et sancto spiritu, in sempiterna secula. Amen.

Isti duo versus, scilicet, Tu esto, et Gloria tibi domine qui scandis, dicantur in fine omnium ymnorum eiusdem metri usque ad Vigiliam Pentecosten in Vesperis exclusive, nisi in festo Corone.

V. Elevata est magnificentia tua alleluya. **V.** Super celos deus alleluya.

Ad Mag. Ant. Pater manifestavi nomen tuum hominibus quos dedisti michi, nunc autem per eis rogo non pro mundo, quia ad te vado alleluya.

Oratio. Presta quesumus omnipotens deus ut nostre.

Ad Nunc Dimittis. Ant. Alleluya, ascendens Christus in altum alleluya, captivam duxit captivitatem alleluya alleluya.

Hec antiphona dicatur super Nunc Dimittis usque ad Completorium Vigilie Pentecostes exclusive.

In Die Ascensionis Domini

In die ad Matutinas. Invitat. Alleluya Christum dominum ascendentem in celum, * Venite adoremus alleluya.

Ymnus. Eterne.

In Nocturno. Ant. Elevata est magnificentia tua super celos deus alleluya. **Ps.** Domine dominus noster. **Ant.** Dominus in templo sancto suo, dominus in celo alleluya. **Ps.** In domino confido. **Ant.** A summo celo egressio eius et occursum eius alleluya. **Ps.** Celi enarrant. **V.** Elevata est.

Lectio Prima. Secundum Marcum.

IN illo tempore: Recumbentibus undecim discipulis apparuit illis Ihesus, et exprobrauit incredulitatem illorum et duritiam cordis, quia iis qui vi-

derant eum resurrexisse non crediderant. Et reliqua.

Omelia Beati Gregorii Pape.

QUOD resurrectionem dominicam discipuli tarde crediderunt, non tam illorum infirmitas quam nostra ut ita dicam futura firmitas fuit. Ipsa namque resurrectio illis dubitantibus per multa argumenta monstrata est. Que dum nos legentes agnoscimus? quid aliud quam de eorum dubitatione solidamur?

POST suam per dies quadraginta apparens eis et loquens de regno dei alleluya, et videntibus illis elevatus est alleluya, * Et nubes suscepit eum ab oculis eorum alleluya.

V. Et convescens precepit eis ab Hierosolimis ne discederent sed expectarent promissionem patris. Et nubes.

Lectio Secunda.

MINUS enim michi Maria Magdalene prestitit que citius credidit, quam Thomas qui diu dubitavit. Ille etenim dubitando vulnere cicatrices tetigit, et de nostro pectore dubietatis vulnus amputavit. Ad insinuandam quoque veritatem dominice resurrectionis notandum nobis est, quid Lucas referat dicens. Convescens precepit eis a Hierosolimis ne discederent. Et post pauca. Videntibus illis elevatus est, et nubes suscepit eum ab oculis eorum.

R. Omnis pulchritudo domini exaltata est super sidera, species eius in nubibus celi, * Et nomen eius in eternum permanet alleluya. **V.** A summo celo egressio eius et occursus eius usque ad summum eius. Et.

Lectio Tertia.

NOTATE verba, signate mysteria. Convalescens elevatus est. Comedit et ascendit, ut videlicet per effectum comestitionis: veritas patesceret carnis. Marcus vero priusquam celum Dominus ascendat, eum de cordis atque infidelitatis duritia increpasse discipulos commemorat.

R. Viri Galilei quid admiramini aspicientes in celum, * Quemadmodum vidistis eum ascendentem in celum ita veniet, * Alleluya alleluya alleluya. **V.** Cumque intuerentur in celum euntem illum ecce duo viri astiterunt iuxta illos in vestibus albis qui et dixerunt. Quemadmodum. Gloria. Alleluya.

V. Ascendo ad patrem meum et patrem vestrum alleluya. **V.** Deum meum et deum vestrum alleluya.

Hic versiculus dicatur cotidie per octavas quando de ipsis agitur, et in Octava die.

In Laudibus. Ant. Viri Galilei quid aspiciatis in celum, hic Ihesus qui assumptus est a vobis in celum sic veniet alleluya. **Ps.** Dominus regnavit.

Ant. Cumque intuerentur in celum euntem illum dixerunt alleluya. **Ant.** Elevatus manibus ferebatur in celum et benedixit eis alleluya. **Ant.** Exaltate regem regum et ymnum dicite deo alleluya. **Ant.** Videntibus illis elevatus est et nubes suscepit eum in celum alleluya. **Cap.** Primum quidem. **Ymnus.**

TU Christe nostrum gaudium manens olimpo preditum, mundi regis, qui fabricam mundana vincens gaudia. **Hinc** te precantes quesumus ignosce culpis omnibus, et corda sursum subleva ad te superna gratia.

Ut cum rubente ceperis clarere nube Iudicis, penas repellas debitas reddas coronas perditas.

Tu esto nostrum gaudium qui es futurus premium, sit nostra in te gloria per cuncta semper secula.

Gloria tibi domine qui scandis supra sidera cum patre et sancto spiritu, in sempiterna secula. Amen.

V. A summo celo egressio eius alleluya. **R.** Et occursus eius usque ad summum eius, alleluya.

Ad Ben. Ant. Ascendo ad patrem meum et patrem vestrum deum eum et deum vestrum, alleluya. **Oratio.**

CONCEDE quesumus omnipotens deus, ut qui hodierna die unigenitum tuum redemptorem nostrum ad ce-

los ascendisse credimus, ipsi quoque mente in celestibus habitemus. Per eundem. Ad horas antiphone Laudis.

Ad Primam. R. Ihesu Christe. **V.** Qui scandis supra sidera. Iste versus dicatur cotidie usque ad Pentecosten exclusive.

Ad Terciam. Cap. Primum quidem.

R. Elevata est magnificentia tua, * Alleluya alleluya. **V.** Super celos deus. Alleluya. Gloria. Elevata.

V. Ascendit deus in iubilatione alleluya. **R.** Et dominus in voce tube alleluya.

Ad Sextam. Capitulum.

ET convescens precepit eis ab Hierosolimis ne discederent, sed expectarent promissionem patris quam audistis inquit per os meum.

R. Ascendit deus in iubilatione, * Alleluya alleluya. **V.** Et dominus in voce tube. Alleluya. Gloria. Ascendit.

V. Ascendens Christus in altum alleluya. **R.** Captivam duxit captivitatem alleluya.

Ad Nonam. Capitulum.

VIRI Galilei quid statis aspicientes in celum, hic Ihesus qui assumptus est a vobis in celum, sic veniet quemadmodum vidistis eum euntem in celum.

R. Ascendens Christus in altum, * Alleluya alleluya. **V.** Captivam duxit captivitatem. Alleluya. Gloria. Ascendens.

V. A summo celo.

Predicto modo dicantur hore per octavas quando de Ascensione agitur.

Ad Vesperas. Super psalmos.

Ant. Viri Galilei. **Ps.** Dixit dominus. **Ps.** Confitebor tibi. II. **Ps.** Beatus vir. II. **Ps.** Laudate pueri. **Ps.** Laudate dominum o. g. Hi psalmi dicantur per octavas quando de octavis agitur cum predicta antiphona et capitulo, Primum quidem, et ymno, Eterne rex, et V. Elevata.

Ad Mag. Ant. O rex glorie domine virtutem qui triumphator hodie super omnes celos ascendisti, ne derelinquas nos orphanos sed mitte promissum patris in nos, spiritum veritatis alleluya.

Feria Sexta. Ad Matutinas. Invitat. Ascendens Christus in altum, * Alleluya.

Hoc invitatorium dicatur per octavas quando de octavis agitur, nisi in Dominica, Ymnus sicut in die Ascensionis.

Super psalmos. Ant. Exaltare domine in virtute tua cantabimus et psallemus, alleluya.

Ps. Domine in virtute. **Ps.** Exaltabo te. I. **Ps.** Omnes gentes.

V. Ascendit deus in iubilatione alleluya.

Sermo Beati Bernardi. Lectio Prima. ✠

SOLLEMPNITAS ista fratres karissimi gloriosa est et gaudiosa, in qua et Christo gloria et nobis leticia exhibetur.

Consummatio enim et adimpletio est reliquarum sollemnitatum, et felix clausura totius itinerarii filii Dei. Qui enim descendit ipse est et qui ascendit hodierna die super omnes celos, ut adimpleret omnia.

SI enim non abiero Praclitus non veniet ad vos, si autem abiero mittam eum ad vos, cum autem venerit ille docebit vos omnem veritatem, * Alleluya. **V.** Non enim loquetur a semetipso, sed quecumque audiet loquetur, et que ventura sunt annuntiabit vobis. Alleluya.

Lectio Secunda.

IAM cum se dominum universorum que sunt in terra et in mari et in inferno probasset filius Dei, non restabat nisi ut aeris et celorum se esse dominum comprobaret. Terra enim cognovit Dominum, quia ad vocem eius Lazarum mortuum reddidit. Cognovit mare, quia solidum se prebuit sub pedibus eius. Cognovit infernus, cuius ipse portas ereas confregit, ubi et ligavit insatiabilem homicidam.

R. Ascendens in altum alleluya, captivam duxit captivitatem, * Dedit dona hominibus alleluya alleluya. **V.** Ascendit deus in iubilatione et dominus in voce tube. Dedit.

Lectio Tertia.

AD claudendam igitur tunicam tuam inconsutilem Domine Ihesu, ad perficien-

dam fidei nostre integritatem: restat ut videntibus discipulis per medium aeris sicut aeris dominus ascendas super omnes celos, et tunc probabitur quia Dominus universorum tu es, et iam tibi profecto debebitur ut in nomine tuo omne genu flectatur, celestium, terrestrium, et infernorum, et omnis lingua confiteatur, quia tu es in gloria et in dextera Patris.

R. Non relinquam vos orphanos alleluya vado et venio ad vos, * Et gaudebit cor vestrum alleluya alleluya. **V.** Ego rogabo patrem et alium Paraclytum dabit vobis. Et. Gloria. Alleluya.

Per octavas quando de octavis agitur, ant. Viri Galilei, sola dicatur in Laudibus, nisi in Dominica et in octava die. Et Cap., Ymnus, V, et Oratio de die Ascensionis. Sequentes vero antiphone dicantur per octavas eciam in Dominica.

Ad Ben. vel ad memoriam in Laudibus. Ant. Rogabo patrem meum et alium Paraclytum dabit vobis alleluya.

Ad Mag. vel ad memoriam in Vesperis. Ant. Euntes in mundum universum predicate evangelium omni creature alleluya, qui crediderit et baptizatus fuerit salvus erit alleluya, qui vero non crediderit condemnabitur, alleluya.

Sabbato. Ad Matutinas. Super psalmos. Ant. Nimis exaltatus

es alleluya super celos deus, alleluya. **Ps.** Dominus regnavit exultet. **Ps.** Dominus regnavit irascantur. **Ps.** Benedic anima. I. **V.** Ascendens Christus in altum alleluya. Idem in eodem.

Lectio Prima.

QUANTUS putatis fratres dolor et timor irruerit apostolica pectora, cum viderunt dominum a se tolli, et attolli in aera, et si angelico comitatum obsequio non tamen fultum auxilio, sed gradientem in multitudine fortitudinis sue? Dolor nimius erat quia videbant illum propter quem omnia reliquerant a suis aspectibus tolli, ut non possent ablato sponso sponsi filii non lugere. Timor: quia orphani relinquebantur in medio Iudeorum necdum confirmati virtute ex alto. **Responsorium.**

EXALTARE domine alleluya, * In virtute tua alleluya. **V.** Cantabimus et psallemus. In virtute.

Lectio Secunda.

BENEDICENS ergo eis ferebatur in celum, forte concussis illius singularis misericordie visceribus, cum miseros suos et pauperem suam scollam relinqueret. Quam digna ista processio ad quam nec ipsi apostoli digni fuerunt admitti, cum et animarum sanctarum et celestium virtutum triumphali pompa deductus est ad Patrem. Vere adimplevit om-

nia, quia natus inter homines et cum hominibus conversatus, ab hominibus, et pro hominibus passus et mortuus est, et resurrexit: ascendit et sedet ad dexteram Dei.

R. Ponis nubem ascensum tuum domine, * Qui ambulas super pennas ventorum alleluya. **V.** Confessionem et decorem induisti amictus lumine sicut vestimento. Qui.

Lectio Tertia.

VERUNTAMEN quid michi et sollemnitatibus istis? Quis me consolabitur Domine Ihesu, quia te non vidi cruce suspensum, plagis lividum, pallidum morte, quia non sum crucifixo compassus, obsecutus mortuo, ut saltem lacrimis meis loca illa vulnerum delinirem? Quomodo me dereliquisti insalutatum, cum te in alta celorum recepisti? Prorsus renuisset consolari anima mea: nisi me angeli in voce exultationis prevenissent, qui dixerunt. Hic Ihesus qui assumptus est a vobis in celum, sic veniet quemadmodum vidisti eum euntem in celum.

R. Non conturbetur cor vestrum, ego vado ad patrem, et dum assumptus fuero a vobis: mittam vobis alleluya spiritum veritatis, * Et gaudebit cor vestrum, * Alleluya. **V.** Ego rogabo patrem et alium Paraclitum dabit vobis. Et. Gloria. Alleluya.

Dominica Infra Octavis

Ad Mat. Invitat, Ymnus, V, ac psalmi, Responsoria, sicut in die Ascensionis.

Lectio Prima. Secundum Iohannem.

IN illo tempore: Dixit Ihesus discipulis suis. Cum venerit Paraclytus quem ego mittam vobis a patre, spiritum veritatis qui a patre procedit, ille testimonium perhibebit de me. Et reliqua.

Omelia Venerabilis Bede Presbiteri. ✠

NOTANDUM in primis quod Dominus Spiritum veritatis et a se mittendum esse testatur, et eundem mox a Patre procedere subiungit, non quia idem Spiritus aliter a Patre procedit quam cum a Filio mittitur, sed ideo eum Filius a se mitti et a Patre dicit procedere, ut aliam Patris, aliam esse suam personam designet, atque ut in eadem distinctione personarum unam esse operationem ac voluntatem suam cum voluntate Patris et operatione denunciaret.

Lectio Secunda.

CUM enim eiusdem Spiritus gratia datur hominibus, mittitur profecto Spiritus a Patre, mittitur et a Filio, procedit a Patre, procedit et a Filio, quia eius missio ipsa processio est qua ex Patre procedit et Filio. Venit et sua sponte, quia sicut coequalis est Patri et Filio, ita eandem habet

voluntatem cum Patre et Filio communem. Spiritus enim ubi vult spirat, et sicut Apostolus enumeratis donis celestibus ait, hec omnia operatur unus atque idem Spiritus dividens singulis prout vult.

Lectio Tertia.

ADVENIENS autem Spiritus testimonium de Domino perhibuit, quia discipulorum cordibus aspirans, omnia que de illo erant sentienda mortalibus, clara illis luce revelavit, quod videlicet equalis et consubstantialis Patri erat ante secula, quod consubstantialis factus est nobis in fine seculorum: quod de Virgine natus sine peccato vixit in mundo, quod quando voluit, et qua morte voluit transivit de mundo, quod veraciter mortem resurgendo destruxit, veram in qua passus et resurrexit carnem ad celos ascendendo levavit, atque in paterne dextera gloria constituit: quod omnia prophetarum scripta illi testimonium perhibent, quod confessio nominis eius usque ad fines erat propaganda terrarum, ceteraque fidei illius mysteria Spiritus sancti testimonio sunt reserata discipulis.

In Laudibus Ant. Viri Galilei, cum ceteris.

Ad Ben. Ant. Rogabo. Oratio. Concede.

Ad Memoria de Dominica. Ant. Cum venerit Paraclitus quem ego mittam vobis spiritum ve-

ritatis qui a patre procedit ille testimonium perhibebit de me alleluya. **V.** Ascendit deus in iubilatione alleluya. **Oratio.**

OMNIPOTENS sempiternus deus fac nos tibi semper et devotam gerere voluntatem, et maiestati tue sincero corde servire. Per.

In Vesperis. Ad Mag. Ant. Euntes.

Ad Memoria de Dominica. Ant. Hec locutus sum vobis, ut cum venerit hora eorum reminiscimini quia ego dixi vobis alleluya. **V.** Ascendens Christus in altum alleluya. **Oratio** ut supra. **Feria secunda, tertia et quarta et in octava repetantur lectiones de sexta feria et de sabbato supra notate.**

Feria Secunda. At Mat. Super psalmos. Ant. Dominus in templo sancto suo dominus in celo alleluya. **Psalmi, V, Responsoria sicut in die Ascensionis.**

Feria Tercia. At Mat. Super psalmos. Ant. Exaltabo te domine quoniam suscepisti me alleluya. **Psalmi, V, Responsoria sicut in precedenti feria sexta.**

Feria Quarta. At Mat. Super psalmos. Ant. Dominus in Syon alleluya magnus et excelsus alleluya. **Psalmi, V, Responsoria sicut in precedenti sabbato.**

In Octava Ascensionis
Fiat sicut in Festo Simplicii. In

Vesperis precedentibus super psalmos ant. Viri, psalmi, Dixit dominus. et ceteri. Cetera omnia ad Vesperas et ad Matutinas et ad horas sicut in die Ascensionis excepto quod Responsorium in Primis Vesperis non dicitur, et preces dicuntur in Completorio et in Prima.

Feria Sexta post Octavam Ascensionis. Ad Mat. Invitati Alleluya alleluya, * Alleluya. **Ymnus.** Eterne rex. **Super psalmos. Ant.** Regnabit deus super gentes deus sedet super sedem sanctam suam alleluya. **Psalmi, V, et Responsoria sicut in precedenti feria sexta.**

Lectio Prima.

IN diebus illis reversi sunt Apostoli Hierosolimam a monte qui vocatur Oliveti qui est iuxta Hierusalem, sabbati habens iter. Et cum introissent in cenaculum, ascenderunt ubi manebant Petrus et Iohannes: Iacobus et Andreas, Philippus et Thomas, Bartholomeus et Matheus, Iacobus Alphei et Simon Zelotes et Iudas Iacobi. Hi omnes erant perseverantes unanimiter in oratione cum mulieribus et Maria matre Iesu et fratribus eius.

Lectio Secunda.

IN diebus illis exurgens Petrus in medio fratrum, dixit. Erat autem turba hominum fere centum viginti. Viri fratres oportet impleri Scripturam quam predixit Spiritus Sanctus per os David de

Iuda qui fuit dux eorum qui comprehenderunt Ihesum, qui connumeratus erat in nobis, et sortitus est sortem ministerii huius.

Lectio Tertia.

ET hic quidem possedit agrum de mercede iniquitatis, et suspensus crepuit medius, et diffusa sunt omnia viscera eius. Et notum factum est omnibus habitantibus Hierusalem, ita ut appellaretur ager ille lingua eorum Acheldemach, hoc est ager sanguinis. Scriptum est enim in libro psalmorum. Fiat commoratio eorum deserta, et non sit qui habitet in ea, et episcopatum eius accipiat alter.

Non dicatur hac die nec sequenti, Te Deum. nisi festum fuerit quia quasi de feria agitur.

℟. Ascendo ad patrem. In Laudibus. Ant. Viri Galilei, sola dicatur. Cap., Ymnus, ℣, de Ascensione.

Ad Ben. Ant. Cum venerit Paraclytus quem ego mittam vobis spiritum veritatis qui a patre procedit: ille testimonium perhibebit de me alleluya. Oratio de Dominica.

Ad Primam Ant. Viri, Cap. Pacem et veritatem. Ad ceteras horas diei antiphone, Capitula, Responsoria, ℣, de Ascensione oratio de Dominica.

Ad Vesperas. Antiphona, psalmi, Cap., Ymnus, ℣, de Ascensione.

Ad Mag. Ant. Hec locutus sum

vobis, ut cum venerit hora eorum reminiscamini quia ego dixi vobis alleluya. Oratio de Dominica. Si festum in hac sexta feria evenerit nulla memoria fiat de Ascensione.

In Vigilia Pentecostes

Ad Matutinas. Invitat. Alleluya alleluya, * Alleluya. Ymnus. Eterne rex. Super psalmos. Ant. Dominus in celo alleluya paravit sedem suam alleluya. Psalmi, ℣, et Responsoria sicut in sabbato precedenti.

Lectio Prima. Secundum Iohannem.

IN illo tempore: Dixit Ihesus discipulis suis. Si diligitis me: mandata mea servate. Et ego rogabo patrem et alium Paraclytum dabit vobis. Et reliqua.

Omelia Venerabilis Bede Presbiteri.

QUIA sancti Spiritus hodie fratres karissimi celebramus adventum, debemus ipsi congruere sollemnitati quam colimus. Hoc etenim ordine tanta festivitatis huius digne gaudia celebramus, si nos quoque Domino opitulante aptos reddiderimus ad quos Spiritus sanctus advenire, et in quibus habitare dignetur.

Lectio Secunda.

EA autem solummodo ratione adventu et illustratione sancti Spiritus apti existimus, si et corda nostra divino amore repleta, et corpora sint Dominicis mancipata precep-

tis. Unde in exordio lectionis huius Evangelice discipulis veritas ait. Si diligitis me mandata mea servate, et ego rogabo Patrem et alium Paraclytum dabit vobis.

Lectio Tertia.

PARACLITUS quippe consolator interpretatur. Et Spiritus sanctus recte Paraclytus vocatur, quia corda fidelium ne inter huius seculi adversa deficiant: celestis vite desiderii sublevat ac reficit. Unde in actibus apostolorum crescente sancta ecclesia dicitur. Et edificabatur ambulans in timore Domini, et consolatione Spiritus sancti replebatur.

In Laudibus. Super psalmos.

Ant. Viri Galilei. **Ps.** Dominus regnavit. cum ceteris. Cap., Ymnus, V, ut in Ascensione.

Ad Ben. Ant. Si diligitis me mandata mea servate alleluya alleluya alleluya. **Oratio.**

PRESTA quesumus omnipotens deus ut claritatis tue super nos splendor effulgeat et lux tue lucis corda eorum qui per gratiam tuam renati sunt sancti spiritus illustratione confirmet. Per, eiusdem.

Hore diei ut in precedenti sexta feria cum oratione de vigilia.

Ad Vesperas. Super psalmos.

Ant. Veni sancte spiritus reple tuorum corda fidelium, et tui amoris in eis ignem accende, qui per diversitatem linguarum multarum gentes in

unitatem fidei congregasti alleluya alleluya. **Ps.** Lauda anima mea. **Ps.** Laudate dominum. II. **Ps.** Lauda Hierusalem. **Capitulum.**

FACTUS est repente de celo sonus tanquam advenientis spiritus vehementes, et replevit totam domum ubi erant apostoli sedentes. **R.** Repleti sunt. II. **Ymnus.**

BEATA nobis gaudia, anni reduxit orbita, cum spiritus Paraclytus effulsit in discipulos.

Ignis vibrante lumine, lingue figuram detulit, verbis ut essent proflui et caritate fervidi.

Linguis loquuntur omnium, turbe pavent gentilium, musto madere deputant quos spiritus repleverat.

Patrata sunt hec mystice Pasche peracto tempore, sacro dierum numero quo lege fit remissio.

Te nunc deus pissime vultu precamur cernuo, illapsa nobis celitus largire dona spiritus.

Dudum sacrata pectora tua replesti gratia, dimitte nunc pecamina et da quietia tempora.

Sit laus patri cum filio sancto simul Paraclyto nobisque mittat filius karisma sancti spiritus. Amen.

Isti duo versus scilicet, Dudum sacrata, et Sit laus, dicantur in fine Ymnorum per totam ebdomadam nisi in Ymno, Veni

creator. In quo tantum dicitur,
Sit laus.

V. Repleti sunt omnes spiritu
sancto alleluya. **R.** Et ceperunt
loqui alleluya.

Ad Mag. Ant. Non vos relin-
quam orphanos alleluya, va-
do et venio ad vos alleluya, et
gaudebit cor vestrum alleluya.

Oratio. Presta quesumus.

Ad Completorium. Ant. Alle-
luya alleluya alleluya alleluya.

Ps. Cum invocarem. In te do-
mine. Ecce nunc. et dicantur
usque ad sabbatum exclusive.

Ad Nunc Dimittis. Ant. Alle-
luya, spiritus Paraclytus alle-
luya, docebit vos omnia alle-
luya alleluya. Hec antiphona
dicatur usque ad Completo-
rium sequentis sabbati exclu-
sive.

In Die Pentecostes

In Die ad Matutinas. Invitato-
rium. Alleluya, Spiritus domi-
ni replevit orbem terrarum, *
Venite adoremus alleluya.

IAM Christus astra ascende-
rat regressus unde vene-
rat, promissum patris munere
sanctum daturus spiritum.

Sollemnis surgebat dies quo
mystico septemplici orbis vo-
lutus septies signat beata tem-
pora.

Dum hora cunctis tercia re-
pente mundus intonat, oran-
tibus apostolis deum venisse
nunciat.

De patris ergo lumine decorus
ignis missus est, qui fida Chri-

sti pectora calore verbi com-
plevit.

Dudum sacrata pectora tua re-
plesti gratia, dimitte nunc pec-
camina et da quietia tempora.

Sit laus patri cum filio sancto
simul Paraclyto nobisque mit-
tat filius karisma sancti spiri-
tus. Amen.

Ant. Factus est repente de celo
sonus advenientis spiritus ve-
hementis alleluya alleluya. **Ps.**

Magnus dominus. **Ant.** Confir-
ma hoc deus quod operatus es
in nobis a templo sancto tuo
quod est in Hierusalem alle-
luya alleluya. **Ps.** Exurgat deus.

Ant. Emitte spiritum tuum et
creabuntur et renovabis faciem
terre alleluya alleluya. **Ps.** Be-

nedic anima. II. **V.** Repleti sunt.

Lectio Prima. Secundum Io-
hannem.

IN illo tempore: Dixit Ihesus
discipulis suis. Si quis diligit
me sermonem meum servabit,
et pater meus diliget eum, et ad
eum veniemus, et mansionem
apud eum faciemus. Et reliqua.

Omelia Beati Gregorii Pape.

LIBET fratres karissimi
evangelice verba lectio-
nis sub brevitate transcurrere,
ut post diutius liceat in con-
templatione tante sollemnita-
tis immorari. Hodie namque
Spiritus sanctus repentino so-
nitu super discipulos venit,
mentesque carnalium in sui
amorem permutavit. **R.**

DUM complerentur dies

Pentecostes erant omnes pariter dicentes alleluya, et subito factus est sonus de celo alleluya, * Tanquam spiritus vehemens replevit totam domum alleluya alleluya. **V.** Dum ergo essent discipuli in unum congregati propter metum Iudeorum sonus repente de celo venit super eos. Tanquam.

Lectio Secunda.

ET foris apparentibus linguis igneis, intus facta sunt corda flammantia, quia dum Deum in ignis visione suscipiunt, per amorem suaviter arserunt. Ipse namque Spiritus sanctus amor est. Unde et Iohannes dicit. Deus caritas est. Qui ergo mente integra Deum desiderat, profecto iam habet quem amat. Neque enim posset Deum quisquam diligere: si eum quem diligit non haberet.

R. Repleti sunt omnes spiritu sancto et ceperunt loqui prout spiritus sanctus dabat eloqui illis, * Et convenit multitudo dicentium alleluya. **V.** Loquebantur variis linguis apostoli magnalia dei. Et.

Lectio Tertia.

SED ecce si unusquisque vestrum requiratur an diligat Deum, tota fiducia et secura mente respondet. Diligo. In ipso autem lectionis exordio audistis quid Veritas dicat. Siquis diligit me sermonem meum servabit. Probatio ergo dilectionis, exhibitio

est operis. Hinc in epistola sua idem Iohannes dicit. Qui dicit quia diligo Deum, et mandata eius non custodit: mendax est. Vere enim Deum diligimus, si mandata eius servamus.

R. Spiritus sanctus procedens a throno apostolorum pectora invisibiliter penetravit, novum sanctificatione signum, * Ut in ore eorum omnium genererentur linguarum, Alleluya. **V.** Advenit ignis divinus non comburens sed illuminans et tribuit eis karismatum dona. Ut. Gloria. Alleluya. Te Deum. et **V.** Emitte. dicantur per totam ebdomadam.

In Laudibus. Ant. Dum complerentur dies Pentecostes erant omnes pariter dicentes alleluya. **Ps.** Dominus regnavit. **Ant.** Spiritus domini replevit orbem terrarum alleluya.

Ant. Repleti sunt omnes spiritu sancto et ceperunt loqui alleluya. **Ant.** Fontes et omnia que moventur in aquis ymnus dicite deo alleluya. **Ant.** Loquebantur variis linguis apostoli magnalia dei alleluya alleluya.

Capitulum. Factus est repente. **Ymnus.**

IMPLETA gaudent viscera afflata sancto spiritu, voces diversas intonant, fantur dei magnalia.

Ex omni gente cogniti, Grecis, Latinis barbaris, cunctisque admirantibus linguis loquuntur omnibus.

Iudea tunc incredulia, vesana torvo spiritu, ructare musti crapulam alumnos Christi concrepat.

Sed signis et virtutibus occurrit et docet Petrus, falsa profari perfidos Iohelis testimonio.

Dudum sacrata pectora tua replesti gratia, dimitte nunc pecamina et da quietia tempora.

Sit laus patri cum filio sancto simul Paraclyto nobisque mittat filius karisma sancti spiritus. Amen.

V. Spiritus Paraclytus alleluya.

R. Docebit vos omnia alleluya.

Ad Ben. Ant. Accipite spiritum sanctum, quorum remiseritis peccata remittuntur eis alleluya. **Oratio.**

DEUS qui hodierna die corda fidelium sancti spiritus illustratione docuisti, da nobis in eodem spiritu recta sapere, et de eius semper consolatione gaudere. Per, eiusdem.

Ad Primam. R. Ihesu Christe. **V.** Qui sedes.

Ad Terciam. Ymnus.

VENI creator spiritus, mentes tuorum visita, imple superna gratia que tu creasti pectora.

Qui Paraclitus diceris, donum dei altissimi, fons vivus, ignis, caritas et spiritalis unctio.

Tu septiformis munere, dextre dei tu digitus, tu rite promisso patris sermone ditans guttura.

Accende lumen sensibus, in-

funde amorem cordibus, infirma nostri corporis virtute firmans perpeti.

Hostem repellas longius, pacemque dones protinus, ductore sic te previo vitemus omne noxium.

Per te sciamus da patrem, noscamus atque filium, te utriusque spiritum credamus omni tempore.

Sit laus patri cum filio sancto simul Paraclyto nobisque mittat filius karisma sancti spiritus. Amen.

Iste Ymnus dicatur per totam ebdomadam ad Terciam. Capitulum. Factus est.

R. Repleti sunt omnes spiritu sancto, * Alleluya alleluya. **V.** Et ceperunt loqui. Alleluya. Gloria. Repleti.

V. Loquebantur variis linguis apostoli alleluya. **R.** Magnalia dei alleluya.

Ad Sextam. Capitulum.

APPARUERUNT apostolis dispersite lingue tnaquam ignis, seditque supra singulos eorum spiritus sanctus.

R. Loquebantur variis linguis apostoli, * Alleluya alleluya. **V.** Magnalia dei. Alleluya. Gloria. Loquebantur.

V. Spiritus domini replevit orbem terrarum alleluya. **R.** Et hoc quod continet omnia scientiam habet vocis alleluya.

Ad Nonam. Capitulum.

FACTA autem hac voce con-

venit multitudo et mente confusa est, quoniam audiebat unusquisque lingua sua illos loquentes.

R. Spiritus domini replevit orbem terrarum, * Alleluya alleluya. **V.** Et hoc quod continet omnia scientiam habet vocis. Alleluya. Gloria. Spiritus.

V. Spiritus Paraclytus alleluya.

Ad Vesperas. Ant. Dum complerentur. **Ps.** Dixit dominus.

Ps. Confitebor tibi. II. **Ps.** Beatus vir. II.

Predicta antiphona et hi tres psalmi dicantur cotidie ad Vesperas usque ad Vesperas sequentes Sabbati exclusive. Cap., Ymnus, V, ut in inprimis Vesperis.

Ad Mag. Ant. Hodie completi sunt dies Pentecostes alleluya, hodie spiritus sanctus in igne discipulis apparuit, et tribuens eis karismatum dona misit eos in universum mundum predicare et testificari, qui crediderit et baptizatus fuerit, salvus erit, alleluya.

Feria Secunda et per ebdomad. At Mat. Invit. Repleti sunt omnes spiritu sancto, * Alleluya

Ymnus. Iam Christus **In Nocturno. Ant.** Factus.

Ceteris diebus dicantur cetere sicut sunt in ordine et cum dicte fuerint reincipiantur. Psalmi sicut in precedenti die et dicantur per totam ebdomad.

V. Repleti sunt.

Lectio Prima. Secundum Iohannem.

IN illo tempore: Dixit Ihesus discipulis suis. Sic deus dilexit mundum, ut filium suum unigenitum daret, ut omnis qui credit in eum non pereat, sed habeat vitam eternam. Et reliqua.

Omelia Beati Augustini Episcopi. †

NOTANDUM quod eadem de filio Dei unigenito replicat, que de filio hominis in cruce exaltato promiserat dicens: ut omnis qui credit in eum non pereat: sed habeat vitam eternam. Profecto idem conditor et redemptor noster, filius Dei ante secula existens, filius hominis factus est in fine seculorum, ut qui per divinitatis sue potentiam creaverat ad perfruendam vite perennnis beatitudinem, ipse per fragilitatem humanitatis nostre nos restauraret ad recipiendam quam perdidimus vitam. **R.**

IAM non dicam vos servos sed amicos meos, quia omnia cognovistis que operatus sum in medio vestri alleluya, * Accipite spiritum sanctum in vobis Paraclytum, ipse est quem pater mittet vobis alleluya. **V.** Quorum remiseritis peccata remittuntur eis. Accipite.

Lectio Secunda.

SEQUITUR autem. Non enim

misit Deus filium suum in mundum ut iudicet mundum: sed ut salvetur mundus per ipsum. Ergo quantum in medico est, sanare venit egrotum. Ipse autem se interimit, qui precepta medici servare non vult.

R. Disciplinam et sapientiam docuit eos dominus alleluya, firmavit in illis gratiam spiritus sui, Et intellectu adimplevit corda eorum alleluya alleluya. **V.** Repentino namque soniotu spiritus sanctus super eos venit. .

Lectio Tertia.

VENIT salvator in mundum. Quare salvator dictus est mundi, nisi ut salvet mundum non ut iudicet mundum? Salvatori non vis ab ipso: ex te iudicaberis. Vide quid ait. Qui credit in eum non iudicatur. Qui autem non credit, quid dicturum putas nisi iudicetur? Quid addidit? Iam inquit, iudicatus est. Nondum apparuit iudicium, sed iam factum est iudicium. Novit enim Dominus qui sunt eius.

R. Ultimo festivitatis die dicebat Ihesus qui in me credit flumina de ventre eius fluent aque vive, * Alleluya. **V.** Hoc autem dicebat de spiritu quem accepturi erant credentes in eum. . Gloria. .

In Laudibus per ebdomadam
hec sola antiphona. Dum complerentur. Cap. Factus est. Ymnus. Impleta. **V.** Spiritus Paraclitus.

Ad Ben. Ant. Sic deus dilexit mundum ut filium suum unigenitum daret, ut omnis qui credit in ipsum non pereat sed habeat vitam eternam alleluya.

Oratio.

DEUS qui apostolis tuis sanctum dedisti spiritum: concede plebi tue petitionis effectum, ut quibus dedisti fidem, largiaris et pacem. Per, eiusdem.

Ad horas antiphona, Cap., Responsoria, V. de die precedenti et dicantur per totam ebdomadam. Ad Vesperas antiphona, psalmi, Cap., Ymnus, V. sicut in die precedenti et dicantur per totam ebdomadam.

Ad Mag. Ant. Non enim misit deus filium suum in mundum ut iudicet mundum sed ut salvetur mundus per ipsum alleluya.

Feria Tercia. V. Loquebantur.

Lectio Prima. Secundum Iohannem.

IN illo tempore: Dixit Ihesus discipulis suis. Amen amen dico vobis, qui non intrat per ostium in ovile ovium sed ascendit aliunde, ille fur est et latro. Et reliqua.

Omelia Beati Augustini Episcopi. ✠

DOMINUS de grege suo et de ostio quo intratur ad ovile similitudinem posuit in hodierna lectione. Dicant ergo Pagani. Bene vivimus. Si per ostium non intrant, quid eis

prodest unde gloriantur? Ad hoc enim debet unicuique prodesse bene vivere, ut detur illi semper vivere. **R.**

LOQUEBANTUR variis linguis apostoli alleluya magna-lia dei, * Prout spiritus sanctus dabat eloqui illis alleluya.

V. Repleti sunt omnes spiritu sancto et ceperunt loqui. Prout.

Lectio Secunda.

QUID enim prodest bene vivere, cui non datur semper vivere? Quia nec bene vivere dicendi sunt, qui finem bene vivendi, vel cecitate nesciunt, vel inflatione contempnunt. Non est autem cuiquam spes vera et certa semper vivendi nisi agnoscat vitam que est Christus, et per ianuam intret in ovile. Querunt ergo plerumque tales homines persuadere hominibus ut bene vivant, et christiani non sunt. Per aliam partem volunt ascendere, rapere et occidere, non ut pastor conservare atque salvare.

Lectio Tertia.

R. Apparuerunt apostolis dispersite lingue tanquam ignis alleluya, * Seditque supra singulos eorum spiritus sanctus alleluya alleluya. **V.** Spiritus domini replevit totam domum ubi erant sedentes apostoli. Seditque.

FUERUNT quidam philosophi de virtutibus atque vitiis subtilia multa tractan-

tes, dividentes, diffinientes, ratiocinationes, acutissimas concludentes, libros implentes, sapientiam suam buccis crepantibus ventilantes: qui etiam dicere auderent hominibus. Nos sequimini, sectam nostram tenete, si vultis beate vivere. Sed quia non intrabant per ostium, perdere volebant, mactare, et occidere.

R. Spiritus domini replevit orbem terrarum, * Et hoc quod continet omnia scientiam habet vocis * Alleluya alleluya.

V. Omnium est enim artiphex omnem habens virtutem omnia prospiciens. Et. Gloria. Alleluya.

Ad Ben. Ant. Amen amen dico vobis qui non intrat per ostium in ovile ovium sed ascendit aliunde ille fur est et latro, qui autem intrat per ostium pastor est ovium, alleluya. **Oratio.**

ASSIT nobis quesumus domine virtus spiritus sancti, que et corda nostra clementer expurget, et ab omnibus tueatur adversis. Per, eiusdem.

Ad Mag. Ant. Ego sum ostium dicit dominus, per me si quis introierit salvabitur et pascua inveniet, alleluya.

Feria Quarta. V. Spiritus domini.

IN illo tempore: Dixit Ihesus turbis Iudeorum. Nemo potest venire ad me nisi pater qui misit me traxerit eum. Et reliqua.

Omelia Beati.

MAGNA gratie commendatio. Nemo venit nisi tractus. Quem trahat et quem non trahat, quare illum trahat et illum non trahat, noli velle iudicare, si non vis errare. Semel accipe et intellige. Nondum traheris: ora ut traharis.

R.

ADVENIT ignis divinus non comburens sed illuminans non consumens sed lucens et invenit corda discipulorum receptacula munda, * Et tribuit eis karismatum dona alleluya alleluya. **V.** Invenit eos concordēs caritate et illustravit eos inundans divinitas deitatis. Et tribuit.

Lectio Secunda.

QUID hic dicemus fratres? Si trahimur ad Christum: ergo inviti credimus. Ergo violentia adhibetur, non voluntas excitatur. Noli te cogitare invitum trahi. Invitus non trahitur animus sed amore. Est quedam voluptas cordis, cui dulcis est ille panis celestis.

R. Facta autem hac voce convenit multitudo et mente confusa est, quia audiebat unusquisque lingua sua, * Illos loquentes magnalia dei alleluya alleluya alleluya. **V.** Nonne ecce omnes isti qui loquuntur Galilei sunt, et quomodo nos audivimus unusquisque lingua sua. Illos.

Lectio Tertia.

PORRO si poete dicere licuit,

trahit sua quemque voluptas, non obligatio sed delectatio, quanto fortius nos dicere debemus trahi hominem ad Christum qui delectatur veritate, delectatur beatitudine, delectatur iusticia, delectatur eterna vita, quod totum Christus est? Da amantem et sentit quod dico. Da desiderantem, da serventem, da in ista solitudine peregrinantem atque sicientem, et ad fontem eterne patrie suspirantem, da talem, et scit quid dicam. Ramum viridem ostendis ovi, et trahis eam.

R. Spiritus sanctus replevit totam domum ubi erant apostoli et apparuerunt illis dispartite lingue tanquam ignis seditque supra singulos eorum, * Et repleti sunt omnes spiritu sancto, * Alleluya alleluya alleluya. **V.** Dum essent discipuli in unum congregati propter mecum Iudeorum sonus repente de celo venit super eos. Et. Gloria. Alleluya.

Ad Ben. Ant. Amen amen dico vobis qui credit in me habet vitam eternam, alleluya, alleluya. **Oratio.**

MENTES nostras quesumus domine Paraclytus qui a te procedit illuminet, et inducat in omnem sicut tuus promisit filius veritatem. Qui tecum, eiusdem.

Ad Mag. Ant. Ego sum panis vivus qui de celo descendi, si-

quis manducaverit ex hoc pane vivet in eternum, et panis quem ego dabo caro mea est pro mundi vita alleluya alleluya.

Feria Quinta. Versiculus et Responsoria de Secunda Feria.

Lectio Prima. Secundum Lucam.

IN illo tempore: Convocatis Ihesus duodecim apostolis dedit illis virtutem et potestatem super omnia demonia, et ut languores curarent. Et reliqua.

Omelia Beati Ambrosii Episcopi.

QUALIS debeat esse qui evangelizat regnum Dei precipitur, preceptis evangelicis designatur, ut sine virga, sine pera, sine calciamento, sine pane, sine pecunia, hoc est subsidii secularis adminicula non requirens, fideique tutus putet sibi quo minus ea requirat magis posse suppetere.

Lectio Secunda.

QUE possunt qui volunt ad eum derivare tractatum: ut spiritalem tantummodo locus iste formare videatur affectum: qui velut indumentum quoddam videatur corporis exuisse non solum potestate reiecta contemptisque divitiis, sed etiam carnis ipsius illecebris abdicatis.

Lectio Tertia.

HIS primo omnium datur

pacis atque constantie generale mandatum, ut pacem ferant, constantiam servant, hospitalis necessitudinis iura custodiant, alienum a predicatore regni celestis astruens cursitare per domos, et inviolabilis hospitii iura mutare.

Ad Ben. Ant. Convocatis Ihesus duodecim apostolis dedit illis virtutem, et potestatem super omnia demonia, et ut languores curarent et misit illos predicare regnum dei et sanare infirmos alleluya alleluya. **Oratio.**

PRESTA quesumus omnipotens et misericors deus, ut spiritus sanctus adveniens templum nos glorie sue dignanter inhabitando perficiat. Per, eiusdem.

Ad Mag. Ant. Egressi duodecim apostoli circuibant per castella evangelizantes et curantes ubique, alleluya alleluya.

Feria Sexta. Versiculus et Responsoria de Feria Tercia.

Lectio Prima. Secundum Lucam.

IN illo tempore: Factum est in una dierum, et Ihesus sedebat docens. Et erant Pharisei sedentes et legis doctores qui venerant ex omni castello Galilee et Iudee et Hierusalem. Et reliqua.

Omelia Beati Ambrosii Episcopi.

NON ociosa huius Paraclitici nec angusta medicina est, quando dominus et orasse

premittitur, non utique propter suffragium sed propter exemplum. Imitandi enim specimen dedit, non impetrandi ambitum requisivit.

Lectio Secunda.

ET convenientibus ex omni Galilea et Iudea et Hierusalem legis doctoribus, inter ceterorum remedia debilius, paralitici istius medicina describitur. Primum omnium quod ante diximus unusquisque eger petende precatores salutis debet adhibere, per quos vite nostre compago resoluta, actuumque nostrorum clauda vestigia verbi celestis remedio refoventur.

Lectio Tertia.

SINT igitur aliqui monitores mentis qui animum hominis quamvis exterioris corporis debilitate torpentem ad superiora erigant. quorum rursus adminiculis et attollere et humiliare se facili, ante Ihesum locetur, dominico videri dignus aspectu. Humilitatem enim respicit dominus, quia respexit humilitatem ancille sue.

Ad Ben. Ant. Factum est in una diebus, et Ihesus sedebat docens, et erant Pharisei sedentes et legis doctores qui venerant ex omni castello Galilee et Iudee et Hierusalem, et virtus erat domini ad sanandum eos, alleluya alleluya. **Oratio.**

DA quesumus ecclesie tue misericors deus, ut spi-

ritu sancto congregata hostili nullatenus incursione turbetur. Per, eiusdem.

Ad Mag. Ant. Tulit ergo paralyticus lectum suum in quo iacebat, magnificans deum, et omnis plebs ut vidit dedit laudem deo alleluya.

Sabbato. Versiculus et Responsoria de Quarta Feria.

Lectio Prima. Secundum Lucam.

IN illo tempore: Surgens Ihesus de synagoga: introivit in domum Simonis. Socrus autem Simonis tenebatur magnis febribus. Et reliqua.

Omelia Venerabilis Bede Presbiteri.

DOMUS Petri quod dicitur, vetus lex intelligitur, Socrus autem Petri synagoga, quia stimulus invidia agitabatur adversus ecclesiam gentium, ne locum eius preciperet credendo in Christum, et voluntati eius famulando.

Lectio Secunda.

SIVE aliter potest intelligi. Si virum a demonio liberatum moraliter animum ab immunda cogitatione purgatum significare dixerimus, consequenter femina febribus tentata sed ad imperium domini curata, carnem ostendit a concupiscentie sue favore per continentie precepta frenatam.

Lectio Tertia.

OMNIS enim amaritudo et ira et indignatio et cla-

mor et blasfemia: spiritus immundi furor est. Fornicationem vero immunditiam, libidinem, concupiscentiam malam, et avaritiam que est simulacrorum servitus, hec omnia et his similia, febrem humane nature possumus accipere. A quibus quamdiu anime fidelium tenentur, egritudine tanta oppresse sunt, ut nequaquam digne deo quid boni operis valeant exhibere.

Ad Ben. Ant. Vespere autem facto cum sol occidisset veniebant ad Ihesum omnes male habentes, at ille singulis manus imponens curabat eos al-leluya. **Oratio.**

MENTIBUS nostris quesumus domine spiritum sanctum benignus infunde, cuius et sapientia conditi sumus et providentia gubernamus. Per, eiusdem.

In Festo Sancte Trinitatis

IN Festo Sancte Trinitatis **Ad Vesperas super Psalmos.**

Ant. O beata et benedicta et gloriosa trinitas pater, et filius et spiritus sanctus. **Ps.** Laudate pueri. **Cum ceteris. Capitulum.**

O altitudo divitiarum sapientie et scientie dei quam incomprehensibilia sunt iudicia eius et investigabiles vie eius. **R.** Honor. **VI. Ymnus.**

ADESTO sancta trinitas, par splendor una deitas, que extas rerum omnium sine fine principium.

Te celorum militia laudat, adorat, predicat, triplexque mundi machina benedicit per secula.

Assumens et nos cernui te adorantes famuli vota precesque supplicum ymnus iunge celestium.

Unum te lumen credimus, quod et ter idem colimus, alpha et ω , quem dicimus, te laudat omnis spiritus.

Laus patri sit unigenito, laus eius unigenito, laus sit sancto spiritui, trino deo et simplici. Amen.

V. Benedicamus patrem et filium cum sancto spiritu. **R.** Laudemus et superexaltemus eum in secula.

Ad Mag. Ant. Gratias tibi deus, gratias tibi vera una trinitas, una et summa deitas, sancta et una unitas. **Oratio.**

OMNIPOTENS sempiterne deus qui dedisti famulis tuis in confessione vere fidei eterne trinitatis gloriam agnoscere, et in potentia maiestatis adorare unitatem, quesumus ut eiusdem fidei firmitate ab omnibus semper muniamur adversis. Per.

Ad Completorium. Ant. Miserrere. **Ps.** Cum invocarem. **cum ceteris. Ad Nunc Dimittis. Ant.** Salva nos.

Ad Mat. Invit. Deum verum unum in trinitate et trinitatem in unitate, * Venite adoremus.

Ymnus. Adesto.

In Primo Nocturno. Ant. Adesto

deus unus omnipotens pater et filius et spiritus sanctus. **Ps.** Domine dominus noster. **Ant.** Te unum in substantia, trinitatem in personis, confitemur. **Ps.** Celi enarrant. **Ant.** Te semper idem esse vivere et intelligere profiteamur. **Ps.** Domini est terra. **V.** Benedicamus patrem.

Augustinus in sermone de sancta trinitate. De unitate patris. et cetera. ✠

Lectio Prima.

DIXIMUS alibi ea dici proprie in illa trinitate distincte ad singulas personas pertinentia, que relative dicuntur ad invicem, sicut pater et filius, et utriusque donum spiritus sanctus. Non enim pater trinitas, aut filius trinitas, aut donum trinitas. Quod vero ad se dicuntur singuli, non dici pluraliter tres, sed unum ipsam trinitatem, sicut deus pater, deus filius, deus spiritus sanctus, et bonus pater, bonus filius, bonus spiritus sanctus, et omnipotens pater, omnipotens filius, omnipotens spiritus sanctus. **R.**

BENEDICAT nos deus deus noster, benedicat nos deus, * Et metuant eum omnes fines terre. **V.** Deus misereatur nostri et benedicat nos deus. Et.

Lectio Secunda.

NON autem dicimus tres dii, aut tres boni, aut tres omnipotentes, sed unus deus bo-

nus, omnipotens ipsa trinitas, et quicquid aliud non ad invicem relative, sed ad se singuli dicuntur. Hoc enim secundum essentiam dicuntur, quia hoc est ibi esse quod magnum esse, quod bonum, quod sapientem esse, et quicquid aliud ad se ibi unaqueque persona vel ipsa trinitas dicitur.

R. Benedictus dominus deus Israhel qui facit mirabilia solus, * Et benedictum nomen maiestatis eius in eternum. **V.** Replebitur maiestate eius omnis terra fiat fiat. Et.

Lectio Tertia.

IDEO autem dicimus tres personas vel tres substantias, non ut aliqua intelligatur diversitas essentie, sed ut vel uno aliquo vocabulo responderi possit cum dicitur quid tres vel quid tria. Tantamque esse equalitatem in ea trinitate ut non solum pater non sit maior, quam filius, quod attinet ad divinitatem, sed nec pater et filius simul maius aliquid sint, quam spiritus sanctus, aut singula queque persona quilibet trium minus aliquid quam ipsa trinitas.

R. Quis deus magnus sicut deus noster, * Tu es deus, * Qui facis mirabilia. **V.** Notam fecisti in populis virtutem tuam redemisti in brachio tuo populum tuum. Tu. Gloria. Qui.

In Secundo Nocturno. Ant. Te invocamus, te adoramus, te laudamus o beata trinitas. **Ps.**

Omnes gentes. **Ant.** Spes nostra, salus nostra, honor noster, o beata trinitas. **Ps.** Magnus dominus. **Ant.** Libera nos, salva nos, iustifica nos, o beata trinitas. **Ps.** Deus iudicium tuum. **V.** Benedictus es domine in firmamento celi. **R.** Et laudabilis et gloriosus in secula.

Lectio Quarta.

VERBUM ergo dei patris, unigenitus filius per omnia patri similis et equalis, deus de deo, lumen de lumine, sapientia de sapientia, essentia de essentia, hoc omnino est quod pater, non tamen pater, quia iste filius ille pater, ac per hoc novit omnia que novit pater, sed ei nosse de patre est sicut esse. Nosse enim et esse ibi unum est.

R. Magnus dominus et magna virtus eius, * Et sapientie eius non est numerus. **V.** Magnus dominus et laudabilis nimis et magnitudinis eius non est finis. Et.

Lectio Quinta.

SPIRITUS autem sanctus secundum scripturas sanctas, nec patris est solius nec filii solius, sed amborum: et ideo communem qua invicem se diligunt pater et filius, nobis insinuat caritatem. Verum cum nos exercet sermo divinus non dixit scriptura spiritus sanctus caritas est, sed dixit Deus caritas est, ut incertum sit, et ideo requirendum utrum deus pa-

ter sit caritas, an deus filius, an deus spiritus sanctus, an deus ipsa trinitas.

R. Gloria patri geniteque proli et tibi compar utriusque semper spiritus alme deus unus, * Omni tempore seculi. **V.** Da gaudiorum premia, da gratiarum munera, dissolve litis vincula, astringe pacis federa. Omni.

Lectio Sexta.

NESCIO autem cur non sicut sapientia et pater dicitur et filius et spiritus sanctus, et simul omnes non tres sed una sapientia: ita et pater caritas et filius caritas et spiritus sanctus caritas, et simul omnes una caritas dicantur. Non frustra autem in hac trinitate non dicitur verbum dei nisi filius, nec donum dei nisi spiritus sanctus, nec de quo genitum est verbum: nisi deus pater.

R. Honor virtus et potestas et imperium sit trinitati in unitate, unitati in trinitate, * In perenni seculorum tempore. **V.** Trinitati lux perennis unitati sit decus perpetim. In. Gloria. In.

In Tertio Nocturno. Ant. Caritas pater est, gratia Christus, communicatio spiritus, o beata trinitas. **Ps.** Cantate domino, I. **Ant.** Verax est pater, veritas filius, veritatis spiritus, o beata trinitas. **Ps.** Dominus regnavit exultet. **Ant.** Una igitur pater logos Paraclytusque substantia est, o beata trinitas. **Ps.** Canta-

te domino. II. **V.** Verbo domini celi firmati sunt. **R.** Et spiritu oris eius omnis virtus eorum.

Lectio VII.

HINC ergo factum est ut proprie dei verbum, eciam dei sapientia diceretur, cum sit sapientia et pater et spiritus sanctus. Si ergo proprie aliquid horum trium caritas nuncupanda est, quid aptius quam ut hoc sit spiritus sanctus, ut scilicet in illa simplici summaque natura, non sit aliud substantia et aliud caritas, sed substantia ipsa sit caritas, et caritas ipsa substantia, sive in patre, sive in filio, sive in spiritu sancto, et tamen proprie spiritus sanctus caritas nuncupetur?

R. Tibi laus tibi gloria tibi gratiarum actio, * In secula sempiterna o beata trinitas. **V.** Et benedictum nomen glorie tue sanctum et laudabile et superexaltatum. In.

Lectio VIII.

CREDAMUS igitur patrem et filium et spiritum sanctum esse unum deum, universe creature conditorem atque rectorem, nec patrem esse filium, nec filium patrem esse vel spiritum sanctum, nec spiritum sanctum, vel patrem esse vel filium, sed trinitatem relatarum ad invicem personarum, et unitatem equalis essentie. Queramus autem hoc intelligere, ab eo ipso quem intelligere volumus auxilium

precantes.

R. Benedicamus patrem et filium cum sancto spiritu, laudemus et superexaltemus eum, * In secula. **V.** Benedictus es domine in firmamento celi et laudabilis et gloriosus. In.

Lectio IX.

QUANTUM autem nobis tribuitur, quod intelligimus explicare, tanta cura et sollicitudine pietatis cupiamus ut eciam si aliquid aliud pro alio dicimus, nichil tamen dicamus indignum. Ut siquid verbi gratia de patre dicimus quod patri proprie non conveniat, aut filio conveniat aut spiritui sancto, aut ipsi trinitati. Et siquid de filio quod filio proprie non conveniat, patri saltem congruat, aut spiritui sancto, aut trinitati. Item siquid de spiritu sancto quod proprietatem spiritus sancti non doceat, non tamen alienum sit a patre et a filio aut ab uno deo ipsa trinitate.

R. Summe trinitati simplici deo, una divinitas, equalis gloria, coeterna maiestas, patri prolique sanctoque falmini, * Qui totum subdit suis orbem legibus. **V.** Prestet nobis gratiam deitas beata patris ac nati pariterque spiritus almi. Qui. Gloria. Qui.

V. Magnus dominus et laudabilis nimis. **R.** Et magnitudinis eius non est finis.

In Laudibus. Ant. Gloria tibi trinitas equalis una deitas, et

ante omnia secula, et nunc et in perpetuum. **Ps.** Dominus regnavit. **Ant.** Laus et perennis gloria deo patri et filio, sancto simul Paraclyto in secula seculorum. **Ant.** Gloria laudis resonet in ore omnium patri, geniteque proli, spiritui sancto pariter resultet laude perenni. **Ant.** Laus deo patri, parilique proli, et tibi semper studio perenni spiritus, nostro resonet ab ore omne per evum. **Ant.** Ex quo omnia, per quem omnia, in quo omnia, ipsi gloria in secula. **Cap.** O altitudo.

O trinitas laudabilis, et unitas mirabilis, in simplici substantia virtus manens intermina.

Tu caritas, tu puritas, tu pax et immortalitas, patris, nati, Paraclyti, decore pollens perpeti.

Fides, corona supplicum in te pie fidentium, exerge sordes mentium, sorti misertus pauperum.

Laus patri sit unigenito, laus eius unigenito, laus sit sancto spiritui, trino deo et simplici. Amen.

V. Sit nomen domini benedictum. **R.** Ex hoc nunc et usque in seculum.

Ad Ben. Ant. Benedicta sit creatrix et gubernatrix omnium sancta et individua trinitas, et nunc et semper et per infinita seculorum secula.

Oratio. Omnipotens sempiter-

ne etc. Ad horas antiphone Laudum.

Ad Terciam. Cap. O altitudo.

R. Benedicamus patrem et filium cum sancto spiritu, * Alleluya alleluya. **V.** Laudemus et superexaltemus eum in secula. Alleluya. Gloria. Benedicamus. **V.** Benedictus es domine.

Ad Sextam. Capitulum.

GRATIA domini nostri Iesu Christi, et caritas dei, et communicatio sancti spiritus, sit semper cum omnibus nobis. Amen.

R. Benedictus es domine in firmamento celi, * Alleluya alleluya. **V.** Et laudabilis et gloriosus in secula. Alleluya. Gloria. Benedictus. **V.** Verbo domini.

Ad Nonam. Capit.

TRES sunt qui testimonium dant in celo, pater verbum et spiritus sanctus, et hi tres unum sunt.

R. Verbo domini celi firmati sunt, * Alleluya alleluya. **V.** Et spiritu oris eius omnis virtus eorum. Alleluya. Gloria. Verbo. **V.** Sit nomen domini.

Ad Vesperas. Super psalmos.

Ant. Gloria tibi trinitas. **Ps.** Dixit dominus. **Ps.** Confitebor tibi. II. **Ps.** Beatus vir. II. **Ps.** Laudate pueri. **Ps.** Laudate dominum o. g.

Cap., Ymnus, V, ut in Primis Vesperis.

Ad Mag. Ant. Te deum patrem ingenitum, te filium unigenitum, te spiritum sanctum Paraclytum, sanctam et indivi-

duam trinitatem, toto corde et ore confitemur, laudamus atque benedicimus tibi gloria in secula.

Per octavas quando de octava agitur. **Invitat.** Deum verum unum in trinitate, * Venite adoremus.

Ad Ben. vel ad Mem. in Laudibus **Ant.** Benedicta sit creatrix.

Ad Mag. vel ad Mem. in Vesperis **Ant.** Te deum patrem.

Cetera per octavam fiant secundum ordinem qui infra in rubrica de octavis sanctorum notatus est, usque ad Vesperas sequentis Sabbati exclusive, et repetantur lectiones supraposite.

Dominica Prima post Festum Trinitatis

Et deinceps usque ad Primam Dominicam Augusti exclusive quando de tempore agitur, cantetur hystoria, Deus omnium. et legantur lectiones de Libris Regum. Sabbato vero precedenti ad Vesperas antiphone, Psalmi, Cap., Ymnus, V, sicut in Sabbato post Octavas Epyphanie.

R. Dominus qui eripuit. **II. Ad Mag. **Ant.**** Loquere domine quia audit servus tuus.

Orationes Dominicales usque ad Adventum exclusive sicut infra in ordine omeliarum notate sunt.

Ad Matutinas. **Invitat.** Venite exultemus domino, * Iubilemus deo salutari nostro.

Hoc Invitatorium dicatur usque ad Adventum Domini exclusive in Dominicis quando de Dominica agitur.

In Primo Nocturno. **Ant.** Pro fidei meritis vocitatur iure beatus, legem qui domini meditatur nocte dieque. **Ps.** Beatus vir. I. Quare fremuerunt. Domine quid. Domine ne in. I. Gloria. **Ant.** Iuste deus iudex fortis patiensque benignus. In te sperantes muni miserando fideles. **Ps.** Domine deus meus. Domine dominus noster. Confitebor tibi. I. In domino confido. Gloria. **Ant.** Surge et in eternum conserva munimine sacro, custodique tuos astripotens famulos. **Ps.** Salvum me fac. Usquequo domine. Dixit insipiens. Domine quis habitabit. Gloria. V. Memor fui.

Lectio Prima.

FUIT vir unus de Ramathaimsophim de monte Ephraym, et nomen eius Helchana filius Ieoham, filii Heliu, filii Thou, filii Suph, Effrateus, et habuit duas uxores. Nomen uni Anna, et nomen secunde Phenenna. Fueruntque Phenenne filii: Anne autem non erant liberi. **R.**

DEUS omnium exauditor est, ipse misit angelum suum, et tulit me de ovibus patris mei, * Et unxit me unctione misericordie sue. V. Dominus qui eripuit me de ore leonis et de manu bestie liberavit me. Et unxit.

Lectio Secunda.

ET ascendebat vir ille de civitate sua statutis diebus: ut adoraret et sacrificaret domino exercituum in Silo. Erant autem ibi duo filii Hely, Ophni et Phinees sacerdotes domini. Venit ergo dies et immolavit Helchana, deditque Phenenne uxori sue, et cunctis filiis eius et filiabus partes.

R. Dominus qui eripuit me de ore leonis et de manu bestie liberavit me, * Ipse me eripiet de manibus inimicorum meorum. **V.** Misit deus misericordiam suam et veritatem suam animam meam eripuit de medio catulorum leonum. Ipse.

Lectio Tertia.

ANNE autem dedit partem unam tristis, quia Annam diligebat. Dominus autem concluderat vulvam eius. Affligebat quoque eam emula eius, et vehementer angebat, in tantum ut exprobraret quod concludisset dominus vulvam eius. Sicque faciebat per singulos annos cum redeunte tempore ascenderent in domum domini, et sic provocabat eam.

R. Ego te tuli de domo patris tui dicit dominus, et posui te pascere gregem populi mei, et fui tecum in omnibus ubicumque ambulasti, * Firmans regnum tuum, * In eternum. **V.** Feci que tibi nomen grande iuxta nomen magnorum qui sunt in terra, et requiem dedi tibi

ab omnibus inimicis tuis. Firmans. Gloria. In.

In Secundo Nocturno. Ant. Nature genitor conserva a morte redemptos. Facque tuo dignos servitio famulos. **Ps.** Conserva me domine. **Ant.** Pectora nostra tibi tu conditor orbis adure, igne pio purgans atque cremando probans. **Ps.** Exaudi domine. **Ant.** Tu populum humilem salvasti a morte redemptor atque superba tuo colla premis iaculo. **Ps.** Diligam te. **V.** Media nocte.

Lectio Quarta.

PORRO Anna flebat, et non capiebat cibum. Dixit ergo ei Helchana vir suus. Anna cur fles, et quare non comedis, et quam ob rem affligitur cor tuum? Nunquid non ego melior sum tibi quam decem filii?

R. Preparete corda vestra domino et servite illi soli, * Et liberabit vos de manibus inimicorum vestrorum. **V.** Auferite deos alienos de medio vestri. Et.

Lectio Quinta.

SURREXIT autem Anna postquam comederat in Silo et biberat. Et Hely sacerdote sedente super sellam ante postes domus domini, cum esset Anna amaro animo, oravit dominum flens largiter, et votum vovit dicens. Domine exercituum, si respiciens videris afflictionem famule tue, et recordatus mei fueris, nec oblitus ancille tue, dederisque

serve tue sexum virilem, dabo eum domino omnibus diebus vite eius, et novacula non ascendet super caput eius.

R. Percussit Saul mille et David decem milia, quia manus domini erat cum illo, percussit Philisteum, * Et abstulit obprobrium ex Israhel. **V.** Nonne iste est David de quo canebant in choro dicentes Saul percussit mille et David decem milia in milibus suis. Et.

Lectio Sexta.

FACTUM est autem cum illa multiplicaret preces coram domino, ut Hely observaret os eius. Porro Anna loquebatur in corde suo, tantumque labia illius movebantur, et vox penitus non audiebatur. Estimavit ergo eam Hely temulentam. Dixitque ei. Usquequo ebria eris? Digere paulisper vinum quo mades.

R. Montes Gelboe nec ros nec pluvia veniant super vos, * Ubi ceciderunt * Fortes Israhel? **V.** Omnes montes in circuitu eius visitet dominus a Gelboe autem transeat. Ubi. Gloria. Fortes.

In Tertio Nocturno. Ant. Sponsus ut e thalamo processit Christus in orbem descendens celo iure salutifero. **Ps.** Celi enarrant. **Ant.** Auxilium nobis salvator mitte salutis, et tribuas vitam tempore perpetuo.

Ps. Exaudiet te. **Ant.** Rex sine fine manens miseris tu parce ruinis. Premia concedens et

tua cuncta regens. **Ps.** Domine in virtute. **V.** Exaltare domine. Predictae antiphone, psalmi, et versiculi nocturnorum dicantur omnibus Dominicis quando de Dominica agitur usque ad Adventum Domini exclusive.

R. Audi domine ymnum et orationem quam servus tuus orat coram te hodie, ut sint oculi tui aperti, et aures tue intente, * Super domum istam die ac nocte. **V.** Respice domine de sanctuario tuo et de excelso celorum habitaculo. Super.

R. Peccavi super numerum harene maris et multiplicata sunt peccata mea, et non sum dignus videre altitudinem celi pre multitudine iniquitatis mee, quoniam irritavi iram tuam, * Et malum coram te feci. **V.** Quoniam iniquitatem meam ego agnosco et delictum meum coram me est semper, tibi soli peccavi. Et.

R. Factum est dum tolleretur dominus Helyam per turbinem in celum, Helyseus clamabat dicens, * Pater mi, pater mi, currus Israhel et auriga eius. **V.** Oro domine ut fiat spiritus tuus duplex in me, at ille inquit, si videris quando tollar a te erit quod petisti. Pater. Gloria. Pater.

Inqualibet Dominica a Deus omnium. usque ad Adventum exclusive quando de Dominica agitur: Responsorium, Honor virtus. loco noni responso-

rii dicatur: postquam Domini-
cales hystoria sive in feriis si-
ve in Dominica fuerit per can-
tanta. In Laudibus antiphona,
Psalmi, Cap., Ymnus, V, sicut
in Dominica Domine ne in ira.
Antiphone vero ad Ben., et ad
Mag., secundum quod infra in
serie evangeliorum cum ora-
tionibus sunt notate dicantur.
Ad Primam et ad alias horas
antiphone, Cap., Responsoria,
V, dicantur sicut sunt in hy-
storia Domine ne in ira. Et hic
ordo In Laudibus et in Horis
servetur omnibus Dominicis
quando de Dominica agitur us-
que ad Adventum Domini ex-
clusive.

Sequentes antiphone sunt di-
cende diebus Sabbatorum suo
ordine, ad Mag., vel ad memo-
riam usque ad Sabbatum an-
te primam Dominicam Augu-
sti exclusive.

Ant. Cognoverunt omnes a Dan
usque Bersabee, quod fidelis
Samuel propheta esset domi-
ni. **Ant.** Prevaluit David in Phi-
listeam in funda et lapide in
nomine domini. **Ant.** Nonne
iste est David de quo cane-
bant in choro dicentes Saul percu-
sit mille, et David decem mi-
lia in milibus suis. **Ant.** Ira-
tus rex Saul dixit, michi mil-
le dederunt et filio Isai dede-
runt decem milia. **Ant.** Quis
enim in omnibus sicut David
fidelis in ventus est in regno
tuo, egrediens et regrediens
et pergens ad imperium re-

gis. **Ant.** Doleo super te fra-
ter mi Ionatha, amabilis val-
de super amorem mulierum,
sicut mater unicum amat fi-
lium ita te diligebam, sagit-
ta Ionathe nunquam abiit re-
trorsum, nec declinavit clipeus
eius in bello, et hasta eius non
est aversa. **Ant.** Dixitque Da-
vid ad dominum cum vidisset
angelum cedentem populum,
ego sum qui peccavi, ego ini-
que egi, isti qui oves sunt quid
fecerunt. **Ant.** Montes Gelboe
nec ros nec pluvia veniant su-
per vos, quia ibi abiectus est
clipeus fortium, clipeus Saul
quasi non esset unctus oleo,
quomodo ceciderunt fortes in
prelio: Ionathas in excelsis tuis
interfectus est, Saul et Iona-
thas amabiles et decori valde in
vita sua, in morte quoque non
sunt separati. **Ant.** Rex autem
David cooperto capite incedens
lugebat filium dicens, Absalon
fili me, fili me Absalon, quis
michi det ut ego moriar pro te
fili mi Absalon?

Lectiones feriales a secundo
capitulo usque ad septimum ad
libitum.

Dominica Secunda

Lectio Prima.

VENERUNT viri Cariathia-
rim et reduxerunt archam
domini, et intulerunt eam in
domum Aminadab in Gabaa.
Eleazarum autem filium eius
sanctificaverunt, ut custodiret
archam domini. Et factum est
ex qua die mansit archa domi-

ni in Cariathiarim, multiplicati sunt dies. Erat quippe iam annus vigesimus. Et requievit omnis domus Israhel post dominum.

Lectio Secunda.

AIT autem Samuel ad universam domum Israhel dicens. Si in toto corde vestro revertimini ad dominum: auferite deos alienos de medio vestrum et Astaroth, et preparate corda vestra domino, et servite illi soli, et eruet vos de manu Philistiim. Abstulerunt ergo filii Israhel Baalim et Astaroth: et servierunt domino soli.

Lectio Tertia.

DIXIT autem Samuel. Congregate universum Israhel in Masphat: ut orem pro vobis dominum. Et conveniunt in Masphat. Hauseruntque aquam et effuderunt in conspectu domini: et ieiunaverunt in die illa et dixerunt. Tibi peccavimus domino. Iudicavitque Samuel filios Israhel in Masphat.

Lectio Quarta.

ET audierunt Philistiim quod congregati essent filii Israhel in Masphat, et ascenderunt satrape Philistinorum ad Israhel. Quod cum audissent filii Israhel: timuerunt a facie Philistinorum. Dixeruntque ad Samuelem. Ne cesses pro nobis clamare ad dominum Deum nostrum, ut salvet nos de manu Philistinorum.

Lectio Quinta.

TULIT autem Samuel agnum lactentem unum, et obtulit illum holocaustum integrum domino. Et clamavit Samuel ad dominum pro Israhel et exaudivit eum dominus. Factum est autem cum Samuel offerret holocaustum, Philisteos inire prelium contra Israhel. Intonuit autem dominus fragore magno in die illa super Philistiim, et exterruit eos, et cessi sunt a facie Israhel.

Lectio Sexta.

EGRESSIQUE viri Israhel de Masphat: persecuti sunt Philisteos, et percusserunt eos usque ad locum qui erat subter Bethchar. Tulit autem Samuel lapidem unum, et posuit eum inter Masphat et inter Sen, et vocavit nomen loci illius Lapis adiutorii. Dixitque. Huc usque auxiliatus est nobis Dominus. Et humiliati sunt Philistiim, nec apposuerunt ultra ut venirent in terminos Israhel.

Lectiones feriales ab octavo capitulo usque ad decimum ad libitum.

Dominica Tercia

Lectio Prima.

LOCUTUS est Samuel ad populum legem regni, et scripsit in libro, et reposuit coram domino. Et dimisit Samuel omnem populum, singulos in domum suam. Sed et Saul abiit in domum suam in Gabaath: et abiit cum eo pars exercitus quorum tetigerat Deus cor-

da. Filii vero Belial dixerunt. Num salvare nos poterit iste? Et despexerunt eum et non attulerunt ei munera. Ille vero dissimulabat se audire.

Lectio Secunda.

ASCENDIT autem Naas Ammonites, et pugnare cepit adversum Iabes Galaad. Dixeruntque omnes viri Iabes ad Naas. Habeto nos federatos, et serviemus tibi. Et respondit ad eos Naas Ammonites. In hoc feriam vobiscum fedus ut er uam omnium vestrum oculos dextros, ponamque vos obprobrium in universo Israhel.

Lectio Tertia.

ET dixerunt ad eum seniores Iabes. Concede nobis septem dies, ut mittamus nuncios in universos terminos Israhel. Et si non fuerit qui defendat nos: egrediemur ad te. Venerunt ergo nuncii in Gabaa th Saulis, et locuti sunt verba hec audiente populo. Et levavit omnis populus vocem suam: et flevit.

Lectio Quarta.

ET ecce Saul veniebat sequens boves de agro, et ait. Quid habet populus quod plorat? Et narraverunt ei verba virorum Iabes. Et insilivit spiritus domini in Saul cum audisset verba hec: et iratus est furor eius nimis. Et assumens utrumque bovem et concidit in frusta, misitque in omnes terminos Israhel per manum nunciorum, dicens. Qui-

cumque non exierit, secutusque fuerit Saul et Samuel: sic fiet bobus eius.

Lectio Quinta.

INVASIT ergo timor domini populum, et egressi sunt quasi vir unus: et recensuit eos in Bezech. Fueruntque filiorum Israhel trecenta milia: virorum autem Iuda triginta milia. Et dixerunt nunciis qui venerant. Sic dicetis viris qui sunt in Iabes Galaad. Cras erit vobis salus cum incaluerit sol.

Lectio Sexta.

VENERUNT ergo nuncii, et nunciaverunt viris Iabes. Qui letati sunt, et dixerunt. Mane exhibimus ad vos, et facietis nobis omne quod placuerit vobis. Et factum est cum venisset dies crastinus: constituit Saul populum in tres partes. Et ingressus est media castra in vigilia matutina, et percussit Ammon usque dum incalereset dies. Reliqui autem dispersi sunt, ita ut non relinquerentur in eis duo pariter.

Lectiones feriales a sextodo decimo capitulo usque ad vicesimum octavum ad libitum.

Dominica Quarta

Lectio Prima.

IN diebus illis congregaverunt Philistiim agmina sua, ut prepararentur contra Israhel ad bellum. Dixitque Achis ad David. Sciens nunc scito, quoniam mecum egredieris in castris tu, et viri tui. Dixitque Da-

vid ad Achis. Nunc scies que factururus est servus tuus. Et ait Achis ad David. Et ego custodem capitis mei ponam te cunctis diebus.

Lectio Secunda.

SAMUEL autem mortuus est, planxitque eum omnis Israhel, et sepelierunt eum in Ramatha urbe sua. Et Saul abstulit magos et ariolos de terra. Congregatique sunt Philistiim: et venerunt et castrametati sunt in Sunam.

Lectio Tertia.

CONGREGAVIT autem et Saul universum Israhel, et venit in Gelboe. Et vidit Saul castra Philistiim et timuit et expavit cor eius. Consuluitque dominum, et non respondit ei neque per somnia neque per prophetas. Dixitque Saul servis suis. Querite michi mulierem habentem phithonem, et vadam ad eam et sciscitabor per illam.

Lectio Quarta.

ET dixerunt servi eius ad eum. Est mulier habens phithonem in Endor. Mutavit ergo habitum suum, vestitusque est aliis vestimentis. Et abiit ipse, et duo viri cum eo: veneruntque ad mulierem nocte. Et ait. Divina michi in phithone: et suscita michi quem dixero tibi.

Lectio Quinta.

ET ait mulier ad eum. Ecce tu nosti quanta fecerit Saul, et quomodo eraserit ma-

gos et ariolos de terra. Quare ergo insidiaris anime mee ut occidar? Et iuravit ei Saul in domino, dicens. Vivit dominus, quia non eveniet tibi quicquam mali propter hanc rem. Dixitque ei mulier. Quem suscitabo tibi? Qui ait. Samuelem suscita michi.

Lectio Sexta.

CUM autem vidisset mulier Samuelem, exclamavit voce magna et dixit ad Saul. Quare imposuisti michi? Tu es enim Saul. Dixitque ei rex. Noli timere. Quid vidisti? Et ait mulier ad Saul. Deos vidi ascendentes de terra. Dixitque ei. Qualis est forma eius? Que ait. Vir senex ascendit: et ipse amictus est pallio.

Lectiones feriales a vicesimo nono capitulo usque ad secundum regum ad libitum.

Dominica Quinta

Lectio Prima.

FACTUM est postquam mortuus est Saul, ut David reverteretur a cede Amalech: et maneret in Siceleg duos dies. In die autem tertia apparuit homo veniens de castris Saul veste conscissa: et pulvere aspersus caput. Et ut venit ad David: cecidit super faciem suam, et adoravit.

Lectio Secunda.

DIXITQUE ad eum David. Unde venis? Qui ait ad eum. De castris Israhel fugi. Et dixit ad eum David. Quod est

verbum quod factum est? Indica michi. Qui ait. Fugit populus e prelio, et multi corruentes ex populo mortui sunt. Sed et Saul et Ionathas filius eius interierunt. Dixitque David ad adolescentem qui nuntiabat ei. Unde scis quia mortuus est Saul et Ionathas filius eius?

Lectio Tertia.

ET ait adolescens qui nuntiabat ei. Casu veni in montem Gelboe: et Saul incumbebat super hastam suam. Porro currus et equites appropinquabant ei. Et conversus post tergum suum, vidensque me: vocavit. Cui cum respondissem, assum: dixit michi. Quisnam es tu? Et aio ad eum. Amalchites sum.

Lectio Quarta.

ET locutus est michi. Sta super me, et interfice me: quoniam tenent me angustie, et adhuc tota anima mea in me est. Stansque super eum, occidi illum. Sciebam enim quod vivere non poterat post ruinam. Et tuli diadema quod erat in capite eius et armillam de brachio illius, et attuli ad te dominum meum huc.

Lectio Quinta.

APPREHENDENS autem David vestimenta sua scidit, omnesque viri qui erant cum eo: et planxerunt et fleverunt et ieiunaverunt usque ad vesperam super Saul et super Ionatham filium eius, et super populum domini, et super do-

mum Israhel, quod corruissent gladio. Dixitque David ad iuvenem qui nunciaverat ei. Unde es tu? Qui respondit. Filius hominis advene Amalechite ego sum.

Lectio Sexta.

ET ait ad eum David. Quare non timuisti mittere manum tuam, ut occideres christum domini? Vocansque David unum de pueris suis: ait. Accedens: irrue in eum. Qui percussit illum: et mortuus est. Et ait ad eum David. Sanguis tuus super caput tuum. Os enim tuum locutum est adversum te, dicens: ego interfeci christum domini.

Lectiones feriales a secundo capitulo secundi regum usque ad undecimum ad libitum.

Dominica Sexta

Lectio Prima.

FACTUM est vertente anno, eo tempore quo solent reges ad bella procedere, misit David Ioab et servos suos cum eo, et universum Israhel, et vastaverunt filios Amon, et obsederunt Rabath: David autem remansit in Hierusalem.

Lectio Secunda.

DUM hec agerentur, accidit ut surgeret David de strato suo post meridiem, et deambularet in solario domus regie. Viditque mulierem se lavantem ex adverso super solarium suum. Erat autem mulier pulchra valde. Misit ergo rex, et requisivit que esset mu-

lier. Nunciatumque est ei, quod ipsa esset Bethsabée filia Heliam: uxor Urie Ethei.

Lectio Tertia.

MISSIS itaque David nunciis, tulit eam. Que cum ingressa esset ad illum: dormivit cum ea. Statimque sanctificata est ab immunditia sua: et reversa est domum suam concepto fetu. Mittensque nuntiavit David: et ait. Concepi. Misit autem David ad Ioab, dicens. Mitte ad me Uriam Etheum. Misitque Ioab Uriam ad David.

Lectio Quarta.

ET venit Urias ad David. Quersivitque David, quam recte ageret Ioab et populus: et quomodo administraretur bellum. Et dixit David ad Uriam. Vade in domum tuam et lava pedes tuos. Egressusque est Urias de domo regis: secutusque est eum cibus regius.

Lectio Quinta.

DORMIVIT autem Urias ante portam domus regie cum aliis servis suis domini sui, et non descendit ad domum suam. Nuntiatumque est David a dicentibus. Non ivit Urias in domum suam. Et ait David ad Uriam. Nunquid non de via venisti? Quare non descendisti in domum tuam?

Lectio Sexta.

ET ait Urias ad David. Archa Dei et Israhel et Iuda habitant in papilionibus, et dominus meus Ioab et domini servi mei super faciem terre ma-

nent, et ego ingrediar domum meam ut comedam et bibam et dormiam cum uxore mea? Per salutem tuam et per salutem anime tue, quod non faciam rem hanc.

Lectiones feriales a duodecimo capitulo usque ad tertium regum ad libitum.

Dominica Septima

Lectio Prima.

ET rex David senuerat, habebatque etatis plurimos dies. Cumque operiretur vestibus: non calefiebat. Dixerunt ergo ei servi sui. Queramus domino nostro regi adolescentulam virginem, et stet coram rege, et foveat eum, dormiatque in sinu suo, et calefaciat dominum nostrum regem.

Lectio Secunda.

QUESIERUNT igitur adolescentulam speciosam in omnibus finibus Israhel, et invenerunt Abysag Sunanitem: et adduxerunt eam ad regem. Erat autem puella pulchra nimis. Dormiebatque cum rege et ministrabat ei. Rex vero non cognovit eam.

Lectio Tertia.

ADONIAS autem filius Agith, elevabatur dicens. Ego regnabo. Fecitque sibi currum et equites, et quinquaginta viros qui ante eum current. Nec corripuit eum pater suus aliquando dicens: quare hoc fecisti. Erat autem et ipse pulcher valde, secundus natus post Ab-

salon. Et sermo eius fuit cum Ioab filio Sarvie, et cum Abiathar sacerdote, qui adiuvant partes Adonie.

Lectio Quarta.

SADOCH vero sacerdos, et Banaias filius Ioiade, et Nathan propheta, et Semei, et Cerethi et Phelethi, et robur exercitus David non erat cum Adonia. Immolatis ergo Adonias arietibus et vitulis et universis pinguibus iuxta lapidem Zoelech qui erat vicinus fontis Rogel, vocavit universos fratres suos filios regis, et omnes viros Iuda servos regis.

Lectio Quinta.

NATHANI autem prophetam, et Banaiam, et robustos quosque, et Salomonem fratrem suum: non vocavit. Dixit itaque Nathan ad Bethsabée matrem Salomonis. Num audisti quod regnaverit Adonias filius Agith et dominus noster David hoc ignorat? Nunc ergo veni et accipe consilium a me, et salva animam tuam filiique tui Salomonis.

Lectio Sexta.

VADE et ingredi ad regem David: et dic ei. Nonne tu domine mi rex iurasti michi ancille tue dicens, quod Salomon filius tuus regnabit post me, et ipse sedebit in solio meo? Quare ergo regnat Adonias? Et adhuc ibi te loquente cum rege: ego veniam post te, et complebo sermones tuos.

Lectiones feriales a secundo capitulo tertii regum usque ad decimum ad libitum.

Dominica Octava

Lectio Prima.

REGINA Saba audita fama Salomonis, in nomine domini venit temptare eum in enigmatibus. Et ingressa Hierusalem cum multo comitatu et divitiis, camelis portantibus aromata, et aurum infinitum nimis et gemmas preciosas, venit ad regem Salomonem, et locuta est ei universa que habebat in corde suo. Et docuit eam Salomon omnia verba que proposuit. Non fuit sermo qui regem posset latere, et non responderet ei.

Lectio Secunda.

VIDENS autem regina Saba omnem sapientiam Salomonis, et domum quam edificaverat, et cibos mense eius, et habitacula servorum, et ordines ministrantium, vestesque eorum et pincernas, et holocausta que offerebat in domo domini, non habebat ultra spiritum.

Lectio Tertia.

DIXITQUE ad regem. Verus est sermo quem audiavi in terra mea, super sermonibus tuis, et super sapientia tua, et non credebam narrantibus michi donec ipsa veni, et vidi oculis meis et probavi quod media pars michi nuntiata non fuerat. Maior est sa-

pientia tua et opera tua, quam rumor quem audiui.

Lectio Quarta.

BEATI viri tui, et beati servi tui hi qui stant coram te semper et audiunt sapientiam tuam. Sit dominus Deus tuus benedictus cui complacuiisti, et posuit te super thronum Israhel, eo quod dilexerit dominus Israhel in sempiternum, et constituit te regem, ut faceres iudicium et iusticiam.

Lectio Quinta.

DEDIT ergo regi centum viginti talenta auri, et aromata multa nimis, et gemmas preciosas. Non sunt allata ultra aromata tam multa quam ea que dedit regina Saba regi Salomoni. Sed et classis Hiram que portabat aurum de Ophyr, attulit de Ophyr ligna thiina multa nimis, et gemmas preciosas.

Lectio Sexta.

FECITQUE rex de lignis thiinis fulcra domus domini et domus regie: et cytharas lyrasque cantoribus. Non sunt allata huiusmodi ligna thiina neque visa usque in presentem diem. Rex autem Salomon dedit regine Saba omnia que voluit et petivit ab eo, exceptis his que ultro obtulerat ei munere regio. Que reversa est, et abiit in terram suam cum servis suis.

Lectiones feriales ab undecimo capitulo usque ad quartum regum ad libitum.

Dominica Nona

Lectio Prima.

PREVARICATUS est Moab in Israhel: postquam mortuus est Achab, ceciditque Ochozias per cancellos cenaculi sui quod habebat in Samaria, et egrotavit. Misitque nuncios, dicens ad eos. Ite, consulite Beelzebub deum Acharon utrum vivere queam de infirmitate mea hac.

Lectio Secunda.

ANGELUS autem domini locutus est ad Heliam Thebsiten dicens. Surge ascende in occursum nunciorum regis Samarie: et dices ad eos. Nunquid non est Deus in Israhel, ut eatis ad consulendum Beelzebub deum Acharon? Quam ob rem hec dicit dominus. De lectulo super quem ascendisti non descendes: sed morte morieris. Et abiit Helyas.

Lectio Tertia.

REVERSIQUE sunt nuncii ad Ochoziam. Qui dixit eis. Quare reversi estis? At illi responderunt ei. Vir occurrit nobis, et dixit ad nos. Ite et revertimini ad regem qui misit vos: et dicetis ei. Hec dicit dominus. Nunquid quia non erat Deus in Israhel, mittis ut consulatur Beelzebub deus Acharon? Idcirco de lectulo super quem ascendisti non descendes: sed morte morieris.

Lectio Quarta.

QUI dixit eis. Cuius figure et habitus est vir qui occur-

rit vobis: et locutus est verba hec? At illi dixerunt. Vir pilosus, et zona pellicea accinctus renibus. Qui ait. Helyas The-sbites est. Misitque ad eum quinquagenarium principem, et quinquaginta qui erant sub eo. Qui ascendit ad eum.

Lectio Quinta.

SEDENTIQUE in vertice montis: ait. Homo Dei, rex precepit ut descendas. Respondensque Helyas, dixit quinquagenario. Si homo Dei sum: descendat ignis de celo et devoret te et quinquaginta tuos. Descendit itaque ignis de celo, et devoravit eum, et quinquaginta qui erant cum eo.

Lectio Sexta.

RURSUS misit ad eum principem quinquagenarium alterum, et quinquaginta cum eo. Qui locutus est illi. Homo Dei: hec dicit rex. Festina, descende. Respondens Helyas: ait. Si homo Dei sum: descendat ignis de celo, et devoret te et quinquaginta tuos. Descendit ergo ignis de celo, et devoravit illum, et quinquaginta eius.

Lectiones feriales a secundo capitulo quarti regum usque ad octavum ad libitum.

Dominica Decima

Lectio Prima.

HELYSEUS locutus est ad mulierem cuius vivere fecerat filium, dicens. Surge, vade tu et domus tua, et peregrinare ubicumque repereris,

vocavit enim dominus famem, et veniet super terram septem annis. Que surrexit, et fecit iuxta verbum hominis Dei: et vadens cum domo sua peregrinata est in terra Philistiim diebus multis.

Lectio Secunda.

CUMQUE finiti essent anni septem reversa est mulier de terra Philistiim. Et egressa est: ut interpellaret regem pro domo sua et pro agris suis. Rex autem loquebatur cum Gyezi puero viri Dei: dicens. Narra michi omnia magnalia que fecit Helyseus. Cumque ille narraret regi quomodo mortuum suscitasset: apparuit mulier cuius vivificaverat filium, clamans ad regem pro domo sua et pro agris suis.

Lectio Tertia.

DIXITQUE Gyezi. Domine mi rex. Hec est mulier: et hic est filius eius quem suscitavit Helyseus. Et interrogavit rex mulierem. Que narravit ei.

Lectio Quarta.

DEDITQUE ei rex eunuchum unum dicens. Restitue ei omnia que sua sunt, et universos redditus agrorum a die qua reliquit terram, usque ad presens.

Lectio Quinta.

VENIT quoque Helyseus Damascum, et Benadad rex Sirie egrotabat. Nunciaveruntque ei dicentes. Venit vir Dei huc. Et ait rex ad Azael. Tolle tecum munera, et vade in oc-

cursum viri Dei: et consule dominum per eum dicens. Si evadere potero de infirmitate mea hac?

Lectio Sexta.

IVIT igitur Azael in occursum eius habens secum munera, et omnia bona Damasci, onera quadraginta camelorum. Cumque stetisset coram eo ait. Filius tuus Benadad rex Sirie, misit me ad te dicens. Si sanari potero de infirmitate mea hac? Dixitque ei Helyseus. Vade, dic ei. Sanaberis. Porro ostendit michi dominus: quia morte morietur.

Lectiones feriales a quarto decimo capitulo quarti regum usque ad fidem libri ad libitum.

DOMINICA prima Augusti et deinceps usque ad primam Dominicam Septembris exclusive cantetur hystoria, In principio. quando de tempore agitur, et legantur lectiones de Libris Salomonis et de Libris Sapientie Et notandum quod Dominica prima mensis appellatur illa que propinquior est Kalendis, sive precedat Kalendas, sive sequatur, sive sit in ipsis Kalendis. Si igitur Kalende fuerunt in Dominica ibi est hystoria que illi Dominice assignatur nisi festum impediat inchoanda. Si vero Kalende fuerunt secunda, tertia, vel quarta feria, tunc in precedenti Dominica hystoria inchoetur. Si autem quinta vel sexta

feria vel Sabbato Kalende fuerint, inchoari debet in sequenti Dominica.

Sabbato ante Primam

Dominicam Augusti

Ad Vesperas. R. Girum. **II. Ad Mag. Ant.** Omnis sapientia a domino deo est, et cum illi fuit semper et est ante evum.

Ad Matutinas. Lectio Prima.

PARABOLE Salomonis filii David regis Israhel ad sciendam sapientiam et disciplinam, ad intelligenda verba prudentie, et suscipiendam eruditionem doctrine, iusticiam et iudicium et equitatem: ut detur parvulis astutia et adolescenti scientia et intellectus. **R.**

IN principio deus antequam terram faceret, priusquam abissos constitueret, priusquam produceret fontes aquarum, antequam montes collocarentur, * Ante omnes colles generavit me dominus. **V.** Qunado preparabat celos aderam, cum eo cuncta componens. Ante.

Lectio Secunda.

AUDIENS sapiens sapientior erit, et intelligens gubernacula possidebit. Animadvertet parabolam et interpretationem: verba sapientum et enigmata eorum. Timor domini principium sapientie. Sapientiam atque doctrinam stulti despiciunt.

R. Girum celi circuivi sola et in fluctibus maris ambulavi, in

omni gente et in omni populo primatum tenui, * Superborum et sublimium colla propria virtute calcavi. **V.** Ego in altissimis habito et thronus meus in columna nubis. Superborum.

Lectio Tertia.

AUDI fili mi disciplinam patris tui, et ne dimittas legem matris tue: ut addatur gratia capiti tuo, et torques collo tuo. Fili mi si te lactaverint peccatores, ne acquiescas eis. Si dixerint, veni nobiscum, insidiemur sanguini abscondamus tendiculas contra insontem frustra, deglutiamus eum sicut infernus viventem et integrum, quasi descendentem in lacum, omnem preciosam substantiam reperiemus, implebimus domos nostras spoliis, sortem mitte nobiscum, marsupium unum sit omnium nostrum: fili mi ne ambules cum eis.

R. Emitte domine sapientiam de sede magnitudinis tue, ut mecum sit et mecum laboret, * Ut sciam quid acceptum sit coram te * Omni tempore. **V.** Da michi domine sedium tuarum assistricem sapientiam. Ut. Gloria. Omni.

Lectio Quarta.

PROHIBE pedem tuum a semitis eorum. Pedes enim illorum ad malum currunt, et festinant ut effundant sanguinem. Frustra autem iacitur rete ante oculos pennatorum. Ipsi quoque contra sanguinem

suum insidiantur, et moliuntur fraudes contra animas suas. Sic semite omnis avari: animas possidentium rapiunt.

R. Da michi domine sedium tuarum assistricem sapientiam, et noli me reprobare a pueris tuis, * Quoniam servus tuus sum ego et filius ancille tue. **V.** Mitte illam a sede magnitudinis tue ut mecum sit et mecum laboret. Quoniam.

Lectio Quinta.

SAPIENTIA foris predicat: in plateis dat vocem suam. In capite turbarum clamitat, in foribus portarum urbis profert verba sua dicens. Usquequo parvuli diligitis infantiam, et stulti ea que sibi sunt noxia cupient, et imprudentes odibunt scientiam?

R. Domine pater et deus vite mee, ne derelinquas me in cogitatu maligno, extollentiam oculorum meorum ne dede-
ris michi, et desiderium malignum averte a me domine, aufer a me concupiscentiam, * Et animo irreverenti et infrunito ne tradas me domine. **V.** Ne derelinquas me domine ne accrescant ignorantie mee et multiplicentur delicta mea. Et.

Lectio Sexta.

CONVERTIMINI ad correptionem meam. En proferam vobis spiritum meum et ostendam verba mea. Quia vocavi et renuistis, extendi manum meam, et non fuit qui aspiceret. Despexistis omne

consilium meum, et increpationes meas neglexistis. Ego quoque in interitu vestro ridebo, et subsannabo cum vobis quod timebatis advenerit.

R. Super salutem et omnem pulchritudinem dilexi sapientiam et proposui pro luce habere illam, * Venerunt michi omnia bona pariter cum illa.

V. Dixi sapientie soror mea es, et prudentiam vocavi amicam meam. Venerunt. Gloria. Venerunt.

R. Initium sapientie timor domini, intellectus bonus omnibus facientibus eum, * Laudatio eius manet in seculum seculi. **V.** Dilectio illius custodia legum est, quia omnis sapientia timor domini. Laudatio.

R. Magna enim sunt iudicia tua domine et inenarrabilia verba tua, * Magnificasti populum tuum et honorasti. **V.** Deduxisti sicut oves populum tuum in manu Moysi et Aaron. Magnificasti.

R. Verbum iniquum et dolosum longe fac a me domine, * Divitias et paupertates ne dederis michi, * Sed tantum victui meo tribue necessaria. **V.** Duo rogavi te ne deneges michi antequam moriar. Divitias. Gloria. Sed.

Sequentes antiphone sunt dicende in Sabbatis ad Mag. vel ad memoriam quamdiu cantabitur hystoria, In principio.

Ant. Sapientia edificavit sibi domum, scidit columnas

septem, subdidit sibi gentes, superborumque et sublimium colla, propria virtute calcavit.

Ant. Sapientia clamat in plateis, siquis diligit sapientiam ad me declinet, et eam inveniet, et eam cum invenerit beatus erit si tenuerit eam.

Ant. Dominus possedit me in initio viarum suarum antequam quicquam faceret a principio, necdum erant abyssi et ego parturiebar, quando preparabat celos aderam cum eo componens omnia. **Ant.** Ego in altissimis habitavi et thronus meus in columna nubis.

Lectiones alie per totum mensem usque ad Septembrem per quinque Libros Salmonis ad libitum.

DOMINICA prima Septembris et deinceps usque ad terciam Dominicam eiusdem mensis exclusive idest per quindecim dies tantum quando de tempore agitur cantetur hystoria, Si bona. et legatur de Libro Iob.

**Sabbato ante Primam
Dominicam Septembris**

Sabbato vero precedenti Ad Vesperas. R. Antequam. II. Ad Mag. Ant. Cum audisset Iob nuntiorum verba sustinuit patienter et ait, si bona suscepimus de manu domini, mala uatem quare non sustineamus, in omnibus his non peccavit Iob labiis suis, neque stultum

aliquid contra deum locutus est.

Si hec Dominica in Kalendis occurrerit fiat sicut infra octavam Beati Augustini in festo sancti Egidii est notatum.

Sequenti Sabbato. **Ad Mag. Ant.** In omnibus his non peccavit Iob labiis suis neque sultum quid contra deum locutus est.

Ad Matutinas. Lectio Prima.

VIR erat in terra Hus nomine Iob. Et erat vir ille simplex et rectus ac timens Deum: et recedens a malo. Natique sunt ei septem filii et tres filie. Et fuit possessio eius, septem milia ovium, et tria milia camelorum, quingenta quoque iuga boum, et quingente asine: ac familia multa nimis. **R.**

SI bona suscepimus de manu domini mala autem quare non sustineamus, dominus dedit dominus abstulit, * Sicut domino placuit ita factum est, sit nomen domini benedictum. **V.** Nudus egressus sum de utero matris mee nudus revertar illuc. Sicut.

Lectio Secunda.

ERATQUE vir ille magnus inter omnes orientales. Et ibant filii eius et faciebant convivium per domos unusquisque in die suo. Et mittentes vocabant tres sorores suas, ut comederent et biberent cum eis. Cumque in orbem transissent dies convivii: mittebat ad eos Iob: et sanctificabat illos.

R. Antequam comedam suspi-

ro et tanquam inundantes aque sic rugitus meus, quia timor quem timebam evenit michi, et quod verebar accidit, non ne dissimulavi, nonne silui non-ne quievi, * Et venit super me indignatio tua domine. **V.** Ecce non est auxilium michi in me: necessarii quoque mei recesserunt a me. Et.

Lectio Tertia.

CONSURGENSQUE diluculo offerebat holocausta pro singulos. Dicebat enim. Ne forte peccaverint filii mei: et benedixerint Deo in cordibus suis. Sic faciebat Iob cunctis diebus. Quadam autem die cum venissent filii Dei ut assisterent coram domino: affuit inter eos etiam Sathan. Cui dixit dominus. Unde venis? Qui respondens ait. Circuivi terram: et perambulavi eam.

R. Utinam appenderentur peccata mea quibus iram merui, et calamitas quam patior, * In statera. **V.** Quasi arena maris hec gravior appareret. In. Gloria. In.

Lectio Quarta.

DIXITQUE dominus ad eum. Nunquid considerasti servum meum Iob, quod non sit ei similis in terra homo simplex et rectus ac timens Deum et recedens a malo?

R. Quare detraxistis sermonibus veritatis, ad increpandum verba componitis, et subvertere nitimini amicum vestrum, * Veruntamen que cogitastis explete. **V.** Quod iustum est iudi-

cate et non invenientis in lingua mea iniquitatem. Veruntamen.

Lectio Quinta.

CUI respondens Sathan ait. Nunquid frustra Iob timet Deum? Nonne tu vallaſti eum, ac domum eius, universamque substantiam per circuitum? Operibus manuum eius benedixisti: et possessio eius crevit in terra. Sed extende paululum manum tuam et tange cuncta que possidet: nisi in facie benedixerit tibi.

R. Induta est caro mea putredine et sordibus pulveris, cutis mea aruit et contracta est, * Memento mei domine quia ventus est vita mea. **V.** Dies mei sicut umbra declinaverunt et ego sicut fenum arui. Memento.

Lectio Sexta.

DIXIT ergo dominus ad Sathan. Ecce universa que habet in manu tua sunt, tantum in eum ne extendas manum tuam. Egressusque est Sathan a facie domini. Cum autem quadam die filii et filie eius comederent et biberent vinum in domo fratris sui primogeniti, nuntius venit ad Iob qui diceret. Boves arabant, et asine pascebantur iuxta eos, et irruerunt Sabei tuleruntque omnia, et pueros percusserunt gladio, et evasi ego solus ut nuntiarem tibi.

R. Paucitas dierum meorum finietur brevi, dimitte me domi-

ne ut plangam paululum dolorem meum antequam vadam,

* Ad terram tenebrosam et opertam mortis caligine. **V.** Remitte michi ut refrigerer priusquam abeam. Ad. Gloria. Ad.

R. Memento mei deus quia ventus est vita mea, * Nec aspiciet me visus hominis. **V.** Et non revertetur oculus meus ut videat bona. Nec.

R. Ne abscondas me domine a facie tua, manum tuam longe fac a me, * Et formido tua non me terreat. **V.** Corripe me domine in misericordia et non in furore tuo, ne forte ad nichilum redigas me. Et.

R. Nocte os meum perforatur doloribus, et qui me comedunt non dormiunt, a multitudine eorum consumitur vestimentum meum, * Comparatus sum luto, * Et assimilatus sum faville et cineri. **V.** O custos hominum quare me posuisti contrarium tibi, et factus sum michimetipsi gravis, parce michi domine nichil enim sunt dies mei. Comparatus. Gloria. Et.

Lectiones feriales usque ad Dominicam terciam Septembris per residuum Libri.

DOMINICA terciam Septembris et deinceps usque ad primam Dominicam Octobris exclusive cantetur hystoria de Thobia, Iudith et Hester quando de tempore agitur et legantur lectiones de eisdem Libris.

**Sabbato ante Terciam
Dominicam Septembris**

**Sabbato vero precedenti Ad
Vesperas R.** Omni tempore. **II.**

Ad Mag. Ant. Ingressus Raphael angelus ad Thobiam salutavit eum dicens, gaudium tibi semper sit, cui Thobias ait, quale gaudium michi erit qui in tenebris sedeo et lumen celi non video, cui angelus inquit, forti animo esto, in proximo est ut a deo cureris.

Ad Matutinas. Lectio Prima.

THOBIAS ex tribu et civitate Neptalim que est in superioribus Galilee supra Naasson post viam que ducit ad occidentem in sinistro habens civitatem Sephet cum captus esset in diebus Salmanasar regis Assiriorum: in captivitate tamen positus viam veritatis non deseruit, ita ut omnia que habere poterat cotidie concaptivis fratribus qui erant ex eius genere impertiret. **Responsorium.**

PETO domine ut de vinculo improperii huius absolvas me, aut certe desuper terram eripias me, ne reminiscaris delicta mea vel parentum meorum, neque vindictam sumas de peccatis meis, * Quia eruis sustinentes te domine. **V.** Omnia iudicia tua iusta sunt et omnes vie tue misericordia et veritas et nunc domine memento mei. Quia.

Lectio Secunda.

CUMQUE esset iunior om-

nibus in tribu Neptalim: nichil tamen puerile gessit in opere. Denique cum irent omnes ad vitulos aureos quos Ieroboam fecerat rex Israhel: hic solus fugiebat consortia omnium, et pergebat in Hierusalem ad templum domini, et ibi adorabat dominum Deum Israhel, omnia primitiva sua et decimas suas fideliter offerens, ita ut in tercio anno proselitum et advenis ministraret omnem decimationem.

R. Omni tempore benedic deum et pete ab eo ut vias tuas dirigat, * Et omni tempore consilia tua in ipso permanent. **V.** Inquire ut facias que placita sunt ei in veritate et in tota virtute tua. Et.

Lectio Tertia.

HEC et his similia secundum legem Dei celi puerulus observabat. Cum vero factus fuisset vir accepit uxorem Annam de tribu sua: genuitque ex ea filium, nomen suum imponens ei. Quem ab infantia timere Deum docuit, et abstinere ab omni peccato.

R. Tempus est ut revertar ad eum qui me misit, vos autem benedicite deum, * Et enarrate omnia mirabilia eius. **V.** Confitemini ei coram omnibus viventibus quia fecit vobiscum misericordiam suam. Et. Gloria. Et.

Lectio Quarta.

IGITUR cum per captivitatem devenisset cum uxore sua

et filio in civitatem Niniven, cum omni tribu sua, et omnes ederent ex cibis gentilium, iste custodivit animam suam, et nunquam contaminatus est in escis eorum. Et quoniam memor fuit domini in toto corde suo, dedit illi Deus gratiam in conspectu Salmanasar regis, et dedit illi potestatem quocumque vellet ire, habens libertatem quecumque facere voluisset. Pergebat ergo per omnes qui erant in captivitate, et monita salutis dabat eis.

R. Adonay domine deus magne et mirabilis, qui dedisti salutem in manu femine, * Exaudi preces servorum tuorum.

V. Benedictus es domine qui non derelinquas presumentes de te, et de sua virtute gloriantes humilias. Exaudi.

Lectio Quinta.

CUM autem venisset in Rages civitatem Medorum, et ex his quibus honoratus fuerat a rege habuisset decem talenta argenti, et cum in multa turba generis sui Gabelum egentem videret, qui erat ex tribu eius, sub cyrographo dedit illi memoratum pondus argenti.

R. Dominator domine celorum et terre, creator aquarum, rex universe creature tue, * Exaudi orationes servorum tuorum. **V.** Tu domine cui humilium semper et mansuetorum placuit deprecatio. Exaudi.

Lectio Sexta.

POST multum vero temporis: mortuo Salmanasar rege cum regnaret Sennacherib filius eius pro eo, et filios Israel exosos haberet in conspectu suo, Thobias pergebat per omnem cognationem suam, et consolabatur eos.

R. Spem in alium nunquam habui preter in te deus Israel, * Qui irasceris et propitius eris, * Et omnia peccata hominum in tribulatione dimittis. **V.** Domine deus celi et terre respice ad humilitatem nostram. Qui. Gloria. Et omnia.

R. Conforta me rex sanctorum principatum tenens, * Et da sermonem rectum et bene sonantem in os meum. **V.** Da nobis domine locum penitentiae, et ne claudas ora canentium te domine. Et.

R. Laudate dominum deum nostrum, * Qui non deseruit sperantes in se, et in me adimplevit misericordiam suam, quam promisit domui Israel.

V. Laudate dominum omnes gentes et collaudate eum omnes populi. Qui.

R. Domine rex omnipotens in ditione tua cuncta sunt posita, et non est qui possit resistere voluntati tue, libera nos, * Propter nomen tuum. **V.** Exaudi domine orationem nostram, et converte luctum nostrum in gaudium. Propter. Gloria. Propter.

Due sequentes antiphone di-

cantur in Sabbatis Ad Mag. vel ad memoriam.

Ant. Ne reminiscaris domine delicta mea vel parentum meorum, neque vindictam suam de peccatis meis. **Ant.** Adonay domine deus magne et mirabilis qui dedisti salutem in manu femine exaudi preces servorum tuorum.

Si unum tantum Sabbatum fuerit dimittatur antiphona. Adonay.

Lectiones de Iudith. Lectio.

ARPHAXAT itaque rex Medorum subiugaverat multas gentes imperio suo, et ipse edificavit civitatem potentissimam quam appellavit Egbatanis. Ex lapidibus quadratis et sectis fecit muros eius in altitudinem cubitorum septuaginta, et in latitudinem cubitorum triginta.

Lectio.

TURRES vero eius posuit in altitudinem cubitorum centum. Per quadrum vero earum latus utrumque vicenorum pedum spatio tendebatur. Posuitque portas eius in altitudinem turrium. Et gloriabatur quasi potens in potentia exercitus sui, et in gloria quadrigarum suarum.

Lectio.

ANNO igitur duodecimo regni sui Nabuchodonosor rex Assiriorum, qui regnabat in Ninive civitate magna: pugnavit contra Arphaxat, et ob-

tinuit eum in campo magno qui appellatur Ragau circa Eufraten et Tigrim et Iadasan in campo Erioch regis Elichorum.

Lectio.

TUNC exaltatum est regnum Nabuchodonosor, et cor eius elevatum est. Et misit ad omnes qui habitabant in Cilicia, et Damasco, et Libano, et ad gentes que sunt in Carmelo et Cedar, et inhabitantes Galileam, in campo magno Esdrelon, et ad omnes qui erant in Samaria et trans flumen Iordanem usque ad Hierusalem, et omnem terram Iesse, quousque perveniatur ad montes Ethiopie.

Lectio.

AD hos omnes misit nuntios Nabuchodonosor rex Assiriorum. Qui omnes uno animo contradixerunt: et remiserunt eos vacuos, ac sine honore abiecerunt. Tunc indignatus Nabuchodonosor rex ad omnem terram illam: iuravit per thronum suum et regnum quod defenderet se de omnibus his.

Lectio.

ANNO tertio decimo Nabuchodonosor regis, vicesima et secunda die mensis primi, factum est verbum in domo Nabuchodonosor regis Assiriorum ut defenderet se. Vocavitque omnes maiores omnesque duces bellatores suos: et habuit cum eis misterium consilii sui. Dixitque cogita-

tionem suam in eo esse: ut omnem terram suo subiugaret imperio.

Lectiones de Hester. Lectio.

IN diebus Assueri qui regnavit ab India usque Ethiopiam super centum viginti septem provincias, quando sedit in solio regni sui, Susa civitas regni eius exordium fuit. Tertio igitur anno imperii sui fecit grande convivium cunctis principibus et pueris suis fortissimis Persarum et Medorum inclitis, et prefectis provinciarum coram se, ut ostenderet divitias glorie regni sui, ac magnitudinem atque iactantiam potentie sue multo tempore, centum videlicet et octoginta diebus.

Lectio.

CUMQUE implerentur dies convivii invitavit omnem populum qui inventus est Susis a maximo usque ad minimum, et iussit septem diebus convivium preparari in vestibulo orti et nemoris quod regio cultu et manu consitum erat. Et pendebant ex omni parte tentoria aerei coloris et carbasiini ac iacintini, sustentata funibus bissinis ac purpureis, qui eburneis circulis inserti erant, et columnis marmoreis fulciabantur.

Lectio.

LECTULI quoque aurei et argentei super pavimentum smaragdo et pario, stratum lapide dispositi erant: quod mi-

ra varietate pictura decorabat. Bibebant autem qui invitati erant aureis poculis, et aliis atque aliis vasis cibi inferebantur.

Lectio.

VINUM quoque ut magnificentia regia dignum erat, abundans et precipuum ponebatur. Nec erat qui nolentes cogeret ad bibendum, sed sic rex statuerat preponens mensis singulos de principibus suis, ut sumeret unusquisque quod vellet.

Lectio.

VASTHI quoque regina fecit convivium feminarum in palatio ubi rex Assuerus manere consueverat. Itaque die septimo cum rex esset hilarior, et post nimiam potationem incalisset mero, precepit Maumam, et Bazatha, et Arbona, et Bagatha, et Abgatha, et Zarith, et Carthas septem eunuchis qui in conspectu eius ministrabant, ut introducerent reginam Vasthi coram rege, posito super caput eius diadematē, ut ostenderet cunctis populis et principibus illius pulchritudinem. Erat enim pulchra valde. Que renuit, et ad regis imperium quod per eunuchos mandaverat venire contempsit.

Lectio.

UNDE iratus rex, et nimio furore succensus, interrogavit sapientes qui ex mo-

re regio semper ei aderant, et illorum faciebat cuncta consilio, scientium leges ac iura maiorum, erant autem primi et proximi, Carsena, et Sechar, et Admatha, et Tharsis, et Mares, et Marsana et Mamucha, septem duces Persarum atque Medorum, qui videbant faciem regis, et primi post eum residere soliti erant, cui sententie Vasthi regina subiaceret que Assueri regis imperium quod per eunuchos mandaverat facere noluisset.

DOMINICA prima Octobris et deinceps usque ad primam Dominicam Novembris exclusive cantetur hystoria, Adaperiat. et legatur de Libris Machabeorum quando de tempore agitur.

**Sabbato ante Primam
Dominicam Octobris**

Sabbato vero precedenti Ad Vesperas. R. Tua est. **III. Ad Mag. Ant.** Adaperiat dominus cor vestrum in lege sua et in preceptis suis et faciat pacem.

Ad Matutinas. Lectio Prima.

ET factum est, postquam percussit Alexander Philippi Macedo qui primus regnavit in Grecia egressus de terra Cethin Darium regem Persarum et Medorum, constituit prelia multa, et omnium obtinuit munitiones, et interfecit reges terre, et pertransiit usque ad fines terre. **R.**

ADAPERIAT dominus cor vestrum in lege sua et in preceptis suis et faciat pacem in diebus vestris, * Concedat vobis salutem et redimat vos a malis. **V.** Exaudiat dominus orationes vestras, et reconcilietur vobis, nec vos deserat in tempore malo. Concedat.

Lectio Secunda.

ET accepit spolia multitudinis gentium: et siluit terra in conspectu eius. Et congregavit virtutem et exercitum fortem nimis, et exaltatum est et elevatum cor eius, et obtinuit regiones gentium, et tyrannos: et facti sunt illi in tributum.

R. Exaudiat dominus orationes vestras et reconcilietur vobis, * Nec vos deserat in tempore malo. **V.** Det vobis cor omnibus ut colatis eum et faciatis eius voluntatem. Nec.

Lectio Tertia.

ET post hec decidit in lectum, et cognovit quia moreretur. Et vocavit pueros suos nobiles qui secum erant nutriti a iuventute sua, et divisit eis regnum suum cum adhuc viveret. Et regnavit Alexander annis duodecim: et mortuus est.

R. Tua est potentia, tuum regnum domine, tu es super omnes gentes, * Da pacem domine * In diebus nostris. **V.** Creator omnium deus, terribilis et fortis iustus et misericors. Da. Gloria. In diebus.

Lectio Quarta.

ET obtinuerunt pueri eius regnum unusquisque in loco suo. Et imposuerunt sibi omnes diademata post mortem eius, et filii eorum post eos annis multis, et multiplicata sunt mala in terra. Et exiit ex eis radix peccatrix Anthiocus illustris, filius Anthiochi regis, qui fuerat Rome obses: et regnavit in anno centesimo tricesimo et septimo regni Grecorum.

R. Congregata sunt inimici nostri et gloriantur in virtute sua, contere fortitudinem illorum domine, et disperge illos, * Ut cognoscant quia non est alius qui pugnet pro nobis nisi tu deus noster. **V.** Disperge illos in virtute tua et depone eos protector noster domine. Ut.

Lectio Quinta.

IN diebus illis exierunt ex Israhel filii iniqui, et suaserunt multis dicentes. Eamus et disponamus testamentum cum gentibus que circa nos sunt, quia ex quo recessimus ab eis, invenerunt nos mala multa. Et visus est bonus sermo in oculis eorum.

R. Impetum inimicorum ne timueritis, memores estote quomodo salvi facti sunt patres nostri, * Et nunc clamemus in celum et miserebitur nostri deus noster. **V.** Memento mirabilium eius que fecit Pharaoni et exercitui eius in mari rubro. Et.

Lectio Sexta.

ET destinaverunt aliqui de populo, et abierunt ad regem. Et dedit illis potestatem: ut facerent iusticias gentium. Et edificaverunt ginnasium in Hierosolimis secundum leges nationum, et fecerunt sibi preputia, et recesserunt a testamento sancto, et iuncti sunt nationibus: et venundati sunt ut facerent malum.

R. Refulsit sol in clipeos aureos et resplenduerunt montes ab eis, * Et fortitudo gentium dissipata est. **V.** Erat enim exercitus magnus valde et fortis, et appropriavit Iudas et exercitus eius in prelium. Et. Gloria. Et.

R. Dixit Iudas Simoni fratri suo, elige tibi viros et vade libera fratres tuos in Galileam, ego autem et Ionathas frater meus ibimus in Galadithim, * Sicut fuerit voluntas in celi sic fiat. **V.** Accigimini et estote filii potentes, quoniam melius est nobis mori in bello, quam videre mala gentis nostre et sanctorum. Sicut.

R. In ymnis et confessionibus benedicebant dominum, * Qui magna fecit in Israhel, et victoriam dedit illis dominus omnipotens. **V.** Ornaverunt faciem templi coronis aureis, et dedicaverunt altare domino. Qui.

R. Ornaverunt faciem templi coronis aureis et dedicaverunt altare domino, * Et facta est letitia magna * In populo. **V.** In

ymnis et confessionibus benedicebant dominum. Et. Gloria. In populo.

Sequentes antiphone dicende sunt in Sabbatis ad Mag. vel ad memoriam quamdiu cantabitur hystoria, Adaperiat.

Ant. Da pacem domine in diebus nostris, quia non est alius qui pugnet pro nobis nisi tu deus noster. **Ant.** Tua est potentia tuum regnum domine, tu es super omnes gentes, da pacem domine in diebus nostris. **Ant.** Accigimini filii potentes, et estote parati pugnare in prelio, quoniam melius est nobis mori in bello, quam videre mala gentis nostre et sanctorum, sicut fuerit voluntas in celo sic fiat. **Ant.** Exaudiat dominus orationes vestras et reconcilietur vobis, nec vos deserat in tempore malo.

Lectiones feriales ab illo loco, Et veritus est. in primo capitulo primi Machabeorum usque ad illum locum, Tunc congregata est synagoga. in secundo capitulo.

Dominica Secunda

Lectio Prima.

TUNC congregata est synagoga fortis viribus ex Israhel omnis voluntarius in lege. Et omnes qui fugiebant a malis additi sunt ad eos, et facti sunt illis ad firmamentum. Et collegerunt exercitum, et percusserunt peccatores in ira sua, et viros iniquos in indignatione

sua, et ceteri fugerunt ad nationes ut evaderent.

Lectio Secunda.

ET circuevit Mathathias et amici eius et destruxerunt aras, et circumciderunt pueros incircumcisos quotquot invenerunt in finibus Israhel in fortitudine, et persecuti sunt filios superbie, et prosperatum est opus in manu eorum. Et obtinuerunt legem de manibus gentium et de manibus regum, et non dederunt cornu peccatori.

Lectio Tertia.

ET appropinquaverunt dies Mathathie moriendi, et dixit filiis suis. Nunc confortata est superbia et castigatio, et tempus eversionis, et ira indignationis. Nunc ergo o filii emulatores estote legis, et date animas vestras pro testamento patrum. Et mementote operum patrum que fecerunt in generationibus suis, et accipietis gloriam magnam et nomen eternum.

Lectio Quarta.

ABRAHAM nonne in temptatione inventus est fidelis, et reputatum est ei ad iusticiam? Ioseph in tempore angustie sue custodivit mandatum, et factus est dominus Egypti. Phinees pater noster zelando zelum Dei, accepit testamentum sacerdotii eterni.

Lectio Quinta.

IHESUS dum implet verbum: factus est dux in Israhel. Ca-

leph dum testificatur in ecclesia, accepit hereditatem. David in sua misericordia: consecutus est sedem regni in secula. Helias dum zelat zelum legis, receptus est in celum.

Lectio Sexta.

ANANIAS, Azarias, Misael credentes: liberati sunt de flamma. Daniel in sua simplicitate: liberatus est de ore leonum. Et ita cogitate per generationem et generationem, quia omnes qui sperant in deo, non infirmantur. Et a verbis viri peccatoris ne timueritis: quia gloria eius stercus et vermis est. Hodie extollitur: et cras non invenietur.

Lectiones feriales a tercio capitulo usque ad secundum Liber Machabeorum ad libitum.

Dominica Tercia

Lectio Prima.

FRATRIBUS qui sunt per Egiptum Iudeis, salutem dicunt fratres qui sunt in Hierosolimis Iudei, et qui in regione Iudea: et pacem bonam. Beneficiat vobis Deus, et meminerit testamenti sui quod ad Abraham et Ysaac et Iacob loctus est servorum suorum fidelium: et det vobis cor omnibus ut colatis eum et faciatis eius voluntatem corde magno et animo volenti.

Lectio Secunda.

ADAPERIAT cor vestrum in lege sua et in preceptis suis: et faciat pacem. Exaudiat orationes vestras et reconcili-

lietur vobis, nec vos deserat in tempore malo.

Lectio Tertia.

ET nunc hic sumus, orantes pro vobis regnante Demetrio anno centesimo sexagesimo nono. Nos Iudei scripsimus vobis in tribulatione et impetu qui supervenit nobis in istis annis. Ex quo recessit Iason a sancta terra et a regno. Portam succenderunt, et effuderunt sanguinem innocentem.

Lectio Quarta.

ET oravimus ad dominum et exauditi sumus, et obtulimus sacrificium, et similaginem, et accendimus lucernas, et proposuimus panes. Et nunc frequentate dies scenophegie mensis Casleu.

Lectio Quinta.

ANNO centesimo octogesimo octavo, populus qui est Hierosolimis et in Iudea, senatusque et Iudas, Aristobolo magistro Ptolemei regis, qui est de genere christorum sacerdotum, et his qui in Egipto sunt Iudeis: salutem et sanitatem. De magnis periculis a Deo liberati, magnifice gratias agimus ipsi: utpote qui adversus talem regem dimicavimus.

Lectio Sexta.

IPSE enim ebullire fecit de Perside, eos qui pugnaverunt contra nos et sanctam civitatem. Nam cum in Perside esset dux ipse, et cum ipso immensus exercitus, cecidit

in templo Nanee, consilio de-
ceptus sacerdotism Nanee. Ut
enim cum eo habiturus venit
ad locum Anthiochus, et ami-
ci eius: et ut acciperet pecunias
multas dotis nomine.

Lectiones feriales a secundo
capitulo secundi Machabeo-
rum usque ad sextum capitulo
ad libitum.

Dominica Quarta

Lectio Prima.

CUM venisset Appollonius
Hierosolimam, pacem si-
mulans, quievit usque ad diem
sanctum sabbati. Et tunc feri-
atis Iudeis, arma capere suis
precepit, omnesque qui ad
spectaculum processerant,
trucidavit, et civitatem cum
armatis discurrens: ingentem
multitudinem peremit.

Lectio Secunda.

IUDAS autem Machabeus qui
decimus fuerat, secesserat
in desertum locum, ibique in-
ter feras vitam in montibus
cum suis agebat. Et feni ci-
bo vescentes demorabantur, ne
participes essent coinquina-
tionis.

Lectio Tertia.

NON post multum temporis
misit rex senem quendam
Anthiochenum, qui compelle-
ret Iudeos ut se transferrent a
patriis et Dei legibus, contami-
nare eciam quod in Hierosoli-
mis erat templum, et cogno-
minare Iovis Olympii et in Ga-

rizim, prout erant hi qui locum
inhabitabant Iovis hospitalis.

Lectio Quarta.

PESSIMA autem et universis
gravis, malorum erat in-
cursio. Nam templum luxuria
et comessionibus erat plen-
um, et scortantium cum me-
rettricibus: sacratisque edibus
mulieres se ultro ingerebant,
intro ferentes ea que non lice-
bat.

Lectio Quinta.

ALITARE eciam plenum erat
illicitis que legibus prohi-
bebantur. Neque autem sabba-
ta custodiebantur, neque dies
sollemnes patrii servabantur:
nec simpliciter Iudeum qui-
squam se confitebatur. Duce-
bantur autem cum amara ne-
cessitate in die natalis regis ad
sacrificia.

Lectio Sexta.

ET cum Liberi sacra celebra-
rentur, cogebantur hede-
ra coronati Libero circuire. De-
cretum autem exiit in proxi-
mas gentilium civitates sug-
gerentibus Ptolemeis, ut pa-
ri modo et ipsi adversus Iu-
deos agerent ut sacrificarent:
eosque qui nollent transire ad
instituta gentilium: interfice-
rent.

Lectiones feriales a septimo
capitulo usque ad nonum ad li-
bitum.

Dominica Quinta

Lectio Prima.

ANTHIOCHUS inhoneste re-

vertebatur de Perside. Intraverat enim in eam que dicitur Persepolis. Et temptavit expoliare templa, et civitatem opprimere. Sed multitudine ad arma concurrente: in fugam versi sunt. Et ita contigit, ut Anthiochus post fugam turpiter rediret.

Lectio Secunda.

ET cum venisset circa Eg-bathanan: recognovit que erga Nichanorem et Thimothem gesta sunt. Elatus autem in ira, arbitrabantur se iniuriam illorum qui se fugaverant posse in Iudeos retorquere. Ideoque iussit agitari currum suum, sine intermissione agens iter, celesti eum iudicio perurgente: eo quod ita superbe locutus est venturum se Hierosolimam, et congeriem sepulchri Iudeorum eam facturum.

Lectio Tertia.

SED qui universa conspiciat dominus Deus Israhel: percussit eum insanabili et invisibili plaga. Ut enim finivit hunc ipsum sermonem, apprehendit eum dolor dirus viscerum, et amara internorum tormenta. Et quidem satis iuste: quippe qui multis et novis cruciatibus aliorum torserat viscera: licet ille nullo modo a sua malitia cessaret.

Lectio Quarta.

SUPER hec autem superbia repletus, ignem spirans

animo in Iudeos, et precipiens accelerari negotium, contigit illum impetu euntem de curru cadere, et gravi corporis collisione membra vexari. Isque qui sibi videbatur etiam fluctibus maris imperare, supra humanum modum superbia repletus, et montium altitudines in statera appendere, nunc humiliatus ad terram in gestatorio portabatur, manifestam Dei virtutem in semetipso contestans, ita ut de corpore impii vermes scaturirent, ac viventis in doloribus carnes eius effluerent, odore etiam illius et fetore exercitus gravaretur.

Lectio Quinta.

ET qui paulo ante sidera celi contingere se arbitrabatur: eum nemo poterat propter intolerantiam fetoris portare. Hinc igitur cepit ex gravi superbia deductus ad agnitionem sui venire, divina admonitus plaga, per momenta singula doloribus suis augmenta capientibus.

Lectio Sexta.

ET cum nec ipse iam fetorem suum ferre posset, sic ait. Iustum est subditum esse Deo: et mortalem non paria Deo sentire. Orabat autem hic scelestus dominum: a quo non esset misericordiam consecuturus. Et civitatem ad quam festinans veniebat, ut eam ad solum deduceret, ac sepulchrum

congestorum faceret: nunc op-
tat liberam reddere.

Lectiones feriales a nono capi-
tulo usque ad finem ad libitum.

DOMINICA prima Novem-
bris et deinceps usque ad
primam Dominicam Adventus
exclusive quando de tempore
agitur cantetur hystoria, Vidi
dominum. et legantur Ezechiel
et Daniel et duodecim prophe-
te. Et notandum quod cum le-
gitur Liber Ezechielis lectiones
de primo capitulo per. Tu au-
tem. a secundo et deinceps per.
Hec dicit dominus. finiuntur.

Sabbato ante Primam Dominicam Novembris

Sabbato vero precedenti ad Ve-
speras. **R.** Aspice domine de se-
de. **II. Ad Mag. Ant.** Vidi domi-
num sedentem super solium
excelsum, et plena erat omnis
terra maiestate eius, et ea que
sub ipso erant replebant tem-
plum.

Ad Matutinas. Lectio Prima.

ET factum est in tricesimo
anno, in quarto in quin-
ta mensis: cum essem in me-
dio captivorum iuxta fluvium
Chobar: aperti sunt celi, et
vidi visiones Dei. In quinta
mensis, ipse est annus quin-
tus transmigrationis regis loa-
chim, factum est verbum do-
mini ad Ezechielem filium Bu-
zi sacerdotem in terra Chal-
deorum, secus flumen Chobar.
Tu autem. **Responsorium.**

VIDI dominum sedentem

super solium excelsum et
elevatum, et plena erat omnis
terra maiestate eius, * Et ea
que sub ipso erant replebant
templum. **V.** Seraphim stabant
super illud, sex ale uni et sex
ale alteri. Et ea.

Lectio Secunda.

ET facta est super eum ibi
manus domini. Et vidi, et
ecce ventus turbinis veniebat
ab aquilone, et nubes magna et
ignis involvens: et splendor in
circuitu eius. Et de medio eius
quasi species electri: id est de
medio ignis.

R. Aspice domine de sede sanc-
ta tua et cogita de nobis, inclina
deus meus aurem tuam et au-
di, * Aperi oculos tuos et vide
tribulationem nostram. **V.** Qui
regis Israhel intende, qui de-
ducis velut ovem Ioseph. Aperi.

Lectio Tertia.

ET in medio eius similitu-
do quatuor animalium, et
hic aspectus eorum. Similitu-
do hominis in eis. Et quatuor
facies uni, et quatuor penne
uni. Et pedes eorum pedes rec-
ti: et planta, pedis eorum quasi
planta pedis vituli, et scintille
quasi aspectus eris candentis.
Et manus hominis sub pennis
eorum in quatuor partibus.

R. Aspice domine quia facta est
desolata civitas plena divitiis,
sedet in tristitia domina gen-
tium, * Non est qui console-
tur eam nisi tu deus. **V.** Plo-
rans ploravit in nocte et lacri-

me eius in maxillis eius. Non.
Gloria. Non.

Lectio Quarta.

ET facies et pennas per quatuor partes habebant, iuncteque erant penne eorum alterius ad alterum. Non revertebantur cum incederent, sed unumquodque ante faciem suam gradiebatur. Similitudo autem vultus eorum facies hominis, et facies leonis a dextris ipsorum quatuor, facies autem bovis a sinistris ipsorum quatuor: et facies aquile desuper ipsorum quatuor.

R. Super muros tuos Hierusalem constitui custodes tota die et nocte non tacebunt, * Laudantes nomen domini. **V.** Predicabunt populis fortitudinem meam et annuntiabunt in gentibus gloriam meam. Laudantes.

Lectio Quinta.

ET facies eorum et penne eorum extente desuper. Due penne singulorum iungebantur: et due tegebant corpora eorum. Et unumquodque eorum coram facie sua ambulabat. Ubi erat impetus spiritus, illuc gradiebantur: nec revertebantur cum ambularent.

R. Muro tuo inexpugnabili circumcinge nos domine, et armis tue potentie protege nos semper, * Libera domine deus Israhel clamantes ad te. **V.** Erue nos in mirabilibus tuis et da gloriam nomini tuo. Libera.

Lectio Sexta.

SIMILITUDO animalium et aspectus eorum quasi carbonum ignis ardentium et quasi aspectus lampadarum. Hec erat visio discurrens in medio animalium, splendor ignis, et de igne fulgur egrediens. Et animalia ibant et revertebantur, in similitudinem fulguris choruscantis.

R. Sustinuimus pacem et non venit, quesivimus bona et ecce turbatio, cognovimus domine peccata nostra, * Non in perpetuum obliviscaris nos.

V. Peccavimus cum patribus nostris, iniuste egimus, iniquitatem fecimus. Non. Gloria. Non.

R. Angustie michi sunt undique, et quid eligam ignoro, * Melius est michi incidere in manus hominum quam derelinquere legem dei mei. **V.** Si enim hoc egero mors michi est, si autem non egero non effugiam manus vestras. Melius.

R. Misit dominus angelum suum et conclusit ora leonum et non me contaminaverunt, * Quia coram eo iusticia inventa est in me. **V.** Misit deus misericordiam suam et veritatem suam, animam meam eripuit de medio catulorum leonum. Quia.

R. Laudabilis populis quem dominus exercituum benedixit dicens, opus manuum tuearum tu es, * Hereditas mea Israhel. **V.** Beata gens cuius est

dominus deus eius populus electus in hereditatem. Hereditas. Gloria. Hereditas.

Sequentes antiphone dicende sunt in Sabbatis, Ad Mag. vel ad memoriam quamdiu cantabitur hystoria, Vidi dominum.

Ant. Muro tuo inexpugnabili circumcinge nos domine et armis tue potentie protege nos semper deus noster. **Ant.** Qui celorum contines thronos et abyssos intueris domine rex regum, montes ponderas, terram palmo concludis, exaudi nos domine in gemitibus nostris. **Ant.** Sustinuimus pacem et non venit domine, quesivimus bona et ecce turbatio, cognovimus domine peccata nostra ne in eternum obliviscaris nos deus Israhel. **Ant.** Aspice domine quia facta est desolata civitas plena divitiis, sedet in tristicia domina gentium, non est qui consoletur eam nisi tu deus noster.

Lectiones feriales a secundo capitulo Ezechielis usque ad septimum ad libitum.

Dominica Secunda

Lectio Prima.

ET factus est sermo domini ad me dicens. Et tu fili hominis, hec dicit dominus Deus terre Israhel. Finis venit, venit finis super quatuor plagas terre. Nunc finis super te, immittam furorem meum in te. Et iudicabo te iuxta vias tuas,

et ponam contra te omnes abominationes tuas. Hec dicit.

Lectio Secunda.

ET non parcet oculus meus super te, et non miserebor, sed vias tuas ponam super te, et abominationes tue in medio tui erunt. Et scietis: quia ego dominus. Hec dicit dominus Deus. Afflictio una afflictio: ecce venit. Finis venit, venit finis. Evigilavit adversum te. Ecce venit. Venit contractio super te, qui habitas in terra. Hec dicit.

Lectio Tertia.

VENIT tempus, prope est dies occisionis et non glorie montium. Nunc de propinquo effundam iram meam super te, et complebo furorem meum in te. Et iudicabo te iuxta vias tuas, et imponam tibi omnia scelera tua: et non parcet oculus meus nec miserebor, sed vias tuas imponam tibi, et abominationes tue in medio tui erunt: et scietis quia ego sum dominus percutiens. Hec dicit.

Lectio Quarta.

ECCE dies: ecce venit. Egredsa est contractio. Floruit virga, germinavit superbia: iniquitas surrexit in virga impietatis. Non ex eis, et non ex populo, neque ex sonitu eorum: et non erit requies in eis. Hec dicit.

Lectio Quinta.

VENIT tempus: appropinquavit dies. Qui emit non

letetur, et qui vendit non luceat, quia ira super omnem populum eius. Quia qui vendit ad id quod vendidit non revertetur: et adhuc in viventibus vita eorum. Visio enim ad omnem multitudinem eius non regredietur, et vir in iniquitate vite sue non confortabitur. Hec dicit.

Lectio Sexta.

CANITE tuba, preparentur omnes, et non est qui vadat ad prelium. Ira enim mea super universum populum eius. Gladium foris, pestis et fames intrinsecus. Qui in agro est gladio morietur, et qui in civitate, pestilentia et fame devorabuntur. Et salvabuntur qui fugerint ex eis: et erunt in montibus quasi columbe convallium, omnes trepidi, unusquisque in iniquitate sua. Hec dicit.

Lectiones feriales ab octavo capitulo usque ad finem ad libitum.

Dominica Tercia

Lectio Prima.

ANNO tertio regni Ioachim regis Iuda venit Nabuchodonosor rex Babilonis Hierusalem, et obsedit eam, tradidit dominus in manu eius Ioachim regem Iuda, et partem vasorum domus Dei. Et asportavit ea in terram Sennaar in domum dei sui, et vasa intulit in domum thesauri dei sui. Tu autem.

Lectio Secunda.

ET ait rex Asfanaz preposito eunuchorum suorum, ut introduceret de filiis Israhel, et de semine regio et tyrannorum pueros, in quibus nulla esset macula, decoros forma: et eruditos omni sapientia, cautos scientia et doctos disciplina, et qui possent stare in palatio regis, ut doceret eos litteras et linguam Chaldeorum. Tu.

Lectio Tertia.

ET constituit eis rex annum per singulos dies de cibis suis, et de vino unde bibebat ipse: ut enutriti tribus annis, postea starent in conspectu regis. Fuerunt ergo inter eos de filiis Iuda, Daniel, Ananias, Misael, et Azarias. Et imposuit eis prepositus eunuchorum nomina, Danieli Balthasar, Ananie Sidrac, Misaeli Misach, et Azarie Abdenago. Tu autem.

Lectio Quarta.

PROPOSUIT autem Daniel in corde suo ne pollueretur de mensa regis, neque de vino potus eius. Et rogavit eunuchorum prepositum ne contaminaretur. Dedit autem Deus Danieli gratiam et misericordiam in conspectu principis eunuchorum. Tu autem.

Lectio Quinta.

ET ait princeps eunuchorum ad Danielelem. Timeo ego dominum meum regem: qui constituit vobis cibum et potum. Qui si viderit vultus ve-

stros macilentiores pre ceteris adolescentibus coevis vestris condemnabitis caput meum regi. Tu autem.

Lectio Sexta.

ET dixit Daniel ad Malasar, quem constituerat princeps eunuchorum super Danielelem Ananiam, Misaelem, et Azariam. Tempta nos obsecro servos tuos diebus decem, et dentur nobis legumina ad vescendum et aqua ad bibendum, et contemplare vultus nostros et vultus puerorum qui vescuntur cibo regio: et sicut videris sic facias cum servis tuis. Tu autem.

Lectiones feriales a secundo capitulo Danielis usque ad finem ad libitum.

Dominica Quarta

Lectio Prima.

VERBUM domini quod factum est ad Osee filium Beeri in diebus Ozie, Ioathan, Achaz, Ezechie regum Iuda: et in diebus Ieroboam filii Ioas regis Israhel. Principium loquendi domino in Osee. Et dixit dominus ad Osee. Vade sume tibi uxorem fornicationum, et filios fornicationum, quia fornicans fornicabitur terra a domino. Et abiit, et accepit Gomer filiam Debelaim. Et concepit: et peperit ei filium. Hec dicit.

Lectio Secunda.

ET dixit dominus ad eum. Voca nomen eius Iezrael: quoniam adhuc modicum et visitabo sanguinem Iezrael su-

per domum Hieu: et quiescere faciam regnum domus Israhel. Et in illa die conteram arcum Israhel in valle Iezrael. Et concepit adhuc, et peperit filiam. Et dixit ei. Voca nomen eius absque misericordia, quia non addam ultra misereri domui Israhel: sed oblivione obliviscar eorum. Et domui Iuda miserebor, et salvabo eos in domino Deo suo, et non salvabo eos in arcu et gladio et in bello, et in equis et in equitibus. Hec dicit.

Lectio Tertia.

ET ablactavit eam que erat absque misericordia. Et concepit, et peperit filium. Et dixit. Voca nomen eius non populus meus: quia vos non populus meus, et ego non ero vester. Et erit numerus filiorum Israhel quasi harena maris que sine mensura est: et non numerabitur. Et erit, in loco ubi dicetur eis, non populus meus vos: dicetur eis, filii Dei viventis. Et congregabuntur filii Iuda et filii Israhel pariter, et ponent sibimet caput unum, et ascendent de terra: quia magnus dies Iezrael. Hec dicit.

Lectio Quarta.

DICITE fratribus vestris populus meus, et sorori vestre misericordiam consecuta. Iudicate matrem vestram iudicate: quoniam ipsa non uxor mea, et ego non vir eius. Auferat fornicationes suas a facie sua, et adulteria sua de medio

uberum suorum, ne forte expoliem eam nudam, et statuam eam secundum diem nativitatibus sue. Hec dicit.

Lectio Quinta.

ET ponam eam quasi solitudinem, et statuam eam velut terram inviam, et interficiam eam siti. Et filiorum illius non miserebor, quoniam filii fornicationum sunt: quia fornicata est mater eorum. Confusa est que concepit eos: quia dixit. Vadam post amatores meos, qui dant panes michi, et aquas meas, lanam meam, et linum meum, oleum meum et potum meum. Hec dicit.

Lectio Sexta.

PROPTER hoc, ecce ego sepiam viam tuam spinis, et sepiam eam maceria, et semitas suas non inveniet. Et sequetur amatores suos et non apprehendet eos: et queret eos et non inveniet. Et dicet. Vadam et revertar ad virum meum priorem, quia bene michi erat tunc magis quam nunc. Hec dicit.

Lectiones feriales a tercio capitulo Osee usque ad Micheam ad libitum.

Dominica Quinta

Lectio Prima.

VERBUM domini quod factum est ad Micheam Morastiten in diebus Ioathan, Achaz, Ezechie regum Iuda, quod vidit super Samariam et Hierusalem. Audite populi om-

nes, et attendat terra et plenitudo eius, et sit dominus Deus vobis in testem, dominus de templo sancto suo. Quia ecce dominus egredietur de loco suo: et descendet et calcabit super excelsa terre. Hec dicit.

Lectio Secunda.

ET consumentur montes subtus eum, et valles scinduntur sicut cera a facie ignis: et sicut aque que decurrunt in preceps. In scelere Iacob omne istud, et in peccatis domus Israhel. Quod scelus Iacob? Nonne Samaria? Et que excelsa Iude? Nonne Hierusalem? Hec dicit.

Lectio Tertia.

ET ponam Samariam quasi acervum lapidum in agro cum plantatur vinea. Et detraham lapides eius in vallem: et fundamenta eius revelabo. Et omnia sculptilia eius concidentur: et omnes mercedes eius comburentur igni. Et omnia ydola eius ponam in perditionem, quia de mercedibus meretricis congregata sunt: et usque ad mercedem meretricis revertentur. Hec dicit.

Lectio Quarta.

SUPER hoc plangam et ululabo. Vadam spoliatus et nudus. Faciam planctum velut drachonum, et luctum quasi strutionum: quia desperata est plaga eius, quia venit usque ad Iudam, tetigit portam po-

puli mei usque ad Hierusalem. Hec dicit.

Lectio Quinta.

IN Geth nolite annuntiare: lacrimis ne ploretis. In domo pulveris, pulvere vos conspergite. Et transite vobis habitatio pulchra, confusa ignominia. Non est egressa que habitat in exitu. Planctum domus vicina accipiet ex vobis que stetit sibimet, quia infirmata est in bonum que habitat in amaritudinibus, quia descendit malum a domino in portam Hierusalem, tumultus quadrigæ stuporis habitanti Lachis. Hec dicit.

Lectio Sexta.

PRINCIPIUM peccati est filie Syon, quia in te inventa sunt scelera Israhel. Propterea dabit emissarios super hereditatem Geth, domus mendacii in deceptionem regibus Israhel. Adhuc heredem adducam tibi que habitas in Maresa: usque ad Odollam veniet gloria Israhel. Hec dicit.

Lectiones feriales a primo capitulo Zacharie usque ad finem Malachie ad libitum.

Serie Evangeliorum Cum Orationibus

Dominica Prima post festum Trinitatis. Oratio.

DEUS in te sperantium fortitudo, adesto propitius invocationibus nostris, et quia sine te nichil potest mortalis infirmitas, presta auxilium gratie tue, ut in exequendis

mandatis tuis et voluntate tibi et actione placeamus. Per.

Lectio VII. Secundum Lucam.

IN illo tempore: Dicebat Iesus turbis Iudeorum et Phariseorum. Homo quidam erat dives, et induebatur purpura et bisso, et epulabatur cotidie splendide. Et reliqua.

Omelia Beati Gregorii Pape. ✠

QUEM fratres karissimi, quem dives iste qui induebatur purpura et bisso et epulabatur cotidie splendide, nisi Iudaicum populum significat, qui cultum vite exterius habuit, qui accepte legis deliciis ad nitorem usus est non ad utilitatem? Quem vero Lazarus ulceribus plenus, nisi gentilem populum figuraliter exprimit, qui dum conversus ad Deum confiteri peccata sua non erubuit, huic vulnus in cute fuit.

Lectio VIII.

IN cutis quippe vulnere virus a visceribus trahitur, et foras erumpit. Quid est ergo peccatorum confessio, nisi quedam vulnere ruptio? Quia peccati virus salubriter aperitur in confessione, quod pestifere latebat in mente. Vulnere etenim cutis in superficie trahunt humorem putredinis. Et confitendo peccata quid aliud agimus, nisi malum quod in nobis latebat aperimus?

Lectio IX.

SED Lazarus vulneratus curiebat saturari de micis

que cadebant de mensa divitis, et nemo illi dabat: quia gentilem quemque ad cognitionem legis admittere, superbus ille populus despiciebat. Qui dum doctrinam legis non ad caritatem habuit, sed ad elationem, quasi de acceptis opibus tumuit. Et quia ei verba defluebant de scientia: quasi mice cadebant de mensa.

Ad Ben. Ant. Homo quidam erat dives et induebatur purpura et bisso et epulabatur cotidie splendide, et erat quidam mendicus nomine Lazarus, qui iacebat ad ianuam eius ulceribus plenus cupiens saturari de micis que cadebant de mensa divitis, et nemo illi dabat, sed et canes veniebant et lingeabant ulcera eius alleluia.

Ad Mag. Ant. Pater Abraham miserere mei et mitte Lazarum ut intingat extremum digiti sui in aquam, ut refrigeret linguam meam.

Dominica Secunda. Oratio.

SANCTI nominis tui domine timorem pariter et amorem fac nos habere perpetuum, quia nunquam tua gubernatione destituis, quos in soliditate tue dilectionis instituis. Per.

Lectio VII. Secundum Lucam.

IN illo tempore: Dixit Ihesus discipulis suis similitudinem hanc. Homo quidam fecit cenam magnam: et vocavit multos. Et reliqua.

Omelia Beati Gregorii Pape. ✠

QUIS est iste homo fratres karissimi, nisi ille de quo per prophetam dicitur: homo est, et quis cognoscet eum? Qui fecit cenam magnam: quia satietatem nobis interne dulcedinis preparavit. Qui vocavit multos, sed pauci veniunt, quia nonnunquam ipsi qui ei per fidem subiecti sunt: eterno eius convivio male vivendo contradicunt.

Lectio VIII.

MISIT autem servum suum hora cene, dicere invitatis ut venirent. Quid hora cene, nisi finis est mundi? In quo nimirum nos sumus, sicut iam dudum Paulus testatur dicens. Nos sumus in quos fines seculorum devenerunt. Si ergo hora cene iam est cum vocamur, tanto minus nos excusare debemus a convivio Dei, quanto propinquasse iam cernimus finem mundi. Quo enim pensamus quia nichil est quod restat, eo debemus pertimescere, ne tempus gratie quod presto est pereat.

Lectio IX.

IDCIRCO autem hoc convivium Dei non prandium sed cena nominatur, quia post prandium cena, post cenam vero convivium nullum restat. Et quia eternum Dei convivium nobis in extremo preparabitur, rectum fuit ut hoc non prandium sed cena vocaretur. Sed quis per hunc servum qui a

patrefamilias ad invitandum mittitur, nisi predicatorum ordo designatur?

Ad Ben. Ant. Homo quidam fecit cenam magenam et vocavit multos, et misit servum suum hora cene dicere invitatis ut venierent, quia omnia parata sunt alleluya.

Ad Mag. Ant. Exi cito in plateas et vicos civitatis et pauperes ac debiles, et cecos et claudos compelle intrare ut impleatur domus mea alleluya.

Dominica Tercia. Oratio.

DEPRECAIONEM nostram quesumus domine benignus exaudi et quibus supplicandi prestas affectum, tribue defensionis auxilium. Per.

Lectio VII. Secundum Lucam.

IN illo tempore: Erant appropinquantes ad Ihesum publicani et peccatores ut audirent illum. Et murmurabant Pharisei et scribe dicentes, quia hic peccatores recipit et mandauca cum illis. Et reliqua.

Omelia Beati Gregorii Pape. ✠

AUDISTIS ex lectione evangelica fratres mei, quia peccatores et publicani accesserunt ad redemptorem nostrum, et non solum ad colloquendum sed etiam ad convescendum recepti sunt. Quod videntes Pharisei dedignati sunt. Ex qua re colligite, quia vera iusticia compassionem habet, falsa iusticia dedigna-

tionem, quamvis et iusti recte soleant peccatoribus indignari. Sed aliud est quod agitur typo superbie: aliud quod zelo discipline.

Lectio VIII.

DEDIGNANTUR iusti, sed non dedignantes. Desperant: sed non desperantes. Persecutionem commovent: sed amantes. Quia et si foris increpationes per disciplinam exaggerant: intus tamen dulcedinem per caritatem servant. Preponunt sibi in animo iusti, ipsos plerumque quos corrigunt, meliores existimant eos quoque quos iudicant. Quod videlicet agentes: et per disciplinam subditos, et per humilitatem custodiunt semetipsos.

Lectio IX.

AT contra hi qui de falsa iusticia superbire solent, ceteros quosque despicunt, nulla infirmantibus misericordia condescendunt. Et quo se peccatores esse non credunt, eo deterius peccatores fiunt. De quorum profecto numero Pharisei extiterant: qui diiudicantes dominum quod peccatores susciperet: arenti corde ipsum fontem misericordie reprehendebant.

Ad Ben. Ant. Quis ex vobis homo qui habet centum oves, et si perdiderit unam ex illis nonne dimittit nonaginta novem in deserto, et vadit ad illam que

perierat donec inveniatur illam alleluia.

Ad Mag. Ant. Que mulier habens dragmas decem, et si perdidit dragmam unam, nonne accendit lucernam, et everrit domum, et querit diligenter donec inveniatur?

Dominica Quarta. Oratio.

PROTECTOR in te sperantium deus, sine quo nichil est validum nichil sanctum, multiplica super nos misericordiam tuam, ut te rectore te duce sic transeamus per bona temporalia, ut non amittamus eterna. Per.

Lectio VII. Secundum Lucam.

IN illo tempore: Dixit Ihesus discipulis suis. Estote misericordes: sicut et pater vester misericors est. Nolite iudicare, et non iudicabimini. Et reliqua.

Omelia Venerabilis Bede Presbiteri.

BENIGNUS est Deus super ingratos et malos, vel multiplices scilicet sua misericordia, qua etiam iumenta salvat temporalia bona largiendo, vel celestia dona singulari gratia qua electos suos solum glorificat inspirando. Sed sive hoc, sive illud, sive utrumque intelligas, magna Dei bonitate fit, que nobis imitanda precipitur si filii Dei esse volumus.

Lectio VIII.

NOLITE inquit iudicare, et non iudicabimini. Nolite condemnare et non condem-

nabimini. Hoc loco nichil aliud precipi existimo, nisi ut ea facta que dubium est quo animo fiant: in meliorem partem interpretemur. Quod autem scriptum est a fructibus eorum cognoscetis eos: de manifestis dictum est, que non possunt bono animo fieri, sicuti sunt stupra, vel blasphemie, vel furta, vel ebrietates, et si qua sunt talia de quibus nobis iudicare permittitur.

Lectio IX.

DE genere autem ciborum, quia possunt bono animo et simplici corde sine vitio concupiscentie quicumque humani cibi indifferenter sumi, prohibet apostolus iudicari eos qui carnibus vescebantur, et bibebant vinum: ab eis qui se ab huiusmodi alimentis temperabant. Qui enim manducat inquit, non manducantem non spernat, et qui non manducat, manducantem non iudicet.

Ad Ben. Ant. Estote ergo misericordes sicut et pater vester misericors est dicit dominus.

Ad Mag. Ant. Nolite iudicare et non iudicabimini, in quo enim iudicio iudicaveris iudicabimini dicit dominus.

Dominica Quinta. Oratio.

DA nobis quesumus domine, ut et mundi cursus pacifice nobis tuo ordine dirigatur, et ecclesia tua tranquilla devotione letetur. Per.

Lectio VII. Secundum Lucam.

In illo tempore: Cum turbe irruerunt ad Ihesum, ut audirent verbum dei: et ipse stabat secus stagnum Genesareth. Et reliqua.

Omelia Venerabilis Bede Presbiteri.

STAGNUM Genesareth idem dicunt esse quod mare Galilee vel mare Tiberiadis. Sed mare Galilee ab adiacente provincia dictum est, mare Tiberiadis a proxima civitate, que olim Cenereth vocata, sed ab Herode tetrarcha instaurata, in honorem Tiberii Cesaris: Tiberias est appellata.

Lectio VIII.

PORRO Genesar a laci ipsius natura, qua crispantibus aquis de seipso excitare auram perhibetur, Greco vocabulo quasi generans sibi auram dicitur. Neque enim in stagni morem sternitur aqua, sed frequentibus auris spirantibus agitur, haustu dulcis, et ad potandum habilis. Sed Hebraice lingue consuetudine, omnis aquarum congregatio, sive dulcis sive salsa, mare nuncupatur.

Lectio IX.

QUIA ergo stagnum sive mare presens seculum designat, dominus secus mare stat, postquam vite labentis mortalitatem devincens in ea qua passus est carne stabilitatem perpetue quietis adiit. Turbarum conventus ad eum:

gentium in fide concurrentium typus est, de quibus Ysaïas, et fluent inquit ad eum omnes gentes, et ibunt populi multi.

Ad Ben. Ant. Ascendit Ihesus in navim et sedens docebat turbas alleluya.

Ad Mag. Ant. Preceptor per totam noctem laborantes nichil cepimus, in verbo autem tuo laxabo rete.

Dominica Sexta. Oratio.

DEUS qui diligentibus te bona invisibilia preparasti, infunde cordibus nostris tui amoris affectum: ut te in omnibus et super omnia diligentes, promissiones tuas que omne desiderium superant consequamur. Per.

Lectio VII. Secundum Matheum.

In illo tempore: Dixit Ihesus discipulis suis. Amen dico vobis: nisi abundaverit iusticia vestra plus quam scribarum et Phariseorum: non intrabitis in regnum celorum. Et reliqua.

Omelia Venerabilis Bede Presbiteri. ✠

AUDISTIS fratres karissimi dominum in evangelio discipulos admonentem, et in illis omnes nos, nisi inquantem abundaverit iustitia vestra plus quam scribarum et phariseorum: non intrabitis in regnum celorum. Iustitia namque scribarum et phariseorum est, ut non occidant: iustitia vero illorum qui intraturi sunt

in regnum celorum, ut non irascantur sine causa.

Lectio VIII.

QUAPROPTER qui docet ut non irascamur non solvit legem ne occidamus, sed implet potius: ut et foris dum non occidimus, et in corde dum non irascimur, innocentiam custodiamus. Audistis inquit, quia dictum est antiquis. Non occides. Qui autem occiderit: reus erit iudicio. Ego autem dico vobis: quia omnis qui irascitur fratri suo, reus erit iudicio. Sed qui interest inter reum iudicio, et reum concilio, et reum gehenne ignis? Nam enim reatus haberet gradus, nisi etiam gradatim peccata commemorarentur.

Lectio IX.

GRADUS igitur sunt in istis peccatis. In primo unum est, idest ira sola. In secundo duo: ira scilicet et vox que iram significat. In tertio vero tria, ira scilicet, et vox que iram significat: et in voce ipsa vituperationis expressio. Unde etiam trium reatum, iudicii, concilii, gehenne ignis, diversitatis aliquid interesse, fateri cogit ipsa distinctio.

Ad Ben. Ant. Audistis quia dictum est antiquis, non occides, qui autem occiderit reus erit iudicio.

Ad Mag. Ant. Si offers munus tuum ad altare et recordatus fueris quia frater tuus habet

aliquid adversum te, relinque ibi munus tuum ante altare et vade prius reconciliari fratri tuo, et tunc veniens offeres munus tuum alleluya.

Dominica Septima. Oratio.

DEUS virtutem cuius est totum quod est optimum, inserte pectoribus nostris amorem tui nominis: et presta in nobis religionis augmentum, ut que sunt bona nutrias, ac pietatis studio que sunt nutrita custodias. Per.

Lectio VII. Secundum Marcum.

IN illo tempore: Cum turba multa esset cum Ihesu, nec haberent quod manducarent: convocatis discipulis, ait illis. Misereor super turbam quia ecce iam triduo sustinent me, nec habent quod manducent. Et reliqua.

Omelia Venerabilis Bede Presbiteri. ✠

IN hac lectione consideranda est in uno eodemque redemptore nostro distincta operatio divinitatis et humanitatis, atque Euthycetis error, qui unam tantum in Christo operationem dogmatizare presumpsit, procul a Christianis finibus expellendus. Quis enim non videat hoc quod super turbam miseretur dominus, ne vel inedia vel vie longioris labore deficiat: affectum esse et compassionem humane fragilitatis, quod vero de septem panibus et pisciculis pau-

cis quatuor milia hominum saturavit, divine opus esse virtutis?

Lectio VIII.

MYSTICE autem hoc miraculo designatur, quod viam presentis seculi aliter incolumes transire nequimus: nisi nos gratia redemptoris nostri alimento verbi sui reficiat. Hoc vero typice inter hanc refectionem et illam quinque panum ac duorum piscium distat: quod ibi littera veteris instrumenti spiritali gratia plena esse signata est, hic autem novi veritas ac gratia testamenti fidelibus ministranda monstrata est.

Lectio IX.

SANE utraque refectio in monte celebrata est, ut aliorum evangelistarum narratio declarat, quia utriusque scriptura testamenti recte intellecta: altitudinem nobis celestium preceptorum mandat et premiorum: utraque altitudinem Christi qui est mons domus domini in vertice montium, consona voce predicat.

Ad Ben. Ant. Misereor super turbam, quia ecce iam triduo sustinent me, nec habent quod manducent, et si dimisero eos ieiunos deficient in via, alleluya.

Ad Mag. Ant. Et accipiens Ihesus septem panes gratias agens benedixit, et fregit et dedit discipulis suis ut appo-

nerent, et apposuerunt turbe alleluya.

Dominica Octava. Oratio.

DEUS cuius providentia in sui dispositione non fallitur, te supplices exoramus, ut noxia cuncta summoveas, et omnia nobis profutura concedas. Per.

Lectio VII. Secundum Mattheum.

IN illo tempore: Dixit Ihesus discipulis suis. Attendite a falsis prophetis qui veniunt ad vos in vestimentis ovium, intrinsecus autem sunt lupi rapaces. Et reliqua.

Omelia Origenis.

QUOD paulo superius spatiosam et latam viam dominus nominavit, hoc nunc apertius falsos prophetas ostendit, per quos multi in perditionem abhominabilem abierunt: quia primo in Iudea multi apparuerunt, et modo perfidia sua totum repleverunt mundum.

Lectio VIII.

SED illi qui prius falsi prophete fuerunt, verissimos domini prophetas usque ad mortem persecuti sunt, sicut Hieremiam, et Micheam aliosque multos. Isti autem nunc falsi prophete et falsi Christiani qui sunt, veraces Christianos sine misericordia persequuntur, et opprimunt aliquando si detur copia etiam gladiis, sine intermissione au-

tem suis pravis moribus et exemplis corrumpunt. Idcirco omnes preveniens dominus adhortatus est dicens. Attendite a falsis prophetis.

Lectio IX.

ATTENDITE diligentius, observe servate cautius, ut non seducamini, ut non circumveniamini, ut non fallamini. Attendite ergo, hoc est considerate, quia non sunt oves sed lupi in vestimento ovium, quia non sunt religiosi sed irreligiosi in figura religiositatis, quia nomine solum sunt Christiani, sed veritate vacui Christianorum persecutores.

Ad Ben. Ant. Attendite a falsis prophetis qui veniunt ad vos in vestimentis ovium intrinsecus autem sunt lupi rapaces, a fructibus eorum cognoscetis eos.

Ad Mag. Ant. Non omnis qui dicit michi domine domine intrabit in regnum celorum, sed qui facit voluntatem patris mei qui in celis est ipse intrabit in regnum celorum, alleluya.

Dominica Nona. Oratio.

LARGIRE nobis quesumus domine semper spiritum cogitandi que recta sunt propicius et agendi, ut qui sine te esse non possumus, secundum te vivere valeamus. Per.

Lectio VII. Secundum Matheum.

IN illo tempore: Dixit Iesus discipulis suis parabo-

lam hanc. Homo quidam erat dives qui habebat villicum. Et hic diffamatus est apud illum quasi dissipasset bona illius. Et reliqua.

Omelia Beati Hieronimi Presbiteri. ✠

VILlicus proprie: ville gubernator est. Yconomus autem tam pecunie quam frugum et omnium que dominus possidet dispensator est. Iste igitur dispensator accusatus est ad dominum suum, quod dissiparet substantiam eius. Quo vocato: dixit. Quid hoc audio de te? Redde rationem dispensationis, neque enim in ea ultra dispensabis. Qui dixit in semetipso. Quid faciam quia dominus meus aufert a me dispensationem? Fodere non valeo, mendicare erubesco.

Lectio VIII.

SI dispensator iniqui mamone, domini voce laudatur, quod de re iniqua sibi iusticiam prepararit, et passus dispensatoris prudentiam, quod adversus dominum quidem fraudulenter sed pro se prudenter egerit: quanto magis Christus qui nullum potest sustinere damnum, et pronus est ad clementiam laudabit discipulos suos si in eos qui sibi credituri sunt misericordes fuerint?

Lectio IX.

DENIQUE post parabolam intulit. Et ego dico vobis.

Facite vobis amicos de iniquo mamona. Mamona autem non Hebreorum sed Sirorum lingua divitie nuncupantur, quod de iniquitate collecte sint. Si ergo iniquitas bene dispensata vertitur in iusticiam: quanto magis sermo divinus in quo nulla est iniquitas, qui apostolis creditus est, si bene dispensatus fuerit dispensatores suos levabit in celum?

Ad Ben. Ant. Dixit dominus villico, quid hoc audio de te, redde rationem villicationis tue alleluia.

Ad Mag. Ant. Quid faciam quia dominus meus aufert a me villicationem, fodere non valeo, mendicare erubesco, scio quid faciam ut cum amotus fuero a villicatione recipiant me in domos suas.

Dominica Decima. Oratio.

PATEANT aures misericordie tue domine precibus supplicantium, et ut petentibus desiderata concedas, fac eos que tibi sunt placita postulare. Per.

Lectio VII. Secundum Lucam.

IN illo tempore: Cum appropinquaret Ihesus Hierusalem, videns civitatem flevit super illam dicens, quia si cognovisses et tu. Et reliqua.

Omelia Beati Gregorii Pape. ✠

QUOD flente domino illa Hierosolimorum subversio describatur, que a Vaspasiano et Tito Romanis principibus facta est: nullus qui hy-

storiam eversionis eiusdem legit ignorat. Romani enim principes denunciantur cum dicitur. Quia venient dies in te et circundabunt te inimici tui vallo, et circundabunt te, et coangustabunt te undique et ad terram prosternent te, et filios tuos qui in te sunt.

Lectio VIII.

HOC quoque quod additur: et non relinquent in te lapidem super lapidem, eciam ipsa iam eiusdem civitatis transmigratio testatur: quia dum nunc in eo loco constructa est ubi extra portam dominus fuerat crucifixus: prior illa Hierusalem ut dicitur, funditus est eversa. Cui ex qua culpa eversionis sue pena fuerit illata, subiungitur. Eo quod non cognoveris tempus visitationis tue.

Lectio IX.

CREATOR quippe omnium hanc per incarnationis sue mysterium visitare dignatus est, sed ipsa timoris et amoris illius recordata non est. Unde eciam per prophetam in increpationem cordis humani aves celi ad testimonium deducuntur, cum dicitur. Milvus in celo cognovit tempus suum, turtur et hyrundo et ciconia custodierunt tempus adventus sui, populus autem meus non cognovit iudicium domini.

Ad Ben. Ant. Cum appropinquavit dominus Hierusalem

videns civitatem flevit super illam et dixit, quia si cognovisses et tu, quia venient dies in te, et circumdabunt te, et coangustabunt te undique, et ad terram prosternent te, eo quod non cognovisti tempus visitationis tue alleluya.

Ad Mag. Ant. Scriptum est enim, quia domus mea domus orationis est cunctis gentibus, vos autem fecistis illam speluncam latronum, et erat cotidie docens in templo.

Dominica Undecim. Oratio.

DEUS qui omnipotentiam tuam parcendo maxime et miserando manifestas, multiplica super nos gratiam tuam, ut ad tua promissa currentes, celestium bonorum facias esse consortes. Per.

Lectio VII. Secundum Lucam.

IN illo tempore: Dixit Iesus ad quosdam qui in se confidebant tanquam iusti, et aspernabantur ceteros parabolam istam. Duo homines ascenderunt in templum ut orarent, unus phariseus et alter publicanus, et reliqua.

Omelia Venerabilis Bede Presbiteri. ✠

SUPERBI cum nequaquam omnia, sed modicum quid eorum que precepta sunt faciunt, non solum mox de sua iusticia presumunt, sed et infirmos quosque despiciunt: atque ideo quasi fide vacui cum oraverint non exaudiuntur.

Lectio VIII.

PUBLICANUS autem humiliter orans, ad illa prefate vidue hoc est ecclesie membra pertinet, de quibus supra dicitur. Deus autem non faciet vindictam electorum suorum clamantium ad se. Phariseus autem merita iactans: ad ea de quibus terribilis in conclusione sententia subditur. Veruntamen filius hominis veniens, putas inveniet fidem in terra?

Lectio IX.

PHARISEUS autem stans: hec apud se orabat. Deus gratias ago tibi: quia non sum sicut ceteri hominum, raptores, iniusti, adulteri, velut etiam hic publicanus. Quatuor sunt species quibus omnis tumor arrogantium demonstratur: cum bonum aut a semetipsis habere se estimant, aut sibi datum desuper credunt, sed pro suis se hoc accepisse meritis putant: aut certe, cum iactant se habere quod non habent, aut despectis ceteris singulariter videri appetunt habere quod habent.

Ad Ben. Ant. Duo homines ascenderunt in templum ut orarent, unus phariseus et alter publicanus, descendit hic iustificatus in domum suam ab illo alleluya.

Ad Mag. Ant. Stans a longe publicanus nolebat oculos ad celum levare, sed percutiebat pectus suum dicens, Deus propitius esto michi peccatori.

Dominica Duodecima. Oratio.

OMNIPOTENS sempiternus deus, qui abundantia pietatis tue et merita supplicum excedis et vota, efunde super nos misericordiam tuam, ut dimittas que conscientia metuit, et adicais quod oratio non presumit. Per.

Lectio VII. Secundum Marcum.

IN illo tempore: Exiens Iesus de finibus Tyri venit per Sidonem ad mare Galilee inter medios fines Decapoleos. Et reliqua.

Omelia Venerabilis Bede Presbiteri.

SURDUS ille et mutus quem mirabiliter curatum a domino, modo cum evangelium legeretur audivimus: genus designat humanum in his qui ab errore diaboli deceptionis divina merentur gratia liberari. Obsurduit namque homo ab audiendo vite verbo: postquam mortifera serpentis verba contra Deum tumidus audivit.

Lectio VIII.

MUTUS a laude conditoris effectus est: ex quo cum seductore colloquium habere presumpsit. Et merito clausit aures ab audienda inter angelos laude creatoris, quas ad audiendam eiusdem creatoris vituperationem, sermonibus hostis incautus aperuit. Merito clausit os a predicanda cum angelis laude creatoris, quod velut ad meliorandum eiusdem

opus creatoris, cibi vetiti prevaricatione superbus implevit.

Lectio IX.

HEU miser generis humani defectus, quod in radice vitiosum germinavit: vitiosius multo dilatari cepit in propagatione ramorum: ita ut veniente in carne domino exceptis paucis de Iudea fidelibus, totus pene mundus ab agnitione et confessione veritatis surdus erraret et mutus. Sed ubi abundavit delictum: superabundavit et gratia.

Ad Ben. Ant. Exiens Iesus de finibus Tyri venit per Sidonem ad mare Galilee inter medios fines Decapoleos alleluia.

Ad Mag. Ant. Bene omnia fecit, surdos fecit audire et mutos loqui.

Dominica Terciadecima. Oratio.

OMNIPOTENS et misericors deus de cuius munere venit ut tibi a fidelibus tuis digne et laudabiliter serviatur, tribue quesumus nobis: ut ad promissiones tuas sine offensione curramus. Per.

Lectio VII. Secundum Lucam.

IN illo tempore: Dixit Iesus discipulis suis. Beati oculi qui vident que vos videtis. Et reliqua.

Omelia Venerabilis Bede Presbiteri. ✠

NON oculi Scribarum et Phariseorum qui corpus tantum domini videre, sed illi beati oculi qui eius possunt co-

gnoscere sacramenta: de quibus dicitur. Et revelasti ea parvulis. Beati oculi parvulorum quibus et se et patrem filius revelare dignatur. Dico enim vobis quod multi reges et prophete voluerunt videre que vos videtis, et non viderunt, et audire que auditis, et non audierunt.

Lectio VIII.

ABRAMHAM exultavit ut videret diem Christi: et vidit et gavisus est. Ysaïas quoque et Micheas et multi alii prophete viderunt gloriam domini, qui propterea videntes sunt appellati: sed hi omnes a longe aspicientes et salutantes, per speculum et in enigmate viderunt. Apostoli autem inpresentiarum habentes dominum, convescentesque ei, et que voluissent interrogando discantes: nequaquam per angelos aut varias visionum species opus habebant doceri.

Lectio IX.

ET ecce quidam legis peritus surrexit, temptans eum et dicens. Magister, quid faciendo vitam eternam possidebo? Legis peritus qui de vita eterna dominum temptans interrogat: occasionem ut reor temptandi de ipsis domini sermonibus scripsit, ubi ait. Gaude te autem quod nomina vestra scripta sunt in celis. Sed ipsa sua temptatione declarat, quam vera sit illa domini con-

fessio qua patri loquitur, quod abscondisti hec a sapientibus et prudentibus: et revelasti ea parvulis.

Ad Ben. Ant. Homo quidam descendebat ab Hierusalem in Iericho et incidit in latrones, qui etiam despoliaverunt eum, et plagis impositis abierunt semivivo relicto.

Ad Mag. Ant. Quis tibi videtur proximus fuisse illi qui incidit in latrones, et ait, ille qui fecit misericordiam in illum, vade et tu fac similiter alleluya.

Dominica Quartadecima. Oratio.

OMNIPOTENS sempiternus deus, da nobis fidei, spei et caritatis augmentum, et ut mereamur assequi quod promittis, fac nos amare quod precipis. Per.

Lectio VII. Secundum Lucam.

IN illo tempore: Dum iret Iesus in Hierusalem, transibat per mediam Samariam et Galileam. Et cum ingrederetur quoddam castellum: occurrerunt ei decem viri leprosi. Et reliqua.

Omelia Venerabilis Bede Presbiteri.

LEPROSI non absurde intelligi possunt, qui scientiam vere fidei non habentes: varias doctrinas profitentur erroris. Non enim vel abscondunt imperitiam suam, sed pro summa peritia proferunt in lucem: et iactantiam sermonis osten-

dunt. Nulla porro falsa doctrina est: que non aliqua vera intermisceat.

Lectio VIII.

VERA ergo falsis inordinate permista in una disputatione vel narratione hominis, tanquam in unius corporis colore apparentia, significant lepram: tanquam veris falsisque colorum locis, humana corpora variantem atque maculantem. Hi autem tam vitandi sunt ecclesie: ut si fieri potest longius remoti magno clamore Christum interpellent. Unde et apte subiungitur. Qui steterunt a longe: et levaverunt vocem dicentes. Ihesu preceptor miserere nostri.

Lectio IX.

ET bene ut salventur Ihesum preceptorem nominant. Quia enim in eius verbis se errasse significant: hunc salvandi humiliter preceptorem vocant. Cumque ad cognitionem preceptoris redeunt, mox ad formam salutis recurrunt. Nam sequitur. Quos ut vidit dixit. Ite, ostendite vos sacerdotibus. Et factum est dum irent: mundati sunt.

Ad Ben. Ant. Cum ingrederetur Ihesus quoddam castellum occurrerunt ei decem viri leprosi, qui steterunt a longe et levaverunt vocem dicentes, Ihesu preceptor miserere nostri.

Ad Mag. Ant. Nonne decem mundati sunt, et novem ubi sunt, non est inventus qui re-

diret et daret gloriam Deo nisi hic alienigena, vade quia fides tua te salvum fecit, alleluya.

Dominica Quintadecima. Oratio.

CUSTODI domine quesumus ecclesiam tuam propitiatione perpetua et quia sine te labitur humana mortalitas, tuis semper auxiliis et abstrahatur a noxiis, et ad salutaria dirigatur. Per.

Lectio VII. Secundum Mattheum.

IN illo tempore: Dixit Ihesus discipulis suis. Nemo potest duobus dominis servire. Et reliqua.

Omelia Beati Hieronimi Presbiteri.

MAMMONA sermone Siriacoco divitie nuncupantur. Non potestis Deo servire et mammona. Audiat hoc avarus, audiat qui censetur vocabulo Christiano, non posse simul divitiis Christoque serviri. Et tamen non dicit, qui habet divitias, sed qui servit divitiis. Qui enim divitiarum servus est, divitias custodit ut servus. Qui autem servitutis excussit iugum, distribuit eas ut dominus.

Lectio VIII.

NE solliciti sitis anime vestre quid manducetis, neque corpori vestro quid induamini. In nonnullis codicibus additum est. Neque quid bibatis. Ergo quod natura omnibus tribuit et iumentis ac bestiis ho-

minibus quoque commune est: huius cura penitus liberamur. Et precipitur nobis ne solliciti simus quid comedamus. Et quia in sudore vultus preparamus nobis panem: labor exercendus est, sollicitudo tollenda.

Lectio IX.

HOC quod dicitur ne solliciti sitis anime vestre quid comedatis, neque corpori vestro quid induamini: de carnali cibo ac vestimento accipiamus. Ceterum de spiritualibus cibis et vestimentis: semper debemus esse solliciti. Nonne anima plus est quam esca et corpus plus quam vestimentum? Quod dicit: istius modi est. Qui maiora prestat: utique et minora prestat.

Ad Ben. Ant. Nolite solliciti esse dicentes, quid manducabimus aut quid bibemus, scit enim pater vester celestis quid vobis necesse sit alleluja.

Ad Mag. Ant. Querite primum regnum Dei et iusticiam eius et hec omnia adiciuntur vobis.

Dominica Sextadecima. Oratio.

ECCLESIAM tuam domine miseratio continuata mundet et muniat, et quia sine te non potest salva consistere, tuo semper munere gubernetur. Per.

Lectio VII. Secundum Lucam.

IN illo tempore: Ibat Ihesus in civitatem que vocatur Naym, et ibant cum illo di-

scipuli eius, et turba copiosa. Cum autem appropinquaret porte civitatis: ecce defunctus efferebatur filius unicus matris sue. Et reliqua.

Omelia Venerabilis Bede Presbiteri. ✠

DEFUNCTUS hic qui extra portam civitatis multis est intuentibus elatus, significat hominem letali criminum funere soporatum, eandemque insuper anime mortem, non cordis adhuc cubili tegentem, sed ad multorum notitiam per locutionis operisve indicium quasi per sue civitatis ostia propalantem.

Lectio VIII.

ET bene filius unicus matri sue fuisse perhibetur, quia licet e multis collecta personis una sit perfecta et immaculata virgo mater ecclesia, singuli quique tamen fidelium universalis se ecclesie filios rectissime fatentur. Electus quilibet quando ad fidem imbuitor, filius est, quando alios imbuit: mater.

Lectio IX.

AN non materno erga parvulos angebatur affectu, qui ait. Filioli mei quos iterum parturio donec formetur Christus in vobis? Portam civitatis qua defunctus efferebatur: puto aliquem de sensibus esse corporeis. Qui enim seminat inter fratres discordias, qui iniquitatem in excelso loqui-

tur: per oris portam extrahitur mortuus.

Ad Ben. Ant. Ibat Ihesus in civitatem que vocatur Naym, et ecce defunctus efferebatur filius unicus matris sue.

Ad Mag. Ant. Acepit autem omnes timor, et magnificabant deum, dicentes quia propheta magnus surrexit in nobis, et quia deus visitavit plebem suam.

Dominica Decimaseptima. Oratio.

TUA nos domine quesumus gratia semper et preveniat et sequatur, ac bonis operibus iugiter prestet esse intentos. Per.

Lectio VII. Secundum Lucam.

IN illo tempore: Cum intraret Ihesus in domum cuiusdam principis Phariseorum sabbato manducare panem: et ipsi observabant eum. Et ecce homo quidam ydropicus erat ante illum. Et reliqua.

Omelia Venerabilis Bede Presbiteri.

YDROPIS morbus: ab aquoso humore vocabulum trahit. Grece enim ydor: aqua vocatur. Est autem humor subcutaneus de vitio vesice natus, cum inflatione turgente, et hanelitu fetido. Propriumque est ydropici, quanto magis abundat humore inordinato: tanto amplius sitire. Et ideo recte comparatur ei quem fluxus carnalium voluptatum exuberans, aggravat.

Lectio VIII.

COMPARATUR diviti avaro, qui quanto est copiosior divitiis quibus non bene utitur: tanto ardentius talia concupiscit. Et respondens Ihesus, dixit ad legis peritos et Phariseos. Si licet Sabbato curare? At illi tacuerunt. Quod dicitur respondisse Ihesus, ad hoc respicit quod premissum est: et ipsi observabant eum. Dominus enim novit cogitationes hominum.

Lectio IX.

SED merito interrogati tacet, qui contra se dictum quicquid dixerint vident. Nam si licet Sabbato curare, quare salvatorem an curet observant? Si non licet, quare ipsi Sabbato pecora curant? Ipse vero apprehensum sanavit eum ac dimisit.

Ad Ben. Ant. Dixit Ihesus ad legis peritos et phariseos, si licet Sabbato curare, at illi tacuerunt ipse vero apprehendens ydropicum sanavit eum ac dimisit.

Ad Mag. Ant. Cum vocatus fueris ad nuptias recumbe inovissimo loco, ut dicat tibi amice ascende superius, tunc erit tibi gloria coram simul discumbentibus alleluya.

Dominica Decimaoctava. Oratio.

DA quesumus domine populo tuo diabolica vitare contagia, et te solum dominum pura mente sectari. Per.

Lectio VII. Secundum Matheum.

IN illo tempore: Pharisei audientes quod Ihesus silentium imposuisset Saduceis: convenerunt in unum. Et interrogavit eum unus ex eis, legis doctor: temptans eum. Magister, quod est mandatum magnum in lege? Et reliqua.

Omelia Beati Iohannis Episcopi.

CONVENERUNT ut multitudine vincerent, quem ratione superare non poterant. A veritate nudos se esse professi sunt, qui multitudine se armaverant. Dicebant enim apud se. Unus loquatur pro omnibus, et omnes loquamur per unum, ut si quidem vicerit, omnes videamur victores: si autem victus fuerit, vel solus videatur confusus.

Lectio VIII.

O Pharisei qui omnia propter homines cogitatis et facitis, primum quidem venientes cum uno, vincendi estis per unum. Tamen pone, quia uno victo homines non intelligunt omnes vos esse iuctos, nunquid conscientie vestre non sentiunt se esse confusas? Levis enim est ei consolatio qui in seipso confusus est: quod ab aliis ignoratur.

Lectio IX.

MAGISTER quod est mandatum magnum in lege? Magistrum vocat cuius non

vult esse discipulus. Simplicissimus inter rogator, et malignissimus insidiator, de magno mandato interrogat: qui nec minimum observat. Ille enim debet interrogare de maiore iusticia, qui iam minorem complevit. Dominus autem sic ei respondit: ut interrogationis eius fictam conscientiam statim primo responso percuteret.

Ad Ben. Ant. Magister, quod est mandatum magnum in lege, ait illi Ihesus, diliges dominum Deum tuum ex toto corde tuo, alleluya.

Ad Mag. Ant. Quid nobis videtur de Christo cuius filius est, dicunt ei omnes, David, dixit eius Ihesus quomodo David in spiritu vocat eum dominum dicens, dixit dominus domino meo sede a dextris meis?

Dominica Decimanona. Oratio.

DIRIGAT corda nostra quesumus domine tue miserationes operatio, quia tibi sine te placere non possumus. Per.

Lectio VII. Secundum Matheum.

IN illo tempore: Ascendens Ihesus in naviculam, transfretavit et venit in civitatem suam. Et reliqua.

Omelia Beati Iohannis Episcopi. †

CHRISTUS ecclesie navem seculi fluctum semper mitigaturus ascendit, ut credentes in se, ad celestem pa-

triam tranquilla navigatione perducatur, et municipes civitatis sue faciat, quos humanitatis sue fecit esse consortes. Non ergo Christus indiget navi, sed navis indiget Christo, quia sine celesti gubernatore navis ecclesie per mundanum pelagus, per talia et tanta discrimina ad celestem portum non valet pervenire.

Lectio VIII.

ASCENDENS in quid in navigulam: transfretavit et venit in civitatem suam. Creator rerum, orbis terre dominus: postea quam se propter nos nostra angustavit in carne: cepit habere humanam patriam, cepit civitatis Iudaice esse civis, parentes habere cepit parentum omnium ipse parens, ut invitaret amor, attraheret caritas, vinciret affectio, suaderet humanitas, quos fugarat dominatio, metus disperserat, et fecerat vis potestatis extorres.

Lectio IX.

ET videns Ihesus fidem illorum: dixit paralitico. Confide fili, remittuntur tibi peccata tua. O mira humilitas. Despectum et debilem totisque membrorum compagibus dissolutum filium vocat: quem sacerdotes non dignabantur contingere. Aut certe ideo filium: quia dimittuntur ei peccata sua. Audit veniam, et tacet paraliticus, nec ullam respon-

det gratiam: quia plus corporis quam anime tendebat ad curam.

Ad Ben. Ant. Dixit dominus paralitico, confide fili remittuntur tibi peccata tua.

Ad Mag. Ant. Videntes autem turbe timuerunt, et glorificaverunt Deum qui dedit potestatem talem hominibus.

Dominica Vicesima. Oratio.

OMNIPOTENS et misericors deus universa nobis adversantia propitiatus exclude, ut mente et corpore pariter expediti, que tua sunt liberis mentibus exequamur. Per.

Lectio VII. Secundum Matheum.

IN illo tempore: Dicebat Ihesus turbis parabolam hanc. Simile factum est regnum celorum homini regi, qui fecit nuptias filio suo. Et misit servos suos vocare invitatos ad nuptias, et nolebant venire. Et reliqua.

Omelia Beati Gregorii Pape. ✠

QUERENDUM prius est: an hec apud Matheum ipsa sit lectio, que apud Lucam sub appellatione cene describitur. Et quidem sunt nonnulla que sibi dissona esse videntur: quia hic prandium illic cena memoratur. Hic qui ad nuptias non dignis vestibus intravit repulsus est, illic nullus qui intrasse dicitur, repulsus esse perhibetur.

Lectio VIII.

QUA ex re recte colligitur, quod et hic per nuptias presens ecclesia, et illic per cenam eternum et ultimum convivium designatur, quia et hanc nonnulli exituri intrant, et ad illud quisquis semel intraverit, ulterius non exhibit. At si quis forte contendat, hanc eandem esse lectionem, ego melius puto salva fide alieno intellectui cedere: quam contentionibus deservire: quoniam et intelligi congrue forsitan potest, quia de proiecto eo qui cum nuptiali veste non venerat: quod Lucas tacuit, Matheus dixit.

Lectio IX.

QUOD vero per illum cena, per hunc autem prandium dicitur, nequaquam vel hoc nostre intelligentie obstat, quia cum ad horam nonam apud antiquos cotidie prandium fieret: ipsum quoque prandium cena vocabatur. Sepe autem iam me dixisse memini: quia plerumque in sancto evangelio, regnum celorum presens ecclesia nominatur. Congregatio quippe iustorum regnum celorum dicitur.

Ad Ben. Ant. Dicite invitatis, ecce prandium meum paravi, venite ad nuptias dicit dominus.

Ad Mag. Ant. Nuptie quidem parate sunt sed qui invitati erant non fuerunt digni, ite er-

go ad exitus viarum et quoscumque inveneritis vocate ad nuptias dicit dominus.

Dominica Vicesima Prima. Oratio.

LARGIRE quesumus domine fidelibus tuis indulgentiam placatus et pacem, ut pariter ab omnibus mudentur offensis, et segura tibi mente deserviant. Per.

Lectio VII. Secundum Iohannem.

IN illo tempore: Erat quidam regulus cuius filius infirmabatur Capharnaum. Et reliqua.

Omelia Beati Gregorii Pape. ✠

HOC nobis solummodo fratres de sancti evangelii expositione video esse requirendum, cur is qui ad salutem petendam venerat, audivit, nisi signa et prodigia videritis, non creditis. Qui enim querebat salutem filio: procul dubio credebat. Neque enim ab eo quereretur salutem, quem non crederetur salvatorem. Quare ergo dicitur, nisi signa et prodigia videritis non creditis cum ante crederetur quam signum videret?

Lectio VIII.

SED mementote quid petiit, et aperte cognoscetis, quia in fide dubitavit. Poposcit namque ut descenderet et sanaret filium eius. Corporalem ergo presentiam domini regulus querebat, qui per spi-

ritum nusquam deerat. Minus itaque in illum credidit, quem non putavit posse salutem dare nisi presens esset et corpore.

Lectio IX.

SI perfecte credidisset, procul dubio sciret quia non esset locus ubi non esset Deus. Ex magna ergo parte diffisus est, qui honorem non dedit maiestati, sed presentie corporali. Salutem itaque filio petiit, et tamen in fide dubitavit, quia eum ad quem venerat et potentem ad curandum credidit, et tamen morienti filio esse absentem Deum putavit.

Ad Ben. Ant. Erat quidam regulus cuius filius infirmabatur Capharnaum, hic cum audisset quod Ihesus adveniret in Galileam rogabat eum ut descenderet, et sanaret filium eius.

Ad Mag. Ant. Cognovit ergo pater quia illa hora erat, in qua dixit Ihesus filius tuus vivit, et credidit ipse et domus eius tota.

Dominica Vicesima Secunda. Oratio.

FAMILIAM tuam quesumus domine continua pietate custodi: ut a cunctis adversitatibus te protegente sit libera, et in bonis actibus tuo nomini sit devota. Per.

Lectio VII. Secundum Matheum.

IN illo tempore: Dixit Ihesus discipulis suis. Simile est regnum celorum homini re-

gi, qui volunt rationem ponere cum servis suis. Et reliqua.

Omelia Beati Hieronimi Presbiteri.

FAMILIARE est Siris et maxime Palestinis, ad omnem sermonem suum parabolas iungere, ut quod per simplex preceptum teneri ab auditoribus non potest: per similitudinem exempli teneatur. Precepit itaque dominus Petro sub comparatione regis et domini, et servi qui debitor decem milium talentorum a domino rogans: veniam impetraverat, ut ipse quoque dimittat conservis suis minora peccantibus.

Lectio VIII.

SI enim ille rex et dominus servo suo debitori, decem milia talentorum tam facile dimisit, quanto magis servi debent conservis suis minora dimittere? Quod ut manifestius fiat: dicamus sub exemplo. Siquis nostrum commiserit adulterium, homicidium, sacrilegium, maiora crimina decem milia talentorum rogantibus dimittuntur, si et ipsi dimittamus minora peccantibus.

Lectio IX.

SI autem ob factam contumeliam simul implacabiles, et propter amarius verbum perpetes habeamus discordias, nonne nobis videmur recte redigendi in carcerem, et sub exemplo operis nostri hoc age-

re, ut maiorum nobis delictorum venia non relaxetur? Oblatus est ei unus, qui debebat decem milia talenta. Scio quosdam istum qui debebat decem milia talentorum, diabolum interpretari.

Ad Ben. Ant. Dixit autem dominus servo, redde quod debes, procidens autem servus ille rogabat eum dicens, patientiam habe in me et omnia reddam tibi.

Ad Mag. Ant. Serve nequam omne debitum dimisi tibi quoniam rogasti me, nonne ergo oportuit et te misereri conservi tui, sicut et ego tui misertus sum dicit dominus?

Dominica Vicesima Tercia. Oratio.

DEUS refugium nostrum et virtus, adesto piis ecclesie tue precibus actor ipse pietatis, et presta ut quod fedeliter petimus efficaciter consequamur. Per.

Lectio VII. Secundum Matheum.

IN illo tempore: Abeuntes Pharisei consilium inierunt, ut caperent Ihesum in sermone. Et reliqua.

Omelia Beati Iohannis Crisostomi. ✠

ABIERUNT et consilium acceperunt. Quo abierunt? Ad Herodianos. Nam ex eo quod non dicit consiliati sunt, sed consilium acceperunt, et ex eo quod pariter cum Herodianis venerunt: apparet quod

cum illis, eiusmodi circumventionis consilium tractaverunt. Homines coloni cuius terram possident: eius auxilio opus habent. Qui iusticiam tenet: nullius patrocinio indiget, nisi Dei.

Lectio VIII.

QUI in diaboli iniquitatibus ambulat: diaboli adiutorium necessarium habet. Coloni enim dei, diaboli auxilium non requirit. Colonius autem diaboli auxilium dei, et si querit non inveniet. Vidisti aliquando euntem ad furtum Deum orare, ut bene prosperetur in furto? Aut qui vadit ad fornicationem, nunquam signum crucis ponit sibi in fronte, ut non comprehendatur in crimine? Quod si fecerit non iuvat, quia nescit iusticia Dei, patrocinium dare criminibus.

Lectio IX.

SIC et isti Christum expugnare cupientes, convenienter non ad servos Dei viros religiosos, sed ad gentiles, idest Herodianos, se contulerunt. Quale consilium: tales et consiliatores. Quis autem poterat dare consilium contra Christum, nisi diabolus qui erat advesarius Christi? Cogitabant enim apud se sacerdotes. Si nos soli euntes interrogaverimus Christum, quamvis dixerit quia non licet Cesari dari tributum, tamen nemo nobis credet dicentibus contra

eum. Iam enim omnes sciunt quia inimici eius sumus.

Ad Ben. Ant. Magister scimus quia verax es et viam Dei in veritate doces alleluya.

Ad Mag. Ant. Reddite ergo que sunt Cesaris Cesari, et que sunt Dei Deo, alleluya.

Dominica Vicesima Quarta. Oratio.

ABSOLVE quesumus domine tuorum delicta populorum, ut a peccatorum nostrorum nexibus, que pro nostra fragilitate contraximus, tua benignitate liberemur. Per.

Lectio VII. Secundum Mattheum.

IN illo tempore: Loquente Ihesu ad turbas, ecce princeps unus accessit et adorabat eum dicens. Domine filia mea modo defuncta est. Et reliqua.

Omelia Beati Hieronimi Presbiteri.

OCTAVUM signum est, in quo princeps suscitari postulat filiam suam, nolens de mysterio circumcisionis excludi. Sed subintrat mulier sanguine fluens, et octavo sanatur loco, ut principis filia de hoc exclusa numero veniat ad nonum, iuxta illud quod in psalmis dicitur. Ethiopia preveniet manus eius Deo. Et cum intraverit plenitudo gentium: tunc omnis Israhel salvus erit.

Lectio VIII.

ET ecce mulier que sanguinis fluxum patiebatur duode-

cim annis, accessit retro, et tetigit fimbriam vestimenti eius. In evangelio secundum Lucam scribitur, quod filia principis duodecim annos haberet etatis. Nota ergo quod eo tempore: hec mulier, idest gentium populus ceperit egrotare: quo gens crediderit Iudeorum. Nisi enim ex comparatione virtutum: vitium non ostenditur.

Lectio IX.

HEC mulier sanguine fluens, non in domo, non in urbe accedit ad dominum, quia iuxta legem urbibus excludebatur: sed in itinere ambulante domino, ut dum pergit ad aliam: alia curaretur. Unde dicunt apostoli. Vobis quidem prius oportebat predicari verbum Dei, sed quoniam vos indignos iudicastis salute: transgredimur ad gentes.

Ad Ben. Ant. Loquente Ihesu ad turbas ecce princeps unus accessit et adoravit eum dicens, domine filia mea modo defuncta est, sed veni impone manum tuam super eam et vivet alleluya.

Ad Mag. Ant. Confide filia, fides tua te salvam fecit, et sanata est mulier ex illa hora, alleluya.

Dominica Vicesima Quinta. Oratio.

EXCITA quesumus domine tuorum fidelium voluntates, ut divini operis fructum propensius exequentes, pieta-

tis tue remedia maiora percipiant. Per.

Lectio VII. Secundum Iohannem.

IN illo tempore: Cum sublevasset oculos Ihesus, et vidisset quia multitudo maxima venit ad eum: dixit ad Philippum. Unde ememus panes, ut manducent hi? Et reliqua.

Omelia Venerabilis Bede Presbiteri. ✠

QUOD sublevasse oculos Ihesus et venientem ad se multitudinem vidisse perhibetur, divine pietatis indicium est, quia videlicet cunctis ad se venire querentibus, gratia misericordie celestis occurrere consuevit. Et ne querendo errare possint: lucem sui spiritus aperire querentibus solitus est. Nam quod oculi Ihesu, dona spiritus eius mystice designent, testatur in Apocalypsi Ioannes, qui figurate loquens de illo ait. Vidi agnum stantem tanquam occisum habentem cornua septem et oculos septem, qui sunt septem spiritus Dei, missi in omnem terram.

Lectio VIII.

QUOD autem Philippum temptat dominus: provida utique dispensatione facit, non ut ipse que non noverat discat, sed ut Philippus tarditatem fidei sue, quam in magistro scientie ipse nesciebat, temptatus agnoscat, et miraculo facto castiget. Neque enim

dubitare debuerat, presente rerum creatore qui educit panem de terra, et vino letificat cor hominis, paucorum denariorum panes sufficere, turbarum milibus non paucis, ut unusquisque sufficienter acciperet, et iam saturatus abiret.

Lectio IX.

QUINQUE autem panes quibus multitudinem populi saturavit quinque sunt libri Moysi: quibus spirituali intellectu patefactis, et abundantiore iam sensu multiplicatis, auditorum fidelium cotidie corda reficit. Qui bene ordeacei fuisse referuntur propter austeriora legis edicta, et tegumenta littere grossiora, que interiora spiritualis sensus: quasi medullam celabant.

Ad Ben. Ant. Cum sublevasset oculos Ihesus et vidisset maximam multitudinem venientem ad se, dixit ad Philippum, unde ememus panes ut manducent hi, hoc autem dicebat temptans eum, ipse enim sciebat quid esset factururus.

Ad Mag. Ant. Illi homines cum signum vidissent quod factum fuerat, glorificabant deum et dicebant, quia hic est salvator mundi.

SECUNDUM quod a Dominica, Deus omnium. usque ad Adventum exclusive: sunt viginti septem ebdomade quando prolixius est temporis spatium, quando vero bre-

vijs: viginti due. Evangelia vero Dominicalia cum orationibus: viginti quinque, et totidem antiphone ad Ben. et totidem ad Mag. Quando igitur tantum viginti due fuerint ebdomade, ultime omelie trium evangeliorum legantur per fieras vicesime secunde ebdomade si vacaverint, et dicantur orationes cum antiphonis ad Ben. et ad Mag. Quod si tot ferie non vacaverint, quot sunt omelie, omelia evangelii, Loquente Ihesu. cum oratione sua et antiphonis dimittatur. Si autem viginti tres fuerint ebdomade, due residue omelie legantur infra ultimam ebdomadam predicto modo. Si vero viginti quatuor: omelia evangelii, Cum sublevasset. legatur in aliqua feria vacante: eodem modo. Si autem viginti quinque: quelibet omelia legatur in sua Dominica. Si vero viginti sex: omelia evangelii, Loquente Ihesu. repetatur in vicesima quinta Dominica, quando de dominica agitur, et omelia evangelii, Cum sublevasset. Legatur in vicesima sexta. Si autem viginti septem: omelia evangelii, Loquente Ihesu. legatur in vicesima quarta et vicesima quinta Dominica: et omelia evangelii, Cum sublevasset. in vicesima sexta et vicesima septima. Hoc tamen sciendum quod quando sunt viginti sex vel viginti

septem ebdomade, postquam omelia lecta fuerit in sua prima ebdomada, sive in Dominica sive in aliqua feria: si in sequenti Dominica in qua repeti debuerat festum occurrerit, vel octava: non est ulterius reptenda.

NOTANDUM quod in primo anno dedicationis ecclesie, officium inchoatur in Missa. In hora vero que sequitur Missam et deinceps in omnibus Horis usque ad Completorium sequentis diei inclusive fiat officium totum duplex, et dicatur oratio, Deus qui invisibiliter. ad omnes horas preterquam ad Completorium et Primam. In Vesperis diei quo ecclesia dedicata est, cantetur, responsorium, et die sequenti in Matutinis fiat novem lectiones, vel tres tempore Paschali. Octava vero si celebranda fuerit celebrabitur revoluta ebdomada eo die quo dedicatio facta fuerit, et dicetur oratio, Deus qui invisibiliter. cotidie per octavas, quando de ipsis agendum fuerit. Secundo autem anno et deinceps singulis annis in anniversario fiat officium sicut in toto duplici. Et octave celebrentur, preterquam in Adventu et deinceps usque ad Octavas Epyphanie, et in Septuagesima et deinceps usque ad Octavas Pasche, et in diebus Rogationum et deinceps usque ad Dominica, Deus

omnium. Quando autem octave non fiunt: infra octavas memoria non fiat de dedicatione. Quod si hoc festum infra octavas alicuius sancti evenierit durantibus octavis de sancto, fiat memoria de octavis dedicationis. Fratres de conventu in quo festum huiusmodi celebratur tam intus quam extra faciant officium de dedicatione. Fratres eciam hospites dum sunt presentes in conventu aliquo: faciant officium sicut fit in conventu, tam de festo dedicationis quam de aliis, quamvis per ordinem generaliter non fiant. Postquam vero recesserint de conventu: redeant ad officium consuetum.

In Dedicatione Ecclesie et in Anniversario Eiusdem

AD Vesperas. Super psalmos. **Ant.** Sanctificavit dominus tabernaculum suum, hec est domus domini in qua invocetur nomen eius, de qua scriptum est, erit nomen meum ibi, dicit dominus. **Ps.** Laudate pueri. et ceteri. Capitulum.

VIDI civitatem sanctam Hierusalem, novam descendentem de celo a deo paratam, sicut sponsam ornatam viro suo. **R.** Terribilis. **IX. Ymnus.**

URBS beata Hierusalem dicta pacis visio, que construitur in celis vivis ex lapidibus, et angelis coornata ut sponsata comite.

Nova veniens e celo nuptiali

thalamo, preparata ut sponsata, copulata domino, platee et muri eius ex auro purissimo.

Porte nitent margaritis aditis patentibus, et virtute meritum illuc introducitur, omnes qui pro Christi nomine hic in mundo premitur.

Tunctionibus pressuris expoliti lapides, suis coaptantur locis per manus artificis, disponuntur permansuri sacris edificiis.

Gloria et honor deo usquequo altissimo, una patri filioque, inclito Paralyto, cui laus est et potestas per eterna secula. Amen.

V. Domum tuam domine decet sanctitudo. **R.** In longitudinem dierum.

Ad Mag. Ant. O quam metendus est locus iste, vere non est hic aliud nisi domus dei et porta celi. **In primo Anno. Oratio.**

DEUS qui invisibiliter omnia contines, et tamen pro salute generis humani signa tue potentie visibiliter ostendis, templum hoc potentia tue inhabitationis illustra, ut omnes qui huc deprecaturi conveniunt, ex quacumque tribulatione ad te clamaverint, consolationis tue beneficia consequantur. Per. **In secundo anno et deinceps. Oratio.**

DEUS qui nobis per singulos annos huius sancti templi tui consecrationis reparas diem, et sacris semper mysteriis representas incolumes,

exaudi preces populi tui, et presta ut quisquis hoc templum beneficia petiturus ingreditur, cuncta se impretrasse letetur. Per.

Ad Matutinas. Invitat. Exultemus domino regi summo, * Qui suum sanctificavit tabernaculum.

Ymnus. Urbs beata.

In Primo Nocturno. Ant. Tollite portas principes vestras et elevamini porte eternas. **Ps.**

Domini est terra. **Ant.** Vidit Iacob scalem, summitas eius celos tangebatur, et descendentes angelos, et dixit, vere locus iste sanctus est. **Ps.** Deus noster refugium. **Ant.** Cum evigilasset Iacob de summo ait, vere locus iste sanctus est. **Ps.** Magnus dominus. **V.** Domum tuam domine.

Ricardus in exceptionibus, parte secunda, libro decimo.

Lectio Prima.

SANCTIFICAVIT tabernaculum suum altissimus. Habet karissimi tabernaculum domini idest ecclesia sancta, lapides, cementum, et alia multa que sacramentis sunt plena, et spiritualia preferunt documenta. Singuli lapides sunt singuli fideles, quadri stabilitate fidei, et firmi virtute patiendi. Cementum est caritas, que singulos coaptat atque vivificat: et ne per aliquam discordiam invicem discrepent, uniformiter equat. **R.**

IN dedicatione templi decan-

tabat populus laudem, * Et in ore eorum dulcis resonabat sonus. **V.** Obtulerunt sacrificium super altare domini et cederunt in facias suas et adoraverunt eum. Et in.

Lectio Secunda.

FUNDAMENTUM apostoli sunt et prophete, sicut scriptum est. Superedificati, super fundamentum apostolorum et prophetarum. Parietes sunt contemplativi: fundamento vicini, terrena deserentes, celestibus adherentes. Tectum in edificio spirituali non ut immateriali sursum eminet sed deorsum pendet. Tectum ergo sunt activi terrenis actionibus proximi, propter imperfectionem suam minus celestibus intendentes, ac necessitati proximorum terrenas res administrantes.

R. Fundata est domus domini super verticem montium et exaltata est super omnes colles, et venient ad eam omnes gentes, * Et dicent gloria tibi domine. **V.** Venientes autem venient cum exultatione portantes manipulos suos. Et.

Lectio Tertia.

LONGITUDO ecclesie consideratur secundum diuturnitatem populorum, altitudo secundum differentiam meritorum. In longitudine namque porrigitur, dum secundum tria tempora, scilicet naturalis, et scripte legis, et gratie: a primo iusto usque ad ultimum

extenditur. In latitudinem vero distenditur, dum multorum populorum numerositate dilatatur. In altitudinem erigitur, dum per minorum et maiorum differentiam elevatur: dum super laicos ordo sacerdotalis, et super sacerdotalem episcopalis, et super hunc archiepiscopalis: super omnes denique papa collocatur.

R. Mane surgens Iacob erigebat lapidem in titulum, fundens oleum desuper votum vovit domino, * Vere locus iste sanctus est, * Et ego nesciebam. **V.** Vidit Iacob scalem, summitas eius celos tangebatur, et descendentes angelos et ait. Vere. Gloria. Et ego.

In Secundo Nocturno. Ant. Non est hic aliud nisi domus dei et porta celi. **Ps.** Quam dilecta. **Ant.** Erexit Iacob lapidem in titulum, fundens oleum desuper. **Ps.** Benedixisti domine. **Ant.** Erit michi dominus in deum, et lapis iste vocabitur domus dei. **Ps.** Fundamenta eius. **V.** Hec est domus domini firmiter edificata. **R.** Bene fundata est supra firmam petram.

Lectio Quarta.

SACRARIUM ecclesie, significat ordinem virginum, chorus: ordinem continentium, navis: ordinem coniugatorum. Strictius enim est sanctuarium quam chorus, et chorus quam navis, sic pauciores sunt virgines quam continentes, et isti quam coniugati.

Sacratior etiam est locus sanctuarium quam chorus, et chorus quam navis. Sic et dignior est chorus virginum quam ordo continentium, et ordo continentium dignior est quam ordo coniugatorum.

R. Benedic domine domum istam quam edificavi nomini tuo, venientium in locum istum, * Exaudi preces in excelso solio glorie tue. **V.** Domine si conversus fuerit populus tuus et oraverit ad sanctuarium tuum. Exaudi.

Lectio Quinta.

ATRIUM sunt falsi Christiani, qui sanctificati sunt et baptizati, sed pleni putredine cadaverum, id est corruptione vitiorum. De hoc atrio scriptum est. Atrium quod foris est: noli metiri, quia proiectum est, et datum gentibus. Falsi namque Christiani damnabuntur cum gentibus, et dabuntur ad puniendum demonibus. Altare Christus est, super quem non solum sacrificia bonorum operum, sed etiam orationum offerimus: dicentes. Per dominum nostrum Iesum Christum filium tuum.

R. O quam metuendus est locus iste, vere, * Non est hic aliud nisi domus dei et porta celi. **V.** Mane surgens Iacob votum vovit domino et dixit. Non.

Lectio Sexta.

TURRIS est nomen domini, sicut scriptum est. Turris fortissima nomen domini:

ad eam fugiet iustus et salvabitur. Cimbala vero predicatorum intelliguntur: qui verba Dei loquuntur. Fenestre vitree sunt viri spirituales, per quos divina cognitio nobis illucet. Interior dealbatura significat mundiciam cordium, exterior, vero mundiciam corporum. Duodecim cerei, duodecim sunt apostoli, qui vexillum crucis et fidem passionis Christi predicaverunt per quatuor partes mundi.

R. Orantibus in loco isto dimitte domine peccata populi tui, et ostende eis viam bonam per quam ambulent, * Et da gloriam nomini tuo. **V.** Domine exaudi orationem meam et clamor meus ad te veniat. Et. Gloria. Et.

In Tertio Nocturno. Ant. Qui habitat in adiutorio altissimi, in protectione dei celi commorabitur. **Ps.** Qui habitat. **Ant.** Domum istam protege domine, et angeli tui custodiant muros eius. **Ps.** Cantate domino, I. **Ant.** Fundata est domus domini super verticem montium, et exaltata est super omnes colles. **Ps.** Dominus regnavit exultet. **V.** Beati qui habitant in domo tua domine. **R.** In secula seculorum laudabunt te.

Lectio VII. Secundum Lucam.

IN illo tempore: Ingressus Ihesus perambulabat Hiericho. Et ecce vir nomine Zachaeus, et hic erat princeps pu-

blicanorum, et ipse dives. Et reliqua.

Omelia Venerabilis Bede Presbiteri.

QUE impossibilia sunt apud homines:abilia sunt apud Deum. Ecce enim camelus deposita gibbi sarcina, per foramen acus transit, hoc est dives et publicanus relicto onere divitiarum contemptoque censu fraudium: angustam portam, arctamque viam que ad vitam ducit, ascendit.

R. Lapidem preciosi omnes muri tui, * Et turre Hierusalem gemmis edificabuntur. **V.** Hec est domus domini firmiter edificata bene fundata est supra firmam petram. Et.

Lectio VIII.

QUI mira devotione fidei ad videndum salvatorem, quod natura minus habuerat ascensu supplet arboris, atque ideo iuste, quamvis ipse rogare non audeat, benedictionem dominice susceptionis quam desiderabat accipit. Mistice autem Zachaeus qui interpretatur iustificatus, credentem ex gentibus populum significat: qui quanto curis secularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed iustificatus in nomine domini nostri Ihesu Christi, et in spiritu Dei nostri.

R. Domus mea domus orationis

vocabitur dicit dominus, * In ea omnis qui petit accipit et qui querit invenit, et pulsanti aperietur. **V.** Domum tuam domine decet sanctitudo in longitudinem dierum. In.

Lectio IX.

QUI intrantem Hiericho salvatorem videre querebat, sed pre turba non poterat, quia gratie fidei quam mundo salvator attulit participare cupiebat, sed inolita vitiorum consuetudo ne ad votum perveniret obstiterat. Eadem namque turba noxie consuetudinis, que supra cecum clamantem ne lumen peteret increpabat: eciam suspicientem publicanum, ne Ihesum videat, tardat. Sed sicut cecus turbarum voces magis ac magis clamando devicit: ita pusillus necesse est turbe nocentis obstaculum altiora petendo transcendat, terrena relinquat, arborem crucis ascendat.

R. Terribilis est locus iste, non est hic aliud nisi domus dei et porta celi, * Vere etenim dominus est in loco isto, * Et ego nesciebam. **V.** Cumque evigilasset Iacob quasi de gravi somno ait. Vere. Gloria. Et ego.

V. Domine dilexi decorem domus tue. **R.** Et locum habitationis glorie tue.

In Laudibus. **Ant.** Domum tuam domine decet sanctitudo in longitudinem dierum. **Ps.** Dominus regnavit. **Ant.** Hec est domus domini firmiter edifi-

cata, bene fundata est supra firmam petram. **Ant.** Domus mea domus orationis vocabitur. **Ant.** Bene fundata est domus domini supra firmam petram.

Ant. Lapidēs preciosi omnes muri tui et turres Hierusalem gemmis edificabuntur. **Capitulum.** Vidi civitatem. **Ymnus.**

ANGULARE fundamentum lapis Christus missus est, qui compage parientum in utroque nectitur, quem Syon sancta suscepit, in quo credens permanet.

Omnes illa deo grata et dilecta civitas: plena modulis in laude et canoro iubilo, trinum deum unicumque cum favore predicat.

Hoc in templo summe deus exoratus adveni, et clementi bonitate precum vota suscipe, largam benedictionem hic infunde iugiter.

Hic promereantur omnes petita accipere, et adepta possidere cum sanctis perenniter, paradisum introire translati in requiem.

Gloria et honor deo usquequo altissimo, una patri filioque, inclito Paralyto, cui laus est et potestas per eterna secula. Amen.

V. Domus mea. **R.** Domus orationis vocabitur.

Ad Ben. **Ant.** Mane surgens Iacob erigebat lapidem in titulum fundens oleum desuper, votum vovit domino, vere lo-

cus iste sanctus est et ego nesciebam. Ad horas antiphone Laudum.

Ad Terciam. Cap. Vidi civitatem.

R. Domum tuam domine decet sanctitudo, * Alleluya alleluya.

V. In longitudinem dierum. Alleluya. Gloria. Domum. **V.** Hec est domus.

Ad Sextam. Capitulum.

ECCE tabernaculum dei cum hominibus et habitabit cum eis et ipsi populus eius erunt, et ipse deus cum eis erit eorum deus.

R. Hec est domus domini firmiter edificata, * Alleluya alleluya. **V.** Bene fundata supra firmam petram. Alleluya. Gloria. Hec. **V.** Beati qui habitant.

Ad Nonam. Capitulum.

FUNDAMENTUM aliud nemo potest ponere, preter id quod positum est, quod est Christus Ihesus.

R. Beati qui habitant In domo tua domine, * Alleluya alleluya.

V. In secula seculorum laudabunt te. Alleluya. Gloria. Beati. **V.** Domus mea.

Ad Vesperas. Super psalmos.

Ant. Domum tuam. **Ps.** Credidi.

Ps. Letatus sum. **Ps.** Nisi dominus.

Ps. Laudate dominum. II.

Ps. Lauda Hierusalem.

Cap., Ymnus, V, ut in Primis Vesperis.

Ad Mag. Ant. Zachee festinans descende, quia hodie in domo tua oportet me manere, at ille festinans descendit, et suscep-

pit illum gaudens in domum suam, hodie huic domui salus a deo facta est.

Per octavas et in octava, Invitat. de die, Ad Ben. et ad Mag. antiphone de die. Cetera fiant secundum modum octavarum de sanctis. Et legantur tres sequentes lectiones cum sex supra notatis de sermone. Ex supradicto sermone, Ric in exceptionibus parte secunda, libro decimo.

Lectio. †

HABET igitur ecclesia singulos lapides per singulos fideles, cementum per caritatem, fundamentum per prophetas et apostolos, parietes per contemplativos, tectum per activos. Habet longitudinem, per diuturnitatem temporum: latitudinem per multitudinem populorum: altitudinem per differentiam meritorum. Habet sacrarium per ordinem virginum, chorum per ordinem continentium, navem per ordinem coniugatorum. Habet altare per Christum: turrim per nomen domini, Cymbala per predicatorum: Vitreas fenestras per viros spirituales. Habet interiorum dealbaturam per mundiciam cordium, exteriorum per mundiciam corporum: duodecim cereos per duodecim apostolos.

Lectio.

SEQUITUR pontifex Chri-

stum significans, qui circumcivit ecclesiam suam primum in tempore naturalis legis, eam admonendo per patriarchas: de hinc in tempore scripte legis, admonendo per prophetas. Tandem in tempore gratie per semetipsum eandem circumcivit et introivit, foris scilicet erudiendo per doctrinam, et intus sanctificando per gratiam. In primo circuitu dixit carnem cum sanguine non comedetis, in secundo non occidetis: in tercio vero, qui irascitur fratri suo reus est iudicio.

Lectio.

MULTI autem estimantur in hoc edificio et spirituali per sanctitatem contineri, qui tamen ab ipso longe per pravitatem sunt remoti. Extra ipsum quippe sunt, immundi, fornicarii, ebriosi, feneratores, avari, rapaces, odiosi, mendaces, et qui fratri suo fatue dicunt, et qui mulierem ad concupiscendum aspiciunt. Non enim sunt illius edificii lapides: qui caritatis non sunt participes. Talem ergo vitam fratres agamus: ut Dei lapides esse possimus.

Tempore Paschali sic fiat officium. Ad Vesperas ut supra. Ad Matutinas, Invitat., Ymnus, ut supra. Tres psalmi cum antiphonis et versiculo et tribus responsorii, secundum feriam et ordinem nocturnorum. In Laudibus et ad horas ut su-

pra. Post Gloria vero responsorium repetatur, Alleluya, et antiphone omnis et versiculi et responsoria terminentur cum Alleluya.

De Festis in Communi

IN quacumque die festum simplex vel maius occurrerit: in ea celebrabitur, preterquam in Dominicis Adventus, et preterquam in Septuagesima et Dominicis sequentibus usque ad Ramos inclusive, et preterquam in die Cinerum, et preterquam in secunda feria post Ramos et deinceps usque ad Dominicam in Albis inclusive. Et preterquam in die Ascensionis et in Octava eius, et in vigilia Pentecostes et deinceps usque ad festum Trinitatis inclusive. Excipitur festum Purificationis quod nunquam transfertur, et festum Annunciationis, de quo fiat sicut infra in rubrica *De Translatione Festivitatum* notatum est. Festum etiam trium lectionum fiat in quacumque die occurrerit nisi in Dominica, vel nisi festum simplex vel maius in eo fuerit celebrandum. Et nisi quando hystoria Domine ne in ira. propter brevitatem temporis inter Octavas Epiphanie et Septuagesima in festo trium lectionum fuerit cantanda. Et nisi in quarta feria Cinerum et deinceps usque ad Octavas Pasche inclusive. Et nisi in prima die Rogationum, et deinceps

usque ad Octavas Ascensionis inclusive, et in vigilia Pentecostes et deinceps usque ad, Deus omnium. Et nisi in Sabbatis quando de Beata Virgine agitur in conventu et in ieiuniis Quatuor Temporum Septembris.

De Concomitantia Festivitatem

SI festum simplex vel maius post festum totum duplex immediate evenit, primum festum scilicet totum duplex in suo die habebit totas Vesperas, et de festo sequenti memoria tantum fiet. Excipitur festum Beati Patri Martiris et festum Translationis Beati Dominici, quando aliquod eorum in vigilia Ascensionis occurrerit, quia tunc secundas Vesperas non habebit.

Si vero festum totum duplex in crastino festi simplicis vel semiduplicis aut duplicis occurrerit celebrandum: festum totum duplex in primis Vesperis a principio inchoabitur, et de festo illius diei memoria tantum fiet.

Si autem festum semiduplex occurrerit post festum semiduplex vel simplex, in die primi festi in Vesperis psalmi de ipso primo festo erunt, antiphona vero super psalmos et capitulum et que sequuntur erunt de festo sequenti et de festo illius diei fiet memoria. Quando vero festum simplex

post festum semiduplex evenit: festum semiduplex habebit in die suo totas Vesperas, et de festo simplici sequenti memoria tantum fiet.

Quando autem unum festum simplex post aliud simplex evenit: primum festum in die suo habebit in Vesperis antiphonam et psalmos. Capitulum vero et que sequuntur de sequenti festo erunt, et memoria fiet de primo festo.

Quod de festo simplici et semiduplici supradictum est: intelligendum est quando primum festum habuit primas Vesperas. Si enim propter aliquod impedimentum, festum semiduplex vel simplex, non habuisset primas Vesperas: habere debet secundas, nisi festum duplex vel totum duplex sequatur.

Si festum simplex vel maius in quocumque Sabbato fuerit celebrandum: habebit festum in ipso Sabbato totas Vesperas, etiam si Dominica secundas Vesperas non habeat, nisi in Sabbatis Adventus, et in Sabbato ante Septuagesimam et deinceps in Sabbatis usque ad Pascha. In quibus festum simplex vel semiduplex in Vesperis habebit psalmos et antiphonam, a capitulo vero inchoabitur de Dominica, et memoria postea de festo fiet. Festum vero duplex vel totum duplex omni tempore habebit

totas Vesperas, et de Dominica sequenti memoria tantum fiet. Quando autem festum simplex post Dominicam occurrerit: psalmi et antiphone de Dominica erunt. Capitulum et que sequuntur de festo. Si vero semiduplex vel duplex fuerit: psalmi de Dominica erunt, antiphona vero super psalmos et capitulum et que sequuntur de festo sequenti erunt. Festum vero totum duplex a principio inchoabitur, et habebit totas Vesperas, et de Dominica fiet memoria.

Sciendum autem quod Dominica infra octavas in omnibus censetur sicut festum simplex, nisi quantum ad primas vespersas quando festum aliquod simplex infra octavas in Sabbato evererit.

De Translatione Festivitatum

SI festum simplex vel maius in aliqua Dominica Adventus evererit: vel in Dominica Septuagesime et deinceps in aliqua Dominica usque ad Ramos exclusive in secundam feriam transferatur, excepto festo Purificationis quod non transfertur: et festo Sanctorum Fabiani et Sebastiani quod in precedenti Sabbato celebrandum est, et festo Sancte Agnetis quod in crastinum Sancti Vincentii transferatur, si aliquod ipsorum in Dominica Septuagesime evererit. Quodcumque autem fe-

stum simplex vel maius in die Cinerum occurrerit: in precedenti tertia feria celebretur.

Quando vero festum simplex vel supra in Dominica de Ramis Palmarum vel deinceps usque ad octavas Pasche inclusive evererit: si simplex fuerit: illo anno nichil de eo fiat nisi memoria in Dominica et in secunda et tertia feria in utrisque Vesperis et in Laudibus, et in quarta feria in Laudibus. Semiduplex autem et maius in ebdomadam post octavas Pasche transferatur, preter festum Annunciationis quod si certo die generaliter ab omnibus fuerit in Patria celebrandum, celebretur etiam a fratribus ipso die, alioquin sicut dictum est de aliis: transferatur.

Festivitates vero que in predictam ebdomadam transferentur, celebrentur per ferias vacantes ipsius septimane eo ordine quo fuerint intermissee, ita tamen quod si festum aliquod nisi trium fuerit lectionum, aliqua die predictae ebdomade occurrerit, in sua die celebretur, nec propter aliud festum extra suam diem transferatur. Quodlibet autem festum quod in secunda feria et deinceps per hanc ebdomadam fuerit celebrandum: habebit primas Vesperas et in secundis fiet de eo memoria, si aliud immediate fuerit celebrandum nisi sit totum duplex quod ha-

bebit etiam secundas Vesperas, in quibus fiet tantum memoria de festo celebrando post ipsum immediate. Festum vero sequens post totum duplex habebit secundas Vesperas et sic deinceps: si plura successive et immediate occurrerint celebranda.

Quod si festum simplex vel maius in die Ascensionis vel in Octava eius evenerit: in sequentem sextam feriam transferatur. Si vero in vigilia Pentecostes: in precedenti sexta feria celebretur. Si autem in die Pentecostes vel deinceps usque ad festum Trinitatis inclusive: festum semiduplex vel maius occurrerit: transferatur in sequentem feriam post festum Trinitatis. Quod si simplex fuerit illo anno nichil de eo fiat.

De Festo Trium Lectionum

SCIENDUM quod de festo trium lectionum nichil fit in Cena Domini et deinceps usque ad Dominicam in Albis inclusive, et in die Pentecostes et deinceps usque ad diem Trinitatis inclusive. Item quando cumque festum totum duplex in die festi trium lectionum fuerit celebrandum. Omnibus autem diebus Dominicis, et quando tempus ita breve fuerit inter Octavas Epyphanie et Septuagesimam: quod in feriis intervenientibus oportet cantari hystoriam Domine ne in ira: et in quarta feria Cinerum

et deinceps usque ad quartam feriam post Ramos inclusive et in tribus diebus Rogationum, et infra octavas Ascensionis et in Octava, et in vigilia Pentecostes et infra octavas Trinitatis, et infra octavas dedicationis et in octava die, tantum fit memoria de festo trium lectionum in Vesperas et in Laudibus, nisi quando in predictis temporibus festum totum duplex in die festi trium lectionum fuerit celebrandum. Fit etiam tantum memoria de festo trium lectionum in Sabbatis quando de Beata Virgine agitur in conventu, et in ieiuniis quatuor temporum Septembris, et quando festum semiduplex propter translationem in die ipsius fuerit celebrandum. Quando vero festum trium lectionum in crastino Dominice vel festi simplicis aut semiduplicis debuerit celebrari, in primis Vesperis fiet tantum de ipso memoria, et sequenti die Officium de ipso erit in Matutinis, et Laudibus et Horis diei. Ad Nonam autem semper terminatur. Si autem in crastino totius duplicis celebrari debuerit, in precedenti die nichil fiet de eo, sed sequenti die Officium de ipso agatur ut predictum est. Quando vero in crastino ferie vacantis occurrerit: in Vesperis precedentibus ad capitulum inchoetur. Sic autem fiat. Ad Matutinum Invitatorium sicut est notatum

ab uno dicatur. Antiphona una super novem psalmos de festo. Versiculus ante lectiones et tria responsoria dicantur secundum feriam de hystoria que cantaretur si festum haberet novem lectionem extra tempus Paschale, excepto festo Praxedis in quo semper dicantur tria ultima responsoria. Tempore vero Paschali dicantur tantum tres psalmi cum antiphona de festo Paschalis temporis: Versiculus vero secundum ordinem nocturni. Tria responsoria sicut in festo simplici Paschalis temporis, oratio sicut est notata. Cetera fiant sicut in festo simplici excepto quod non dicatur Te Deum et prima antiphona Laudum sola dicitur in Laudibus super psalmos. Prostrationes autem non fiant quamdiu de eo agitur, et nunquam transferatur.

De Festo Simplici

FESTUM simplex subscripto modo celebretur, nisi maius festum precedens impediat. In primis Vesperis antiphone et psalmi secundam feriam qui dicerentur si de feria ageretur, vel psalmi de festo si precesserit, vel de Octavis quando infra Octavas evenierit, cum antiphona de festo precedenti vel de Octavis. Capitulum vero et que sequuntur de festo erunt. Responsorium in Vesperis non dicitur. Invita-

torium sicut est notatum. Novem lectiones fiant extra tempus Paschale. In tempore vero Paschali, tantum tres. Te Deum laudamus, dicatur nisi a Septuagesima usque ad Pascha, et nisi in festo Innocentium quando extra Dominicam fuerit. In Laudibus dicantur hi psalmi, Dominus regnavit. Iubilare deo. II. Deus deus meus. II. Deus misereatur. Canticum Benedicite. psalmis Laudate dominum. cum quinque antiphonis que eciam dicantur ad Horas diei suo ordine quarta pretermissa. Et hoc generaliter observetur, scilicet quod quodcumque antiphone Laudum ad Horas dicuntur: quarta intermittatur, sive de tempore sive de sanctis agatur. Prima vero earum in festo simplici dicatur in secundis Vesperis super psalmos preterquam in festis que a Natali Domini usque ad Octavas Epyphanie occurrerunt.

De Festo Semiduplici

IN festo semiduplici in primis Vesperis una tantum dicatur antiphona de ipso festo super psalmos, psalmi feriales vel de festo si precesserit vel de Octavis si infra Octavas evenierit. Responsorium in primis Vesperis sicut est signatum. Cetera fiant sicut in festo simplici super notatum est.

De Festo Duplici

IN omni festo duplici, in pri-

mis Vesperis una tantum antiphona de ipso festo super psalmos dicatur, et psalmi sicut in semiduplicibus, nisi in festo Circumcisionis. Responsorium in primis Vesperis sicut est signatum. In secundis vero Vesperis dicantur psalmi sub una antiphona: nisi in festo Circumcisionis. Cetera fiant sicut in festo simplici est notatum, excepto quod in Completorio et in Prima preces non dicantur, sed in Completorio dicta antiphona post Nunc dimittis et in Prima dicto, Confiteor: statim subiungatur Dominus vobiscum, et Oratio.

De Festo Toto Duplici

FESTUM totum duplex fiat in die Pasche et duobus sequentibus, In Ascensione Domini, In die Pentecostes et duobus sequentibus, In festo Trinitatis, in die Consecrationis Ecclesie et in Anniversario eiusdem, et in festo Patroni Ecclesie Nostre, et in ceteris que in Calendario sunt notata. In omnibus autem festivitibus totis duplicibus, ad primas Vesperas dicantur hi psalmi scilicet, Laudate pueri. Laudate dominum o. g. Laudate anima mea. Laudate dominum. II. Lauda Hierusalem. nisi in festo sancti Stephani et sancti Iohannis et Epyphanie et nisi in festo Pasche et duobus diebus sequentibus et nisi in festo Pentecostes et duobus diebus sequentibus, et nisi in

festo Translationis Beati Dominici, quando post Ascensionem immediate celebrabitur. Responsorium sicut et quando est signatum. Antiphona ad Mag. et ad Ben. tota dicatur ante cantici inceptionem. Te Deum, in Matutinis omni tempore dicatur. Responsoria horarum cum Alleluya dicantur, nisi in Completorio Sabbati ante Septuagesimam et deinceps usque ad Pascha. Versiculi vero nunquam dicantur cum Alleluya, nisi in tempore Paschali. Cetera omnia fiant sicut supra in festo duplici est notatum, preterquam in die Natali et sancti Stephani et sancti Iohannis, et Epyphanie in quibus in secundis Vesperis dicuntur quinque antiphone super psalmos et quod secunda feria et tertia post Pascha et Pentecosten, una tantum antiphona dicitur in Laudibus super psalmos.

De Octavis Sanctorum

FESTIVITATES sanctorum habentium Octavas sunt he: Sancti Andree, Sancti Stephani, Sancti Iohannis Evangeliste, Sanctorum Innocentium, Sancti Iohannis Baptiste, Apostolorum Petri et Pauli, Beati Dominici, Sancti Laurentii, Assumptionis Beate Virginis, Sancti Augustini, Nativitatis Beate Marie, Sancti Martini. Preter istas Octavas nulle alie Octave sanctorum fiant sive patronorum ecclesie,

sive aliorum quorumcumque. Sic autem fiat Officium per Octavas sanctorum. Per omnes ferias infra Octavas sanctorum quando de Octavis agitur. Ad matutinas Invitatorium sicut in suis locis notatum est, Ymnus sicut in die. Una tantum antiphona de festo super novem psalmos. Prima die post festum dicatur prima antiphona de nocturno, secunda die: secunda, et sic deinceps quot fuerint necessarie. Versiculus et tria responsoria de festo secundum feriam. Est autem dividenda hystoria per ferias eo modo quo supra de dominicali hystoria est notatum. Te Deum. cotidie dicatur. Versiculus ante Laudes sicut in die. In Laudibus super psalmos prima antiphona Laudum. Capitulum, Ymnus, Versus, de die. Ad Ben. antiphona, sicut est notata. Oratio sicut in die. Ad horas diei, antiphona, Capitula, responsoria, versiculus, Oratio, de festo, excepto quod si festum fuit totum duplex responsoria tamen non dicuntur cum Alleluya infra Octavas. Ad Vesperas antiphona, psalmi, Capitulum, hymnus, versiculus de festo. Ad Mag. antiphona, sicut est notata. Oratio de festo. Excipiuntur de predictis, Octave Apostolorum Petri et Pauli et sancti Andree. In Octava autem die ad Vesperas precedentes psalmi de Octava, super psalmos prima an-

tiphona Laudum de festo. Cetera fiant sicut in festo servato modo festi simplicis. Excipiuntur Octava sancti Laurentii propter, versus antiphonarum qui non dicuntur, et Octava Apostolorum Petri et Pauli, et Octave sancti Andree, sancti Stephani, sancti Johannis, sanctorum Innocentum. Octava etiam sancti Johannis Baptiste in secundis Vesperis habet propriam antiphonam Ad Mag. Dominica vero infra Octavas fiat sicut de Octava die notatum est, nisi quod antiphone Ad Ben. et Ad Mag. de die festi non dicantur si alie per Octavas notate sint. Excipitur Dominica infra Octavas Beati Augustini, quando in Kalendis Septembris evenierit. Quando autem omelia Dominicali legitur in aliqua feria infra Octavas, fiat totum aliud Officium de Octavis.

De Memoriis Faciendis

PER totum annum quando propter festum vel Octavas: de Dominica non fit plenum Officium: semper facienda est de ipsa memoria Sabbato precedenti in Vesperis, et in ipsa die in Laudibus et in Vesperis: preterquam in vigilia Natalis Domini in Vesperis, et in die Natalis, et Circumcisionis, et deinceps quodcumque Dominica fuerit usque in crastinum Epyphanie exclusive. Excipitur Dominica in-

fra Octavas Natalis Domini de qua nichil faciendum est nisi in crastino sancti Thome, vel in die sancti Silvestri. Et Dominice infra Octavas Epyphanie et Ascensionis, de quibus in Sabbato precedenti nulla est memoria facienda. Fiat eciam memoria de tempore per omnes ferias Adventus et Quadragesime, et tribus diebus Rogationum, quando festum simplex vel maius in predictis temporibus occurrerit celebrandum, aliis autem temporibus per totum annum de tempore per ferias nulla fiat memoria: quando festum infra ebdomadam contigerit celebrari. Item de omnibus festis simplicibus et supra: si non habuerint integre primas Vesperas, vel secundis, memoria in utrisque Vesperis semper fiat. Excipitur festum commemorationis Beati Pauli: de quo in primis Vesperis nichil sit specialiter. Item de festo trium lectionum: quando non habet plenum Officium, facienda est memoria sicut supra in rubrica de ipso notatum est, facienda est eciam memoria de sanctis de quibus in Kalendario est signata: nisi quando de festo trium lectionum nichil fieret si eveniret. Quando autem infra quascumque Octavas: non fit Officium de Octavas: facienda est de ipsis memoria nisi in utrisque Vesperis et in Laudibus Assumptionis Beate Marie. Omnibus ve-

ro Sabbatis per totum annum fiat memoria de Beata Virgine, preterquam in Sabbato infra Octavas Natalis Domini, et in Sabbato Sancto Pasche et sequenti, et Sabbato ante festum Trinitatis, et preterquam in festis duplicibus et totis duplicibus et in die animarum cum in Sabbato evenerint, et preterquam in Sabbatis in quibus de ipsa agitur in conventu, quando agitur de Octavis. Fiat eciam de ipsa memoria in Octava sancti Stephani in Laudibus et deinceps tam in Vesperis quam in Laudibus, usque ad Vesperas Octavarum Epyphanie inclusive, nisi in vigilia et in festo Epyphanie. De Cruce vero facienda est memoria cotidie per ebdomadam Pasche in Vesperis et Sabbato in Albis ad Vesperas et deinceps cotidie in Laudibus et in Vesperis, usque ad Vesperas vigilie Ascensionis exclusive, nisi in Inventionem ipsius, et in festis totis duplicibus. De Beato autem Dominico fiat cotidie memoria per totum annum nisi in vigilia Natalis Domini in Laudibus, et deinceps usque ad Octavam Epyphanie inclusive, et nisi in quarta feria post Ramos in Vesperis et deinceps usque ad Dominicam in Albis inclusive, et in vigilia Pentecostes in Vesperis, et deinceps usque ad festum Trinitatis, et nisi in festis duplicibus et to-

tis duplicibus, et infra Octavas eiusdem quando de ipsis agitur et nisi in die animarum in Laudibus.

De Ordine Memoriarum

MEMORIA de festo simplici et supra: precedit memoriam de Octavis et de Dominica, memoria vero de Octavis precedit memoriam de Dominica, precedit etiam memoriam de Beata Virgine in sexta feria et Sabbato. Memoria vero de Dominica, et memoria de Beata Virgine in sexta feria et Sabbato: precedit memoriam trium lectionum, et festi habentis solam memoriam. Item memoria de Adventu et Quadragesima: precedit memoria de Beata Virgine in sexta feria et Sabbato, memoria autem de Beata Virgine in Adventu: precedit memoria de sancto Andrea in sexta feria et Sabbato et memoriam Crucis in Paschali tempore. Memoria vero de Cruce in Paschali tempore: fiat post omnes alias nisi post memoriam Beati Dominici, que omni tempore est post omnes alias memorias facienda nisi infra Octava ipsius. Quandocumque autem fuerit memoria facienda, in Vesperis et in Laudibus, per antiphonam et versiculum et Orationem fiat.

De Festivitatibus Extraordinariis

FESTIVITATES sanctorum que sollemnes habentur

in locis in quibus fratres commorantur possunt ab eis sollemniter celebrari et cantari hystorie et legende legi.

De Matutinis In Sero Post Completorium Dicendis

IN festo sancte Trinitatis et deinceps in omnibus festis duplicibus et totis duplicibus usque ad festum sancti Augustini inclusive, et in festo sancte Marie Magdalene cantentur in sero post Completorium Matutine.

De Orationibus et Vigiliis Sanctorum

IN omnibus festis sanctorum nisi vigiliam habuerint: Oratio que dicitur in Vesperis precedentibus diem festum: dicenda est in ipso die Ad Laudes, Terciam, Sextam et Nonam, et ad secundas Vesperas diei, nisi festum fuerit trium lectionum quod non habet secundas Vesperas. In festis vero sanctorum habentium vigiliam, Oratio de vigilia si propria fuerit: dicenda est ad primas Vesperas, nisi in festo sancti Andree quando transfertur. Oratio vero que dicitur in Laudibus diei: dicenda est ad Terciam, Sextam et Nonam et ad Vesperas diei. Sciendum autem quod nulla vigilia sancti alicuius habet aliquid in Matutinis nec in Horas ante Vesperas: nisi solam omeliam, propter quam tamen cum legenda fuerit: aliud Officium diei illius

non mutatur nisi quandoque in benedictionibus lectionum.

Que Requirenda Sint in Communi Sanctorum

NOTANDUM quod per totum annum omnia que in festis sanctorum in suis locis non inveniuntur signata: de communi sanctorum Paschalis temporis sive alterius sunt assumenda, et dicenda suis locis secundum quod ibi notata sunt, et competunt festivitatibus de quibus agitur. Quandoque autem non inveniuntur aliquid proprium de lectionibus in festo quocumque: recurrendum est ad commune sive propriis sive pro novem lectionibus sive pro sex quando est omelia propria. Cum autem fuerint Octave: repetende sunt lectiones predictae et in Octavis et infra quotiens fuerit necesse.

In Vigilia Sancti Andree

Si Dominica fuerit legatur omelia de Dominica, alioquin de Vigilia. Lectio Prima. Secundum Iohannem.

IN illo tempore: Stabat Iohannes et ex discipulis eius duo. Et respiciens Ihesum ambulante, dixit. Ecce agnus Dei. Et reliqua.

Omelia Venerabilis Bede Presbiteri. ✠

STABAT Iohannes, et respexit Ihesum: quia in magno iam culmine perfectionis animi gressum fixerat, unde iu-

re celsitudinem divine maiestatis mereretur intueri. Stabat: quia illam virtutum arcem conscenderat, a qua nullis temptationum improbitatibus posset deici.

Lectio Secunda.

STABANT cum illo et discipuli: quia magisterium eius corde sequebantur immobili. Et respiciens inquit Ihesum ambulante: dixit. Ecce agnus Dei. Ambulatio Ihesu dispensationem incarnationis qua ad nos venire, ac nobis exempla vivendi prebere dignatus est insinuat, sicut mansio eius eternitatem divinitatis in qua semper est patri equalis: aptissime designat.

Lectio Tertia.

ECCE agnus Dei. Cognovimus quare Ihesum precursor suus agnum Dei vocaverit quia videlicet eum pre ceteris mortalibus singulariter innocentem, hoc est ab omni peccato mundum novit. Et quia nos suo sanguine redempturum, atque ideo quia dona sui velleris sponte largiturum, ex quo vestem nobis nuptialem facere possimus, idest exempla vivendi nobis relicturum previdit, quibus in dilectione calefieri deberemus.

Ad Vesperas. Super psalmos.

Ant. Unus ex duobus qui secuti sunt dominum erat Andreas frater Symonis Petri. Alleluya.

R. Homo dei. **III. Ad Mag. Ant.**

Ambulans Ihesus iuxta mare Galliee vidit Petrum et Andream fratrem eius et ait illis venite post me faciam vos fieri piscatores hominum, at illi relictis retibus et navi secuti sunt eum.

QUESUMUS omnipotens deus ut beatus Andreas apostolus, tuum pro nobis imploret auxilium ut a nostris reatibus absoluti a cunctis etiam periculis exuamur. Per. Si festum apostoli propter Dominicam transferatur: ad Primas Vesperas dicatur, Oratio, Maiestatem.

Ad Matutinas. Invitat. Adoremus victoriosissimum regem Christum, * Qui victorem per crucis tropheum coronavit beatum Andream apostolum.

In Primo Nocturno. Ant. Vidit dominus Petrum et Andream et vocavit eos. **Ps.** Celi enarrant. **Ant.** Venite post me dicit dominus faciam vos fieri piscatores hominum. **Ps.** Benedicam dominum. **Ant.** Relictis retibus suis, secuti sunt dominum redemptorem. **Ps.** Eructavit. **V.** In omnem terram. **R.**

DUM perambularet dominus iuxta mare secus litus Galilee vidit Petrum et Andream retia mittentes in mare, vocavit eos dicens, * Venite post me faciam vos piscatores hominum. **V.** Erant enim piscatores et ait illis. Venite.

R. Mox ut vocem domini predicantis audivit beatus Andreas: relictis retibus, quorum usu

actumque vivebat eterne vite secutus est, * Premia largientem. **V.** Ad unius iussionis vocem Petrus et Andreas relictis retibus secuti sunt redemptorem. Premia.

R. Homo dei ducebatur ut crucifigerent eum, populus autem clamabat voce magna dicens, * Innocens eius sanguis sine causa damnatur. **V.** Cumque carnifices ducerent eum ut crucifigeretur, factus est concursus populorum clamantium et dicentium. Innocens. Gloria. Innocens.

In Secundo Nocturno. Ant. Dilexit Andream dominus in odorem suavitatis alleluya. **Ps.** Omnes gentes. **Ant.** Dignum sibi dominus computavit martirem, quem vocavit apostolum dum esset in mari alleluya. **Ps.** Exaudi deus. II. **Ant.** Christus me misit ad istam provinciam, ubi non parvum populum adquisivi. **Ps.** Exaudi deus. III. **V.** Constitues.

R. Doctor bonus et amicus dei Andreas ducitur ad crucem, aspiciens a longe vidit crucem, salve crux, * Suscipe discipulum eius qui pependit in te, magister meus Christus. **V.** Salve crux que in corpore Christi dedicata es, et ex membris eius tanquam margaritis ornata. Suscipe.

R. O bona crux que decorem et pulchritudinem de membris domini suscepisti, accipe me ab hominibus, et redde me

magistro meo, * Ut per te me recipiat: qui per te me redemit. **℣.** Securus et gaudens venio ad te, ita ut et tu exultans suscipias me. Ut.

R. Salve crux que in corpore Christi dedicata es, et ex membris eius tanquam margaritis ornata, * Suscipe discipulum eius qui pependit in te. **℣.** O bona crux diu desiderata et iam concupiscenti animo preparata. Suscipe. Gloria. Suscipe.

In Tertio Nocturno. Ant. Videns Andreas crucem: cum gaudio dicebat, quia amator tuus semper fui, et desideravi amplecti te, o bona crux. **Ps.** Confitebimur tibi. **Ant.** Recipe me ab hominibus et redde me magistro meo, ut per te me recipiat qui per te me redemit. **Ps.** Dominus regnavit exultet. **Ant.** Biduo vivens pendebat in cruce pro Christi nomine beatus Andreas et docebat populum. **Ps.** Dominus regnavit irascantur. **℣.** Nimis honorati.

Lectio VII. Secundum Mattheum.

IN illo tempore: Ambulans Ihesus iuxta mare Galilee vidit duos fratres, Symonem qui vocatur Petrus, et Andream fratrem eius: mittentes rete in mare. Erant enim piscatores. Et reliqua.

Omelia Beati Gregorii Pape.

AUDISTIS fratres karissimi, quia ad unius iussionis

vocem, Petrus et Andreas relictis retibus secuti sunt redemptorem. Nulla vero hunc facere adhuc miracula viderant, nichil ab eo de premio eterne retributionis audierant: et tamen ad unum domini preceptum hoc quod possidere videbantur obliti sunt.

R. Expandi manus meas tota die in cruce ad populum non credentem sed contradicentem michi, * Qui ambulant viam non bonam sed post peccata sua. **℣.** Exaltare qui iudicas terram redde retributionem superbis. Qui.

Lectio VIII.

QUANTA nos eius miracula videmus, quot flagellis atterimur, quantis minarum asperitatibus deterremur: et tamen vocantem sequi contemnimus. In celo iam sedet, qui de conversione nos admonet, iam iugo fidei colla gentium subdidit: iam mundi gloriam stravit, iam ruinis eius crebrescentibus, districti sui iudicii diem propinquantem denuntiat, et tamen superba mens nostra non vult hoc sponte deserere quod cotidie perdit invita.

R. Dilexit Andream dominus in odorem suavitatis, dum penderet in cruce, dignum sibi computavit martyrem quem vocavit apostolum dum esset in mari, * Et ideo amicus dei appellatus est. **℣.** Vir iste in populo suo mittissimus apparuit,

sanctitate autem et gratia plenus. Et.

Lectio IX.

QUID ergo karissimi: quid in eius iudicio dicturi sumus, qui ab amore presentis seculi nec preceptis flectimur, nec verberibus emendamur? Sed fortasse aliquis tacitis sibi cogitationibus dicat. Ad vocem dominicam uterque iste piscator quid aut quantum dimisit, qui pene nichil habuit? Sed hac in re fratres karissimi affectum debemus potius pensare quam censem. Multum reliquit, qui sibi nichil retinuit. Multum reliquit, qui quamlibet parum: totum deseruit.

R. Videns crucem Andreas exclamavit dicens, * O crux innarrabilis, o crux inestimabilis, o crux que per totum mundum fulges, * Non me dimittas errantem sicut ovem non habentem pastorem. **V.** Biduo vivens pendebat in cruce pro Christi nomine beatus Andreas et docebat populum et dicebat. O. Gloria. Non me.

V. Dilexit Andream dominus. **R.** In odorem suavitatis.

In Laudibus. Ant. Salve crux preciosa, suscipe discipulum eius qui pependit in te magister meus Christus. **Ant.** Beatus Andreas orabat dicens, domine rex eterne glorie suscipe me pendentem in patibulo.

Ant. Andreas Christi famulus, dignus deo apostolus, germanus Petri et in passione socius.

Ant. Maximilla Christo amabilis tulit corpus apostoli optimo loco cum aromatibus sepelevit. **Ant.** Qui persequiebantur iustum demersisti eos domine in profundum, et in ligno crucis dux iusti fuisti.

Ad Ben. Ant. Concede nobis hominem iustum, redde nobis hominem sanctum, ne interficias hominem deo carum, iustum, mansuetum et pium.

Oratio.

MAIESTATEM tuam domine suppliciter exoramus: ut sicut ecclesie tue beatus Andreas apostolis extitit predicator et rector: ita apud te sit pro nobis perpetuus intercessor. Per.

Ad Vesperas. Super psalmos.

Ant. Salve. **Ad Mag. Ant.** Cum pervenisset beatus Andreas ad locum ubi crux parata erat, exclamavit et dixit, o bona crux diu desiderata et iam concupiscenti animo preparata, securus et gaudens venio ad te, ita ut et tu exultans suscipias me discipulum eius qui pependit in te.

Cotidie usque ad Octavam diem fiat memoria de sancto Andrea.
In Laudibus per antiphona. Biduo. et V. Annuntiaverunt. In Vesperis per antiphona. Beatus Andreas. et V. Dilexit Andream. **Oratio.** Maiestatem.

Sancti Nicholai Episcopi

Ad Vesperas. Super psalmos.

Ant. Amicus dei Nicholaus pontificali decoratus infula,

omnibus se amabilem exhibuit. **R.** Ex eius tumba. **IX. Ad Mag. Ant.** O pastor eterne o clemens et bone custos, qui dum devoti gregis preces attenderes, voce lapsa de celo presuli sanctissimo, dignum episcopatu Nicholaum ostendisti tuum famulum. **Oratio.**

DEUS qui beatum Nicholaum pontificem tuum innumeris decorasti miraculis, tribue quesumus nobis, ut eius meritis et precibus a Gehenne incendiis liberemur. Per.

Ad Matutinas. Invitat. Adoremus regem seculorum, * In quo vivit Nicholaus honor sacerdotum.

In Primo Nocturno. Ant. Nobilissimis siquidem natalibus ortus, velut lucifer Nicholaus emicuit. **Ps.** Beatus vir. **I. Ant.** Postquam domi puerilem deturrit etatem, cunctis mundi huius spretis oblectationibus: Christi se iugo subiciens, documentis sanctis suum prebuit auditum. **Ps.** Quare fremuerunt. **Ant.** Pudore bono repletus dei famulus, sumptibus datis stupri nefas prohibuit. **Ps.** Domine quid. **V.** Amavit eum. **R.**

CONFESSOR dei Nicholaus nobilis progenie sed nobilior moribus, ab ipso puerili evo secutus dominum, * Meruit divina revelatione ad summum provehi sacerdotium. **V.** Erat enim valde compatiens et super afflictos pia gestans vi-

scera. Meruit.

R. Operibus sanctis Nicholaus humiliter insistens, revelatione divina provectus est, * Ad summum sacerdotii gradum.

V. Voce quippe de celo lapsa cuidam insinuat presuli: dignum episcopatu Nicholaum. **Ad.**

R. Quadem die tempstate sevisissima quassati naute ceperunt sanctum vocare Nicholaum, * Et statim cessavit tempestas. **V.** Mox illis clamantibus apparuit quidam dicens eis, ecce assum, quid vocastis me. Et. Gloria. Et.

In Secundo Nocturno. Ant. Auro virginum incestus, auro patris earum inopiam, auro prorsus utroque detestabilem infamiam dei servus ademit Nicholaus. **Ps.** Cum invocarem. **Ant.** Innocenter puerilia iura transcendens, evangelice institutionis discipulus effectus est. **Ps.** Verba mea. **Ant.** Gloriam mundi sprexit cum suis oblectationibus, et ideo meruit provehi ad summum sacerdotii gradum. **Ps.** Domine dominus noster.

R. Audiens Christi confessor trium iuvenum innocentum necem, precucurrit quam totius ad locum quo fuerant plecendi, * Et liberavit eos. **V.** Statimque solutos a vinculis usque ad pretorium consulis secum adduxit. Et.

R. Qui cum audisset sancti Nicholai nomen statim expan-

dunt manus utrasque ad celum, * Salvatoris laudantes clementiam. **V.** Clara quippe voce coram hominibus dignum referebant illum dei famulum. Salvatoris.

R. Beatus Nicholaus iam triumpho potitus, novit suis famulis prebere celestia comoda, qui toto corde poscunt eius largitiones, * Illi nimirum tota nos devotione oportet committere. **V.** Ut apud Christum eius patrociniis adiuvemur semper. Illi. Gloria. Illi.

In Tertio Nocturno. Ant. Pontifices almi divina revelatione letificati Nicholaum presulem devotissime consecraverunt. **Ps.** Domine quis habitabit. **Ant.** Sanctus quidem triticum quod a nautis postulaverat acceptum et sagacitate distribuere, et augeri precibus impetravit. **Ps.** Domine in virtute. **Ant.** Muneribus datis neci sunt iuvenes innocentes addicti, quibus domini servus fuit vite presidium festinanter.

Ps. Domini est terra.

R. Summe dei confessor Nicholae te venerantes protege, * Namque credimus tuis precibus nos posse salvari. **V.** Qui tres pueros morti addictos illesos abire fecisti, tuis laudibus instantem conserva plebem. Namque.

R. Servus dei Nicholaus auri pondo trium virginum redemit pudorem, * Earumque patris impudicam remenso au-

ro fugavit inopiam. **V.** Affluens itaque, misericordie visceribus metallo duplicato propulsavit earum infamiam. Earumque.

R. Ex eius tumba marmorea sacrum resudat oleum, quo liniti sanantur ceci, * Surdis auditus redditur, * Et debilis quisque sospes regreditur. **V.** Catervatim ruunt populi cernere cupientes que per eum fiunt mirabilia. Surdis. Gloria. Et debilis.

In Laudibus. Ant. Beatus Nicholaus adhuc puerulus multo ieiunio macerabat corpus. **Ant.** Ecclesie sancte frequentans limina, sacra pectori condebat mandata. **Ant.** Iuste et sancte vivendo ad honorem sacerdotii meruit promoveri divinitus. **Ant.** Amicus dei Nicholaus pontificali decoratus infusa omnibus se amabilem exhibuit. **Ant.** O per omnia laudabilem virum cuius meritis ab omni clade liberantur qui ex toto corde querunt illum.

Ad Ben. Ant. Copiose caritatis Nicholae pontifex qui cum deo gloriaris in celi palatio, condescende supplicamus ad te suspirantibus, ut exutos gravi carne pertrahas ad superos.

Ad Mag. Ant. O Christi pietas omni pro sequentia laude qui sui famuli Nicholai merita longe lateque declarat, nam ex tumba eius oleum manat, cucutosque languidos sanat.

Memoria de sancto Andrea.

Ant. Ambulans. **V.** Dilexit Andream. **Oratio.**

PROTEGAT nos domine sepius beati Andree apostoli tui repetita sollemnitas, ut cuius patrocinia sine intermissione recolimus, perpetuam defensionem sentiamus. Per. In crastino. In Laudibus memoria de sancto Andrea. **Ant.** Concede nobis. **V.** Annuntiaverunt. **Oratio.** Protegat. In Vesperis nulla fiat de eo memoria.

Sancti Damasi Pape

Oratio.

DA quesumus omnipotens deus, ut beati Damasi confessoris tui atque pontificis veneranda sollemnitas, et devotionem nobis augeat et salutem. Per.

Sancte Lucie Virginis et Martiris

Ad Mag. Ant. In tua patientia possedisti animam tuam Lucia sponsa Christi odisti que in mundo sunt, et choruscas cum angelis, sanguine proprio inimicum vicisti. **Oratio.**

EXAUDI nos deus salutaris noster, ut sicut de beate Lucie virginis et martiris tue festivitate gaudemus, ita pie devotionis erudiamur effectum. Per.

Ad Matutinas antiphone et responsoria, omnia preter nomen de communi. **Nonum.**

R. Rogavi dominum meum Ihesum Christum ut ignis iste non dominetur michi, et *

Impetravi a domino inducias martyrii mei. **V.** Ut credentibus timorem auferam apassionis, et non credentibus vocem insultationis. Impetravi. Gloria. Impetravi.

In Laudibus. Ant. Orante sancta Lucia aparuit ei beata Agatha, et consolabatur ancillam Christi. **Ant.** Lucia virgo quid a me petis quod ipsa poteris prestare continuo matri tue. **Ant.** Per te Lucia virgo civitas Siracusana decorabitur a domino Ihesu Christo. **Ant.** Benedico te pater domini mei Ihesu Christi, quia per filium tuum, ignis extinctus est a letere meo. **Ant.** Soror mea Lucia virgo deo devota, quid a me petis quod ipsa poteris prestare continuo matri tue.

Ad Ben. Ant. Columna es immobilis Lucia sponsa Christi quia omnis plebs te expectat, ut accipias coronam regni alleluya.

Ad Mag. Ant. Tanto pondere eam fixit spiritus sanctus, ut virgo domini immobilis permaneret.

Sancti Thome Apostoli

Ad Mag. Ant. O Thoma Didime qui Christum meruisti tangere, te precibus rogamus altisonis, succurre nobis miseris ne damnemur cum impiis in adventu iudicis. **Oratio.**

DA nobis quesumus domine beati apostoli tui Thome sollemnitatibus gloriari, ut

eius semper et patrociniis sublevemur, et fidem congrua devotione sectemur. Per.

Lectio VII. Secundum Iohannem.

IN illo tempore: Thomas unus ex duodecim qui dicitur Didimus, non erat cum eis quando venit Ihesus. Et reliqua.

Omelia Beati Gregorii Pape. ✠

ISTE unus discipulus defuit, reversus quod gestum est audivit: audita credere noluit. Venit iterum dominus, et non credenti discipulo latus palpandum prebuit, manus ostendit, et ostensa suorum cicatrice vulnerum, infidelitatis illius vulnus sanavit.

Lectio VIII.

QUID fratres karissimi quid inter hec animadvertitis? Non hoc casu sed divina dispensatione gestum est. Egit namque miro modo divina clementia, ut discipulus dubitans dum in magistro suo vulnera palparet carnis, in nobis vulnera sanaret infidelitatis.

Lectio IX.

PLUS enim nobis Thome infidelitas ad fidem, quam fides credentium discipulorum profuit, quia dum ille ad fidem palpando reducitur: nostra mens omni dubitatione postposita in fide solidatur. Sic quippe discipulum post resurrectionem suam dubitare permisit, nec tamen in dubitatione deseruit: sicut ante nati-

vitatem suam habere Mariam sponsum voluit: qui tamen ad eius nuptias non pervenit.

Ad Ben. Ant. Quia vidisti me Thoma credidisti, beati qui non viderunt et crediderunt, alleluya.

Memoria de Adventu per Ant. Nolite timere. nisi festum transferatur.

Ad Mag. Ant. In regeneratione.

**Sancti Stephani
Prothomartiris**

Ad Memoriam in Vesperis. Ant. Tu principatum tenes in choro martyrum similis angelo, qui pro te lapidantibus deum deprecatus es, beate Stephane intercede pro nobis ad dominum. **Oratio.**

DA nobis quesumus domine imitari quod colimus, ut discamus et inimicos diligere: quia eius natalicia celebramus, qui novit etiam pro persecutoribus exore. Dominum nostrum.

Quando predicta oratio dicitur ad memoriam et sequitur alia memoria immediate: finiatur sic. Exorare Christum dominum nostrum.

Ad Matutinas. Invitat. Christum natum, qui beatum hodie coronavit Stephanum, * Venite adoremus.

In Primo Nocturno. Ant. Beatus Stephanus iugi legis dei meditatione roboratus: tanquam lignum fructiferum secus salutarium aquarum plantatum

decursus, fructum martyrii in tempore suo dedit primus. **Ps.** Beatus vir. I. **Ant.** Constitutus a deo predicator preceptorum eius, in timore sancto illi servire studiut, officioque fideliter peracto, in montem sanctum eius ascendere dignus fuit. **Ps.** Quare fremuerunt. **Ant.** In tribulatione lapidum se prementium positus milia populi se circumdantis non timuit, quia susceptorem suum Ihesum ut eum salvum faceret, exurgere in celo vidit. **Ps.** Domine quid. **R.**

STEPHANUS autem plenus gratia et fortitudine, * Faciebat prodigia et signa magna in populo. **V.** Cum autem esset plenus spiritu sancto beatus Stephanus. Faciebat.

R. Videbant omnes Stephanum qui erant in concilio, * Et intuebantur vultum eius tanquam vultum angeli stantis inter illos. **V.** Stephanus autem plenus gratia et fortitudine faciebat prodigia et signa magna in populo. Et.

R. Intuens in celum beatus Stephanus vidit gloriam dei et ait, * Ecce video celos apertos, et filium hominis stantem * A dextris virtutis dei. **V.** Cum autem esset Stephanus plenus spiritu sancto, intendens in celum ait. Ecce. Gloria. A dextris.

In Secundo Nocturno. Ant. Lumine vultus tui domine insi-

gnitus prothomartyr Stephanus sacrificium iusticie seipsum tibi sacrificavit, ideoque in leticia cordis, in pace obdormiens requiescit. **Ps.** Cum invocarem. **Ant.** Benedictionis tue domine munere iustificatus, et scuto tue protectionis in passione munitus, nominis sui coronam Stephanus a te percipere meruit. **Ps.** Verba mea. **Ant.** O quam admirabile est nomen tuum domine deus noster, pro quo beatus Stephanus passus, gloria et honore a te est coronatus, et super celos dono tue magnificentie exaltatus. **Ps.** Domine dominus noster. **V.**

R. Lapidabant Stephanum invocantem et dicentem, domine Ihesu Christe accipe spiritum meum et * Ne statuas illis hoc peccatum. **V.** Positis autem genibus beatus Stephanus orabat dicens. Ne.

R. Impetum fecerunt unanimiter in eum, et eiecerunt eum extra civitatem, * Invocantem et dicentem domine accipe spiritum meum. **V.** Et testes desposuerunt vestimenta sua secus pedes adolescentis, qui vocabatur Saulus, et lapidabant Stephanum. Invocantem.

R. Stephanus servus dei quem lapidabant Iudei, vidit celos apertos, vidit et introivit, * Beatus homo cui celi patebant. **V.** Cum igitur saxorum crepitantium turbine quateretur, inter ethereos aule celestis si-

nus divina ei claritas fulsit. Beatus. Gloria. Beatus.

In Tertio Nocturno. Ant. In domino deo suo confisus fortis athleta Stephanus lapidum fortiter sustinuit ictus, et idcirco ad montem virtutum transmigravit victoriosus. **Ps.** In domino confido. **Ant.** Sine macula beatus Stephanus ingressus est domine in tabernaculum tuum, et quia operatus est iusticiam, requiescit in monte sancto tuo. **Ps.** Domine quis habitabit. **Ant.** Domine virtus et leticia rectorum, quoniam tu prevenisti dilectum tibi Stephanum, dono gratuite benedictionis, te primum secutus est morte gloriose passionis, unde cum corona martyrii dedisti ei vitam in seculum seculi. **Ps.** Domine in virtute.

Lectio VII. Secundum Mattheum.

IN illo tempore: Dicebat Iesus turbis Iudeorum et principibus sacerdotum. Ecce ego mitto ad vos prophetas et sapientes et scribas: et ex illis occidetis, et crucifigetis, et ex eis flagellabitis in synagogis vestris. Et reliqua.

Omelia Beati Hieronimi Presbiteri. ✠

ECCE ego mitto ad vos prophetas, et sapientes et scribas. Observa iuxta apostolum scribentem ad Corinthios, varia dona esse discipulorum Christi, alios prophe-

tas qui ventura predicant, alios sapientes, qui noverint quando debeant proferre sermonem, alios scribas in lege doctissimos. Ex quibus lapidatus est Stephanus, Paulus occisus, crucifixus Petrus, flagellati in Actibus apostolorum discipuli.

R. Impii super iustum iacturam fecerunt ut eum morti traderent, * At ille gaudens suscepit lapides ut mereretur accipere coronam glorie. **V.** Continuerunt aures suas, et impetum fecerunt unanimes in eum. At.

Lectio VIII.

UT veniat super vos omnis sanguis iustus, qui effusus est super terram a sanguine Abel iusti, usque ad sanguinem Zacharie filii Barachie, quem occidistis inter templum et altare. De Abel nulla est ambiguitas quin hic sit quem Cayn frater suus occiderit. Iustus autem non solum ex domini nunc sententia, sed etiam ex Genesis testimonio comprobatur, ubi accepta eius a Deo narrantur munera.

R. Patefacte sunt ianue celi Christi martyri beato Stephano, qui in numero martyrum inventus est primus, * Et ideo triumphat in celis coronatus. **V.** Mortem enim quam salvator dignatus est pro omnibus pati, hanc ille primus reddidit salvatori. Et.

Lectio IX.

QUERIMUS igitur, quis sit iste Zacharias filius Barachie, quia multos legimus Zacharias. In diversis diversa legi, et debeo singulorum opiniones ponere. Alii Zachariam filium Barachie dicunt, qui in duodecim prophetis undecimus est: patrisque in eo nomen consentit. Sed ubi occisus est in eam templum et altare Scriptura non loquitur: maxime cum temporibus eius vix ruine templi fuerint.

R. Sancte dei preciose prothomartyr Stephane, qui virtute caritatis circumfultus undique dominum pro inimico exorasti populo, * Funde preces * Pro devoto tibi nunc collegio. **V.** Ut tuo propiciatus interventu dominus, nos purgatos a peccatis iungat celi civibus. Funde. Gloria. Pro devoto.

In Laudibus. Ant. Lapidaverunt Stephanum, et ipse invocabat dominum dicens, ne statuas illis hoc peccatum. **Ant.** Lapidantes torrentes illi dulces fuerunt, ipsum sequuntur omnes anime iuste. **Ant.** Adhesit anima mea post te, quia caro mea lapidata est pro te deus meus. **Ant.** Stephanus vidit celos apertos, vidit et introivit, beatus homo cui celi patebant. **Ant.** Ecce video celos apertos et Ihesum stantem a dextris dei. **Capitulum.**

STEPHANUS plenus gratia et

fortitudine, faciebat prodigia et signa magna in populo.

Ad Ben. Ant. Intuens in celum beatus Stephanus vidit gloriam dei et ait, ecce video celos apertos et filium hominis stantem a dextris dei. **Oratio.** Da nobis. Memoria de Nativitate.

Ad Terciam. Capitulum. Stephanus plenus.

Ad Sextam. Cap.

CUM esset Stephanus plenus spiritu sancto intendens in celum vidit gloriam dei, et Ihesum stantem a dextris dei.

Ad Nonam. Cap.

POSITIS genibus beatus Stephanus clamavit voce magna dicens, domine ne statuas illis hoc peccatum.

Ad Vesperas. Cap. Stephanus.

Ad Mag. Ant. O quam gloriosus est beatus Stephanus martyr et Levita, qui ante apostolos renga celestia possidere meruit, et ad patris dexteram filium videre.

Memoria de sancto Iohanne.

Ant. Valde honorandus est beatus Iohannes qui supra pectus domini in cena recubuit. **Oratio.**

ECCESIAM tuam domine benignus illustra, ut beati Iohannis apostoli tui et evangeliste illuminata doctrinis ad dona perveniat sempiterna. Per. Memoria de Nativitate.

Sancti Iohannis Evangeliste

Ad Matutinas. Invit. Adoremus regem apostolorum, * Qui pri-

privilegio amoris Iohannem dilexit apostolum.

In Primo Nocturno. Ant. Iohannes apostolus et evangelista virgo est electus a domino: atque inter ceteros magis dilectus. **Ps.** Celi enarrant. **Ant.** Supra pectus domini Ihesu recumbens evangelii fleunta, de ipso sacro dominici pectoris fonte potavit. **Ps.** Benedicam dominum. **Ant.** Quasi unus de paradisi fluminibus evangelista Iohannes verbi dei gratiam in toto terrarum orbe diffudit. **Ps.** Eructavit. **R.**

VALDE honorandus est beatus Iohannes qui supra pectus domini in cena recubuit, * Cui Christus in cruce matrem virginem virgini commendavit. **V.** Virgo est electus a domino atque inter ceteros magis dilectus. Cui.

R. Hic est discipulus qui testimonium perhibet de his et scripsit hec, * Et scimus quia verum est testimonium eius. **V.** Fluente evangelii de ipso sacro dominici pectoris fonte potavit. Et.

R. Hic est beatissimus evangelista et apostolus Iohannes, * Qui privilegio amoris precipui ceteris altius * A domino meruit honorari. **V.** Hic est discipulus ille quem diligebat Ihesus, qui supra pectus domini in cena recubuit. Qui. Gloria. A domino.

In Secundo Nocturno. Ant. In ferventis olei dolium missus

Iohannes apostolus divina se protegente gratia illesus exivit.

Ps. Omnes gentes. **Ant.** Propter insuperabilem evangelizandi constantiam exilio relegatus, divine visionis et allocutionis meruit crebra consolatione relevari. **Ps.** Exaudi deus. II. **Ant.** Occurrit beato Iohanni ab exilio revertenti omnis populus virorum ac mulierum clamantium et dicentium benedictus qui venit in nomine domini. **Ps.** Exaudi deus. III.

R. Qui vicerit faciam illum columnam in templo meo dicit dominus, * Et scribam super eum nomen meum, et nomen civitatis nove Hierusalem. **V.** Vincenti dabo edere de ligno vite quod est in paradiso dei mei. Et.

R. Diligebat autem eum Ihesus, quem specialis prerogativa castitatis ampliori dilectione fecerat dignum, * Quia virgo electus ab ipso virgo in evum permansit. **V.** In cruce denique moriturus, huic matrem virginem virgini commendavit. Quia.

R. Iste est Iohannes qui supra pectus domini in cena recubuit, * Beatus apostolus cui revelata sunt secreta celestia.

V. Iste est Iohannes cui Christus in cruce matrem virginem virgini commendavit. Beatus. Gloria. Beatus.

In Tertio Nocturno. Ant. Apparuit caro suo Iohanni dominus Ihesus Christus cum disci-

pulis suis, et ait illi, veni dilecte meus ad me, quia tempus est ut epuleris in convivio meo cum fratribus tuis.

Ps. Confitebimur tibi. **Ant.** Expandens manus suas ad deum dixit, invitatus ad convivium tuum venio gratias agens, quia me dignatus es domine Ihesu Christe ad tuas epulas invitare, sciens quod ex toto corde meo desiderabam te. **Ps.** Dominus regnavit exultet. **Ant.** Domine suscipe me ut cum fratribus meis sim, cum quibus veniens invitasti me, aperi michi ianuam vite et perduc me ad convivium epularum tuarum, tu es enim Christus filius dei vivi: qui precepto patris mundum salvasti, tibi gratias referimus per infinita seculorum secula. **Ps.** Dominus regnavit irascantur.

Lectio VII. Secundum Iohannem.

IN illo tempore: Dixit Ihesus Petro. Sequere me. Conversus Petrus vidit illum discipulum quem diligebat Ihesus sequentem, qui et recubuit in cena super pectus eius, et dixit, domine quis est qui tradet te. Et reliqua.

Omelia Venerabilis Bede Presbiteri. ✠

COMMENDAT nobis beatissimus evangelista et apostolus Iohannes privilegium amoris precipui, quo ceteris amplius meruit honorari a domino, commendat testimo-

nium evangelice descriptionis, quod veritate divina subnixum, nullus fidelium dubitare permittitur.

R. In illa die suscipiam te servum meum et ponam te sicut signaculum in conspectu meo, * Quoniam ego elegi te dicit dominus. **V.** Esto fidelis usque ad mortem et dabo tibi coronam vite. Quoniam.

Lectio VIII.

COMMENDAT placidam sue carnis absolutionem, quam domino specialiter se visitante percepit. Notum autem novi vestre fraternitati, quis sit ille discipulus quem diligebat Ihesus, Iohannes videlicet, ipse cuius hodie natalicia festa celebramus.

R. Cibavit illum dominus pane vite et intellectus et aqua sapientie salutaris potavit eum, * Et exaltavit eum apud proximos suos. **V.** In medio ecclesie aperuit os eius, et implevit eum spiritu sapientie et intellectus. Et.

Lectio IX.

DILIGEBAT autem eum Ihesus, non exceptis ceteris singulariter solum, sed pre ceteris quos diligebat familiarius unum, quem specialis prerogativa castitatis ampliori dilectione fecerat dignum. Omnes quippe se diligere probat, quibus ante passionem loquitur, sicut dilexit me pater: et ego dilexi vos.

R. In medio ecclesie aperuit os eius, * Et implevit eum dominus spiritu sapientie et intellectus. **V.** Iocunditatem et exultationem thesaurizavit super eum. Et. Gloria. Et.

V. Valde honorandus est beatus Iohannes. **R.** Qui supra pectus domini in cena recubuit.

In Laudibus. Ant. Hic est discipulus ille qui testimonium perhibet de his, et scimus quia verum est testimonium eius.

Ant. Hic est discipulus meus sic eum volo manere donec veniam. **Ant.** Ecce puer meus electus quem elegi, posui super eum spiritum meum. **Ant.**

Sunt de hic stantibus qui non gustabunt mortem donec videant filium hominis in regno suo. **Ant.** Si eum volo manere donec veniam, tu me sequere. **Cap.** Qui timet.

Ad Ben. Ant. Iste est Iohannes qui supra pectus domini in cena recubuit, beatus apostolus cui revelata sunt secreta celestia. **Oratio.** Ecclesiam. **Memoria de Nativitate. Deinde de sancto Stephano. Ant.** Ecce video. **V.** Corona aurea. **Oratio.** Da nobis.

Ad Terciam et ad alias horas, Capitula de communi evangelistarum. Ad Vesperas. Capitulum. Qui timet.

Ad Mag. Ant. In medio ecclesie aperuit os eius, et implevit eum dominus spiritu sapientie et intellectus, stolaque glo-

rie induit eum, alleluya alleluya alleluya.

Memoria de Innocentibus. Ant. Ambulabunt mecum in albis quoniam digni sunt, et non delebo nomina eorum de libro vite. **V.** Letamini in domino. **Oratio.**

DEUS cuius hodierna die preconium Innocentes martyres non loquendo sed moriendo confessi sunt, omnia in nobis vitiorum mala mortifica, ut fidem tuam quam lingua nostra loquitur eciam moribus vita fatetur. Per.

Memoria de Nativitate, deinde de sancto Stephano. Ant. Stephenus vidit.

Sanctorum Innocentium

Ad Matutinas. Invit. Venite adoremus regem regum, * Qui beatis martiribus coronam dedit glorie. **Ymnus.** Que vox que poterit. Te summa.

In Primo Nocturno. Ant. Novit dominus vias Innocentium qui non sterunt in viis peccatorum. **Ps.** Beatus vir. I. **Ant.** Rex terre infremuit adversus Christum, quia rex in Syon constitutus super Innocentium milia regnat. **Ps.** Quare fremuerunt. **Ant.** Deus iudex iustus iudica nos secundum innocentiam nostram. **Ps.** Domine deus meus. **V.** Letamini.

Sermo Beati Bernardi. Lectio Prima.

BENEDICTUS qui venit in nomine domini, Deus dominus et illuxit nobis. Benedictum nomen glorie eius quod

est sanctum. Neque enim ocio-
se venit quod ex Maria na-
tum est Sanctum: sed copiose
diffundit et nomen et gratiam
sanctitatis. Nimirum inde Ste-
phanus sanctus: inde Iohannes
sanctus: inde sancti etiam In-
nocentes. **R.**

SUB altare dei audiui vo-
ces occisorum dicentium,
quare non defendis sanguinem
nostrum, et acceperunt divi-
num responsum, * Adhuc su-
stinete modicum tempus do-
nec impleatur numerus fra-
trum vestrorum. **V.** Et date sunt
illis singule stole albe, et dic-
tum est illis. Adhuc.

Lectio Secunda.

UTILI proinde dispositio-
ne triplex ista sollemni-
tas, Natale domini comitatur,
ut non modo inter contiguas
sollemnitates, devotio contin-
ua perseveret: sed et fructus
dominice Nativitatis, exinde
nobis evidentius innotescat.
Siquidem advertere est in his
tribus sollemnitatibus, tripli-
cem quandam speciem sancti-
tatis: nec facile preter hec tria
sanctorum genera, quartum
aliud in hominibus posse arbi-
tror reperiri.

R. Effuderunt sanguinem
sanctorum velut aquam in cir-
cuitu Hierusalem, * Et non
erat qui sepeliret. **V.** Vindica
domine sanguinem sancto-
rum tuorum qui effusus est. Et.

Lectio Tertia.

HABEMUS in beato Stepha-
no martyrii simul et ope-
ris voluntatem, habemus so-
lam voluntatem in beato Io-
hanne: solum in beatis Inno-
centibus opus. Biberunt omnes
hi calicem salutaris, aut corpo-
re simul et spiritu, aut solo spi-
ritu, aut corpore solo. Calicem
quidem meum bibetis: ait do-
minus Iacobo et Iohanni. Bibit
ergo Iohannes calicem saluta-
ris. De Innocentium vero coro-
nis quis dubitat?

R. Adoraverunt viventem in
secula seculorum, * Mitten-
tes coronas suas ante thronum
domini dei sui. **V.** Et ceciderunt
in conspectu thorni in facies
suas et benedixerunt viven-
tem in secula. Mittentes. Glo-
ria. Mittentes.

In Secundo Nocturno. Ant. Ex
ore infantium deus et lacten-
tium laude perfecta destruis
inimicum. **Ps.** Domine domi-
nus noster. **Ant.** Iudicabit do-
minus pupillum et viduam, et
pluet super peccatores laqueos
ignis. **Ps.** In domino confido.
Ant. Mortis usuras rex impius
exegit super Innocentes, sed
illi requiescunt in monte sanc-
to dei, malignus ad nichilum
est deductus. **Ps.** Domine quis
habitabit. **V.** Exultent iusti.

Lectio Quarta.

ILLE pro Christo trucidatos
infantes dubitet inter mar-
tyres coronari: qui regenera-
tos in Christo non credit in-
ter adoptionis filios numera-
ri. Alioquin quando coevos sibi

pueros puer ille qui nobis natus est propter se pateretur occidi, qui utique solo nutu poterat cohibere nisi melius eis aliquid provideret?

R. Isti sunt sancti qui passi sunt propter te domine, vindica eos, * Quia clamant ad te cotidie. **V.** Vindica domine sanguinem sanctorum tuorum qui effusus est. Quia.

Lectio Quinta.

QUEMADMODUM igitur ceteris infantibus, tunc quidem circumcisio, nunc vero baptismus sine ullo proprie voluntatis usu sufficit ad salutem, sic nichilominus susceptum pro eo martyrium, illis sufficit ad sanctitatem. Si queris eorum apud Deum meritum, ut coronarentur: quere et apud Herodem crimina, ut trucidarentur. An forte minor Christi pietas quam Herodis impietas, ut ille quidem potuerit innoxios neci dare: Christus non potuerit propter se occisos coronare?

R. Cantabant sancti canticum novum ante sedem dei et agni, * Et resonabat terra in voces eorum. **V.** Sub throno dei sancti clamant vindica sanguinem nostrum deus noster. Et.

Lectio Sexta.

SIT ergo Stephanus martyr apud homines, cuius voluntaria passio evidenter apparuit in eo: vel maxime quod in ipso mortis articulo pro persequentibus quam pro se ipso

sollicitudinem gereret ampliorum, ut illorum scelera magis quam sua vulnera plangeret. Sit Iohannes apud angelos martyr, quibus tanquam spiritalibus creaturis spiritualia devotionis eius signa certius innotuerunt. Ceterum hi sunt plane martyres tui Deus: ut in quibus nec homo nec angelus meritum invenit: singularis tue prerogativa gratie evidentius commendetur.

R. Isti sunt sancti qui non inquinaverunt vestimenta sua, * Ambulabunt mecum in albis, * Quia digni sunt. **V.** Hi sunt qui cum mulieribus non sunt coinquinati virginies enim sunt. Ambulabunt. Gloria. Quia.

In Tertio Nocturno. Ant. Quis ascendet aut quis stabit in loco sancto dei innocentes manibus et mundo corde. **Ps.** Domini est terra. **Ant.** Innocentes adheserunt michi, quorum pedes avulsi sunt a laqueo mortis. **Ps.** Ad te domine. I. **Ant.** Filio regis datum est iudicium ut salvet innocentes filios pauperum, et humiliabit Herodem calumniatorem. **Ps.** Deus iudicium tuum. **V.** Iusti autem.

Lectio VII. Secundum Mattheum.

IN illo tempore: Angelus domini apparuit in somnis Ioseph dicens. Surge et accipe puerum et matrem eius: et fuge in Egyptum: et esto ibi usque dum dicam tibi. Et reliqua.

Omelia Venerabilis Bede Presbiteri.

DE morte preciosa martyrum Christi innocentum, sacra nobis est fratres karissimi evangelii lectio recitata, in qua tamen omnium Christi martyrum: preciosa est mors designata. Quod enim parvuli occisi sunt, significat per humilitatis meritum ad martyrii perveniendum gloriam, et quia nisi conversus fuerit quis, et effectus ut parvulus: pro Christo animam non possit dare.

R. Vidi sub altare dei animas interfectorum propter verbum dei quod habebant et clara voce dicebant, vindica domine sanguinem sanctorum tuorum, * Qui effusus est. **V.** Sub throno dei sancti clamant, vindica domine sanguinem nostrum. Qui.

Lectio VIII.

QUOD in Bethleem et in omnibus finibus eius occisi sunt: ostendit non solum in Iudea unde ecclesie cepit origo, sed et in omnibus eiusdem ecclesie finibus, quacunque per orbem diffusa est, persecutionem sevituram perfidorum, et piorum patientiam esse coronandam.

R. Sub throno dei sancti clamant, * Vindica sanguinem nostrum deus noster. **V.** Sub altare dei audiui voces occisorum clamantium et dicentium. Vindica.

Lectio IX.

QUI bimi occisi sunt doc-

trina et operatione perfectos indicant. Qui vero infra: simplices vel ydiotas fidei tamen non fecte constantia fortes: eque denuntiant. Quod illi quidem occisi sunt, sed Christus qui querebatur illesus evasit, insinuat corpora quidem ab impiis posse perimi, sed Christum pro quo persecutio tota sevit nullatenus eis vel viventibus vel occisis posse auferri.

R. Centum quadraginta quatuor milia qui empti sunt de terra, hi sunt qui cum mulieribus non sunt coinquinati virgines enim permanserunt, * Ideo regnant cum deo, et agnus dei, * In illis. **V.** Hi empti sunt ex omnibus primitie deo et agno et in ore ipsorum non est inventum mendacium. Ideo. Gloria. In illis.. Non dicatur, Te deum, nisi Dominica fuerit sed reincipiatur novum, R.

V. Exultabunt sancti in gloria. **In Laudibus. Ant.** Herodes iratus occidit multos pueros in Bethleem Iude civitate David. **Ant.** A bimatu et infra, occidit multos pueros Herodes propter dominum. **Ant.** Vox in Rama audita est, ploratus et ululatus, Rachel plorans filios suos. **Ant.** Sub throno dei sancti clamant vindica sanguinem nostrum deus noster. **Ant.** Cantabant sancti canticum novum ante sedem dei et agni et re-

sonabat terra in voces eorum.

Capitulum.

VIDI supra montem Syon agnum stantem, et cum eo centum quadraginta quatuor milia habentes nomen eius et nomen patris eius scriptum in frontibus suis. **Ymnus.**

CATERVA matrum personat, collisa deflens pignora, quorum tyrannus milia Christo sacravit victima.

Gloria tibi domine qui natus es de virgine, cum patre et sancto spiritu in sempiterna secula. Amen.

V. Mirabilis deus.

Ad Ben. Ant. Hi sunt qui cum mulieribus non sunt coinquinati, virgines enim sunt et sequuntur agnum quocumque ierit. **Oratio.** Deus cuius.

Memoria de Nativitate et de sancto Stephano, ut supra.

Memoria de sancto Iohanne.

Ant. Hic est discipulus ille. **V.** Annunciaverunt. **Oratio.** Ecclesiam.

Ad Terciam. Cap. Vidi supra. Responsoria et Versiculi plurimorum martirum ad omnes horas.

Ad Sextam. Cap.

HI sunt qui cum mulieribus non sunt conquinati, virgines enim sunt, et sequuntur agnum quocumque ierit.

Ad Nonam. Capit.

HI empti sunt ex omnibus primitie deo et agno et in

ore eorum non est inventum mendacium.

Ad Vesperas. Cap. Vidi supra. **Ymnus.** Que vox. Te summa. **V.** Letamini.

Ad Mag. Ant. Innocentes pro Christo infantes occisi sunt, ab iniquo rege lactentes interfecti sunt, ipsum sequuntur agnum sine macula et dicunt semper gloria tibi domine.

Memoria de sancto Thoma.

Ant. Hic est vere martyr. **Oratio.**

DEUS pro cuius ecclesia gloriosus pontifex Thomas gladiis impiorum occubuit, presta quesumus, ut omnes qui eius implorant auxilium, petitionis sue salutarem consequantur effectum. Per.

Memoria de Natali et de sancto Stephano ut supra. De sancto

Iohanne. Ant. Valde honorandus. **V.** In omnem. Oratio ut supra.

Sancti Thome Episcopi et Martiris

Ad Mat. Sicut unius martir, post orationem de festo fiat memoria de Natali et de sancto Stephano et de sancto Iohanne ut supra. De Innocentibus.

Ant. Herodes iratus. **V.** Mirabilis. **Oratio.** Deus cuius hodierna.

Ad Vesperas, Memoria de Nativitate. De sancto Stephano et de sancto Iohanne ut supra. De Innocentibus. Ant. A bimatu. **V.** Letamini. **Oratio.** Deus cuius. Per Octavas Nativitas et sanc-

torum fiat de ipsis memoria eo modo et ordine qui in tribus diebus precedentibus est notatus.

Sancti Silvestri Pape

Oratio.

DA quesumus omnipotens deus, ut beati Silvestri confessoris tui atque pontificis, veneranda sollemnitas, et devotionem nobis augeat et salutem. Per.

Memoria de Nativitate postea de sanctis, ultimo de Dominica si hac die evererit. Ad Matutinas sicut de uno confessore. Post orationem de sancto Silvestro memorai de Natali postea de sanctis ultimo de Dominica si hac die evererit.

In Octava sancti Stephani ad Matutinas, Invit. Christum natum. Ymnus de uno martire, prima antiphona, primi nocturni sola dicatur super psalmos de festo, versiculus de tercio nocturno unius martiris. Tria ultima responsoria de festo. Te deum. In Laudibus una sola antiphona, scilicet, Lapidaverunt. Cap., Ymnus, V, antiphona ad Ben., et Oratio sicut in festo. In hac die et deinceps usque ad Octavas Epyphanie inclusive cotidie nisi in vigilia et in die Epyphanie post alias memorias fiat memoria de beata Virgine in Laudibus et in Vepseris. In Laudibus per antiphona. Rubum. V. Benedictus. Oratio. Deus qui salutis. In Vesperis per antiphona.

Germinavit. V. Tanquam sponsus. Oratio ut supra. Ad horas diei, et ad Vesperas sicut in festo, eciam si in crastino fuerit Domionica. Quod si Octava sancti Stephani in Dominica evererit omnia fiant sicut in festo eiusdem servato modo festi simplicis.

In Octava sancti Iohannis et Innocentum omnia fiant de festis, servato ordine qui in Octava sancti Stephani est notatus.

In Octava sanctorum Innocentum si Dominica fuerint repetantur sex lectiones de festo supra posite, et tres sequentes sint ultime. Si vero non fuerit Dominica: legantur tres sequentes.

Idem in eodem. Lectio.

EX ore infantium et lactentium perfecisti laudem. Gloria in excelsis Deo angeli dicunt, et in terra pax hominibus bone voluntatis. Magna quidem sed audeo dicere necdum perfecta laus donec veniat qui dicat. Sinite parvulos venire ad me: quia talium est regnum celorum, et pax hominibus eciam sine voluntatis usu, in sacramento pietatis.

Lectio.

CONSIDERENT hec qui de voluntate et opere contentiosis solent disputationibus corrixari, et advertant neutrum negligi oportere. Ubi tamen facultas deest, non modo salutem conferre possit

sed etiam sanctitatem. Sed et hoc teneant, prodesse quidem opus sine voluntate, non autem contra voluntatem, ut unde salvantur infantes: inde magis damnentur fide accedentes. Nichilominus sane in quibusdam voluntas sine opere sufficiens est: non autem contra opus.

Lectio.

EMULEMUR proinde caritatem et sectemur bona opera fratres mei: nec infirmitatis nec ignorantie peccata ullo modo parvipendamus. Magis autem solliciti et timorati agamus gratias benignissimo et largissimo salvatori, qui humane salutis occasiones tam copiosa caritate perquirat, ut in his voluntatem et opus, in his sine opere voluntatem, in his etiam sine voluntate opus invenire letetur, qui vult omnes homines salvos fieri.

Sancti Pauli Heremite

Oratio.

DEUS qui nos beati Pauli confessoris tui annua sollemnitate letificas, concede propicius ut cuius natalicia colimus per eius ad te exempla gradiamur. Per.

**Sanctorum Hylarii et Remigii
Episcoporum**

Oratio.

DEUS qui nos sanctorum tuorum Hylarii et Remigii confessionibus gloriosis circumdandas et protegis, da nobis et

eorum imitatione proficere et intercessionem gaudere. Per.

**Sancti Felicis Presbiteri et
Confessoris**

Oratio.

CONCEDE quesumus omnipotens deus ut ad meliorem vitam sanctorum tuorum exempla nos provocent, quatinus quorum sollemnia agimus etiam actus imitemur. Per.

Sancti Mauri Abbatis

Oratio.

INTERCESSIO nos quesumus domine beati Mauri abbatis commendet, ut quod nostris meritis non valemus eius patrocinio assequamur. Per.

**Sancti Marcelli Pepe et
Martiris**

Oratio.

PRECES populi tui quesumus domine clementer exaudi, ut beati Marcelli martyris tui atque pontificis meritis adiuvemur, cuius passione letamur. Per.

Sancti Antoni Abbatis

Oratio.

INTERCESSIO. Ut supra.

**Sancte Prisce Virginis et
Martyris**

Oratio.

DA quesumus omnipotens deus, ut qui beate Prisce martyris tue natalicia colimus, et annua sollemnitate letemur, et tante fidei proficiamus exemplo. Per.

Sanctorum Fabiani et Sabastiani Martirum

Oratio.

DEUS qui beatos martyres tuos Fabianum atque Sebastianum virtute constantie in passione roborasti, ex eorum nobis imitatione tribue pro amore suo prospera mundi despiciere, et nulla eius adversa formidare. Per.

Sancte Agnetis Virginis et Martyris

Ad Mag. Ant. Beata Agnes in medio flammarum expansis manibus orabat, te deprecor venerande, colende, pater metuende, quia per sanctum filium tuum minas evasi sacrilegi tyranni, et carnis spurcicias immaculato calle transivi et ecce venio ad te, quem amavi, quem quesivi quem semper optavi. **Oratio.**

OMNIPOTENS sempiternus deus qui infirma mundi eligis ut fortia queque confundas, concede propitius, ut qui beate Agnetis virginis et martyris tue sollemnia colimus, eius apud te patrocinia sentiamus. Per. Memoria de martyribus nisi festa transferantur.

Ad Matutinas. In Primo Nocturno. Ant. Discede a me pabulum mortis quia iam ab alio amatore preventa sum. **Ps.** Domine dominus noster. **Ant.** Anulo suo subarravit me dominus meus Ihesus Christus et tanquam sponsam decoravit

me corona. **Ps.** Celi enarrant. **Ant.** Dextram meam et collum meum cinxit lapidibus preciosis, tradidit auribus meis inestimabiles margaritas. **Ps.** Domini est terra. **R.**

DIEM festum sacratissime virginis celebremus, qualiter passa sit beata Agnes ad memoriam revocemus, tercio-decimo etatis sue anno mortem perdidit et vitam invenit, * Quia solum vite dilexit actorem. **V.** Infantia quidem computabatur in annis sed erat se-nectus mentis immensa. Quia. **R.** Dextram meam et collum meum cinxit lapidibus preciosis, tradidit auribus meis inestimabiles margaritas, * Et circumdedit me vernantibus atque coruscantibus gemmis. **V.** Induit me dominus ciclade auro texta, et immensis monilibus ornavit me. Et.

R. Induit me dominus vestimento salutis et indumento leticie circumdedit me, * Et tanquam sponsam decoravit me corona. **V.** Tradidit auribus meis inestimabiles margaritas, et circumdedit me vernantibus atque coruscantibus gemmis. Et. Gloria. Et.

In Secundo Nocturno. Ant. Christus circumdedit me vernantibus atque coruscantibus gemmis preciosis. **Ps.** Eruc-tavit. **Ant.** Induit me dominus ciclade auro texta, et immensis monilibus ornavit me. **Ps.** Deus noster refugium. **Ant.** Posuit signum in faciem meam

ut nullum preter eum amato-rem admittam. **Ps.** Fundamen-
ta eius.

R. Amo Christum in cuius tha-
lamum introivi, cuius mater
virgo est, cuius pater femi-
nam nescit, cuius michi or-
gana modulatis vocibus can-
tant, * Quem cum amavero ca-
sta sum, cum tetigero munda
sum, cum accepero virgo sum.
V. Anulo suo subarravit me, et
immensis monilibus ornavit
me. Quem.

R. Mel et lac ex eius ore susce-
pi, * Et sanguis eius ornavit
genas meas. **V.** Cuius pulchri-
tudinem sol et luna mirantur:
ipsi soli servo fidem. Et.

R. Ipsi sum desponsata cui an-
geli serviunt, cuius pulchri-
tudinem sol et luna mirantur,
Ipsi soli servo fidem, * Ipsi me
tota devotione comitto. **V.** Dex-
tram meam et collum meum
cinxit lapidibus preciosis, tra-
didit auribus meis inestima-
biles margaritas. Ipsi. Gloria.
Ipsi.

In Tertio Nocturno. Ant. Mel et
lac ex eius ore suscepi, et san-
guis eius ornavit genas meas.

Ps. Cantate domino, I. **Ant.**
Cuius pulchritudinem sol et
luna mirantur, ipsi soli ser-
vo fidem. **Ps.** Dominus regna-
vit exultet. **Ant.** Ipsi soli ser-
vo fidem, ipsi me tota devotio-
ne comitto. **Ps.** Cantate domi-
no. II.

R. Iam corpus eius corpori meo
sociatum est, et sanguis eius

ornavit genas meas, * Cuius
mater virgo est, cuius pater fe-
minam nescit. **V.** Ipsi sum de-
sponsata cui angeli serviunt,
cuius pulchritudinem sol, et
luna mirantur. Cuius.

R. Pulchra facie, sed pulchrior
fide beata es Agnes, respuens
mundum letaberis cum ange-
lis, * Intercede pro omnibus
nobis. **V.** Specie tua et pulchri-
tudine tua intende prospere et
regna. Intercede.

R. Omnipotens adorande, co-
lende, tremende, benedico te,
* Quia per filium tuum unige-
nitum: evasi minas hominum
impiorum, et spurcitas diabo-
li impolluto calle transivi. **V.** Te
confiteor labiis te corde, te to-
tis visceribus concupisco. Quia.
Gloria. Quia.

In Laudibus. Ant. Ingressa An-
ges turpitudinis locum, ange-
lum domini preparatum inve-
nit. **Ant.** Mecum enim habeo
custodem corporis mei ange-
lum domini. **Ant.** Ipsi sum de-
sponsata cui angeli serviunt,
cuius pulchritudinem sol et lu-
na mirantur. **Ant.** Benedico te
pater domini mei Ihesu Chri-
sti, quia per filium tuum ignis
extinctus est a latere meo. **Ant.**
Congaudete mecum et congra-
tulamini, quia cum his omni-
bus lucidas sedes accepi.

Ad Ben. Ant. Stans beata Agnes
in medio flammarum expansis
manibus orabat ad dominum,
omnipotens adorande, colen-

de, tremende, benedico te, et glorifico nomen tuum in eternum.

Sancti Vincentii Martyris

Ad Vesperas. Super psalmos.

Ant. Iste est qui pro lege dei sui morti se tradidit non dubitavit mori, ab iniquis interfectus est et in eternum vivit cum Christo, agnum secutus est, et accipit palmam.

Psalmi unius virginis, Vel de Dominica, si in secunda feria propter Septuagesima festum e venerit vel transferatur.

R. Christi miles. **VI. Ad Mag.**

Ant. Sacram presntis diei sollemnitatem humili celebremus devotione, qua invictus Christi martyr Vincentius tyranno devicto: insignem victorie palmam celo gaudens intulit. **Oratio.**

ADESTO domine supplicationibus nostris, ut qui ex iniquitate nostra reos nos esse cognoscimus, beati Vincentii martyris tui intercessionem liberemur. Per.

Memoria de sancta Agnete, nisi festa transferantur. **Ant.** Ecce quod cupivi iam video, quod speravi iam teneo, illi sum iuncta in celis quem in terris posita tota devotione dilexi.

Ad Matutinas. Invit. Vincentem mundum adoremus dominum, * In quo pressuram mundi martyr vicit Vincentius.

In Primo Nocturno. Ant. Sanctus Vincentius a pueritia stu-

diis litterarum traditus, superna sibi providente clementia: gemina scientia efficacissime claruit. **Ps.** Beatus vir. I. **Ant.** Sanctitate quoque insignis diaconii arce suscepta: vices pontificis diligenter exequabatur. **Ps.** Quare fremuerunt. **Ant.** Valerius igitur episcopus, et levita Vincentius, spe fruendi victoria divinitus subnixi, in confessione deitatis alacriter cucurrerunt. **Ps.** Domine quid. **R.**

SACRAM presentis diei sollemnitatem humili celebremus devotione, qua invictus Christi martyr Vincentius tyranno devicto, * Insignem victorie palmam, celo gaudens intulit. **V.** Peracto passionis sue venerando triumpho, angelorum cetibus comitatur. Insignem.

R. Sanctus Vincentius Christi martyr providente superna clementia, que sibi eum providebat vas electionis futurum, * Gemina scientia efficacissime claruit. **V.** Sanctitate quoque insignis diaconii arce suscepta: vices pontificis diligenter exequabatur. Gemina.

R. Levita Vincentius dixit beato Valerio, si iubes pater sancte responsis iudicem aggrediar, iam tibi fili karissime divini verbi curam commiseram, * Nunc quoque, * Pro fide qua astamus responsa committo. **V.** Tibi enim gemina scientia pol-

lenti, ac superni amoris igne ferventi: celestis olim doctrine ministerium delegavi. Nunc. Gloria. Pro fide.

In Secundo Nocturno. Ant. Tanto namque feliciores se esse credebant: quanto acriora tyranni supplicia pia longanimitate certassent evincere. **Ps.** Cum invocarem. **Ant.** Levita Vincentius dixit beato Valerio, si iubes pater sancte responsis iudicem aggrediar. **Ps.** Verba mea. **Ant.** Iam tibi fili karissime divini verbi curam commiseram, nunc quoque pro fide qua astamus responsa committo. **Ps.** Domine dominus noster.

R. Ecce iam in sublime agor, et omnes principes tuos seculo altior tyranne, despicio, nolo gloriam meam minuas, nec damna inferas laudi, * Paratus sum enim ad omnia tormenta pro salvatoris nomine sustinenda. **V.** Insurge ergo, et toto malignitatis spiritu debachare, videbis me dei virtute plus posse dum torqueor: quam possis ipse qui torques. Paratus.

R. Assumptus ex eculeo levita Vincentius, atque ad patibulum raptus, tortores suos pene preveniens, * Moras carnicum arguendo ad penam alacriter properabat. **V.** Intrepidus itaque dei athleta candentis ferri machinam ultro conscendit. Moras.

R. Christi miles preciosus le-

vita Vincentius, ut tribunal sponte rogam conscendit intrepidus, * Cuius salis crepitantis per corpus minutie sparsim ibant, * Atque prunae vernabantur sanguine. **V.** Inter hec manet immotus ille dei servulus, orans Christum in sublime erectis luminibus. Cuius. Gloria. Atque.

In Tertio Nocturno. Ant. Beatus Vincentius cuius iam mens conscia corone dixit Datiano, hactenus a te habitus sermo de neganda fide peroravit. **Ps.** In domino confido. **Ant.** Nefarium tamen apud Christianorum prudentiam esse cognosce: deitatis cultum abnegando blasphemare. **Ps.** Domine quis habitabit. **Ant.** Profitemur enim Christiane religionis nos esse cultores, ac unius veri dei permanentis in secula famulos et testes. **Ps.** Domine in virtute.

R. Beatus dei athleta Vincentius, horrendo clausus ergastulo carceris, psalmum deo et ymnium, angelorum frequentia relevatus, letus dicebat, * Quorum vallatus caterva venerando fovebatur obsequio et mulcebatur alloquio. **V.** Dantur ergo laudes deo altissimo, et resonante organo vocis angelice modulata suavitas procul diffunditur. Quorum.

R. Agnosce o Vincenti invictissime, pro cuius nomine fideliter decertasti, * Ipse tibi coronam preparatam servat in

celis qui te fecit victorem in pen-
nis. **V.** Esto igitur iam securus
de premio, quia mox deposito
onere carnis nostro eris ad-
dendus collegio. Ipse.

R. Vir inclitus Vincentius mar-
tyr domini preciosus, suc-
census igne divini amoris:
constanter sustinuit supplicia
passionis, * Et per inmanita-
tem tormentorum: * Pervenit
ad societatem angelorum. **V.**

Cuius intercessio nobis obti-
neat veniam, qui per torme-
ta passionis eternam meruit
palnam et sempiternam coro-
nam. Et. Gloria. Pervenit.

In Laudibus. Ant. Assump-
tus ex eculeo levita Vincen-
tius, atque ad patibulum rap-
tus, moras carnificum arguen-
do ad penam alacriter prope-
rabat. **Ant.** Intrepidus itaque
candentis ferri machinam ul-
tro conscendit ac manens im-
motus, erectis in celum lu-
minibus dominum precaba-
tur. **Ant.** Hinc horrendo carce-
ris clausus ergastulo dei athle-
ta, angelorum venerando fo-
vebatur obsequio: et mulce-
batur alloquio. **Ant.** Agnosce o
Vincenti invictissime, quia pro
cuius nomine fideliter decer-
tasti: ipse tibi coronam prepa-
ratam servat in celestibus. **Ant.**
Dantur ergo laudes deo altis-
simo, et resonante organo vo-
cis angelice modulata suavitas
procul diffunditur.

Ad Ben. Ant. Egregius dei mar-
tyr Vincentius diris tormento-

rum suppliciis pro Christo ala-
criter superatis, ac felicis pu-
gne agone constanter expleto,
tandem preciosam resolutus in
mortem celo triumphatis spi-
ritum reddidit.

Ad Mag. Ant. Beatus Vincen-
tius applicatus tormentis alacri
vultu dei presentia roboratus,
dixit, hoc est quod semper op-
tavi et votis omnibus exquisivi.

Sancte Emerentiane Virginis et Martyris

Oratio.

INDULGENTIAM nobis domi-
ne beata Emerentiana vir-
go et martyr imploret, que tibi
grata semper extitit et meri-
to castitatis, et tue professione
virtutis. Per.

In Conversione Sancti Pauli

Ad Vesperas. Super psalmos.

Ant. Sancte Paule apostole pre-
dicator veritatis et doctor gen-
tium intercede pro nobis ad
deum qui te elegit. **Capitulum.**

SAULUS adhuc spirans mi-
narum et cedis in discipu-
los domini, accessit ad princi-
pem sacerdotum, et petiit ab
eo epistolas in Damascum ad
synagogas, ut siquos inveni-
ret huius vie viros ac mulie-
res, vinctos perduceret Hieru-
salem.

R. Magnus sanctus Paulus. **VI.**
Ymnus.

DOCTOR egregie Paule, mo-
res instrue, et mente po-
lum nos transferre satage, do-

nec perfetum largiatur plenius evacuato quod ex parte gerimus.

Sit trinitati sempiterna gloria, honor potestas atque iubilatio, in unitate cui manet imperium ex tunc et modo per eterna secula. Amen.

Ad Mag. Ant. Elegit dominus virum de plebe, et claritatem visionis eterne dedit illi, celebremus conversionem sancti Pauli apostoli, gadium sit in celo et in terra pax hominibus bone voluntatis. **Oratio.**

DEUS qui universum mundum beati Pauli apostoli predicatione docuisti, da nobis quesumus, ut qui eius hodie conversionem colimus, per eius ad te exempla gradiamur. Per.

Ad Matutinas. Invitat. Laudemus deum nostrum, * In conversione apostoli Pauli.

Ymnus. Doctor egregie.

In Primo Nocturno. Ant. Saulus adhuc spirans minarum et ceddis in discipulos domini: abiit ad principem sacerdotum, et petiit ab eo ut ubicumque inveniret huius vie viros: vinctos perduceret Hierusalem. **Ps.** Celi enarrant. **V.** Paternarum traditionum amplius emulator existens.

Post psalmum V. ante antiphona dicatur et hoc in consimilibus observetur. **Ant.** Ibat igitur Saulus furiis invectus, dirum toto pectore virus efflabat, et sanctorum sanguinem sine

intermissione sitiēbat. **Ps.** Benedicam dominum. **V.** Per totam Iudeam insania ferebatur, ut Christi membra laniaret in terris. **Ant.** Et subito circumfulsit eum lux de celo, et cecidit in terram nichilque videbat. **Ps.** Eructavit. **V.** Audivit autem vocem dicentem sibi, Saule Saule quid me persequeris. **R.**

SAULUS adhuc spirans minarum et ceddis in discipulos domini, abiit ad principem sacerdotum et petiit illum, * Ut ubicumque inveniret huius vie viros: vinctos perduceret Hierusalem. **V.** Ibat igitur Saulus furiis invectus, dirumque toto pectore virus efflabat. Ut ubicumque.

R. Ibat igitur Saulus furiis invectus, dirumque toto pectore virtus efflabat, * Et sanctorum sanguinem sine intermissione sitiēbat. **V.** Per totam Iudeam insania ferebatur ut Christi membra laniaret in terris. Et.

R. A Christo de celo vocatus et in terram prostratus: ex persecutore effectus est vas electionis, et plus omnibus laborans multo latius inter omnes verbi gratiam seminavit, * Atque doctrinam evangelicam sua predicatione complevit. **V.** Inter apostolos vocatione novissimus predicatione primus, nomen Christi multarum manifestavit gentium populis. Atque. Gloria. Atque.

In Secundo Nocturno. Ant.

Saule Saule quid me persequeris, quis es domine, ego sum Ihesus quem tu persequeris, durum est tibi contra stimulum calcitrare. **Ps.** Omnes gentes. **V.** Circumfulsit eum lux de celo et audivit vocem dicentem sibi. **Ant.** Saulus autem tremens ac stupens dixit ad Ihesum. Domine quid me vis facere, ait autem dominus ad eum, surge et ingredere civitatem et dicetur tibi quid te oporteat facere. **Ps.** Exaudi deus. II. **V.** Viri autem qui comitabantur cum eo stabant stupefacti. **Ant.** A Christo de celo vocatus et in terram prostratus ex persecutore factus est vas electionis. **Ps.** Exaudi deus. III. **V.** Prostratus est sevissimus persecutor sed erectus est fidelissimus predicator.

R. Vade Anania et quere Saulum, quia vas electionis est michi, ut portet nomen meum, * Coram gentibus et regibus et filiis Israhel. **V.** Ego enim ostendam illi quanta oporteat eum, pro nomine meo pati. Coram.

R. Ingressus Paulus in synagogas predicabat Ihesum Iudeis, affirmans * Quia hic est Christus. **V.** Stupebant autem omnes qui eum audiebant dicentem. Quia.

R. Magnus sanctus Paulus vas electionis vere digne est glorificandus, * Qui et meruit thronum duodecimum possidere. **V.** A Christo de celo vocatus et in

terram prostratus: ex persecutore effectus est vas electionis. Qui. Gloria. Qui.

In Tertio Nocturno. Ant. Viri autem qui comitabantur cum eo stabant stupefacti, audientes quidem vocem, sed neminem videntes. **Ps.** Confitebimur tibi. **V.** Saulus autem cadens in terram: apertis oculis nichil videbat. **Ant.** Ad manus autem illum trahentes introduxerunt Damascum, et erat tribus diebus non videns, et non manducavit neque bibit.

Ps. Dominus regnavit exultet. **V.** Surrexit autem Saulus de terra, apertisque oculis nichil videbat. **Ant.** Vade Anania et quere Saulum ecce enim orat, quia vas electionis est michi, ut portet nomen meum coram genitibus et regibus et filiis Israhel. **Ps.** Dominus regnavit irascantur. **V.** Dixit autem dominus in visu Ananie.

R. Tu es vas electionis sancte Paule apostole predicator veritatis in universo mundo, * Per quem omnes gentes cognoverunt gratiam dei. **V.** Intercede pro nobis ad deum qui te elegit. Per.

R. Sancte Paule apostole predicator veritatis et doctor gentium intercede pro nobis ad deum, * Qui te elegit. **V.** Ut digni efficiamur gratia dei. Qui.

R. Celebremus conversionem sancti Pauli apostoli, * Quia hodie ex persecutore effectus est vas electionis. **V.** Gaudent angeli et exultant archangeli,

et collaudant in celis filium dei. Quia. Gloria. Quia.

V. Dedisti. **In Laudibus. Ant.** Saulus qui et Paulus magnus predicator, a deo confortatus, convalescebat et confundeabat Iudeos. **V.** Ostendens quia hic est Christus filius dei vivi. **Ant.** Saule frater dominus misit me Ihesus qui apparuit tibi in via qua veniebas, ut videas et implearis spiritu sancto. **V.** Et abiit Ananias et intravit in domum et imponens ei manum dixit. **Ant.** Sub manu continuo Ananie ceciderunt squame ab oculis eius, et surgens baptizatus est, et accipiens cibum confortatus est. **V.** Fuit autem cum discipulis qui erant Damasci per dies aliquot. **Ant.** Prostratus est sevissimus persecutor, sed erectus est fidelissimus predicator, quos domine verbis edocet de te meritis ducat ad te. **V.** Inter apostolos vocatione novissimus predicatione primus. **Ant.** Ingressus Paulus in synagogas predicabat Iudeis Ihesum, affirmans quia hic est Christus. **V.** Stupebata autem omnes qui eum audiebant. **Cap.** Saulus adhuc. **Ymnus.** Eterna Christi.

Ad Ben. Ant. Celebremus conversionem sancti Pauli apostoli quia hodie, ex persecutore effectus est vas electionis, ideo gaudent angeli, letantur archangeli, et collaudant in celis filium dei.

Ad horas diei antiphone Laudum sine versibus.

Ad Terciam. Cap. Saulus.

Ad Sextam. Capitulum.

VADE Anania quoniam vas electionis michi est iste, ut portet nomen meum coram gentibus et regibus et filiis Israel.

Ad Nonam. Cap.

ET abiit Ananias et introivit in domum et imponens ei manum dixit, Saule frater, dominus misit me Ihesus qui apparuit tibi in via qua veniebas, ut videas et implearis spiritu sancto.

Ad Vesperos. Super psalmos.

Ant. Saulus qui et Paulus. si-ne versu. Cap., Ymnus, V, ut in Primis Vesperis.

Ad Mag. Ant. Cum autem complacuit ei qui me segregavit ex utero matris mee, et vocavit per gratiam suam, ut revelaret in me filium suum in gentibus, continuo non adquevi carni et sanguini, sed abii ad antecessores meos apostolos.

Sancti Iuliani Episcopi et Confessoris

Oratio.

EXAUDI domine preces nostras quas in sancti Iuliani confessoris tui atque pontificis sollemnitate deferimus, ut qui tibi digne meruit famulari, eius intercedentibus meritis ab omnibus nos absolvas peccatis. Per.

Sancte Agnetis Secundo

Oratio.

DEUS qui nos annua beate Agnetis virginis et martyris tue sollemnitate letificas, da ut quam veneramur officio etiam pie conversationis sequamur exemplo. Per.

Sancti Ignatii Episcopi et Martyris

Oratio.

DA quesumus omnipotens deus, ut qui beati Ignatii martyris tui atque pontificis sollemnia colimus, eius apud te intercessionibus adiuvemur. Per.

In Festo Purificationis Beate Marie

Ad Vesperas. Super psalmos.

Ant. O admirabile commercium creator generis humani, animatum corpus sumens de virgine nasci dignatus est, et procedens homo sine semine largitus est nobis suam deitatem. **Ps.** Laudate pueri. cum ceteris. **Cap.**

ECCE ego mittam angelum meum, qui preparabit viam ante faciem meam, et statim veniet ad templum suum dominator quem vos queritis, et angelus testamenti quem vos vultis. **R.** Gaude Maria. **IX.** cum prosa. Inviolata. **Ymnus.**

AVE maris stella dei Mater alma, atque semper virgo felix celi porta.

Sumens illud ave gabrielis ore,

funda nos in pace mutans nomen Eve.

Solve vincla reis, profer lumen cecis, mala nostra pelle, bona cuncta posce.

Monstra te esse matrem, summat per te precem qui pro nobis natus tulit esse tuus.

Virgo singularis inter omnes mitis, nos culpis solutos mites fac et castos.

Vitam presta puram, iter para tutum, ut videntes Ihesum semper collemur.

Sit laus deo patri summo Christo decus spiritui sancto, tribus honor unus. Amen.

V. Responsum accepit Symeon a spiritu sancto. **R.** Non visurum se mortem nisi videret Christum domini.

Ad Mag. Ant. Cum inducerent puerum Ihesum parentes eius accepit eum Symeon in ulnas suas et benedixit deum dicens, nunc dimittis domine servum tuum in pace. **Oratio.**

OMNIPOTENS sempiternus deus maiestatem tua supplices exoramus, ut sicut unigenitus filius tuus hodierna die cum nostre carnis substantia in templo est presentatus, ita nos facias purificatis tibi mentibus presentari. Per eundem.

Ad Completorium. Super psalmos. Ant. Sancta dei genitrix virgo semper Maria intercede pro nobis ad dominum deum nostrum.

Ad Nunc Dimittis. Ant. Nunc dimittis domine servum tuum

in pace, quia viderunt oculi mei
salutare tuum.

Ad Matutinas. Invit. Ecce ve-
nit ad templum sanctum suum
dominator dominus, * Gaude
et letare Syon occurrens deo tuo.

Ymnus.

QUEM terra, pontus, ethe-
ra, colunt, adorant, pre-
dicant, trinam regentem ma-
chinam, claustrum Marie ba-
iulat.

Cui luna, sol et omnia deser-
viunt per tempora, perfusa celi
gratia, gestant puelle viscera.

Beata mater munere cuius su-
pernus artifex mundum pugil-
lo continens ventris sub archa
clausus est.

Beata celi nuntio, fecunda
sancto spiritu, desideratus
gentibus cuius per alvum fusus
est. **Tempore Resurrectionis.**
Quesumus actor.

Gloria tibi domine qui natus es
de virgine cum patre et sancto
spiritu, in sempiterna secula.
Amen.

Predictus versus, Gloria tibi
domine qui natus, etc. dicatur
ad omnes ymni eiusdem metri,
quandocumque agitur de Beata
Virgine.

In Primo Nocturno. Ant. . Ps.
Domine dominus noster. **Ant. .**
Ps. Celi enarrant. **Ant. . Ps.** Do-
mini est terra. **℣.**